


SEMEDO, ALVARO, S. J. 1585-1658.

. 18686





HISTOIRE VNIVERSELLE DE LA CHINE,

DIVISE'E
EN TROIS PARTIES.

ELSE CYT STIF

12/14

HISTOIRE VNIVERSELLE DE LA CHINE,

Par le P. ALVAREZ SEMEDO, Portugais.

Auec l'Histoire de la Guerre des Tartares, contenant les reuolutions arriuées en ce grand Royaume, depuis quarante ans: Par le P. MARTIN MARTINI.

Traduites nouuellement en François.



A LYON,

Chez Hierosme Prost, ruë Merciere, au vase d'or.

ET SE VENDENT A PARIS,

Chez. Sebastien Mabre-Cramoisy, ruë S. Iaques, aux Cicognes,

M DC. LXVII.v6ctek AVEC PRIVILEGE DV ROY.



A MONSIEVR MONSIEVR IAQVES GAYOT,

CONSEILLER DV ROY
AV PRESIDIAL DE LYON.



ONSIEVR

Dans l'impatience où i estois de vous donner des témoignages publics durespect & de l'estime que i ay pour Vôtre a 3 Personne,

Personne, l'impression de ce Livre, que ie prens la liberté de vous offrir est venuë fort à propos, & dans une conjoncture tout à fait fauorable. En vous le dediant, MONSIEVR, ie ne luy cherche pas une protection pour le mettre à couvert de l'envie, & pour le faire mieux receuoir du public, parce que ie sçay que s'il n'a pas cela de luy-mesme, ce seroit faire tort à vôtre merite, que de le vouloir rendre garant du peu de cas que l'on en feroit, puisque cette maligne inclination de censurer les Ouvrages d'autruy, n'a pas épargné les Livres qui ont eu pour frontispice les noms des plus illustres Protecteurs. le ne vous le dedie pas non plus, Monsievr, afin de trouuer occasion de faire le Panegyrique de vos Vertus dans une Epistre liminaire: car outre que Vôtre modestie ne me le voudroit pas permettre, que pourrois-ie dire que tout le Monde ne sçeut mieux que moy? Apres que i aurois parlé de toutes Vos belles qualitez, pourrois-ie vanter l'Amour que vous avez, pour la lustice, à des gens qui ne l'eufsent pas ressentie, ou qui ne l'eussent pas apprise de ceux qui l'ont favorablement éprouuée, soit dans le fameux Presidial de cette Ville, où la lustice & la verité combatues Vous trouvent toujours:

jours si favorable, soit ailleurs, où vous auez, si fortement, & si heureusement parlé pour elles? Non, MONSIEVR, ce n'est pas dans les bornes d'une Epistre que ie pretens renfermer les Eloges que meritent vos Vertus, parceque ie sçay que cela reussiroit malentre mes mains, non plus que celles de Votre illustre famille, dont la Iustice, l'integrité , la prudence & la generosité peuuent estre dites les vertus domestiques. le me contenteray, Monsieve, ou plutost ie seray entierement satisfait, si cette genereuse bonté qui fait du bien à tout le Monde, iuge auantageusement de mon intention; & si elle reçoit ce premier Livre que ie donne au public, beaucoup plus ample que celuy qui a déja paru, comme un gage assuré de la passion, & du respect auec lequel ie suis & seray à iamais:

MONSIEVR,

Vôtre tres-humble, & tresobeissant seruiteur, HIEROSME PROST.



AV LECTEVR.






TABLE DES CHAPITRES

CONTENVS EN L'HISTOIRE vniuerselle de la Chine.

Par le P. ALVAREZ SEMEDO.

PREMIERE PARTIE.

Contenant l'Estat Temporel de la Chine.

Снар.	I. V Royaume en general.	page 1
II.	Des Prouinces en particulier;	
	mierement de celles du Mic	dy. 12
III.	Des Prouinces du Nord.	2.3
IV.	Des personnes, du naturel, de l'esprit, & de l'i	nclina-
	tion des Chinois.	33
V.	De la facon des habits, que portent les Chinois.	44
VI.	Du langage, & des lettres dont ils se seruent.	48
VII.	De leur façon d'estudier, d'escrire, & d'estre	e receus
	aux examens.	55
VIII.	De quelle maniere se font les examens, & se o	lonnent
	les degrez.	61
IX.	Du degré de Docteur.	68
Χ.	Des Liures & Sciences des Chinois.	71
XI.	Des Sciences & des Arts Liberaux en particul	icr. 76
XII.	Des complimens & de la ciuilité Chinoise.	86
XIII.	Des banquets.	97
	ę į	XIV.

Table des Chapitres	Ta	bl	e d	les.	Ch	ap	itr	es:
---------------------	----	----	-----	------	----	----	-----	-----

XIV.	Des leux.	100
XV.	Des Mariages.	103
XVI.	Des Funerailles & Sepultures.	108
XVII.	De la Sepulture de la Reyne Mere du Roy.	1.15.
XVIII.	Des Sectes qui sont à la Chine.	126
XIX.	De leurs Superstitions & Sacrifices.	136
XX.	De la Milice & des Armes.	141.
XXI.	De la Guerre que les Tartares firent aux Ch	
	147	
XXII.	Des Roys & Reynes dé la Chine, & de leurs E	unu-
	ques.	155.
XXIII.	De quelle façon les Roys se marient:	174
XXIV.	De la Noblesse Chinoise.	177
XXV.	Du gouuernement du Royaume & des Officiers.	180
XXVI.	Du gouuernement des treize Prouinces en partic	ulier.
	187	
XXVII.	Des marques & liurées que portent les Manda	irins.
	192	
XXVIII	Des Prisons, Sentences, & Supplices qui se pratiq	quent
	à la Chine.	197
XXIX.	De quelques particulariteZ qui rendent le goune	
	ment de la Chine plus facile & plus commode.	
XXX.	Des Mores, Iuifs, & autres Nations qui se trou	uent
	à la Chine.	220
XXXI.	De la Religion Chrestienne introduite & receu	
	la Chine il y a plusieurs siecles; & d'one pi	
	fort ancienne découuerte depuis peu, qui en es	t un:
	témoignage.	224.

SECONDE PARTIE.

Contenant l'Estat Spirituel de la Chine.

Снар.	I. DEs commencemens de la Predication de l'E- uangile au Royaume de la Chine. 243
	uangile au Royaume de la Chine. 243
II.	Des progreZ de la Religion, & des persecutions que
	souffrirent les Peres iusques à leur arriuée en la
	ville de Nankim. 253
III.	De quelques choses particulieres suruenues iusques à
	l'entrée des mesmes Peres dans la ville de Pekim.
	262
IV.	Comment les Peres entrerent à Pekim, & s'y esta-
	blirent. 271
V.	Des progrez & ruines de la Maison de Xoacheu.
	279
VI.	De l'auancement & du progrez de la residence de
	Nanguim & de Nancham, en de la mort du
	Nanquim & de Nancham, & de la mort du Pere Matthieu Ricci. 286
VIII.	De la sepulsure accordée aux Peres par le Roy, & de
·	leurs heureux succez iusques à la persecution de
	Nanquim, 294
VIII	De la cruelle persecution suscitée à Nanquim contre
,	les Chrestiens.
IX.	La suite de la mesme persecution, & le bannissement
	1. D 1 D 11 of
X.	
	Comment les choses s'appaiserent apres la persecution:
	A de la fondation de plusieurs residences. 330

Table des Chapitres.

XI.	De la deuxième persecution de Nanquim, & di	ımar-
	tyre d'un Chrestien nommé André.	339
XII.	Gomment les affaires s'addoucirent derechef,	er les
	Peres furent rappellez en Cour par l'ordre des	Man-
	darins.	348
XIII.	La vie & mort du Docteur Leon.	359

TROISIESME PARTIE.

Contenant les guerres des Tartares contre les Chinois. 375



HISTOIRE DE LA CHINE.

PREMIERE PARTIE.

ବ୍ୟକ୍ତ । ହେଉ । ଦେଖ ।

DE L'ESTAT TEMPOREL.

CHAPITRE PREMIER.

Du Royaume en general.



A CHINE en ce qu'elle contient de principal, est vne grande estenduë de terre jointe & continuë sans auoir rien, qui la parrage: & qui dans l'espace de dix-neuf degrés, qu'on compte depuis l'Isle de Haynam assez voisine de terre ferme sous le

vingt-quatriéme degré du Pole, iusques au quarante-troisiéme tirant vers l'Orient, embrasse yn circuit d'autant plus vast e, que ses extremitez s'estendent sans aucune proportion, & forment diuers contours, qui renferment dans cette enceinte vn seul Royaume aussi grand que l'Europe: outre plusieurs petites Isles qu'on void du costé du Couchant, si proches les vnes des autres, qu'elles semblent estre iointes, & ne faire qu'vn corps.

Cette Monarchie est diuisée en quinze Prouinces; chacune desquelles desquelles peut passer pour vn grand Royaume, comme ellesestoient anciennement sous des Roys particuliers. Des neuf qu'ils appellent les Meridionales, la plus grande partie est entrecoupée de riuieres si grosses & si larges, qu'en des endroits il est impossible de porter la veuë d'vn bord à l'autre, & qu'ailleurs on a bien de la peine à discerner ce qui paroît sur les riuages. Toutes sont nauigables, & le nombre des vaisseaux qui les couurent, est si prodigieux, qu'on ne sçauroit croire ce qu'on en pourroit dire auec verité. le dis seulement qu'elles surpassent en cela toutes les autres rivieres du monde. Je me souviens d'avoir demeuré huict iours entiers sur vn des plus petits bras du sleuue de Nanquim, auant que de pouvoir passer à Hancheu, tant la soule estoit grande, & d'auoir compté en moins d'vne heure d'horloge trois cens batteaux, de ceux-là seulement qui tenoient à l'encontre de nous. Ce que i'admire le plus c'est qu'en estant vn si grand nombre, ils sont si propres & si bien adiustez, si magnifiquement couuerts & si agreables pour la diuersité des peintures, qu'on diroit qu'ils sont plustost faits pour le divertissement, que pour l'ysage du commerce.

La façon qu'on y garde, est remarquable, dautant que les bateliers sont separez de l'appartement des passagers, qui peuuent se promener par le dehors tout autour du vaisseau sur des galeries sans estre aucunement incommodez de ceux du dedans. En quoy les habitans de la Prouince d'Hanceo ont vn auantage particulier, que les autres n'ont point.

Les six Prouinces plus septentrionales, comme elles sont dans vne mesme élevation de Pole que nous, elles ont aussi plus de raport auec nostre climat, & comme elles sont moins humides que les autres, elles sont aussi plus saines; quoy que generalement on iouisse par tout d'vne heureuse & longue vie, & qu'on trouue plu-

fieurs vieillars vigoureux & robustes.

Mais pour dire quelque chose en particulier de ce Royaume: il est si habité, que non seulement les villages, mais aussi les villes se regardent l'vne l'autre, & mesme se touchent en quelques endroits, où les riuieres sont plus frequentes. Ils ont quatre differentes sortes d'habitations communes, à sçauoir des grandes ci-

tez qu'ils appellent Fu; des moindres qu'ils nomment Ceu; dont certains Autheurs ont parlé diuersement : des Bourgs nommez Hien, & des Chasteaux appellez Cin, sans compter les villages & les hameaux qui sont presque sans nombre. La garde s'y fait sur les murailles, mesme dans le cœur du Royaume, tout le long de la nuit, qui se partage au son de la cloche, en quatre veilles, comme il se pratique communement ailleurs en temps de guerre; donnant pour raison de cette desiance, qu'vn danger pouuant surmenir à vne heure qu'on pense le moins, il est bon de se tenir toûjours sur ses gardes, puisque l'experience nous apprend, que toutes nos pertes inopinées ne prouiennent que d'vne trop grande confiance. Il y a pour cet effet des corps-de-gardes establis dans les places publiques, & des sentinelles posées par les ruës, auec zant d'ordre & de discipline, que si on les surpréd endormies, hors de leur poste, ou lentes à respondre, elles sont condamnées à receuoir des bastonnades, qui se payent sur le champ, sans autre forme de procez. Les portes des villes se ferment exactement tous les soirs, & ne s'ouurent iamais la nuit pour quelque occasion que ce soit, auant que d'estre pleinement éclaircis du succez. L'an 1634. ie me rencontray dans la ville de Kiamfi, où trente voleurs auoient forcé leurs prisons, & ayant chassé, battu, & tué leurs gardes, s'estoient mis en liberté. La chose sut incontinent sceuë, les portes demeurerent sans estre ouvertes tout le long du jour, suiuant leur coustume inuiolable, & les criminels furent pris auant la nuit, sans s'estre pû cacher dans vne si grande ville.

Vne marque que ce Royaume est merueilleusement peuplé, est qu'apres y auoir demeuré vingt-deux ans, ie me suis autant estonné du prodigieux nombre de peuple, qu'au premier iour: & à ne point mentir la verité surpasse de beaucoup les amplifications qu'on pourroit faire: puisque non seulement on est pressé & choqué par les rencontres dans les villes, dans les bourgs, & dans les places publiques, mais encore on trouue tant de monde sur les chemins, qu'on diroit que c'est vne assemblée, qui va aux nopces, ou à quelque solemnité. S'il faut s'en rapporter au liure des registres, où l'on tient le roole du menu peuple, sans comprendre les semmes, les enfans, les eunuques, les gens de lettres,

& ceux qui font profession des armes, dont le nombre est presque infiny, il s'en est compté pour vne fois iusques à cinquante-huict

millions cinquante-cinq mille, cent quatre vingt.

Les maisons, où ils font leur demeure, ne sont pas si superbes, ny tant de durée que les nostres: mais en reuanche elles sont plus commodes pour les appartemens des chambres, & plus recreatiues pour les embellissemens d'un excellent vernis, dont ils se seruent, nomme Charam, & de plusieurs belles peintures. Ce n'est pas leur façon de les éleuer bien haut, se persuadans que les basses sont plus commodes, rant pour l'habitation, que pour les services. Les plus curieux ont des basse-cours & des entrées pleines de fleurs & d'arbrisseaux, & mesme d'arbres fruitiers en quelques endroits tirant vers le Nord. S'ils ont assez de place, ils y plantent de grands arbres : ils dressent des montagnes artificielles auec des rochers qu'ils font apporter de bien loing, ils nourrissent des oyseaux, comme des Gruës, des Cygnes, & d'autres les plus agreables; ils entretiennent des bestes fauues, comme des Cerfs & des Daims; ils pratiquent des viuiers, où les poissons se lançans comme des fléches, font luire leurs escailles dorées aux rayons du soleil, & inuentent plusieurs autres choses plaisantes & curieuses.

Pour leur façon de bastir, ils commencent par le toit, éleuans la couverture fort proprement sur des colomnes de bois, qui sont d'autant plus estimées qu'elles sont plus grosses; & puis ils sont les murailles de brique, ou de semblables materiaux. Il est vray, qu'à ce qu'on dit, leurs edifices estoient autresois merueilleusement proportionnez, suivant les regles de l'art, qui se voyent encore dans leurs escrits, mais qu'ils n'observent qu'aux Palais des Roys, & aux bastimens publics, comme aux Tours des murailles des villes, qui sont de diverses figures, rondes, quarrées, & à huit faces auec des escaliers à vis & à ressorts, & des balustrades par le dehors.

Ils sont d'ailleurs magnifiques & curieux en meubles; se servans pour l'ordinaire de ce vernis, nommé Charam, dont i'ay parlé, qu'ils tirent d'une certaine espece d'arbres, qui naissent en leur pays, & aux lieux circonuoisins: & certes l'invention en est excel-

lente

lente, tant pour sa matière, qu'on peut remarquer aux ouurages qui se font à la Chine, & qu'on porte en Europe; comme pour la facilité de l'appliquer, soit qu'on vueille faire des choses neûues, ou rendre aux vieilles leur premiere beauté.

Quant à la bonté du pays, comme le Royaume est d'une grande estenduë, & situé sous divers climats, il produit vne telle diuersité de fruits, qu'il semble que la nature a voulu mettre en vn, ce qu'elle a distribué par tous les endroits du monde. Car il recueille au dedans de ses portes toutes les choses qui sont absolument necessaires à la vie humaine, & mesme il en a pour l'vsage des plaisirs en abondance: d'où vient qu'il n'est point contraint par la necessité de recourir aux estrangers, & de mendier d'eux; puis qu'il peut même enrichir de ses precieux restes, ses voisins, & les peuples éloignez, qui sont bien aises de les receuoir & des'en seruir. Sa plus ordinaire nourriture est celle de tous les hommes, à sçauoir le froment & le riz ; celuy-cy estant plus commun dans vn pais, & celuy-là dans l'autre. La Chine neantmoins est sifertile en tous les deux, que le Pico, qui est vne mesure contenant vingt-cinq liures de nostre poids, ne vaut communément que cinq reales, & c'est cherté quand il se vend sept & demie.

Aux Prouinces Septentrionales, on mange du pain de froment, d'orge & de maiz: & on ne se sert de riz que rarement, comme en Europe: qu'on reserue pour les païs du midy: lesquels quoyqu'ils recueillent aussi quantité de froment, ne s'en seruent qu'auce la mesme moderation, que nous rapportons pour l'vsage du riz & des autres sortes de fruits. Les legumes de disserentes especes sont le soulagement ordinaire des pauures, & la pasture commune des cheuaux, qui les mangent au lieu d'orge. Le commun peuple se sert d'herbes toute l'année, non seulement pour nourriture, mais encore pour remede de sa santé. Ils n'ont ny endiues ny chardons, mais ils ont bien d'autres herbes, qui nous manquent

quent.

Ils abondent en chair, mesme aux plus petits lieux, dont la plus commune est celle de pourceau: pour celle de bœuf, ils en tirent tous les os auant que de la mettre en vente. Il est vray qu'ils ont peu de gibier, d'autant qu'ils ne se plaisent pas à la chasse,

qui est neantmoins vn des plus agreables diuertissemens de la vie principalement celle des Sangliers, des Cerfs, des Daims & des Lieures, plûtost que celle des Lapins. Mais ils ont aussi dauantage d'oiseaux que nous, d'autant qu'ils ont tous ceux que nous auons, & plusieurs autres qui nous sont inconnus: par exemple ils ont deux sortes de perdrix, dont les vnes ne sont point differentes des nostres, si ce n'est pour le chant, au contraire de leurs Rossignols, qui sont beaucoup plus gros que les nostres, & neantmoins ils en reriennent & la voix & le chant. Les autres qu'ils estiment dauantage, pour ce qu'elles sont plus agreables à la veuë & au goust, ne se voyent point dans nos campagnes. Les oyseaux que nous voyons depeints sur leurs ouvrages, qu'on transporte en Europe sont presque tous de cette sorte; quoy que l'art surmonte toujours la nature, ou l'altere en quelque chose. De là vient que les Chinois sont merueilleusement instruits à appriuoiser toutes sortes d'oyseaux, qu'ils nourrissent dans leurs maisons. Les oyes paissent à troupes dans les champs, & ce qu'on raconte, qu'ils couuent les œufs par industrie, est veritable, sur tout au Printemps, quand ils n'ont pas besoin de la mere pour les couuer.

Les bestes farouches, comme les Tigres & les Loups, sont assez frequens par tout le Royaume sans estre dommageables. Les Elephans qu'on nourrit à la Cour, viennent d'ailleurs. Pour les animaux domestiques, soit pour porter la charge, soit pour labourer les terres, nous n'en auons aucun qu'ils n'ayent pareillement, & ils se servent des bœufs au labourage, comme nous, mais non pas pour porter la charge, comme font les Indiens. Aux païs qui tirent plus vers le midy, les Bufles supportent la plus grande partie du trauail, non qu'il n'y ait des cheuaux en quantité, mais qui n'ont ny force ny courage. Les carrosses y estoient autrefois en vsage: ils les quitterent, quand l'Italie & l'Espagne les prit enuiron l'an 1546. & comme ils virent que les chaises estoient de moindre despense, plus modestes & plus commodes que les carrosses, ils commencerent à s'en seruir : & aujourd'huy ils ne se seruent presque dans leurs voyages, que de litieres à mulets, ou de chaises portées par quatre, par six, ou par huict hommes, suiuant la condition des personnes. Les chaises qu'on porte par la ville sont semblables aux nostres, excepté celles des semmes qui sont plus grandes, plus aisées & mieux saçonnées & qui se portent diuersement. Et pource que l'abord de toutes sortes de personne est tres-grand à Nanquim & à Pekim, il y a pour ce sujet dans les places publiques plusieurs jumens bien harnachées auec leurs selles & leurs brides pour ceux qui veulent marcher par la

ville plus doucement & à moins de frais.

Le poisson est fort rare aux Prouinces Septentrionales, si ce n'est à la Cour, où iamais rien ne manque : la cause en est, qu'il va peu de riuieres, & qu'il faut l'apporter sec, & tout appresté diuersement des Prouinces du midy, où les rivieres, les lacs & les estangs sont plus frequens, pour estre plus voisines des costes de la Mer. On vient tous les ans y pescher dans la riuiere de Nanquim pour la table du Roy, & il est defendu sous de griefues peines, à toutes sortes de personnes de prendre aucune piece de celles qui sont mises en reserue, iusqu'à ce que le nombre qu'on demande, soit entierement parfait. Le voyage est de cinquante ou soixante iournées, neantmoins le poisson se conduit frais, sans estre salé par le moyen des appas, & des morceaux de viande qu'on leur donne de temps en temps. A la verité leurs truites ne valent pas les nostres, mais en recompense leurs esturgeons sont meilleurs, lesquels bien qu'ils soient fort prisez, ne se vendent pas plus de six blancs ou de trois sols la liure. On peut iuger de là le bon marché des autres choses.

Pour le regard des fruits, on ne fait point de cas des cerises ny des meures, à cause qu'elles n'ont aucun goust. Ceux de l'Europe y viennent presque tous, quoy qu'ils ne soient ny pareils en quantité, ny semblables en qualité, si ce n'est les Oranges de Canton, qu'on peut iustement appeller les Reynes de nos Oranges, & qui sont prises par quesques-vns pour de vrays muscats sous la figure & la couleur d'Oranges.

Les Prouinces du Midy produisent les meilleurs fruits de l'Inde, singulierement celle de Canton, qui porte les Ananes, les Manghes, les Bananes, les Giaches & les Giambes, comme ils les nomment, & d'autres d'vne bonté particuliere, qui leur sont

propres, tels que sont ceux que les Portugais appellent Licies, & les Chinois Lict, dont la peau est jaune comme de l'or, & qui par consequent, rendent les arbres merueilleusement beaux, quand ils, sont à leur maturité. Ces fruits ressemblent proprement à des prunes, & ont la figure d'vn cœur; & quand l'escorce en est tombée, qui n'est que contigue, ils paroissent comme des perles, plaisans à la veuë, & encore plus agreables au goust.

Ils en ont d'autres que nous nommons Longans, & eux lumyen, c'est à dire œil de Dragon, de la forme & de la grosseur d'vne noix, excepté que le noyau en est beaucoup plus petit, & l'os

doux & salutaire. On les trouve à Canton & à Fokien.

Il en croît d'vne certaine espece par tout le Royaume qu'ils nomment en leur langue Suzu; Les Portugais leur ont donné le nom de figues rouges, quoy qu'esse ciuement elles n'en ayent ny la couleur, ny la forme, ny le goust mesme. Car la couleur en est rouge au dehors, & dorée au dedans: la forme en est à peu pres, comme nos oranges, les vnes plus grosses, les autres plus petites, comme il est autrement impossible dans vne telle diuersité: leur escorce est extremément deliée, & d'vn goust le plus delicat qui soit au monde: leur semence est semblable à des amandes pelées: les meilleures se cueillent aux pays froids, à sçauoir aux Prouinces de Honan, Xiansi, Xensi, & Xantura, où il en vient des plus excellentes, & en plus grande quantité qu'en tout autre lieu. Ausfien sont ils seicher suffisamment pour fournir tout le Royaume, qui valent beaucoup mieux que nos sigues seiches, auec lesquelles elles ont quelque rapport.

La Prouince de Hanchu produit vn fruit particulier nommé Iammai, par ceux du pays, gros comme vne prune, tout rond, de la couleur & du goust d'vne meure, quoy que l'arbre soit tout à

fait different du meurier.

On ne cueille des pesches, qu'en la Prouince de Xensi, qui sont d'vne grosseur prodigieuse; les vnes rouges au dehors, & au dedans: les autres jaunes, semblables aux nostres pour la sigure & pour le goust.

Les melons viennent par tout, mais ie peus dire que les meilleurs ne valent pas nos bons: il n'en est pas de mesme de leurs concombres concombres & citrouilles, qui surpassent les nostres en nombre & en bonté.

Les raisins ne meurissent pas facilement par tout, & ne viennent qu'en treilles, excepté en la Prouince de Xensi, où il s'en cueille vne grande quantité, qu'on séche au Soleil, & au seu : car le vin se fait d'orge & de riz aux pays Septentrionaux; ou de pommes & de riz en quelques endroits du midy : bien que ce ne soit pas du riz ordinaire; mais d'vne certaine espece qui ne sert qu'à faire de la boisson.

La matiere dont ils font le vinaigre, est la mesme que du vins on en fait aussi de mil aux Prouinces Occidentales, qui est fort, &

de bon goust.

ر ۱ ۵

Le vin commun ne laisse pas d'enyvrer, quoy qu'il n'ait ny force ny resistance, & qui se garde peu. On le fait en toutes les saisons de l'année, mais le meilleur est celuy de l'hyver: on peut dire qu'il est vn agreable objet à tous les sens, puisqu'il recrée la veuë par sa couleur, qu'il plaist à l'odorat par son odeur, & qu'il est agreable à la bouche par sa douceur: d'où vient aussi qu'en toutes ces considerations il sert d'vn puissant motif aux yvrognes pour s'enyvrer, d'autant plus aisément, que ce vice n'est point honteux ny remarquable parmy les Chinois, qui boiuent toûjours chaud en quelque saison que ce soit, en Esté aussi bien qu'en Hyver.

Ce peuple fait vn estime particuliere des seurs, & pour dire vray, ils en ont de belles à perfection, de celles que nous auons & d'autres différentes. Leurs girossées sont musquées sans aucun artisce. Ils prennent de grands soins, pour conserver des fleurs dans leurs jardins, tout le long de l'année. Ils en ont quelques vnes & bien particulieres, qui surmontent les loix communes de la nature, & semblent estre affranchies du tribut ordinaire d'une courte vie, que les autres sont contraintes de payer à la rigueur des Hyvers. Car lors que ces plantes n'ont plus d'humeur pour entretenir leurs seuilles, & que le froid les a despoüillées de leur verdure, on met leurs fleurs les plus soües ves dans la neige, ou dans la glace pour les faire reuiure. Ceux du pays les nomment Lamui: elles ont plus d'agreément pour l'odorat, que pour la

veuë, & leur couleur tire vn peu sur la cire. Ils ont encore vne espece de lys, qu'ils appellent Tinohon, qu'ils gardent dans les maisons, pource qu'ils viuent & sleurissent en l'air, & se se conseruent hors de terre auec leurs racines entieres & incorruptibles.

Leurs habits & leurs meubles sont de laine, & lin, de soye, & de cotton, qu'ils ont en abondance, & dont ils sont de beaux ou-

urages de diuerses façons.

En vn mot le Royaume est prodigieusement riche, dautant que la terre, outre qu'elle est fertile & abondante en viures, & en tout ce qui est necessaire aux vsages de l'homme, comme on a peu suffisamment remarquer, de ce que ie viens de rapporter, elle produit encores les plus precieuses matieres de l'Orient qui se vendent aux Estrangers, comme l'or silé, battu, & sondu en lingots, les rubis, les saphirs, les semences de perles, le muschi, la soye cruë, silée & mise en ouurages, l'argent-vis, l'airain, l'estaing, le tomnaga, qui est une différente espece de metal plus pur & plus dur que l'estaing, qui luy ressemble, le vermillon, le salpestre, le soustre, le sucre, & plusieurs autres choses de moindre consideration.

Tout le monde connoilt assez maintenant leurs manufactures, les ouurages dorez, les meubles, les ornemens & les affiquets qu'ils sont non seulement pour seruir à la necessité, mais aussi pour contenter le luxe & la curiosité des Dames: qui leur donnent vne grande entrée, & comme vne porte ouuerte au commerce continuel.

Nonobstant cette grande affluence de biens, que la terre produit de son sein, accompagnée de l'industrie, des arts, & des commoditez qu'ont les habitans de gagner leur vie, & de prositer auantageusement, ils ne laissent rien perdre des moindres choses parmy tant de thresors qu'ils ont deuant leurs yeux, quand ils esperent d'en tirer quelque gain. D'où vient qu'ils sont soigneux d'amasser iusques aux os de bœuf, ou poil de pourceaux, & aux chetiss haillons, qu'ils trouuent dans les ruës. La maxime, qui leur sert comme de plege, & sur laquelle ils appuyent la durée de leur Empire, est Que le public doit estre riche, & les particuliers

culiers pauures. Aussi est-il vray, que ceux qui passent pour les plus riches, ne le sont pas, comme en Europe, ny iusques là mesme, qu'ils en puissent iustement posseder le nom; mais d'vn autre costé les pauures ne sont point si necessiteux, comme les pauures de par deça. La raison en est, que le nombre du peuple estant presque insiny, il n'est pas possible de trouuer dequoy les enrichir tous, ny des deniers suffisamment pour remplir tant de bourses: ce qui fait qu'estant partagez, peu en reçoiuent beaucoup, plusieurs mediocrement, & la pluspart fort peu: par ce moyen la monnoye vient à manquer, comme il se peut aysement voir du bas prix des marchandises, du peu de sa-laire des seruiteurs, de la dépence des bastimens, & des gages des Officiers.

C'est pour la mesme raison qu'en plusieurs païs on vitencore auiourd'huy, comme on faisoit anciennement sen Portugal, lors qu'auec vn Marauedis, qui vaut enuiron six deniers, on acheptoit six differentes choses. Le mesme se pratiquoit en Castille, non seulement aux premiers temps, mais encore sous le regne de Dom Iean premier, dont les papiers, que nous auons & luy, nous peuvent servir de sideles témoins de sa vie, de sa temperance, & de son heureuse mort. On void de là clairement, comme cette longue durée, & cette admirable continuité de l'Empire Chinois ne depend que de l'observation des loix & des coustumes anciennes, sans qu'il soit besoin d'accroistre iamais ses reuenus pour faire que les petites choses deviennent grandes, ou que les grandes paroissent plus grandes au luxe des habits, & à l'excez des tables, qui est l'entiere & l'infallible rusne des Republiques.

Pour vne plus grande preuue que l'argent est fort rare en la Chine, c'est que la liure de mouto ne se vend que quatre quatrins, qui sont enuiron seize deniers, & vn pigeonneau ne vaut pas plus de deux liards. Le salaire des valets auec sa despense pour toute vne année, ne se monte pas à plus de deux ces quatrins, qui ne sont pas trois liures & demye. Cette disette d'argent n'est pas également par tout, puisque vers le Midy, comme ils sont plus addonnez au commerce, ils sont par consequent plus pecunieux, & les den-

rées y sont plus cheres, & nous experimentons qu'elles encherissent de iour en iour, quoy qu'il n'y ait encore aucun excez iusques icy.

CHAPITRE II.

De chaque Prouince en particulier, & premierement de celles du Midy.



E vaste & florissant Royaume est divisé en deux parties, Meridionale & Septentrionale; & ces deux sont partagées en quinze Prouinces, comme nous auons dit en passant. Il y en a neuf, qui sont comprises dans la Meridionale, à sçauoir Can-

ton, Quamfi, Yunnam, Fukiem, Kiamfi, Suchuem, Vtquam, Cheliam, & Xanquim. Pour en donner vne plus claire intelligence nous parlerons premierement de celle-cy, & puis des autres au Chapitre suiuant, auec le mesme ordre, que nous les auons nommées.

La premiere donc est la Prouince de Canton, qui se nomme Quantum à proprement parler, située au Midy à vingt trois degrez d'éleuation. Elle est d'vne grande estenduë, riche & abondante en froment, & en riz qui s'y cueille ordinairement deux fois l'année de deux diuerses semences. Le sucre y croist en quantité, auec le fer, l'airain & l'estain, qui donnent la matiere à ces beaux ouurages, & à ces excellens vases vernissez de Charam, & dorez, qu'on porte en Europe.

La compagnie de lesus y auoit deux residences auec Eglises & Maisons, qui luy furent ostées durant les persecutions suscitées

contre les Chrestiens, comme nous dirons en son lieu.

Le peuple y est adroit & industrieux de la main, & bien qu'il ne soit pas des plus heureux à inuenter il reussit merueilleusement bien à suiure & imiter les inventions d'autruy. Les Marchands Portugais vont deux fois l'année trafiquer en la ville Capitale, qui se nomme pareillement Canton, quoy que son propre nom foit

soit Guamcheufu; qui est distante de Macao 105 milles, au lieu que la ville de Macao n'est éloignée des premieres Isles, & des plus grandes citez de ce Royaume, qu'enuiron de cinquantequatre: son circuit est de plus de quinze. Le concours des Marchands fait qu'elle est plus peuplée que plusieurs autres, & ensuite comme elle est plus frequentée, & plus libre, elle est aussi la plus riche, & la plus considerable de cét estat. Pour ne dire mot des diuerses marchandises, que les naturels du pais & les Estrangers y ameinent des six Royaumes voisins: & que les seuls Portugais y apportent de l'Inde, du Iapon, & de Manda, monte d'une année à l'autre iusques à cinq mille trois cens balles, ou coffres pleins de dinerses estoffes de soye; en chacun desquels il y a toujours cent pieces precieuses de velours, de damas, & de satin; deux cens cinquante de moindre prix, comme du demydamas, & du taffetas peint & simple: deux mille deux cens draps d'or, chacun du poids de douze onces; sept Pichi de musch, qui sont plus de trente-cinq arrobes, chaque arrobe pesant vingtcinq liures de seize onces chacune, outre les petites perles, le sucre, les porcellaines, le bois de la Chine, la Rheubarbe, les ouurages curieux & dorez & plusieurs autres choses de moindre consideration, qu'il seroit bien difficile de rapporter dans vne plus ample relation que celle-cy.

Cette mesme Prouince comprend dans son enceinte, l'Isle de Haynam, où se peschent les perles en abondance, & qui a vne ville du costé du Nord, auec plusieurs bourgs assez peuplez: & du costé du midy elle nourrit vn peuple sauuage, qui ne traite auec les Chinois que pour le seul trasic, sans vouloir dependre d'eux. Cette Isle produit le Preheux bois d'Aigle, & le bois de senteur nommé Hoalimo par ceux du païs, & bois de rose par les Portu-

gais auec plusieurs autres choses de moindre prix.

La Prouince de Quamsi, s'estend vers le Nord à costé de Canton au vingt-cinquiéme degré du Pole, toute sous vn mesme Climat, sans aucune difference tant soit peu remarquable. C'est la deuxième en ordre, qui n'a rien de particulier.

La troisième nommée Yuncam, qui est la plus reculée du cœur de la Chine à vingt-quatre degrez d'élevation, contient vn B 3 grand

grand païs, mais elle a fort peu de marchandises, & ie ne sçache point, qu'on transporte rien de cette Prouince, si ce n'est la matiere dont on fait les grains des Chapelets, que les Portugais nomment Alambras, & les Castillans Ambares, pour ce qu'ils sont semblables à l'ambre, & ie crois qu'ils ont vne vertu particuliere contre les dessuions. On tire cette matiere des mines à gros quartiers plus rouge & moins pure que l'ambre que nous auons. C'est en ce païs seulement que la coustume du Royaume est violée par la liberté, que les semmes prennent d'aller vendre & achéter publiquement, comme il se pratique au reste du monde.

A l'autre costé de Canton en tirant vers l'Orient on trouve la quatriéme Prouince dite Fukiem, ou Chincheo à vingt-six degrez du Pole, la pluspart montueuse, & consequemment peu cultiuée. Les naturels contre les loix de l'estat vont chercher les Estrangers, & negocient auec leurs voisins, qui sont assez frequens sur ces costes de Mer. La terre y produit de l'or & du plus pur, du sucre en abondance, de la chanvre pour faire des toiles: car le lin ne vient point à la Chine. Il s'y fait aussi vne grande quantité de toute sorte de papier, qu'on donne à bon marché. L'imprimerie y est en vsage, non moins commode, & tout autant qu'on peut iuger, plus ancienne qu'en Europe; quoy qu'elle ne soit pas tout à fait semblable, d'autant qu'icy on rompt les formes, & distribuë les lettres, à mesure qu'on a tiré les feuilles, mais là les lettres sont grauées sur des tables, qui se gardent & demeurent auec les liures dans les boutiques : d'où vient que sans nouueaux frais, & sans autre composition, on en peut faire autant d'impression qu'on veut, & toutessois & quantes qu'on en a besoin. Le pais est maritime, & consequemment comme vne grande porte, par où les gens du païs adroits & pleins d'esprit tont passer vn grand conuoy de marchandises à Manila, au Iapon, & principalement à Belle-Isle, qui est deuant leurs yeux, le voyage n'estant que de vingt-quatre heures, quand le vent est bon, où ils trafiquent auec les Hollandois.

Nostre compagnie y possede deux maisons & deux Eglises. Apres aueir produit vn grand nombre de bons Chrestiens, qui

viuent

viuent sous sa direction, & qui ont enuiron dix Eglises, que nous visitons de temps en temps. Les deux principales sont en la ville de Fucheu, qui est la Metropolitaine, vne autre est à Cieum-cheu, & les autres pareillement en d'autres villes, sans comprendre les Chapelles & les Oratoires particuliers.

Belle-Isle est assise entre la Chine & le Iapon à 22. degrez de la hauteur du Pole: sa longueur est de 150. milles, & sa largeur de 75. Auant que d'y pouvoir arriver, il faut passer toutes les

Isles, dites Liquen, qui sont en fort grand nombre.

Les Hollandois y tiennent une forteresse dans un valon sablonneux auec vn port au dessous entouré tout à l'entour d'escueils & de banes de sable, qui rendroit l'abord difficile & l'entrée dangereuse mesme à ceux du pais, si la route n'estoit marquée auec de gros piliers de bois pour la conduite des vaisseaux. Les Espagnols y ont basty une forteresse de l'autre costé de l'Isle, qui regarde vers l'Orient, éloignée à ce qu'ils disent de celle des Hollandois de 90. milles par Mer, & de 45. par terre. Les campagnes sont si fertiles, que l'herbe y croist jusques à la hauteur de neuf ou dix pieds, qui sert de pasturage aux troupeaux des Hollandois. Les Cerfs y courent à troupes, & en si grand nombre qu'il n'est pas croyable à qui ne la pas veu. Le P. Albert Miceschi, qui a esté quelque temps en cette Me Esclaue, m'a raconté que s'en allant vn iour à cheual dans les forests voisines auec le congé de son maistre, pour chercher des herbes medicinales, il apperceut sur les chemins vne telle quantité de Cerfs, qu'il creut au commencement que c'estoient des troupeaux domestiques, qui paissoient par les champs; mais comme il se fut approché de plus prés, il connût que ses yeux ne l'auoient point trompé. On y void pareillement plusieurs de ces animaux nommez Alces, que r'auois toûjours crû iusqu'à cette heure qu'on n'en trouvoit qu'en Lituanie, & aux pais circonuoisins. Ils en ont encore d'autres, que ie ne connois point, d'autant qu'ils sont tout à fait differens des nostres: quoy que pour le reste le pais ait plus de rapport auec l'Europe, que toutes les autres Prouinces des Indes: car l'air y est sain & temperé, comme dans nos Royaumes. La terre y produit des espiceries, comme du poivre dans les forests, du cinnamome

cinnamome sur les montagnes, du bois de Canfre qui est d'une hauteur prodigieuse, de la racine de la Chine, & de la Salsa Pariglia en quantité d'endroits, & de plus elle a des mines d'or, que

les Hollandois n'ont pas encore ouuertes.

Les naturels du païs vont tous nuds, tant les femmes que les hommes, sans cacher mesme ce que la honte & la pudeur ont coustume de faire couurir aux plus sauuages peuples de l'Inde. Leurs habitatios sont rondes faites de ione de diuerses couleurs, qui les font paroistre belles de loing. Leur viande la plus ordinaire est la chair de Cerf, qu'ils mangent aussi grasse que la chair de Pourceau; & puis le riz dont ils font du vin, qui a du corps & de la force. Plusieurs embrassent les erreurs de Caluin par l'induction des Ministres Hollandois, & viuent vertueusement. Ils sont grands, dispos, & si agiles qu'ils passent les Cerfs à la course. Les Seigneurs du pais portent vne couronne façonnée de testes de morts arrangées proprement les vnes auec les autres, & entrelassées auec des cordons de soye, qui sont les despouilles de leurs ennemis qu'ils ont tué à la guerre. Le Roy porte en teste deux grandes ailes faites de diuers plumages: quelques-vns portent des couronnes de pommes d'or, & les autres en font de paille tissuë de poil de buffle. De plus'ils se ceignent par le milieu du corps d'vne ceinture de iones fort tendres, cordonnez artistement, & portent sur leur poistrine déux escailles de tortuë auec vn petit marteau de bois en la main, qui leur seruent de tambour pour donner le signal. Il y a vne autre petite Isle assez proche de là, qui n'est habitée que par des Sauuages, qui massacrent tous ceux qui les abordent. Le P. Miceschi, dont i'ay déja parlé, en vid vn, qui estoit haut de quinze paulmes, autant qu'il pût iuger, qui auoit esté pris par les Hollandois.

Nous mettons au cinquiéme rang la Prouince de Kiamsi, qui touche Canton du costé du Nord à vingt-neuf degrez de son éleuation. Elle commence aux costes de plusieurs montagnes, qui se vont ioindre sur les confins de Canton & qui donnent la naissance à deux riuieres, dont l'vne prend son cours au Midy, qui est nauigable & porte bateaux dés sa source; l'autre se pousse vers le Nord, & apres auoir arrousé la meilleure partie de la Pro-

uince,

nince, se charge des eaux d'vne autre grande riuiere, qu'elle recoit dans son sein de la Prouince d'Huquam, & puis estant ainsi accruë, elle continuë son cours sous le celebre nom du Fleuue de Nanquim. Les chemins de ces montagnes, qui vont se joindre à vne si bonne ville, sont rendus considerables par la commodité du passage des Marchands, & par la voiture des Marchandises, qu'on porte communement sur le dos des hommes & des enfans proportionnement à leurs forces, chacun s'accoustumant de bonne heure à ce mestier le plus ordinaire du pays. Le voyage est presque d'yne journée, qui est beaucoup, pour voir tout ce qui passe, d'autant que n'y ayant point d'autres ponts, & ces rivieres estants les plus frequentes de la Chine pour les traittes & pour le commerce, on ne sçauroit croire l'abord & le concours des hommes & des marchandises qui vont & viennent sans cesse par ces lieux de passage. La coustume du pays est qu'on décharge toutes les marchandifes dans vn logis, & puis qu'on les reçoiue au poids dans yn autre auec tant de fidelité, qu'il n'est point besoin de la presence du Patron pour les garder, d'autant que les Maistres du logis sont obligez pour quelque accident qui survienne, de rendre compte de tout, & de parfournir ce qui pourroit manquer. Ils sont tenus outre cela de faire deux festins, ou au moins vn à leurs hostes les plus qualifiez, aux Marchans, & mesme à leurs valets, comme par vne essay, & s'ils ne sont pas bien traittez, ils ne manquent pas de s'en plaindre, & de les menacer qu'ils quitteront leur maison, & s'en iront ailleurs; s'ils ne veulent mieux faire.

Telle est la conduite, qui rend illustre l'auarice d'vne hostellerie. Ie m'oubliois de dire que les Maistres du logis sont encore
obligez, des aussi-tost que leurs hostes sont embarquez dans vn
vaisseau, de leur enuoyer vn ou deux presens, comme des fruicts,
du poisson, de la viande, ou de la volaille, sans en receuoir vn denier, non plus que du logement, ny du lict. Ce que l'adiouste expressemét, pource que les hosteleries ne fournissent point le lict,
mais vn chacun de ceux qui vont par pays, porte le sien, & quelque-fois mesme sur ses espaules, s'il n'a point d'autre commodité.
Il est vray, que comme ils ne sont pas si grands, ny si massis que
les nostres, ils sont beaucoup moins pesans. Quel est donc leur
prosit

profit, me direz-yous? En ce qu'ils reçoiuent vn pour cent de toutes les marchandises, qui viennent par eau dans les vaisseaux, & de tout ce qui se transporte par terre sur le dos des crocheteurs, D'où vient que l'abord estant si grand, le gain qu'on en retire, ne sçauroit estre petit. Tout se sait par l'entremise de gens affidez qui empéchent qu'il ne se commette point de tromperie, & s'ils

en découurent quelqu'vne, ils la font bien payer.

Les Marchands sont traitez moins honorablement, mais plus fauorablement à la Doüane. Ils n'ont aucune maison affectée pour décharger, peser & visiter leurs marchandises: & mesme sans qu'il faille les desembarquer, on s'en rapporte à leur liure de compte, & on paye à veuë d'œil ce qu'on iuge à peu prés estre dû pour les droits du passage. Que si les Passagers ne sont pas Marchands, quoy qu'ils soient seuls ou auec leurs Seruiteurs dans vne barque, & qu'ils ayent cinq ou six caisses pleines des choses, qui se transportent communément d'vne Prouince à l'autre, on ne les ouure point, & on n'en exige rien: au lieu qu'en Europe on écorche honteusement vn pauure voyageur; en luy demandant plus qu'il ne porte.

Les Marchands estrangers, qui viennent aborder au port de Ellacao, dés aussi-tost qu'ils ont mouillé l'ancre, peuvent décharger, comme il leur plast, sans trouver aucun empêchement: & ne payent rien aux Peagiers qu'à proportion de la grandeur de leurs vaisseaux, sans auoir égard à la qualité des Marchandises.

Mais pour retourner à la Prouince de Kiamsi, de laquelle nous parlions; elle abonde en riz & en poisson, & sur tout elle est si peuplée d'hommes, que les Chinois les appellent communement Laochu, c'est à dire, souris, & rats. Nous auons vne chose pareille en Portugal entre les riuieres de Duer & du Ming, sur les confins du Royaume de Galice, où le peuple est si épais, qu'on luy donne le mesme nom, quoy que ie sçache bien là dessur l'opinion des hommes doctes, qui le font venir de Rates, vne terre fort ancienne de cette coste.

Ce peuple se répandant par le Royaume comme des essains d'abeilles, s'applique à diuers mestiers: & la pluspart sont des pauures miserables, qui paroissent si secs, si maigres, & si mes-

quins

quins qu'ils passent pour vn prouerbe, & seruent de risée dans les

Cette Prouince est renommée pour les Estourgeons prodigieux qu'on y pesche, & dauantage pour les vases de porcelaine, qui s'y font, seulement dans vne ville: de sorte que tout ce qu'on en vse dans le Royaume, auec tout ce qui s'en debite par tous les endroits du monde, vient de ce seul lieu, quoy que la terre, dont on les fait, se tire d'ailleurs: mais elle a l'eau propre à detremper la terre, & si absolument necessaire pour la perfection de ces ouurages, qu'il n'est point d'autre eau, qui leur puisse donner le lustre. Car il ne faut pas tant de mysteres, comme on nous veut faire croire, ny pour la matiere, ny pour la forme, ny pour la façon; tout le secret consiste en la nature de la terre, qui a cette proprieté, & qui au reste se détrempe & se paîtrit au mesme temps, & de la mesme façon que nos vases de terre, seulement on y apporte vn peu plus de diligence & d'application. L'azur dont ils se seruent pour peindre la porcelaine, est l'Anil, comme ils l'appellent, qu'ils ont en abondance: quelques vns la font peindre de vermillon: celle du Roy est jaune.

Cette Prouince & celle de Chincheo & de Canton se joignent en pointe, & forment comme vn Angle, qui renserme au milieu quantité de montagnes, où est vn petit Royaume auec vn Roy particulier, qui ne releue aucunement du Roy de la Chine, & qui se desend & se maintient contre luy, quand il pretend l'attaquer, ce qui n'est pas beaucoup dissicile pour l'auantage du lieu, qui n'a qu'vne seule entrée. Ils reçoiuent à la vente des Medecins Chinois, pour les traiter en leur maladie, mais ils ne veulent point du tout de lettrez pour le gouuernement de leur estat. Quand la moisson n'est pas bonne, & qu'ils se voyent en disette des bleds, ils vont au pillage, & marchent par rangs, enseignes deployées & tambour battant, comme à la guerre. Lan 1632. cette Prouince

de Kiamsi en sut notablement endommagée.

Ie ne diray qu'vn mot de la Chrestienté qui florit en cette contrée, où nous auons deux maisons & deux Eglises, l'vne en la ville de Naucham, qui est la Metropolitaine, & l'autre à Nauhium. La sixième Prouince, qu'on nomme Suchuen, est en mesme parallele, & en mesme latitude, que la Prouince de Kiamsi, & n'a

rien de remarquable qui merite d'estre raconté.

Huquan est la septiéme, tirant vn peu plus vers le Nord à trente vn degrez de latitude. Il n'y en a aucune, qui soit plus abondante en riz: d'où vient que les Chinois disent communement, que le reste du Royaume ne donne qu'vne simple collation, au regard de la Prouince de Huquan, qui sournit des prouisions pour toute l'année. Elle est riche en huile, & en poissons, estant arrousée de plusieurs riuieres & lacs qui paroissent comme de grandes mers. A mon arriuée en ce pays, on commença d'esta-

blir vne Residence en la ville capitale.

La Prouince de Cakiam, qui est la huictiéme, est au trentiéme degré du Pole, la pluspart maritime, fertile & presque toute entrecoupée de diuerses rivieres, dont le cours est si paisible & si calme, qu'elles entrent dans les villes, & arrousent les places publiques. Elle passe pour vne des plus riches, & produit les plus precieuses marchandises, singulierement la soye, qui se distribue par tous les endrois du monde, cruë, preparée, en sils & étoses. Il n'en sort point d'autre du Royaume: & quoy que toute la Chine nourrisse des vers à soye, ce qu'ils silent, ne suffiroit pas seulement pour faire des mouchoirs. Le nom de la ville capitale est Hamcheu: où nous auons deux Eglises, que nous auons reduites en vne pour de bonnes raisons: & qui est auiourd'huy comme la Mere d'vn grand nombre de vertueux Chrestiens, la pluspart des personnes de qualité.

Quoy que cette Prouince ayt plusieurs choses qui la rendent recommandable, elle en a trois particulieres. La premiere est le lac de Sihu, le plus beau, & le plus delicieux du monde, qui a six lieuës de tour, dont les bords sont couverts de Palais magnisques, entourez de montagnes, reuestuës d'vne agreable verdure, & ombragées de plantes & d'arbres: l'eau en est viue, & coule tousiours entrant d'vn costé, & sortant de l'autre, claire comme vn miroir, qui arreste les regardans auec plaisir, & leur découure jusques aux plus petits grains de sable, qui sont au sonds. Il y a des leuées de pierres, pratiquées exprés, qui le trauersent comme des

ruës, sur lesquelles on peut marcher, & satisfaire à sa curiosité: il y a pareillement des bateaux preparez d'vne iuste grandeur, pour y prendre les diuertissements, & pour y dresser des sestins. La cuisine est aux deux bouts, & la sale au milieu: auec vn estage au dessus couuert de rideaux pour les Dames, qui ne veulent pas estre veuës. Ils sont peints & dorez auec beaucoup d'artisse, & pourueus abondamment de toutes les prouisions necessaires pour vne nauigation, qui n'est pas des plus longues, & qui est tousiours plus dangereuse de faire des naustrages dans le vin, que dans l'eau: & où neantmoins les Perses sont bien considerables, la pluspart des Grands, à qui ces maisons appartiennent, y dépensants leur bien, & quelquessois beaucoup plus qu'ils n'ont vaillant.

La deuxième rareté de ce Pays est la soye, tant à cause de l'abondance, dont i'ay déja parlé, que pour le merueilleux artifice qu'ils ont d'en mettre vne bonne partie en ouurages d'or riches & curieux. Cette seule espece de soye, dautant qu'elle leur plaît, & qu'elle est à leur mode, n'est iamais employée pour les Estrangers, mais reseruée, comme vne chose rare, pour les Palais du Roy, lequel la fait tous, les ans mettre à part pour cette sorte

d'ouurages.

La troisséme particularité remarquable est le Culte des Idoles, qui se fait voir dans la structure des Temples superbes bastis à leur honneur.

La derniere Prouince des neuf, qui sont au Midy, est Nanquim, sous le trente-deuxième degré de l'éleuation, vne des meilleures du Royaume, & la plus belle sleur de cette couronne. Elle ne tient aucun registre des choses considerables, ou des ouurages precieux qu'elle produit, comme si elle estoit incapable d'en auoir d'autres, & de loger ailleurs ses perfections qui sont tres-grandes accompagnées d'vne agreable diuersité, auec tant d'auantage par dessus toutes les autres Prouinces, que les Marchands ont cette pratique pour faciliter la vente de leurs marchandises de dire qu'elles sont de Nanquim: & par ce moyen de les vendre aussi plus cher.

La partie, qui tire plus au couchant, est la plus riche, & fait vn si grand trasic au rapport de ceux du païs, de coton, qu'il a plus de deux cens mille mestiers de toile de cette matiere dans l'enceinte de la seule ville de Xanuchi : de là vient que ce détroit rend au Roy tous les ans cent cinquante mille escus. Vne maison tient plusieurs de ces meltiers, d'autant qu'ils sont estroits à proportion des toiles: c'est l'occupation ordinaire des femmes.

Cette Prouince a esté durant long-temps, le sejour de la Cour, & mesme encore aujourd'huy on en conserue les Tribunaux & les Privileges dans la ville de Nanquim, ou plûtost Vmthiemfu, s'il faut la nommer de son propre nom, qui pour cette raison me femble estre la meilleure & la plus grande de toute la Chine, pour la forme & symmetrie de ses bastimens, pour la disposition & largeur de ses ruës, pour le trafic & commerce des habitans, pour l'abondance & bonté de toutes choses.

Elle a tout au tour des lieux de recreation, & est si peuplée aux enuirons, que les villages se touchent durant deux ou trois lieuës: & quoy qu'aujourd'huy, pour estre priuée de la presence du Rov, elle soit moins habitée, qu'elle n'estoit autrefois; si est ce qu'en beaucoup d'endroirs il est difficile de marcher par les ruës, à cause de la foule du peuple. Ce qui la rend plus agreable, ce sont les Palais, les Temples, les Tours & les Ponts. Elle a douze portes à ses murailles reuestuës de fer, & garnies de pieces d'artillerie ; auec vne autre muraille éloignée de la premiere, & ruinée en plusieurs lieux, dont le tour est de deux iournées de chemin à cheual: & celuy de la muraille interieure de dix-huit milles. Dans l'entredeux il y a des maisons, des champs & des jardins qui se cultiuent, & le pain qu'on fait du bled qui s'y ciieille, estoit destiné pour la nourriture des soldats, qui gardoient la ville jusques au nombre de quarante mille.

Dans vne ruë de la ville, on void sur vne haute montagne, vne Sphere artificielle d'vne notable grandeur, qui est d'vn ouurage excellent. Elle n'est pas montée, quoy que les Cercles soient posez à la mesme haureur que la ville, de trente-deux degrez, qui est peu, au respect des grands froids, & beaucoup pour les extre-

mes chaleurs qu'on y souffre.

Il ya de plus vne Tour diuisée en six estages d'vn merueilleux trauail, pour la beauté des figures dont elle est remplie, & pour fon

fon artifice, estant toute faite, comme de la porcelaine; qui est vn edifice digne d'estre mis parmy les plus celebres de l'ancienne Rome. La riviere en mouille le pied, & mesme entre dedans par des canaux. Son propre nom est Yanchukam, qui veut dire, fils de la Mer, qualité qu'elle merite de porter à iuste tiltre, n'y ayant point de riviere au monde que ie sçache plus pleine d'eau & de poisson que celle-cy.

Nous auons quatre Eglises en cette Prouince; la premiere à Nanquim auec vne maison pour nos Peres, qui est vne des plus anciennes, & des plus éprouvées de la Chrestienté de la Chine, pour auoir sousser courageusement quatre persecutions diverses. La seconde est en la Ville de Xamhaj auec vn grand nombre de Fideles. La troisséme en la cité de Sumkiam: & la quatriéme à Kiatim, sans mettre en ligne de compte, vn grand nombre d'oratoires à l'vsage des Chrestiens. C'est assez par lé des neus Prouin-

ces du midy: parlons maintenant des autres.

CHAPITRE III.

Des Prouinces du Nord.

Es Prouinces qu'ils nomment Boreales, sont six, à sçauoir Honam, Xemsi, Kiansi, Xantum, Pekim & Leaotum.

La premiere, qui est à trente-cinq degrez de l'élevation du Pole, produit les meilleurs fruits de la terre, tant de ceux qui sont communs en Europe, que d'autres particuliers, qui se donnent presque pour rien: puisque le cent des abricots ne se vend qu'vn quatrin & demy. Autrement elle n'arien de remarquable, sinon qu'elle est le sejour ordinaire, & la demeure arrestée d'vn sils du Roy Fouan, le dernier qui est sorty du Palais de son pere: où il vit auec la magnificence & l'authotité d'vn Roy, ne luy manquant rien que la liberté, pour l'estre. La principale ville de la Prouince s'appelle Caisum, dans laquelle nous auons depuis quelques années vne maison & vne Eglise peuplée d'vn grand nombre de Chrestiens.

La deuxième est Xemsi, qui tire vn peu vers le couchant au trente-sixième degré de latitude, d'vne vaste estenduë, mais seche, & consequemment aride, à faute d'eau, aussi bien que les trois autres Prouinces les plus voisines; qui nonobstant ne laisse pas d'estre fertile & abondante en froment, en maiz & en orge: pour du riz, elle en produit fort peu. Ils nourrissent de froment, le long de l'hyuer, le bestail qu'ils ont en grand nombre, & particulierement les brebis, qu'ils tondent trois sois l'année, au printemps, en esté & en automne: mais la premiere toison est toû-

jours la meilleure.

C'est de là que viennent les laines, dont on fait la bure & les autres étoses qui se distribuent par les Prouinces. Ils n'en sont neantmoins aucun drap, pour ne la sçauoir pas bien siler; mais seulement du poil de cheure, duquel ils sont certains draps propres pour l'ameublement des chambres, qui sont si prisez, que le commun vaut beaucoup mieux que le meilleur des nostres, & le meilleur est plus estimé que la meilleure soye. Ils en sont aussi de la bure pour les habits, non pas indisferemment de toute sorte de laine, mais de la plus courte, qui croît sous le grand poil. Ils la tirent, & cardent soigneusement, & en sont des pelotons de la grosseur d'vn pain ordinaire, puis ils la mettent en œuure auec persection.

Ce qui est de plus particulier à cette Prouince, c'est le musch, & asin qu'on sçache d'où prouient cette odeur royale, ie raporte-ray sidelement, ce que i'en ay appris, apres vne exacte & curieuse recherche, que i'en ay faite. C'est le nombril d'vn animal, qui est de la grandeur d'vn petit Cerf; duquel on mange la chair, comme celle des autres animaux: il n'y a que cette seule partie qu'on retranche, pour sa matiere precieuse. Il est neantmoins veritable, que toutes ces petites bourses de musch, qu'on porte en nostre Europe, ne sont pas de vrays & purs nombrils; d'autant que les Chinois les sophistiquent; & ayant leué la peau, ils ostent le meilleur, & mettent en la place, du musch éuenté & mixtionné

de quelques autres parfums.

On y recüeille encore de l'or, non pas à la verité des mines, que le Roy ne veut pas qu'on ouure, quoy qu'il y en ayt plusieurs d'or

de

d'or & d'argent, mais des riuieres & des riuages: où il se trouve en petits grains qu'on assemble, & comme il y a vn grand nombre de toutes sortes de personnes ieunes & vieilles, qui s'employent à cette recherche, il s'en amasse aussi vne grande

quantité.

On y trouue la Rhubarbe & les parfums, qui ne naissent point aux autres païs, car il est hors de doute, que celle qui vient de la Perse, ne s'y cueille point, au raport de tous ceux qui ont le plus voyagé par ces païs, & qui sont venus par terre iusques aux Indes; personne n'y ayant iamais veu cette herbe salutaire. Elle croist fort haut, & a ses sueilles plus larges que des choux, & ceux qui ont crû que c'estoit vne plante sauuage, se sont trompez, puis qu'on la cultiue auec vn grand soin dans les jardins

domestiques.

Enfin c'est cette Prouince, qui ouure la troisséme porte, dont i'ay déja parlé cy-dessus, au commerce & aux marchandises; dautant que comme la Prouince de Canton a Macao vers le midy, cette-cy a sur ses confins deux Citez Cancheu & Sucheu vers le couchant, où se vont rendre ces grandes & nombreuses carauanes, qui sont plus de mille personnes de diuerses nations, la pluspart Mores. C'est là qu'arriua nostre Frere Benoist Goez; quand il cherchoit le Royaume de Catay, qui n'est instement que le païs de la Chine. Ie veux raconter à ce propos la suite de

ion voyage.

Il sortit de l'Inde au Caresme de l'an 1603. par le commandement de ses Superieurs, pour reconnoistre au vray ce qu'on disoit du Royaume de Catay, & partit de Mogor, de la ville Royalle de Laor, portant quant & soy des marchandises, tant pour luy ayder à viure, que pour passer auec plus de liberté. La carauane estoit de cinq cens hommes presque tous Sarrasins, qui ont coustume de partit tous les ans de cette ville pour aller dans la Capitale d'vn autre Royaume, nommé Cascar. Apres vn mois de voyage, il gaigna la ville d'Athu de la mesme Prouince de Laor: apres deux autres mois & demy, il vint à Paussaur, & apres vn mois & demy de repos, & de voyage, il ioignit la ville de Ghideli, où peu s'en fallut qu'ils ne sussent tous assassinez par vne troupe

de voleurs. Et apres vingt mois entiers il arriua à la ville de Cabul, qui est vne des plus marchandes de toutes les Prouinces suiettes au grand Mogor. Il passa en suite apres quelque peu de repos à Paruam, qui est la derniere ville de Mogor; & de là prenant le chemin des hautes motagnes, il marcha durant vingt iours, auant que d'arriuer à Calcia, qui est vn païs habité d'vn peuple blond, & puis durant vingt cinq autres pour venir à Cheman, où il sut contraint de seiourner l'espace d'vn mois, à cause de quelque sou-leuement du peuple. Apres auoir soussert de long trauaux, encouru diuers dangers des rebelles, & des assassins, & trauersé de grands païs du Roy Samarhan, ils entrerent tous de compagnie dans les terres de Tengo, & ensin il arriua dans la ville Metropolitaine du Royaume de Cascar, qu'on nomme Tanghesar, au mois de Nouembre de la messme année.

La Carauane des Marchands qui viennent de Cabul, se termine en cette ville, qui est l'abord general de ces Royaumes, & il se fait vne nouuelle societé pour la carauane de la Chine. Nostre frere demeura là quelque temps, attendant l'occasion propre pour partir, & sit si bien qu'il se mit dans les bonnes graces du Roy du Païs, & en tira des lettres de faueur pour l'auancement de ses affaires.

Il partit au mois de Nouembre de l'année suiuante auec des cheuaux pour son seruice, pour son compagnon, & pour la conduite de son bagage, en compagnie de la Carauane, qui prit la route de Catay, c'est à dire de la Chine, & apres auoir marché vingt-cinq iours par des chemins pleins de pierres & de sablons, il arriua en la ville d'Acsu, qui appartient au Roy de Cascar, & puis ayant trauersé les deserts de Caracathai, c'est à dire terrenoire, & parcouru beaucoup de villes, il se trouua dans la ville de Cialis du mesme Royaume de Cascar.

Cependant qu'il s'appressoit pour son voyage, les autres Marchands retournerent de la Chine, par le moyen desquels le Frere Benoist apprit des nouvelles de la Cité de Pekim, & de nos Peres, que les Marchands Sarrasins y auoient veu : ce qui me fait dire asseurement, qu'il n'est point d'autre Catay, que la Chine, & que la ville Royale, que les Mores nomment Gambalu, est celle

de Pekim. Nostre frere en partit en compagnie de peu de monde, & en vingt iours arriua a Pucian, & puis à Turphan, & Aramuth, & delà à Camul, qui est la derniere ville du Royaume de Cialis. Ils n'employerent que neuf iournées de chemin pour venir jusques aux murailles de la Chine, en vu lieu nommé Chiaicuon, qui luy donna l'entrée & luy ouurit les portes de la Chine, qu'il cherchoit sous le nom de Catay. Ainsi, si vous ostez l'espace d'onze iournées qu'il chemina sur les terres des Tartares, tout

le reste de son voyage fut par les pays des Mores.

Pour reprendre le fil de nostre histoire. Les Ambassadeurs des Princes Mores vincent auec cette Carauane, suiuant la coustume qu'ils ont d'enuoyer tous les trois ans vne Ambassade, & quelques petits presens au Roy de la Chine, & tous les cinq ans vne grande & extraordinaire. La pluspart d'eux s'arresterent sur les frontieres dans les deux villes, que l'ay nommées pour y negocier, & vendre leurs marchandises, les autres s'acquitterent de leur commission, & vinrent faire leurs presens de la part de cinq Roys, à sçauoir de Rume, d'Arabie, de Camul, de Samarcan, & de Tursan: dont les quatre premiers ne sçauent rien du tout de cette negociation par la voye d'vne Ambassade:le cinquiéme, bien qu'il la sçache, n'enuoye neantmoins ny hommes ny presens au Roy de la Chine, mais seulement nomme les chefs des Deputez. Ce sont les Marchands eux mesmes qui font ces presens: & dés aussitost qu'ils sont entrés dans le Royaume, ils vont trouuer le Vice-Roy, qui donne aduis de leur arriuée au Roy par vn escrit, qu'ils nomment remonstrance. Quand on a eu responce de la Cour, & qu'on a écrit leurs noms & leurs qualitez, ils partent quarante ou cinquante de compagnie, qui pour auoir la liberté de negocier dans le Royaume, & pour estre nourris aux despens du Roy, ne manquent pas de graisser la main au Capitaine, qui les conduit, & de luy donner vne bonne piece d'argent. Il v a toussours vn Mandarin deputé pour les accompagner, qui les loge splendidement tout le long du voyage : que s'ils veulent s'arrester en quelque ville, comme ils ont fait durant plus de trois mois en la Capitale de la Prouince, ils ne sont plus traitez aux despens du Roy, quoy. qu'ils pe laissent pas de continuer leur commerce.

Les marchandises qu'ils portent auec eux sont du sel Armoniac, de l'azur sin, des Toiles sines, des Tapis, des raisins cuits, des couteaux, & telles autres danrées de peu de prix. La meilleure de celle dont ils ont le plus, est vne certaine pierre nommée Yaca, qui se prend du Royaume de Yauken, dont la couleur tire sur le blanc: la plus precicuse est verre, qui estoit autresois, & est encore auiourd'huy fort recherchée des Chinois, qui en sont des ioyaux & des paremens de teste, desquels on se sert ordinairement à la Cour: & la ceinture que le Roy donne aux Colai, pour marque de leur charge en est garnie, sans qu'il soit permis à aucun autre d'en porter de semblables. Ce qu'ils emportent en échange de ce qu'ils laissent, est de la Porcelaine, des Rubis, du Musc, du fil, & des draps de soye, sorce petites pieces curieuses, des simples & des drogues medicinales, comme de la Rhubarbe, qui est à mon aduis celle, qui passe de la Perse en Europe, y ayant esté

portée de la Chine par ces Marchands.

Les Ambassadeurs estans introduits deuant le Roy, luy font leurs presens, qui sont mille arrobes, c'est à dire mille trois cens trente trois liures de cette pierre precieuse, de laquelle i'ay parlé vn peu auparauant, dont il y en a trois cens de la plus fine: trois cens quarante cheuaux, qu'on a laissé sur la frontiere: trois cens pointes de petits diamans, douze Cattes de fin azur, qui font enuiron cent liures du poids d'Italie, six cens couteaux, & tout autant de limes. Et commeil me sembloit que ce dernier present ne meritoit pas d'estre presenté à vn Roy, ie sus curieux vn iour de demander à quels vsages il pouvoit s'en seruir, & il n'y eut personne, qui m'en peut éclaircir. Seulement vn Capitaine me dit, que c'estoit une ancienne pratique que les presens sussent ainsi composez, sans qu'aucun osât les changer. Pour les autres marchandises qu'ils portent auec eux, s'il y en a quelqu'vne qui plaise au Roy, il les fait voir & achepter. Le Roy les regale à leur retour, & leur donne à chacun deux pieces de toile d'or, trente de soye jaune, trente liures de Cha, dix de Musc, cinquante d'vne medecine qu'on nomme Tienyo, & autant d'argent. Ces Sarrasins m'ont dit que les presens qu'ils donnoient au Roy, ne coustoient pas plus de sept mille escus en leur pays; mais que ce qu'ils retiroient

roient du Roy pour leurs Ambassades & pour les frais de leurs voyages, montoit au moins à cinquante mille, qui est à la verité

beaucoup gaigné; mais c'est vn ordinaire aux Princes.

Vn autre Carauane sort de la mesme Prouince pour le grand & puissant Royaume de Tiber, chargée de plusieurs marchandises, & entre autres de toiles de soye, de Porcelaine & de Cha, le Cha est la fueille d'vn arbre semblable au Myrthe: qui est en quelques Prouinces de la grandeur du Basilic, & en d'autres comme de petits Grenadiers : qu'ils font seicher au seu sur vn instrument de fer, où elle s'vnit & se lie ensemble. Il y en a de plusieurs sortes, la pointe des fueilles est toûjours plus delicate & plus pure que le reste, comme c'est le propre de toutes les plantes en general. La liure peut monter à vn escu ; il y en a qui ne vaut pas deux sols, suiuant qu'elle est, tant est grande la difference de l'vne à l'autre. Estant ainsi seiche, & mise dans l'eau chaude, elle est au commencement desagreable en sa couleur, en son odeur & au goust; mais l'vsage la rend agreable & frequente en la Chine, & au Iaponid'autant qu'ils s'en seruent non seulement pour breuuage au repas, mais encore pour festin aux hostes qui les visitent de mesme façon que les peuples Septentrionaux versent du vin; les Chinois ayans cette creance que c'est vne incivilité de ne presenter que des paroles à ceux qui viennent dans leurs maisons, fussent-ils estrangers: à tout le moins faut-il donner du Cha, & si la visite est vn peu longue, on y adiouste quelques douceurs, & quelques fruits, qu'on sert sur la table, ou bien qu'on met en deux plats sur vne petite table quarrée. Il se raconte de merneilleux effets de cette espece de fueilles, comme c'est sans doute, qu'elle est fort falutaire, & qu'à la Chine & au Iapon on n'est iamais trauaillé de la pierre, & que mesme on n'en sçait pas le nom, qui est vn signe certain, que l'vsage ordinaire de ce breuuage est vn preseruatif contre ce mal. Il est constant pareillement, qu'elle deliure de l'assoupissemét ceux qui veulét veiller, ou par necessité, ou par diuertissement, dautant qu'elle abbat les fumées, & descharge la teste sans aucune incommodité. Enfin c'est vne chose assez connuë, qu'elle soulage merueilleusement les hommes d'étude, pour le reste, comme ien en ay pas de certitude, ien'oserois l'asseurer.

On a trouué dans cette Prouince vne marque tres-euidente de l'antiquité du Christianisme, qui a fleury autrefois en la Chine, comme nous dirons en son lieu.

Nous auons vne Eglise en la ville Capitale, & vne Maison assez bien sondée par la liberalité des Chrestiens, qui ont plusieurs

Oratoires secrets pour l'entretien de leurs deuotions.

La troisième Prouince, entre les six qui sont septentrionales: de laquelle ie desire parler maintenant, à trente huit degrezide latitude, & est couverte la pluspart de montagnes, qui la rendent sterile en froment, & beaucoup plus en riz, & encore dauantage en maiz : mais en recompense elle est si chargée de vignes qu'elle pouruoit tout le Royaume de raisins cuits, & pourroit mesme faire si elle vouloit sa prouision de vin, comme nous faisions en nostre Residence, où nous cueillons assez de vin pour les Messes, & pour en fournir suffisamment aux autres Residences, voisines. Comme nous auons des puits d'eau en Europe, ils en ont de feu à la Chine pour les seruices de la maison: pource qu'y ayant au dessous des mines de souffre, qui déja sont allumées, ils n'ont qu'à faire vne petite ouuerture, d'où il sort assez de chaleur, pour faire cuire tout ce qu'ils veulent. Au lieu de bois, ils se seruent communement d'vne espece de pierres, qui ne sont pas petites, comme en quelques-vnes de nos Prouinces, mais d'vne grandeur considerable. Les mines, d'où l'on tire cette matiere qui brûle si aysement, sont presque inépuisables. En quelques endroits, comme à Pekim, & à Honam, ils sçauent si bien les preparer, que le feu ne s'esteint-point ny le iour, ny la nuit. Ils ont des soufflets propres pour l'allumer.

Nous auons vne Eglise & vne maison dans la Cité de Chiamcheu, & vne autre en celle de Phucheu, auec vn grand nombre de Chrestiens illustres en vertu, & en noblesse, qui ont leurs Oratoires, comme par tout ailleurs, pour suppleer au dessaut des

Eglises.

La quatrième, qu'on appelle Xantum, sous le vingt-troisséme degré de l'éleuation du Pole, assisée entre Nanquim, & Pekim, est pauure & disetteuse: elle est souvent infectée des grillons & des sauterelles, qui causent vne horrible samine par tout le pays.

L'an L'an mil six cens seize, vn chien se vendoit plus cher pour manger, qu'vn ieune homme pour seruir. Elle est neantmoins assez riche en bestail, & abondante en nos fruits, particulieremen en grosses poires, qui sont fort bonnes. Il y croit aussi vne autresorte de fruit, qui ressemble à nos poires de bonne race, dont la quantité est si prodigieuse, que le Royaume en est tout plein; il s'en voit jusques à Macao, nonobstant la distance de l'vne à l'autre, qui sont trois grandes Prouinces, qui en doiuent estre

fournies, auparauant, que d'en porter plus loin.

Pekim, est la cinquiéme sous le quarantiéme degré du Pole; qui a maintenant cét auantage, que la Cour est en la ville Capitale, qui porte son nom: quoy que proprement elle se nomme Xunthiensu, & Cambalu, par les Mores. Cette bonne sortune, s'il faut ainsi parler luy est arriuée de ce qu'apres la mort du Roy Humuù, vn sien nepueu, qui se nommoit V unlò, se tenoit dans cette Prouince, où il estoit puissant, quand il s'empara du Royaume, & rauist iniustement la Couronne à son sils, le legitime heritier: & dautant qu'il auoit plus de consiance à ceux, auec lesquels il auoit conuersé de longue main, & d'ailleurs qu'il auoit plus de moyen de faire bonne mine aux Tartares, ses voisins: il transporta la Cour de Nanquim, à Pequim, où elle est à present. Le peuple y est moins adroit, qu'aux autres Prouinces, comme par tout le Septentrion, mais plus laborieux, & plus propre à la guerre.

Le sol est extremement aride, & par consequent sterile en toute sorte de fruits necessaires pour l'entretien de l'homme, mais d'ailleurs tres propres à la fanté. Les disgraces de la nature sont abondamment recompensées par l'auantage, qu'ont generalement les Cours des Princes d'attirer tout à elles, & de vaincre en cela le naturel des terres. Il y croist du maiz, du froment & vn peu de riz tout autant qu'il en faut pour la maison du Roy qui est fort nombreuse, pour les Mandarins & pour les soldats qui sont à milliers dans la ville. Mais le Roy entretient iusqu'à mille vaisseaux plats sur les riuieres qui ne servent qu'à porter les proui sions de la Cour, qui viennent du costé du Midy: & pour la personne du Roy en son particulier, on seme à Nankim vne espece

de riz, qui se cuit dans l'eau, sans autre ingredient, & est vn mets fort sauoureux.

La ville n'est pas si grande que Nankim, mais elle est sans comparaison plus peuplée. Il sussit de dire que c'est la Cour d'vn trespuissant Prince. Douze cheuaux peuuent marcher de front sur l'épaisseur de ses murailles. On y fait garde le iour & la nuit en temps de paix, comme s'ils estoient en guerre. Il y a pareillement des gardes aux Portes, qui est le prosit des Eunuques, dont la Reyne à la moitié: à cause qu'ils leuent de grands deniers par les imposts qu'ils mettent sur les danrées qui entrent dans la ville: en quoy les Marchands de Canton sont plus mal traittez que les autres iustement comme les Espagnols dans les Hosteleries de France, sans autre raison que le mespris qu'on fait de leurs personnes.

Les Officiers & les ministres de cette Cour sont à rebours des autres Republiques, & Royaumes du monde: mais ils se maintiennent dans le droit de la Iustice, que tous doiuent garder. Ils ne parlent qu'auec moderation de la pompe & de l'éclat de leurs personnes: ils ne sçauent que c'est d'estre portez en chaire, s'ils ne sont d'vne eminente dignité: ils vont à cheual & pour ce qu'ils ne sont pas les meilleurs Caualiers du monde, deux Seruiteurs les tiennent par les costez, de peur qu'ils ne tombent.

Les moindres luges de village sont plus magnifiques en leur maison que les premiers Ministres d'Estat à la Cour. Ils marchent par les ruës le visage couvert pour se garder de la poussière qui est grandement épaisse, & pour éuiter l'abord des Mandarins, & se deliurer des ceremonies qu'il faut leur rendre: mais n'estant point connûs, ils dissimulent & ils passent outre, sans s'arrester. Aussi est-ce vne chose indubitable qu'il sert beaucoup pour viure en

seureté, de ne se faire pas beaucoup connoître.

Le froid qu'on ressent en ce pays, est plus grand qu'il ne deuroit estre au quarantième degré d'éleuation: car la glace est si forte & si dure sur les riuieres, que les charretes passent dessus, sans nul danger. Ils se seruent d'estuues, mais qui sont plus commodes: & qui n'ont point tant de seu que les nostres, ayans cette industrie de communiquer la chaleur par des conduits sous terre, qui fait vn agreable

agreable printemps au milieu de l'hyuer, & supplée à l'absence du Soleil reuestant les arbres de fleurs & de fueilles auant le temps.

Nous auons à la Cour vne grande Eglise bastie à nostre mode auec vne maison, où quatre de nos Peres sont leur residence par la permission du Roy, & sont dans l'estime de tous les Ma-

gistrats.

Outre les Eglises que nous possedons aux lieux les plus frequentez, qui sont presque tous de grandes villes, il y a d'autres peuplades de Chrestiens auec leurs Oratoires, qu'on visite de temps en temps pour catechiser & baptizer les nouueaux Chrestiens, & pour administrer le S. Sacrement de l'Autel aux autres.

La sixième & derniere Prouince plus voisine du Nord, est recommandable pour la production d'une racine, qui se vendoit. quand i'en partis, au double poids de l'argent. Aussi est-ce va remede si merueilleux, qu'elle augmente notablement la vigueur & les forces aux sains; & échaufe & fortifie les malades. Elle s'appelle Ginsem. Cette Prouince pour estre sur les frontieres des Tartares est ruinée par leurs frequentes courses, sans qu'ils puissent estre arrestez par cette fameuse muraille, qui a neuf cens lieuës de long auec plus de bruit que de fruit, l'ennemy l'ayant reduite en vn pitoyable estat.

CHAPITRE IV.

De la personne des Chinois, de leur naturel, esprit & inclination.



Es peuples de la Chine ont le teint & la couleur Les Chide nos Europeans: il est vray que les habitans de le reine la Prouince de Canton, & particulierement les blanc: insulaires qui sont proches de terre-ferme, sont quelques vn peu bazanés pour estre scitués au delà du Tro-uastre.

pique. Et dautant que ceux que nous voyons passer le plus souuent de pardeça sont presque tous voisins de la ville de Macao, assise

au milieu des Isles, dont elle est comme le centre, les estrangers se sont persuadez que tous les naturels du Royaume auoient la couleur semblable, c'est à dire brune & bazanée; bien qu'ils soient aussi blancs, que ceux de nostre Europe, excepté sur les confins de Canton; comme je viens de dire; & ils paroissent toûjours plus blancs à mesure qu'ils s'approchent du Nord.

Ils ont le poil noir

Les hommes & les femmes indifferemment laissent croître e long. leurs cheueux, qui sont communément noirs, d'où vient qu'entre plusieurs autres noms, qu'on donne à ce Royaume, on le nom-Les yeux me le Royaume du peuple aux cheueux noirs. Ils ont pareillenoirs & ment les yeux noirs & petits, comme aussi le nez petit, & ne peule nez pe- uent souffrir ceux qui l'ont comme nous, vn peu large & éleué, croyans que c'est une deformité qui donne mauuaise grace. Ils ont peu de barbe, & ne se soucient pas de l'auoir épaisse, pourueu qu'elle soit noire, qui est la couleur la plus commune, & qu'ils estiment le plus, bien qu'ils n'ayent pas les rousseaux tout à fait en horreur, comme ils estoient anciennement à Thebes: ils la portent longue, la laissans croître au gré de la nature sans jamais la couper. Leur principal soin est d'adiuster & de bien mettre leur cheuelure, en quoy ils surpassent toutes les nations du monde, aymans mieux n'auoir aucun poil au menton, que de perdre vn seul cheueu de leur teste. A ce sujet ils ont quantité de barbiers, qui sont mal nommez, à mon aduis, puis qu'empruntans leur nom des barbes, neantmoins ils n'y touchent jamais, n'ayans point d'autre mestier, que de peigner les cheueux, & de les ranger fort proprement.

Lespetits

Les jeunes enfans sont beaucoup plus beaux, & mieux proporsoimieux faits que tionnez que les grandes personnes, la beauté s'accommodant à les grads. leur taille: particulierement dans les Prouinces, qui tirent vers le midy, où l'on remarque dans vn mesme Royaume certains lieux, qui ont en cela de l'auantage par dessus les autres; comme les Dames de la ville de Nancheu, en la Prouince de Nanquim se vantent d'estre les premieres en beauté; aussi bien que celles de la fameuse ville de Guimanarez parmy nos Portugaises. C'est pour cette raison que les riches & les Magistrats choisissent de là, leurs maistresses, & que cette faueur de la nature vient à estre

plus

plus prisée, par le iugement qu'en font les puissans du monde. Mais comme l'âge commence à décheoir, qui est depuis vingtcinq ans jusques à trente, les ieunes hommes ne perdent pas seulement cette couleur viue du teint, qui les rendoit agreables, mais encore ces traits du visage, & cette belle proportion des membres, de cette façon ils deviennent ordinairement laids. Ce qui leur reste, est vne bonne disposition de corps auec vne vigueur & vne force, dont ils se seruent auantageusement, s'addonnans au trauail, & cultiuas leurs terres auec tant de soin, qu'encore bié que d'elles mesmes elles soient assez fertiles, l'art les réd beaucoup meilleures, & s'il s'en trouue en quelque endroit de mauuaise, ne fut-ce que d'vn pied d'étéduë, comme ils ne laissent rien de vacant qu'ils ne cultiuent, ils ont l'industrie de la faire porter.

le me souviens que passant vn iour par Honum, i'apperçû des laboureurs qui labouroient leurs champs auec vn soc à trois De quelle pointes, & traçoient par ce moyen, trois sillons à la fois: & pource façon ils que la terre y est bonne à porter cette espece de legumes, qu'on la ter nomme des faseoles, ils tenoient la semence dans vn vaisseau quarré sur leur charruë, de telle sorte qu'au mouuement du soc elle se respandoit sur la terre, comme les grains de bled tombent doucement sur la meule du molin, au mouuement de la tremie: & ainsi d'yn mesme temps & d'yne mesme main on labouroit & ensemençoit auec esperance de recuëillir vne riche moisson. Les autres grains, qui sont le froment, l'orge & le maiz, ils les sement comme nous, & c'est vne chose ordinaire de voir que ceux qui conduisent une beste chargée, portent eux mesmes une autre charge sur les épaules, pour n'estre pas oyseux.

Ils sont extremement soigneux de profiter de toutes les occa- 11s sont sions, n'en laissans perdre aucune, pour petite qu'elle soit. D'où indu frieux, vient qu'on rencontre assez souvent sur les rivieres de gros vail- & en seaux, qui ne sont chargez que de lumignons pour l'vsage des quoy. Lampes, faits de moüelle de ioncs, qu'ils sçauent tirer adroittement. On en trouue d'autres, qui ne portent que du papier pour les lieux communs des maisons particulieres, qui par apres se distribuë dans les boutiques, & se vend par les ruës; mais il faut qu'il soit blanc, autrement s'il y auoit une seule lettre écrite, ce

seroit vne espece de sacrilege de l'employer à de si vils vsages. l'ay voulu rapporter ces particularitez comme des preuues certaines de la preuoyance & de l'application qu'ont les Chinois pour toutes choses. Ce n'est pas que pour cela il n'yait, parmy eux aussi bien qu'aux autres pais, force faineans & vagabonds, qui sont la peste commune & presque incuitable des grands estats.

Enclins à sbandsse.

Leur inclination naturelle les pousse à estre Marchands, & la mar- l'on ne scauroit croire le commerce qu'ils entretiennent, & le gain qu'ils font trafiquans d'vne Prouince à l'autre, & qui plus est, sans sortir de leurs villes : puisque ceux qui trafiquent en Porcelaine, & qui la transportent par les Prouinces du Royaume gaignent trente pour cent deux fois en vne mesme année. Outre que toutes les marchandises qui s'acheptent en gros dans les boutiques, se debitent en détail parmy les ruës; & il n'est pas insques aux petits enfans qui ne s'exercent en ce petit commerce, crians des fruits, des herbes, des sauonnettes, du fil & de semblables danrées.

Les Marchands Sont Soi-

Les riches Marchands se sont acquis vn grand credit par la foy qu'ils gardent inuiolablement en leurs traitez, comme l'ont gneux & experimenté nos Portugais pendant tout le temps qu'ils les ont rigilans. pratiquez: quoy que d'ailleurs leur façon de negocier, soit la plus dangereuse du monde & la plus suiette à la tromperie : à cause que les estrangers pour n'auoir pas la liberté d'entrer dans le Royaume, sont contraints de traitter auec les naturels, en cette sorte. Ils conviennent premierement des marchandises qu'vn châcun desire auoir, comme de l'or, de la soye, de la porcelaine, & choses pareilles, puis s'estans accordez du prix, les Portugais consignent l'argent entre les mains des Chinois, qui s'en vont auec l'argent en main dans les endroits du Royaume, où se trouuent ces marchandises, & les ayans achetées s'en reujennent à Canton trouuer les Portugais, qui les attendent. Cette façon de negocier s'est pratiquée durant plusieurs années, sans iamais auoir reconnu de fraude, si ce n'est depuis quelque temps qu'elle commence à estre decreditée par la faute, comme ie pense & Fins en des vns & des autres.

84/ez.

Il est vray qu'ils ayment naturellement à tromper, & tant ceux

qui achétent que ceux qui vendent, sont merueilleusement rusez: en voicy quelques exemples. Ouurir l'estomach d'vne perdris pour en tirer la chair, & puis remplir le vuide, & refermer l'ouuerture si proprement, que si celuy qui l'achepte; n'a autant d'yeux qu'Argus, il est bien difficile qu'il remarque la fourbe, si ce n'est lors qu'il n'y a plus de remede, & que pensant faire bonne chere, il ne troude entre ses dents que des os & de la plume: parmy les vrays jambons en mettre d'autres de bois, si bien déguisez, & si semblables qu'ils trompent la veuë des regardans: engraisser vn vieux cheual, & le faire passer pour vn ieune, & mesme le peindre & le marquer de plusieurs mouchetures, comme si c'estoit son poil naturel, c'est ce qu'ils pratiquent assez souuent, choisissans à ce dessein les temps propres du soir ou du matin, quand il ne fait pas assez de iour, pour découurir clairement l'artifice. Et ces ruses reussissent particulierement à Macao, où les Marchands qui acheptent ne sont pas des plus rompus,ny des plus raffinez du monde.

L'art diabolique d'extraire les elemens des pierres, & des me- La plustaux, qui s'est répandu par tous les endroits de l'vniuers, a gaigné rieux de bien auant dans la Chine, dont les esprits preoccupez de cette l'Alchyfausse opinion, que quiconque aura trouué le secret de faire de mie. l'argent, aura par mesme moyen la recepte de viure longues années, sont passionnez pour l'Alchymie. Ah! iusques à quand estce que les hommes se laisseront aller à vne folle persuasion, trompez par l'esperance vaine de pouuoir obtenir deux choses si desirées, & toutesfois si incertaines, comme sont les richesses la santé ? Ces pauures miserables tranaillent non seulement sans fruit, mais qui pis est, ils perdent beaucoup & gaignent peu, au lieu qu'en tout le reste de leurs affaires, ils ont coustume de saire beaucoup de peu. Et il arrive enfin ou qu'eux mesmes se rient par apres de leur dessein, ou qu'ils se trouvent besslez par les Professeurs de cet art, sequel est toûjours incertain en ses maximes, bien qu'à dire le vray, il soit certain en quelques-vns de ses principes : d'où vient aussi que la pluspart le pratiquent plûtost en esperance de tromper, que pour estre asseurez de leur science.

Du nombre de ces gens là, fut vn imposteur, qui s'estant prefenté

Affronterie d'un Alchymiste.

senté à vn Magistrat de Pequim, il y a quelque temps luy promit merueilles de ses experiences. Comme les auaricieux croyent assez de leger, celuy-cy luy fournit des materiaux, pour faire son operation, & mon homme aussi fin pour le moins qu'il estoit ignorant, laissa couler dextrement, dans son creuset, vn peu d'argent qu'il tenoit caché à ce dessein, sans que le Magistrat s'apperceut de la ruse, qui se monstra fort content de cet essay croyant auoir trouvé le vray Maistre du mestier. Alors l'Alchymiste seignant d'auoir des affaires ailleurs, luy demanda congé pour quelques iours, que l'autre luy accorda auec beaucoup de difficulté, ne pouuant pas permettre qu'il s'absentât, tant soit peu, à cause que ses desirs s'estoient accreus, à la veuë de cette premiere experience. Mais l'affronteur, qui vouloit pescher dans vne mer d'argent auec des filets, qui apportent bien plus, quand on les traisne doucement, que si on les tiroit tout d'vn coup, sut absent pendant trois ans entiers, au bout desquels estant de retour à Pequim, il fit semblant de ne connoître plus la maison de son hoste, quoy qu'il passat assez souvent devant la porte. Comme il eut esté luy mesme reconnu, & qu'on l'eut appellé, il persista dans sa disfimulation: jusques-là, qu'apres qu'on luy eut parlé du mestier qu'il professoit, il auoua bien d'en sçauoir le secret, mais il protesta qu'il ne se souvenoit point de l'auoir iamais pratiqué au lieu qu'on luy disoit, alleguant pour son excuse, qu'il auoit trauaillé en trop d'endroits, pour pouvoir conserver la memoire de tous. Il ne se fit pas pourtant tirer beaucoup l'oreille, pour reprendre ce qu'il auoit quitté, mémement quand on luy eut auancé cinq cens escus, qu'il emporta puis apres, s'en allant pour ne plus retourner, sans demander congé, comme il auoit fait l'autre fois. Semblables affronteries ne peuuent empêcher qu'il n'y ait toûjours de curieux, qui destrent de rechercher les secrets de cét Art.

Ils sont courtois & obligeans.

Pour reprendre le discours de nos Chinois, il est certain qu'ils sont affables, courtois & agreables en leur conuersation; & il ne faut pas en cecy s'en rapporter au témoignage des nostres, qui n'ont demeuré qu'à Macao, & à Canton, pour ce qu'ils viuent dans ces lieux-là, comme dans vne guerre perpetuelle, à raison

des

des querelles qui se forment tous les jours entre les Seruiteurs des Portugais & des Chinois. Outre que c'est vne chose fort degoûtante, de vendre & reuendre toûjours, & s'ils se supportent aucunement à Macao les vns & les autres, c'est pour l'esperance qu'ils ont de profiter auec ceux de Canton, à l'occasion des foires, qui s'y tiennent souuent. Ainsi l'on n'obserue plus aucune sincerité dans les commerces, & tous n'agissent entre eux que comme des ennemis.

Pour le regard des Prouinces assises dans le cœur du Royaume, les habitans nous y traittent auec tant d'honneur & de ciuilité, qu'à toutes les rencontres, ils nous donnent le premier lieu, pource seulement que nous sommes estrangers, & comme ils parlent, Habitans des Climats éloignez. Ils nous pressent mesmes de l'argent sur gages sans interest, comme nous auons assez

souuent éprouvé dans nos necessitez.

le m'asseure qu'on m'aduouera qu'il n'y a point de plus mé- Mesme chante societé, que celle des prisons, où les impuretez de toute la prisons Republique se vont rendre comme dans vn égoust, & neant-les vns moins, nous auons receu beaucoup de courtoisse de ces canailles, autres. qui viuent d'ailleurs sans aucune humanité, & qui ne parlent en ces lieux que de frapper. Et de vray nos Religieux, quifurent emprisonnez à l'occasion de la persecution suscitée contre nous l'an 1616, receurent de grands honneurs, & tirerent beaucoup d'assistance des prisonniers : qui témoignoient vn particulier ressentiment, quand les Officiers, pour la crainte qu'ils auoient du Tyran, nous traittoient en Captifs; & ne pouvoient souffrir qu'on nous mit aux ceps, tâchans de soulager nos peines & s'efforçans auec des fers chauds de brûler & consumer ces liens qui ne sont que de bois.

Apres vn long-temps qu'on voulut retirer ces Religieux de la prison pour les mettre en liberté, les autres Prisonniers firent vne assemblée, pour déliberer entre eux à ce que cette separation ne se fit point sans quelque demonstration de courtoisse & d'amitié: & de vray s'estans cottisez pour ce sujet, & ayans amassé tout ce qu'ils pûrent, ils les regalerent d'vn somptueux banquet. Spectaele sans comparaison plus agreable à ces bons Peres, pour vne si grande

grande douceur & benignité que des Payens faisoient paroîtro à l'endroit des Estrangers, au lieu mesme destiné plus pour le châtiment des crimes que pour leur bonne chere. Ce qui témoigne assez le naturel obligeant de ce peuple.

DOHX O referucz au chasti-Iustice.

Ils ont en horreur toutes les actions, qui ressent la cruauté, & la lustice n'employe que rarement cette sorte de supplices inment de humains, qui sont si frequens parmy nous, comme d'écarteler, tenailler, & rirer des hommes sur vn Cheualet. Si le criminel merite la mort, on luy tranche la teste, ou on l'étrangle.

Crime enorme.

facon pu-

L'an mil six cens quatorze, vn homme du commun eût bien l'insolence de vouloir s'emparer du Royaume. Il auoit déja pour l'execution de ce dessein ramassé grand nombre d'hommes, & leur auoit distribué les principales charges de son estat imaginaire, auec ordre d'oster la vie à tous les Mandarins, vn iour qu'ils De quelle devoient s'assembler. La conjuration sut découverte par vn des mécontens, & le nom, & le nombre presque infiny des coniurez fut trouvé dans les memoires de ce petit Tyran, qui tous furent pris & menez en prison. Le Roy aduerty de ce qui se passoit, ordonna qu'on les élargit à la reserve de trente des plus coûpables, & qu'à ceux-cy on leur mit vn carquan au col, qui les serrât étroitement l'espace de trente jours: & si au bout de ce terme quelques-vns estoient encore en vie, qu'on les laissat aller, sans les faire mourir. Et defait deux échapperent, & l'on se contenta d'vne si legere punition pour vn crime si enorme.

On ne tunis iaminels à la fois.

Que si plusieurs criminels sont condamnez ensemble à la mais plus mort, on les tient dans la prison iusques à ce que le visiteur de de six cri la Prouince les fasse comparoître deuant luy, qui en nomme seulement six ou sept; pour estre executez, & renuove les autres à la prison, sans pouuoir outre-passer ce nombre, s'il ne veut

estre tenu pour vn cruel.

l'adiouste qu'entre les bonnes qualitez de cette nation, ils sont naturellement enclins à la vertu, non que je pretende icy de les iustifier tout à fait, comme s'ils estoient exempts des vices. qui sont ou propres aux payens, ou communs à tous les hommes: ie dis seulement qu'ils ont en veneration les personnes qui font profession de la vertu, & en particulier ils prisent beaucoup l'humilité.

milité, la virginité, la chasteté, & semblables vertus, que les autres payens ont ordinairement à mépris. Que si vne fille, ou L'estime quelque jeune vefve passe ses iours en continence, auecla modestie & les autres qualitez bien-seantes à cet estat, on a cette qu'ils ont louable coustume de luy dresser des Arcs de triomphe, & de re- chasteré. citer en public des oraisons pompeuses & magnifiques, à sa loüange.

Ils rendent leurs complimens auec tant de ceremonies, qu'on n'en peut voir la fin: ils seroient mieux employez pour le culte de Dieu, que pour l'vsage des hommes : ce qui s'entend des visites d'honneur & des rencontres d'une pure ciuilité: car les pa-nieux en rens & amis n'apportent pas tant de façon. Ils sont si reglez en leurs vileur exterieur, & si retenus en leurs paroles, que rien n'est suffisant d'émouvoir vne querelle parmy des personnes de condition, qui d'ailleurs se haissent à mort : d'où vient que les plus grands ennemis se trouuent ensemble aux festins & aux assemblées publiques, sans témoigner aucunement leurs ressentimens cachez, qu'ils sçauent dissimuler auec autant d'accortise que de mulent estoient les meilleurs amis du monde.

courage, sous des termes d'honneur & de ciuilité, comme s'ils accortemët leurs iniures.

Quand ils remarquent quelque chose de vertueux & deloüable dans les mœurs & dans les façons de faire de leurs voisins, ils n'épargnent point leurs louanges pour les rendre plus recom- 11s liment mendables. En quoy ie puis dire qu'ils sont bien éloignez de la veriuinjalousie si commune aux autres païs, qui ne souffrent aucune com- ses d'auplaisance entre les personnes d'une mesme profession. D'où vient aussi que les moindres ouurages qui viennnent de l'Europe, sont receus fauorablement à la Chine. O que ces gens, disent-ils, ne sont pas comme nous, mal-habiles & sans esprit! Et quoy qu'ils ne puissent pas sçauoir au vray les ouurages qui se font dans le Royaume, pour estre d'vne trop grande ellenduë, si est-ce que s'ils y remarquent tant soit peu d'artifice, ils ne laissent pas pourtant de dire, que ce sont des pieces de l'Europe, & non point de leur païs. A ne point mentir vne si grande modestie est d'autant plus Leur moà enuier, qu'elle se trouve parmy vn peuple tres-adroit & habile d'stre. en tout ce qu'il entreprend, à la honte de ceux qui n'ayans pres-

que point d'yeux pour voir & considerer les choses, mesprisent

ce qu'ils admirent.

Au reste leurs ounrages & ceux-là mesmes qui partent de la main des Maistres les moins excellens, font bien paroître l'esprit Leur of qu'ils ontaux doigts. Sur tout ils trauaillent à merueilles en yuoire, en ebene, & en ambre, & font à perfection les pendans d'oreilles d'or & d'argent, auec les autres affiquets des Dames. Mais ce qu'ils font le mieux ce sont des chaisnes d'or. Il y a quelque temps qu'on en porta vne à Goa, qui ne pesoit pas trois onces, & qui auoit neantmoins plus de trois cens anneaux, si minces & deliez qu'on les perdoit de veuë. Il est vray qu'ils n'ont pas l'vsage de nos bassins d'argent, & qu'on auroit de la peine d'en trouuer vn mesme dans le Palais du Roy, d'vne grandeur tant soit Ils n'ont peu raisonnable, à cause qu'ils n'ont pour le seruice de la table, que des plats de Porcelaine, qui est plus nette & plus belle que le metal. Le fil d'or, qu'ils mettent en œuure, ne court pas tant que le nostre, & ils en contrefont de papier auec tant de naifueté, qu'on le prend pour du vray.

> Les ouurages de l'Europe qu'ils ont le plus admiré sont les horloges & les montres à rouëssils les font à present aussi bien que nous, & mesmes quelques-vnes valent plus que les nostres. En vn mot on peut dire, que les Chinois en general sont extreme. ment propres & excellens aux Mechaniques, excepté ceux de

Charam, qui n'ont point leurs femblables.

On ne peut nier par consequent, qu'ils n'ayent l'esprit vif & penetrant, & qu'ils ne meritent à juste tiltre, les louanges qu'Aristore donne aux Asiatiques, lors qu'il dit que les peuples de l'Asie surpassent en esprit ceux de l'Europe, mais qu'en recompense ceux de l'Europe les surmontent en force & en courage : ce que l'experience iournaliere nous fait voir à l'œil, & toucher au doigt.

Neantmoins il se trouve encore des personnes si aueuglées de passion, que de prendre les Chinois pour des barbares, & d'en parler, comme ils feroient des Negres de la Guinée, ou des Tapuys du Bresil. Ils deuroient rougir de honte d'auoir ces sentimens apres tant de voyages & de nauigations capables de les

defabusers

prit.

Leurs ownrages excellens d'ynoire dambre de de corail.

que des plats de porcelai-Re.

desabuser; apres ce qu'ils ont ouy depuis plusieurs années, & les riches ouurages qu'ils en ont veu, qui doiuent estre à mon aduis plus que suffisans pour leur faire connoître & auouer que les Chinois ne manquent point d'esprit. Outre les choses comprises dans la suite de cette histoire, ie veux icy raporter vn exemple, qui

pourra leur seruir d'instruction.

Le Visiteur de la Prouince de Carica, l'vn des plus illustres du Royaume, peu de jours apres qu'il eut commencé sa visite, sit fermer la porte de sa maison, & demeura long-temps caché, sans donner audience à personne, ny vacquer aux autres fonctions de sa charge, s'excusant de cela sur une maladie. Le bruit de cétaccident ayant esté bien-tost respandu par la ville sit penser à vn Mandarin de ses amis qu'il y auoit quelque chose. Il s'en va là dessus à dessein de le voir, & apres plusieurs refus, sit tant par ses instances, qu'il obtint de luy pouvoir parler. Les premiers discours, qu'il luy fit apres l'auoir salué, furent de luy presenter les iustes plaintes des peuples, pour les retardemens de leurs affaires: dequoy l'autre s'excusa pareillement sur les incommoditez de sa maladie. Mais comme il luy eut reparty qu'il n'auoit ny le visage, ny la mine d'vn malade, & qu'il le pressast de luv descouurir sans déguisement les causes de sa retraite, protestant de le seruir de tout son pouuoir en cette occasion, comme l'amy de son cœur. Sçachez donc, s'escria le Visiteur, qu'on m'a volé les Sceaux du Roy dans vn coffret où ie ie les gardois, sans qu'il paroisse aucunement qu'on l'ait ouvert, comme si personne n'y avoit touché. De sorte que si ie donnois audience aux parties, ie ne pourrois point seeller mes expeditions: & si en suite on venoit à découurir le peu de soin que i'ay eu de conseruer les Sceaux du Roy, ie perdrois & ma charge & la vie: ainsi ne sçachant plus que faire, ie recule tant que ie peux sans esperance, vous asseurant neantmoins que le retardement des affaires publiques ne me touche pas moins en mon particulier, que les parties interessées. Le Mandarin comprît aussi-tost l'importance de ses raisons; puis déployant la force de son esprit, il demanda au Visiteur s'il n'auoit point d'ennemy en ville. l'en ay vn, respondit-il, qui est le plus considerable, & le plus puissant des Officiers, puisque c'est le F

Gouverneur, qui couve depuis plusieurs années vne hayne secrete contre moy. En voila assez dit le Mandarin, que vostre Seigneurie suiue seulement mon conseil, & qu'elle transporte au plutost tous ses meubles dans l'appartement le plus asseuré de son Palais, & cependant qu'elle fasse mettre le feu aux autres, criant à mesme temps au feu. Le Gouverneur courra des premiers pour esteindre l'embrasement, & satisfaire aux obligations de sa charge. Ce sera pour lors à vous, le voyant parmy la foule du peuple de l'appeller tout haut, & de luy consigner entre les mains ce petit coffre fermé, comme il est, luy donnant à entendre que c'est pour le mettre à couvert des dangers du feu. Parce moyen si c'est luy qui vous a volé les Sceaux du Roy, il les remette dans le coffre en le rendant; & encore que ce ne soit pas luy, vous ne laisserez pas de le charger, comme coulpable de cette perte: de cette façon vous serez en seureté, & de plus vous vous serez pleinement vangé de vostre ennemy. Le Visiteur suiuit l'aduis du Mandarin, qui luy succeda si heureusement, que dés le lendemain matin apres la nuit du feu le Gouverneur rapporta le coffre auec les Sceaux du Roy dedans; dissimulans tous deux accortement la faute l'vn de l'autre, celuy-cy la nonchalance du Vissteur, & celuy-là la malice du Gouuerneur, & s'accordans ensemble à conseruer leur reputation. Dites apres cela que les Chinois sont des Barbares.

CHAPITRE

De la façon des Habits.



A matiere ordinaire dont les Chinois font les toiles & les étoffes d'vsage pour leurs habits, pour les licts, & pour les autres ameublemens de leurs maisons, sont des laines, chanvres, soye de cotton; le tout en grande abondance : mais ils manquent

de lin, comme i'ay déja dit, à vne autre occasion. Deux cens ans, auant la naissance du Fils de Dieu, ils portoient les manches de

leurs robes fort courtes, comme font encore à present les Iaponois, qui retiennent cette ancienne mode pour vne marque qu'ils tirét d'eux leur origine. Cette façon d'habits dura jusques au Roy Hoan, l'vn des plus grands & des plus illustres Princes, qui ayt gouverné le Royaume de la Chine, il y a quatre cens ans: sous son regne le peuple & les Magistrats prirent l'habit, qu'ils ont aviour-d'huy, qui est le mesme par toutes les Provinces d'vn Royaume si étendu, sans qu'on le puisse aucunement changer, sans vn ordre particulier du Roy, non plus que les plus importantes coustumes de leur Estat. D'autant que ceux qu'on nomme des Barbares, ont ensin reconnu que le changement qui se fait des mœurs & des coustumes d'vn païs au gré des Estrangers, est vn presage asseuré d'vn prochain changement des loix sondamentales, d'où les autres dependent, comme nous en pourrions trouver chez nous mesmes des preuves évidentes, s'il en estoit besoin.

La robe, qui est propre & particuliere aux lettrez & aux gens de condition, & qui est en vsage depuis vn si long temps, prend depuis le col jusques aux talons, & est ouuerte par le deuant du haut en bas. Ils en ont vne autre, qu'ils mettent dessous, qui est étroitte, & comme collée au corps; au lieu que celle de dessus est ample & flottante, dont les extremitez portent l'vne sur l'autre par le deuant, à cause qu'ils n'ont point de boutons, à la façon des grandes robes de nos Ecclesiastiques. Les manches sont larges & pendantes sans aucune garniture, & pour collet, ils n'ont qu'vne piece de taffetas blanc de la longueur de la main, qu'ils

ostent quand elle est salle, pour en remettre vne autre.

Les jeunes hommes s'habillent indifferemment de toutes sortes de couleurs : les vieillards choisissent les plus modestes ; la pluspart du peuple porte le noir, comme font generalement tous

les seruiteurs, qui n'oservient en prendre d'autres.

Ceux qui possedent, ou qui ont possedé des charges & des gouuernemens, prennent vn rouge éclattant aux grandes sestes: Les riches changent d'habits aux quatre saisons de l'année, & les personnes de basse condition, quoy que pauures, en changent mesme deux sois, sçauoir l'hyuer, & l'été, & il arriue souuent qu'il saut engager la robe d'vne saison, pour retirer celle de l'autre.

F 3 Disons

Disons maintenant un mot de leurs chapeaux, qui font la meilleure partie de leur bonne grace : les ieunes gens au dessous de dix-sept ans, les portent auec le bord court d'vn costé, & large de l'autre, qu'ils retroussent & attachent sur le haut de la teste. Ayans atteints cét âge, ils quittent le chapeau, & prennent vn petit rezeau fait de crin de cheual semblable à vne de nos calottes, mais auec tant d'artifice que tous les poils se joignent par le dedans, sans qu'il y en ait vn seul, qui passe dehors. Par dessus, les lettrez mettent vn bonnet quarré, & le peuple vn bonnet rond, l'vn & l'autre tissu de soye, ou bien du mesme poil qu'est leur rezeau, qui est bien le plus difficile à faire, aussi couste t'il plus. La couleur de ces bonnets, est noire, ou bien de la couleur naturelle de la laine, qui est de bure grise, comme ils les portent l'hyuer. La premiere fois, qu'ils mettent le rezeau sur leur teste, ils obseruent presque les mesmes ceremonies, & les mesmes solemnitez, qu'anciennement les Cheualiers, quand on leur ceignoit l'espée auec la cappe. Les riches ont leurs souliers de soye, de diuerses couleurs, & les pauures de cotton. La forme en est differente des nostres, enrichie d'vne belle broderie faite à l'aiguille. La matiere pareillement en est toute autre, ne se servans du cuir que pour les botes, encore est-ce fort rarement. Les plus honorables & les plus riches portent des chausses de damas, ou de satin, ou de quelque autre estosse de soye blanche, les autres en portent de cotton blanc. Les calçons sont communs aux hommes & aux femmes. Tel est à plus prés le vestement d'un Royaume entier aussi grand que toute l'Europe, laquelle est si changeante, qu'elle a bien de la peine à conseruer pour quelque temps, les mesmes modes dans vne seule de ses Prouinces.

Quant à l'habit des femmes, c'est vne longue robe communément de soye fermée modestement iusqu'à la gorge. Elles sont curieuses, comme par tout ailleurs, de se bien coësser, & de parer leurs testes de sleurs naturelles & artificielles auec vne si agreable diuersité de couleurs, & de sigures, & auec vn tel raport de l'art à la nature, que la veuë en est souuent trompée, comme on dit qu'autresois les tableaux de ces sameux Peintres trompoient les oyseaux, & les hommes par vne naïsue representation d'vn raisin, & d'vn rideau.

Les

Les Dames de qualité ont leur coëffure d'or & d'argent; ce qui n'est pas permis aux femmes de mauuaise vie de quelque condition qu'elles soient, qui pour se distinguer des autres n'ont pas la liberté de se parer la teste, au contraire des autres païs, ny de tenir maison dans l'enceinte des murailles. Leurs habits interieurs sont semblables à ceux des hommes. Mais à voir leurs souliers si petits, on peut douter auec raison s'ils sont saits pour les pieds d'vne grande personne : ce qui prouient de ce que dés leur premiere enfance, on leur serre étroitement les pieds pour les empescher de croistre, non pas pour la raison qu'alleguent quelquesvns, pour empescher les femmes de courir, mais d'autant qu'ils ont cette persuasion, que c'est une partie de la beauté du sexe d'auoir le pied petit. Les plus intelligens attribuent la cause & l'origine de cette folie, à vne de leurs Reynes, qui ayant les pieds tresmal faits, se les faisoit serrer auec de petites bandes, pensant ainsi leur pouvoir donner vne meilleure forme, & corriger les defauts de la nature. Ce que cette Princesse sit par necessité, si toutesfois on peut dire necessiré de vouloir reformer les ouurages de la nature, & corriger les pieds, qui nonobstant ces defauts peuvent seruir, les autres Dames à son imitation l'ont fait depuis par galanterie. Tantil importe, que les Princes n'authorisent iamais par leurs exemples des nouueautez ridicules.

Les femmes viuent fort retirées, & c'est vne chose extraordinaire de voir vne Dame par les ruës pour agée, & honneste qu'elle soit; & beaucoup moins est-il permis aux hommes de les visiter dans leurs maisons. L'appartement où elles logent, est en veneration comme quelque lieu sacré, & si quelqu'vn sans y penser, veut entrer dedans, il ne saut qu'vn mot pour l'arrester tout court, &

dire, c'est là que sont les Dames.

Les serviteurs qui sont auprés d'elles pour les servir, sont des enfans, & les Parens mesmes, si ce ne sont les plus ieunes du mary, n'ont pas la liberté d'entrer dans leurs chambres, non pas le beau-pere: ce qui s'observe auec tant de rigueur, que si vn pere veut châtier son sils (car iamais les peres ne relaschent rien de l'authorité qu'ils ont sur leurs enfans, & se conservent toûjours le pouvoir de les châtier, bien qu'ils soient mariez de fils n'a qu'à

gaigner

gaigner promptement la chambre de sa semme; c'est vn lieu de resuge, d'où le pere n'ose approcher. Quand le deuoir les oblige de rendre quelque visite en la maison de leur pere, elles s'y sont porter dans des chaises fermées: lors que pour satisfaire aux ceremonies de leur Religion elles sont contraintes d'entreprendre quelque voyage à pied aux Temples de leurs Idoles, elles marchent le visage couvert: & si elles montent dans vn batteau auec leurs plus prochez parens, comme ie me souviens vne sois d'en avoir veu plus de deux cens ensemble, au sujet de quelque pelerinage; elles passent toutes les vnes apres les autres sans dire mot. On sçait fort bien que la moindre ouverture que les semmes donnent à la frequentation des hommes, est vne grande porte au danger de leur honneur. Cette retraite pour facheuse qu'elle semble estre, s'adoucit peu à peu, par la coustume, & entretient la paix & le repos dans les familles.

Toutesois il ne se peut faire que dans vn païs si estendu que la Chine, les semmes soient par tout si solitaires: il y a quelques lieux, où les Bourgeoises prennent les mesmes libertez que parmy nous, d'aller, & de venir, quoy que les Dames de qualité vi-

uent par tout fort retirées.

CHAPITRE VI.

Du langage & des lettres dont ils se seruent.

A langue des Chinois est si ancienne, qu'elle est tenuë au iugement de plusieurs, pour vne des septante-deux de la Tour de Babel. Au moins il est constant, & on le prouue par leurs liures, qu'elle estoit en vsage il y a plus de trois mille six cens ans. Elle n'est pas la mesme par tout, & on a remarqué que le langage est different, selon la diuersité des Royaumes, qui composent aujourd'huy, ce slorissant Empire, mais qui anciennement n'estoient pas de la Couronne pour estre possedez par des Barbares, comme sont entr'autres ceux du midy, & quelques-vns du costé du Nord. Apres l'vnion des Prouinces il se sit vne langue

langue commune, qu'ils nomment Quonthoa, ou la langue des Mandarins, pour ce que les Mandarins, qui sont les principaux Ministres, à mesure qu'ils establissoient leur gouvernement dans vn Royaume, estoient soigneux au mesme temps d'introduire vne langue, qui a cours encore à present par tout, comme le Latin en Europe, mais plus vniuersellement, chaque Prouince ne laissant pas outre cela d'auoir sa langue particuliere.

Cette langue commune est fort bornée & autant diserteuse en paroles, qu'elle est riche & abondante en lettres: puisque de compte fait elle n'a pas plus de trois cens vingt-six mots, dont il se forme mil deux cens vingt-huit termes par le seul changement des aspirations & des accens, qui finissent presque tous par des voyelles, ou se terminent en M,& en N, comme ils sont aussi tous monosyllabes & indeclinables, autant les verbes que les noms, & si propres à leur vsage, qu'on se sert bien souuent d'vn Nom au lieu d'vn Verbe & d'vn Aduerbe. C'est à la verité ce qui la rend? plus aisée que la langue Latine, dont les seuls rudimens de la Grammaire emportent les meilleures années d'vn enfant, mais aussi c'est cela mesme, qui la rend sujette à beaucoup d'equiuoques pour estre trop concise. Quelques-vns se déplairoient à cette façon de parler si agreable aux Chinois, qui affectent vn langage pressé, soit qu'en cela ils soient les imitateurs, ou les maistres des Lacedemoniens. Leur prononciation est plûtost douce que rude, & ceux qui parlent bien comme à Nankim, flattent l'oreille des auditeurs.

Ils ont quantité d'excellens mots pour parler auec honneur, reuerence & soûmission d'vn homme de merite, en quoy consiste particulierement la beauté de la langue Portugaise: & quoy que d'ailleurs ils soient si pressez & disetteux en leurs paroles, comme i'ay dit, ils sont les plus agreables que ie conoisse. Quad nous voulons particulariser la façon de prendre quelque chose, ou auec les doigts, ou auec toute la main, nous sommes sorcez de repeter ce mot de prendre, mais eux expriment d'vne seule parole l'action, & la façon d'agir. Pour exemple Nien signisse prendre auec deux doigts, Tzò prendre auec tous les doigts, Chuà prendre auec la main serrée, Tuè auec la main ouuerte. De mesme nous nous

G

seruons diuersement du mot d'estre ou demeurer, & nous difons estre au liet, estre à table, estre au logis, & eux auec vn seul terme vous font entendre l'estre & la façon d'estre. Nous disons le pied d'vn homme, le pied d'vn oiseau, le pied d'vne beste, repetans toûjours le mesme mot; mais les Chinois ne disent que Kiò pour dire le pied d'vn homme Chuà le pied d'vn oiseau, & Thi le pied d'vn animal.

Le style dont ils escriuent, est fort éloigné de celuy dont ils parlent, quoy que les paroles soient les mesmes, & qui voudroit escrire, comme on parle communement, appresseroit bien à rire; ce qui prouient de ce que les prieres, raisonnemens, persuasions, & les autres discours de consequence qu'ils sont en particulier, & en public sont les premieres matieres, qui donnent de l'exercice

à leurs plumes.

Leurs characteres semblent estre nez auec eux, puisque conformément à leurs histoires, l'vsage en est receu il y a plus de trois mille sept cens ans, jusques à l'année presente 1640. que i'écris cette Relation. l'ose dire que c'est vne des grandes merueilles de la Chine, que le nombre des lettres estant presque infiny, il y a neantmoins fort peu de personnes, qui n'en sçachent suffisamment pour pratiquer les fonctions de son mestier : & de ce qu'estans propres & particulieres à vn seul Royaume, elles sont communes à rous les Royaumes voisins, qui les nomment diuersement, vn chacun dans sa langue, comme chez nous les chifres & les estoiles retiennent par tout la mesme valeur, & la mesme figure, quoy qu'elles changent de nom. Ces characteres sont propres. & commodes pour les Ambassades, pour les Cedules, & pour les liures, à caufe qu'on remedie par ce moyen, aux inconueniens. qui naissent de la diuersité des langues dans les Royaumes, & qu'vn chacun les peut aisement lire, & comprendre leur signification en sa langue maternelle.

On tient que Fohi l'vn des premiers Roys du païs, les inuenta. Au commencement le nombre n'en estoit pas si grand qu'il est à present, outre qu'elles estoient plus simples, & representoient en quelque maniere, par leur figure la chose signissée par leur prononciation. Ainsi la lettre qu'on nomme Gè, qui signisse le

Soleil,

Soleil, se formoit comme vn cercle auec vne ligne Diametrale par le milieu: depuis on a changé le cercle en vn quarré, retenant la mesme ligne & la signification. Ce changement a causé quatre sortes de lettres: dont la premiere & la plus ancienne que tous les lettrez doiuent sçauoir, se trouue encore dans les vieilles Bibliotheques, mais elle n'est plus en vsage, si ce n'est aux tiltres, cachets, deuises & armoiries. L'autre, nommée Chincu est la plus vsitée soit à la plume, soit à l'impression. La troisséme, qu'ils appellent Taiprè respond à la lettre courante de nos Notaires, dont ils se seruent seulement pour les Cedules, Contracts, Obligations, & autres Actes de Iustice. La quatrième est tout à fait différente des autres, tant pour le grand nombre des abbreuiations; que pour la diuersité des traits, qui demandent vn estude particulier, pour en auoir l'intelligence. C'est celle-là qu'ils nomment sie, qui vaut autant à dire que rendre graces, & ils la

forment en trois façons.

Parlant en general le nombre de ces lettres monte iusqu'à soixante mille, toutes rangées par ordre dans leur vocabulaire, qu'ils nomment Haipien, & qu'ils pourroient plus à propos nommer la grande mer des lettres. Ils en ont vn autre plus court pour lire, efcrire, composer & entendre les liures, qui ne cotient que huict ou dix mille characteres au plus. Que si en lisant, ils trouuent quelques-vnes des lettres, qu'ils nomment froides, ils ont recours à leur grand Dictionaire, comme nous auons coûtume de chercher les mots Latins, que nous n'entendons pas. D'où l'on peut inferer, que celuy-là est le plus auancé parmy les lettrez qui connoist plus de lettres, comme parmy nous celuy-là sçait plus de Latin, qui sçait plus de mots du Calepin. Ce qui est merueilleux, c'est que pour former cette grande diversité de lettres, ils n'ont que neuf traits de plume; mais tantost ils y adioustent quelque figure, & tantost ils lient vne lettre auec l'autre : de sorre que cette connexion change entierement la forme & le sens de l'escriture. Ainsi cette ligne droite-vaut vn; la mesme ligne trauersée d'vne autre perpendiculaire en façon de croix + se prend pour dix : Si vous en tirez vne autre sous le pied de la croix ± elle signifiera la Terre: & si vous en tracez encore vne troisième sur le haut

de cette mesme croix £ ce sera le Roy: Mettez vn points au costé gauche de la ligne d'enhaut, £ vous auez vne pier-re precieuse, en figure, mettez ce points là à la ligne du mi-lieu, c'est une perle. Et generalement toutes les lettres, qui signifient quelque sorte de pierre precieuse, sont toûjours jointes à cette derniere figure; & parcillement celles qui signifient les especes des arbres, & des metaux, comme le fer, l'airain & l'acier, sont composées des autres qui expriment le genre du bois & du metal,

Cette regle pourtant n'est pas toûjours infaillible: car ils ont encore égard à la signification des lettres simples, pour en former des composées. Ainsi la figure quarrée, dont ie vous ay déja par-lé, qui signifie le Soleil, jointe à vne autre presque semblable, qui signifie la Lune, en compose vne troisième nommée Min, qui veut dire la clarté. Pour representer vne porte ils tirent vne lettre en forme de porte, qu'ils appellent Muen, & vne autre en forme de cœur, pour dire aussi le cœur: & pour exprimer la tristesse & l'affliction ils renferment la figure du cœur dans la figure de la porte, comme si le cœur affligé se trouvoit pressé à l'entrée d'vne porte estroite: & pource que la tristesse a son siege, & fait ses principales operations dans le cœur, ils ont coûtume de ioindre la lettre du cœur à tous les characteres qui representent quelque tristesse.

Il ne se peut dire cobien ils estiment les bons écriuains: Ils sont plus de cas d'une belle lettre que d'une excellente peinture, & ils n'espargnent point l'argent pour acheter une page de vieux characteres, quand ils sont bien formez. L'estime qu'ils ont pour l'écriture passe iusqu'à la veneration, ne pouuans pas souffrir à terre un papier écrit, qu'ils ne l'amassent tout aussi-tosts mesme dans les Escoles il y a un lieu destiné pour le mettre, & apres ils le brûlent, non point par superstition comme sont les Tures, mais

seulement par respect qu'ils portent aux lettres.

Ils écriuent du haut en bas, tirans de la main droite à la gau-

che, comme font les Hebreux, & tous les Orientaux.

le sçay qu'anciennement ils se servoient d'escorces d'arbres au lieu de papier, comme quelques autres peuples, & que leur plume plume estoit vn style, ou vn poinçon de fer, dont ils écriuoient fort propremét, & les placques qui leur restent encore, & que les Maistres gardent comme vn precieux meuble sont des témoignages qu'ils écriuoient aussi sur le metal. Mais depuis huit cens ans, ils ont inuenté l'vsage du papier, & en sont tous les iours tant de toute sorte, & de tres-sin, qu'on peut dire, sans se tromper, qu'il y a plus de papier dans le seul Royaume de la Chine, que dans le reste du monde. Celuy qui est le plus commun, & duquel on se sert le plus souuent aux Imprimeries, est fait d'vn arbre que les Indiens nomment Bombù, & les Chinois Ctò, semblable au nostre: mais le meilleur & le plus blanc se fait de toile de cotton.

Ils ont pour plumes, certains petits pinceaux faits de poil de beste, dont les meilleurs sont de poil de lievres, plus commodes de beaucoup pour écrire que les plumes. Les communs coûtent enuiron de trois à cinq quatrins, & les meilleurs vn Iule. Leurs écritoires sont rondes ou quarrées, faites d'vne espece de pierre dure, trauaillées auec beaucoup d'artifice, lesquelles ne font pas pour l'ordinaire de grand prix, quoy qu'il y en ait quelques-vnes qui se vendent iusques à trente escus. L'encre dont ils écriuent, se durcit & se forme en de petites boulettes : ils en ont de plusieurs sortes, mais la meilleure se fait de sumée d'huile, qu'ils ramassent fort proprement, & vendent la liure de la commune vn escu, ou quinze Iules, l'excellente vaut quelquefois vingt escus. Ils se seruent aussi d'encre rouge, particulierement pour marquer les tiltres & les inscriptions des liures. Tout ce qui concerne l'écriture est vne chose si noble & si prisée des Chinois, que mesme les Artisans qui se messent de faire l'encre, ne sont pas tenus pour mechaniques. Et comme le principal soin de nos meilleurs soldats, & de nos vaillans Capitaines est de tenir leurs armes nettes, qui sont les instrumens de leurs gloire: aussi l'ambition d'vn homme de lettres chez eux, est d'auoir son écritoire, sa plume & les autres meubles de son estude riches, propres & bien rangez.

Le plus grand auantage qu'ayent les Chinois pardessus les autres nations, est l'Art de l'Imprimerie, qu'ils ont en vsage depuis

seize cens ans; s'il s'en saut raporter au témoignage de leurs historiens. Elle n'est pas semblable à celle de l'Europe, comme i'ay déja dit en passant, puisque leurs lettres sont grauées sur des tables de bois, & non pas iettées en sonte, comme les nostres. Quand vn Autheur desire mettre vn liure en lumiere, il s'en va trouuer le Graueur, & luy declare de quelles lettres il veut qu'il soit, grandes, petites, ou mediocres, ou pour mieux dire, il donne sa coppie à l'ouurier, qui prepare ses tables de la mesme grandeur des sueilles du papier, puis il colle les sueilles à l'enuers sur ces tables, de saçon que pour grauer ses lettres, il n'a qu'à suiure l'escriture, sans qu'il y ait danger de rien percer à l'opposite, puis qu'ils n'escriuent que d'vn costé, quoy qu'il semble à voir leurs liures, qu'ils soient escrits de tous les deux, à cause que les sueilles du papier sont pliées, & que le costé blanc est caché desueilles du papier sont pliées, & que le costé blanc est caché de-

dans le ply.

Ils impriment semblablement auec des tables de pierre, mais il y a cette difference, que les lettres sont marquées en blanc sur vn champ noir, pource que l'ancre, qui s'attache à la graueure sur les tables de bois, s'attache au contraire à la surface, & à ce qui est éleué sur les tables de pierre. On se sert fort peu de cette facon d'imprimer, si ce n'est pour des Epitaphes & pour des inscriptions & peintures d'arbres, de montagnes & de choses pareilles, dont plusieurs sont curieux de laisser quelque monument à la posterité.ils ont des pierres toutes propres à cela, & pour les tables de bois, ils se seruent communément du poirier. La plus grande commodité que ie trouue en l'vsage de ces tables ainsi grauées, est que quelques ouurages qu'on imprime, qui sont en tres-grand nombre, les formes demeurent toûjours entieres pour en tirer de nouueaux exemplaires toutesfois & quantes, qu'on voudra, fans qu'il soit besoin de nouvelles despenses pour vne seconde impression, comme il nous faut necessairement faire. Et de plus vn chacun a la liberté de mettre au jour ce qu'il luy plaist sans qu'il ait besoin de censure, ou d'approbation pour l'impression de ses ouurages, & cela se fait encore à si peu de frais, qu'on fera grauer plus de cent lettres telles que ie les ay descrites, formées de plusieurs traits pour moins de cinq sols.

CHAPITRE VII.

De la façon qu'ils gardent dans leurs estudes: & pour écrire, O pour receuoir les Escoliers à l'examen.

Es Chinois sont louables, en ce qu'ils s'addonnent de bonne heure à l'estude. Les premiers principes, qu'on donne aux enfans, se tirent de quelques petits liures remplis de beaux documens touchant la pratique de la vertu, les bonnes

mœurs, l'obeissance qu'on doit à ses parens & à ses Maistres, & semblables sujets. A quelques mois de là, on leur baille des liures de classe, qu'ils apprennent par cœur d'vn bout à l'autre, le texte auec la glose ensemble. En suite vient l'explication du Maistre. La leçon se dicte aussi par cœur, l'Escholier ayant le dos tourné vers son Maistre, & le liure ouuert sur la table; & pour dire, prendre & donner leçon, ils ont le mot Poixù, qui fignifie, tourner les espaules au liure, ce qui se fait afin qu'ils ne iettent point les yeux dessus. Au reste ils y estudient auec tant d'assiduité autant les petits que les grands, qu'ils ne prennent ny diuertissement, ny repos en leurs estudes.

Ils ne laissent passer aucun ionr sans écrire quelque chose: & pour mieux apprendre; ils mettent vn exemple sous leur papier, qui estant delié & transparent : fait paroître aisément les lettres à trauers ; de sorte que l'enfant n'a qu'à les imiter & en tirer d'autres dessus. Par ce moyen il se forme la main, & s'accoustume pendant quelques iours à l'escriture de son Maistre; puis on luy regle son papier du haut en bas, comme c'est leur façon, iusqu'à ce quil se puisse passer d'exemple, & escrire tout seul. En vn mot ils prennent grand peine à se faire la main bonne, & à bien écrire, pource qu'il ne faut qu'vne mauuaise lettre pour reietter vn homme docte des examens, sans auoir leu ses compositions. Et de vray l'on n'a pas occasion de croire, qu'vne personne soit fort sçauante, qui lit ou écrit mal: quoy qu'il y ait des exemples au contraire, peuuent.

& que nous sçachions que l'excellent Docteur Nauarre écriuoit tres-mal, comme aussi nostre Barthelemy Philippe, personnage d'vne rare erudition: ce qui a esté cause qu'au grand regret des hommes doctes on a perdu quantité de leurs ouurages, & qu'on a eu beaucoup de peine à tirer de la confusion, ceux qui nous re-

stent, pour ne pouvoir pas lire leur écriture.

Apres que les Chinois ont ainsi appris à former des lettres, & par consequent à pouvoir lire les liures, on les dresse à la composition: ce qui se fait premierement en leur donnant vn sujet mal rangé, qu'ils mettent par ordre; puis vn abbregé de quelque chose, qu'ils amplissent, & quand ils sont plus avancez, vn seul mot sur lequel ils composent, comme on fait aux examens. Et dautant que c'est la coustume d'imprimer pendant trois années les meilleures compositions des Graduez, ils sont soigneux de s'y employer auec estude, & d'en apprendre par cœur le plus qu'ils

Au lieu des Colleges, & des Vniuersitez où les Escoliers estudient ensemble, les plus riches prennent vn Maistre en leur maison, & quelquesois deux, s'il est besoin pour instruire leurs entans. Ce Maistre est continuellement aupres de ses Disciples, & leur enseigne non seulement les lettres & les sciences; mais encore tout ce qui concerne le gouvernement politique, les bonnes mœurs, & la façon de se bien comporter en toutes choses. Les enfans de maison ne vont iamais dehors qu'il ne soit auec eux, pour leur apprendre les ciuilitez & les complimens: sur tout aux visites qu'ils rendent par honneur, qui estans accompagnées de plusieurs ceremonies, il seroit aisé de manquer, si leur Maistre ne les conduisoit. Cette façon est sans doute plus auantageuse à la reputation des ieunes hommes, plus profitable à leurs estudes, & moins exposée au danger des sales pratiques & des mauuailes compagnies, qui sont capables d'infecter l'esprit, & de perdre I honneur d'vn Gentil-homme par le poison de leurs pernicieux exemples: & principalement en la Chine, où dés lors que quelqu'vn est en mauuaise reputation, il ne peut plus estre receu aux examens.

Il y a neantmoins beaucoup d'Escoles pour les enfans de condition

condition mediocre: dont les Maistres ont cela de bon, qu'il n'en reçoiuent jamais dauantage qu'ils n'en peuvent instruire, afin qu'on ne die pas ce qu'on ne dit que trop souuent dans l'Europe, que les Escoliers reuiennent de leurs classes comme ils v sont allez: à cause que les Maistres, qui pratiquent d'auoir yn grand nombre d'enfans, sont plus soigneux de leur profit particulier, que de l'aduancement de leurs Disciples, estant presque impossible qu'vn seul, qui se communique à tant de monde, puisse suffire à les instruire tous sans diuertissement, puis qu'vn homme pour habile qu'il soit, n'est toûjours qu'vn homme: d'où vient aussi que la pluspart des Escoliers scauent le chemin de l'Escole, sans y estre connûs. Cét inconuenient ne se trouue point dans la Chine, où chacun n'entreprend que ce qu'il peut raisonnablement executer, & où les Maistres n'ont qu'autant d'Escoliers qu'ils en peuuent enseigner vtilement : demeurans aupres d'eux tout le long de la journée auec grauité sans les perdre jamais de veuë, si ce n'est pour le repas, & encore porte-t'on à manger à ceux qui sont vn peu éloignez de leurs Escoles. Ils n'ont que quinze iours de vacation au renouueau de l'année, & quelque peu au cinquiéme & septiéme mois, tout le reste s'employe aux estudes, sans interruption de festes ny de congez. Tant ils reconnoissent bien cette verité, qu'il faut trauailler pour deuenir sçauant, & que c'est vne chose fort extraordinaire de pouvoir passer pour homme docte, sans prendre beaucoup de peine.

Quand ils sont vn peu plus grands, & plus auancez, leurs Peres qui ne peuuent pas leur donner des Maistres à chacun en particulier, assemblent vn certain nombre de parens & de voissins, pour leur auoir vn Maistre en commun, qui va manger chez eux à tour de iours, & tire de tous salaire plus ou moins, selon la diuersité des païs, qui se peut monter jusques à quarante ou cinquante escus. Les gages ordinaires des autres n'estans que dix ou vingt escus au plus, sans conter les presens qu'on leur fait à certaines festes, de chausseures, de souliers, & de tels autres emmeublemens. Pour leurs repas, ils les prennent toûjours à la table du Pere de leurs Disciples, ou auec leurs Disciples mes, bien que ce soit dans vne maison des plus considerables.

H.

Mais

Mais comme ils ont cette persuasion que la presence des Domestiques, & la maison paternelle sont les ennemis iurez de l'étude, ils éloignent tant qu'ils peuvent les ensans qui estudient particulierement aux hautes sciences, de la maison des parens, & en ont vne autre pour cét esset dedans, ou dehors la ville. Si cette pratique s'observoit dans les autres Royaumes, nous ne verrions pas tant de sils de Grands & des Seigneurs si ignorans: comme si la vraye noblesse ne consistoit pas en la science, & aux belles qualitez de l'esprit.

Les Maistres ordinaires & communs sont sans nombre, pource que de tant de pretendans, qui aspirent aux degrez des lettres, y en ayant fort peu qui puissent y paruenir, les autres sont contrains de se ierter dans ce triste mestier; & de chercher dés le commencement d'une année, une condition pour l'autre année suiuantes Mais dans les grandes maisons, ceux qui ont cét employ, sont ordinairement des Bacheliers, qui continuent le cours de leurs

estudes afin d'estre receus Docteurs.

A pres qu'ils ont vne fois pris quelque degré, & qu'ils sont seulement Bacheliers, ils ne reconnoissent plus de Maistres; mais entr'eux ils tiennent quelque espece d'Academie, & s'assemblent tous les mois; où l'ordre est qu'vn de la compagnie à l'ouuerture du liure donne vn sujet, sur lequel on compose, & puis on

confere ensemble sur ces compositions.

Quoy qu'ils n'ayent point d'Vniuersitez ny d'Escholes particulieres, ils ne laissent pas neantmoins d'auoir des Palais logeables, & magnifiques, & meublez superbement pour les Examinateurs, & pour ceux qui se presentent aux examens en nombre
presque incroyable. Il y en a dans beaucoup de villes & bourgades, mais les plus superbes & les mieux accommodez sont dans
les villes Capitales, où se sont les examens des licentiez; & dont
la grandeur est proportionnée à la multitude des personnes, qui
accourent de tous les endroits des Prouinces; & la forme des bastimens est par tout la mesme. Ceux de Canton sont les moindres du Royaume, pource qu'en cette Prouince on ne reçoit iamais aux degrez plus haut de quatre-vingts estudians; mais dans
les autres on en reçoit iusques à cent, & cent quinze à la fois. L'edisse

difice est tout entouré de murailles auec vne belle & somprueuse porte du costé du midy, & vne grande place au deuant large de cent cinquante pas Geometriques, pour concenir le monde qui s'y rend; où il ny a que des allées sans aucune maison auec des sieges de part & d'autre pour les Capitaines & soldats qui font garde; & sont en faction, pendant le temps des examens. Dés la premiere entrée on void vne grande cour, où sont les Mandarins auec vn corps-de-garde pour la seureté du dedans. Il y a en suite vne autre muraille auec vne porte, qui s'ouure & se ferme à deux fois, comme celles de nos Eglises, quand il n'est pas besoin de l'ouurir toute entiere. On apperçoit au delà vn grand fossé plein d'eau, qu'on passe sur vn pont de pierre, d'vn ouurage excellent, pour arriuer à vne troisséme porte gardée par des Capitaines, qui ne laissent entrer personne, sans l'ordre exprés des Officiers. A cette entrée vous découurez vne place, d'vne fort large étenduë, & de petites chambres de deux costez du leuant & du couchant toutes d'vne suite, pour loger ceux qui doiuent estre examinez. Il y en a enuiron cinquante de chaque costé, larges de trois pieds & demy, longues de quatre & demy, de la hauteur d'vu homme, conuertes de terre au lieu de tuiles, auec vn siege dedans; & vne table pour écrire & pour manger. On y entre par vn chemin si estroit qu'à peine vn homme y peut marcher: & le deuant des vnes regarde le derriere des autres.

Pendant l'examen, il y a vn Soldat dans châque chambre assis sous la table, pour garder & pour seruir le pretendant, auec vn baillon en la bouche, à ce qu'on dit, de peur qu'il ne parle & ne detourne son Escholier. Mais ie pense que le remede luy est fort arbitraire; & qu'il ne satisfait pas entierement à son obli-

gation.

Au bout du chemin estroit, dont ie viens de parler, s'éleue vne Tour portée sur quatre arcades, reuestuë d'vne grande balustrade qui regne tout au tour, où sont assis quelques Officiers auec d'autres personnes de qualité, pour prendre garde à ce qui se passe dans ces Cellules, & auoir l'œil par tout. Aux quatre coins, de la Tour il y a quatre autres Tourrettes auec des cloches ou des tambours, qu'on sonne des aussi tost qu'on apperçoit quelque re-

muëment, pour aduertir ceux qui doiuent remedier aux desordres. Prés de cette Tour il y a encore quelques logemens, & vne grande sale garnie de sieges, de tables, & des autres choses necessaires au premier examen qui s'y fait des compositions, en pre-

sence des Officiers ordinaires qui occupent les chaises.

Ayant passé cette sale, vous entrez du costé du Nord dans vne Cour, & de là vous gaignez vne autre sale séblable à la premiere, si ce n'est que les meubles sont plus precieux, pour estre le lieu du President & des principaux Officiers, auec d'autres appartemens tant pour eux, que pour les Examinateurs. Chaque appartement a vne sale, des chaises, vne table pour prendre ses repas, & pour écrire, vne chambre & vn lit, auec vn pauillon de soye, & les autres meubles necessaires au seruice d'vne maison. Il y a de plus vne Galerie pour se promener, vn petit jardin, & des arbrisseaux auec de petits logemens pratiquez pour les Notaires, Secretaires, Pages, & autres seruiteurs & Domestiques. Puis des chambres pour les Mandarins, pour les moindres Officiers, & pour ceux du commun, accompagnées de Despenses, de cuisines, & de tout ce qu'on peut souhaiter, pour vn si grand peuple, châque chose estant rangée à merueilles.

Anciennement les Caualiers & les Parens du Roy, & particulierement ceux qui auoient estudié, n'estoient point receus aux charges, ny mesme aux examens pour les degrez. Depuis vingt ans en ça, apres les longues instances qu'ils en ont fait, & apres plusieurs contestations de part & d'autre; ils ont ensin obtenu le priuilege de pouuoir estre examinez, & les Examinateurs sont obligez d'en receuoir quelques-vns, mais peu: n'estant pas raisonnable que des hommes de cette naissance soient entierement exclus d'un honneur, qui se donne indisferemment à tous les autres de quelque condition qu'ils soient, n'y ayant que les insames qui en soient priuez, comme sont les valets des Mandarins, qui les seruent en lustice, les Sergens, les longleurs, les Bourreaux, les Macquereaux nommez Vampa, & generalement toutes les personnes de mauuaise vie, qui n'ont pas encore donné des preuues

suffisantes de leur amandement.

Il y a en tout trois sortes de degrez, Sieueri, Kiugin, & Cinfu, qui

qui sont à plus prés comme nos Bacheliers, Licentiez & Docteurs, auec leurs en eignes & liurées particulieres. Pour ceux qui estudient, sans auoir aucun degré, l'on n'en fait pas grand cas, & ils ne iouissent d'aucun priuilege, s'ils ne sont Gentils-hommes. Car le peuple respecte ces gens-là comme la lumiere de leur païs. Telle est l'estime que font de la science ceux qui sçauent donner le juste prix aux belles choses.

CHAPITRE VIII.

De la maniere qu'on fait les Examens, & qu'on confere les DegreZ.



ORDRE & la maniere que les Chinois obser-Luent aux Examens des personnes de lettres est curieuse. Et pour le mieux entendre, il faut presupposer qu'en ces Examens, qui se font depuis les simples Escoliers insques aux derniers Do-

cteurs, consiste la plus importante affaire de cét Estat, où il s'agit des charges, des dignitez, des honneurs, & des richesses, qui est l'vnique but que les hommes regardent auec attention, & où ils dressent leurs soins & leurs pensées: & en suite il est besoin de parler auant toute autre chose, de ce qui se fait par les simples Escoliers au commencement de leurs Estudes.

Auant que l'examen se fasse, on le publie par les Prouinces, puis on arreste le iour : ce qui se fait ainsi, pource qu'y ayant beaucoup plus de pretendans qu'il n'y a de degrez à conferer, il n'est pas raisonnable qu'vn si grad nombre soit admis à l'examen de la Chancelerie. Pour empescher donc cette confusion, & que les sçauans & les ignorans n'entrent point pesse-messe, on donne ordre dans la Prouince, que ceux qui veulent y estre receus, donnent des preuues de leur suffisance en deux examens precedens, qui se font dans vne ville, ou bourgade destinée à cela en cette maniere: chaque luge en son territoire fait proclamer la ceremonie, & assi-

gne le iour que tous les estudians de son ressort, se doiuent assembler. Et pource qu'il n'y a point de Maison, ny de College assez grand pour contenir tant de monde, l'assemblée se fait dans vne rase campagne, garnie de bancs & de tables pour la tenue des examens. Le luge donne la matiere d'vne composition; ou l'on trauaille depuis le matin insques au soir, qu'on la rend à vn Ossiciet, qui a charge de les receuoir toutes, & puis de les lire attentiuement & à loisir. Il trie les meilleures, & fait escrire le nom de leurs Autheurs dans vne liste, qu'il attache aux murailles de son Palais; de cette saçon ceux qui voyent leurs noms escrits, reconnoissent qu'ils ont esté iugez capables de se produire au second examen: pour les autres ils n'ont qu'à s'en retourner dans leurs maisons: & de ceux qui sont ainsi capables, on dit apres communaisons: & de ceux qui sont ainsi capables, on dit apres communaisons: & de ceux qui sont ainsi capables, on dit apres communaisons: & de ceux qui sont ainsi capables, on dit apres communaisons de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, on dit apres communes est de ceux qui sont ainsi capables, est de ceux qui sont ainsi capab

nement qu'ils tiennent nom dans le village.

Les compositions choisses sont portées au Gouverneur de la ville par l'Officier qui les a leuës, & par les luges particuliers, chacun dans son destroit, vne ville ayant sous soy deux villages & deux luges, outre le Gouverneur. Et les estudians, qui ont donné ces preuues de leur capacité, s'estans assemblez, se rendent à vn endroit de la ville, où les Gouuerneurs les examinent pour vne seconde fois, & leur donent vne nouvelle matiere, comme on avoit fait à la campagne, auec cette seule difference, qu'on regarde icy de plus prés, que les iugemens sont plus seueres, & les luges moins faciles à se laisser corrompre par les importunitez des supplians, qui ne manquent iamais en pareilles occasions d'affoiblir la verité. Le Gouuerneur en choisit iusques à deux cens, qu'il presente au Chancelier, lequel les oblige à vne troisième espreuue, en la mesme façon qu'aux precedentes, d'ou vient qu'apres auoir esté si souvent, & si fortement criblez, il ne faut pas s'estoner, si d'vn si grand nombre, à peine il y en a vingt au vingtcinq qui soient promeus au degré, dont ils reçoiuent les marques & les privileges de la main du Chancelier, qui les avertist à mesme temps, comme ils releuent de luy, & que non seulement ils luy sont sujets, mais encore aux Prefets, qui sont deux en chaque ville, qu'ils appellent Hioquon, c'est à dire des Mandarins de la science, qui ont le soin d'observer leurs deportemens, &

le pouuoir de les chastier, s'ils se comportent mal, & de plus de

les examiner en particulier toutes les fois qu'il leur plaira.

Le Chancelier est renu par le deu de sa charge, de parcourir la Prouince, & d'assembler dans vne ville tous les vieux Bacheliers & les examiner, pour voir s'ils estudient, ou s'ils ne s'addonnent point à des occupations indignes de leur profession. Il recompense les diligens, & châtie les paresseux de cette sorte. Comme ils sont tous assemblez dans le Palais commun, il leur assigne vne matiere pour composer, & puis il distribuë leurs compositions en cinq classes ou decuries. Aux premiers, il donne des éloges & des prix, & fait presque le mesme aux seconds : il ne dit mot aux troisiémes; il punit les quatriémes; & déposiille honteusement les derniers de leurs degrez, privileges, & marques d'honneur, les rangeant ainsi auec le commun peuple, sans neantmoins leur oster la liberté de se presenter une autre fois à l'examen. Apres cela il en choisit de la premiere classe quarante pour vne ville, & vingt pour vn village dont il reconnoît plus particulierement le merite: & quoy que chacun d'eux ne touche pas plus de huit escus de recompense, si est-ce que la dépense que le Roy fait pour cesujet par toutes les Prouinces de son Royaume, monte pour le moins jusqu'à trois cens mille escus. Ce trauail est immense, y ayant dans la Chine quatre cens quarante-quatre villes, & mille deux cens cinquante bourgs. Voila ce que doit faire vn Bachelier pour obtenir son degré, & pour s'y maintenir: voyons maintenant quelles sont les obligations d'vn licentié.

On tient leur examen tous les trois ans dans la principale ville de toutes les Prouinces du Royaume, le mesme iour qui vient à tomber en la huictième Lune, sur la fin de Septembre, ou au commencement d'Octobre. Il dure vingt-cinq ou trente iours, quoy qu'il ny en ait que trois pour traitter auec les pretendans, qui sont le neusuième, douzième & quinzième. Les principaux Examinateurs sont les grands Officiers de la Prouince & d'autres du ressort, qu'on leur donne pour les ayder, & par dessus tous, le President qui vient exprés de la Cour, pour assister à la ceremonie. Ceux-là sont les premiers qui s'assemblent dans le Palais, & auec eux des Secretaires, Escriuains, Seruiteurs, & mesme des

Medecins

Medecins en cas de besoin, n'estant pas permis à aucun d'entrer

ny de sortir pendant tout le temps que dure cette action.

Ily a vn Officier vigilant à la porte, qui pouruoit à tout ce qui est necessaire au dedans: le seul Chancelier est exempt de ces contraintes, entant qu'il est le Maistre commun des Bacheliers. Quelques-vns sçauent si bien leur portée, qu'ils preuiendront sans se tromper la Sentence des luges: comme celuy de Kiamsi, qui apres que tous les estudians furent rensermez dans le lieu de l'examen, sit vn denombrement de ceux qui deuoient remporter le degré, & le placarda publiquement, ne s'estant trompé que de six entre cent quinze, qui s'estoient representez.

Apres que les Officiers se sont assemblez, les estudians qui sont plus de sept mille par les Prouinces, s'assemblent aussi sur les neuf heures du matin gardans leur rang, sans contestation, comme il arriue par sois à l'examen des Bacheliers, que cette consussion cause d'estranges accidens, & mesmes des meurtres, comme i'ay veu à Sumkiam dans la Prouince de Nankim, & à Kiamsi. On les visite à l'entrée pour sçauoir ce qu'ils portent, & s'ils sont trouuez saisis du moindre papier, ils sont exclus de l'examen. Pour estre moins incommodez, ils ont vn chapeau leger & delié,

les jambes nuës, des souliers de corde, l'habit sans doubleure & sans piece, les plumes & l'escritoire au col. Estans entrez ils se retirent chacun dans sa petite chambre, dont i'ay parlé cy-deuant, auec son soldat pour le garder, qui se tient sous la table. Aussi-

tost les portes se ferment, & on dispose les soldats, & les gardes au dehors & au dedans, qui ne laissent passer aucun durant l'examen.

Et sans perdre le temps, on expose les poincts de l'examen que le President a déja sait écrire en gros characteres sur des tables blanches, attachées publiquement aux quatre coins de la place, d'où chacun les peut lire, sans sortir de sa chambre. Ces points sont sept en tout; quatre, qui sont pour tous, se tirent des quatre derniers liures de leur Philosophie, & les autres trois sè prennent de tous les Kim, c'est à dire de toutes les parties qu'vn chacun prosesse & estudie particulierement.

Ce à quoy celuy qui veut estre examiné, doit prendre garde, est d'auoir

d'auoir vn style concis, des termes élegans, & des sentences recherchées, & d'escrire d'vn charactere net & bien sormé, sans
abbreuiation. S'il y a quelque mot corrigé dans vne ligne, ils escriuent au dessous ce qu'ils ont corrigé. Ils sont toûjours deux
copies de leurs compositions, l'vne fermée auec leur nom propre, & le surnom du pere & de l'ayeul, & leur âge escrit par le
dedans, & vne inscription au dehors comme il leur plaist, qu'ils
serrent par l'ordre des nombres, dans vn lieu destiné: l'autre est
ouuerte, qu'ils mettent entre les mains des Officiers, & puis s'en
vont:ces Officiers la donnent à des escriuains qui l'a transcriuent
en lettres rouges, de peur que la main de l'autheur ne soit connue
par les Examinateurs, qui partagent apres entre eux ces compositions, les lisent & les examinent auec tant de rigueur, que la
moindre saute les sait rebuter. l'en veux raconter vn exemple
assez plaisant.

Entre autres lettres, ils en ont vne nommée Ma, qui veut dire vn cheual, composée d'vne ligne perpendiculaire qui tranche trois lignes droites, & vn trait au dessous semblable à vn S, rensermant quatre poinces l'vn prés de l'autre, ceux qui veulent abbreger, tirent vne ligne au lieu de ces poinces. Il arriua que contre l'ordre, vn de nos Bacheliers, qui aspiroit à la licence, se seruit de cette abbreuiation dans vne de ses compositions, qui sur l'heure sut rejettée, quoy que d'ailleurs elle sut des excellentes, pour ce seulement qu'il n'auoit pas obserué la première façon d'escrite, auec ce petit mot de raillerie, que luy dist l'Examinateur, le che-

ual ne peut cheminer, s'il n'a ses quatre pieds.

Dés le lendemain on apperçoit vn placard aux murailles du Palais, contenant les noms de ceux qui ont fait des fautes en leur composition, qui est comme vn aduis secret qu'on leur donne de se retirer en leur maison, ce qu'ils font au plûtost, partie de honte, & partie par necessité, pour ne pouuoir estre receus aux Examens suiuans.

Dont la seconde ouverture se fait le douzième du mois, en la mesme forme qu'au precedent, si ce n'est qu'on n'y propose seulement que trois poincts touchat les difficultez qui se peuvent rencontrer en matiere de gouvernement, pour sçauoir les moyens I qu'il

qu'il faut tenir, & les aduis qu'il faut donner au Roy. Il artiue encore assez souvent que ces compositions apres auoir esté soi-gneusement releises sont censurées, & sont que plusieurs sont rejettez du troissème examen, qui se fait le quinzième du mois, sur trois autres poincts tirez des loix & des coustumes du Royaume. Les compositions estans ainsi paracheuées, le Palais se ferme enuiron pour quinze iours, qu'on employe à lire, & choisir entre les meilleures, celles qui effectiuement meritent l'honneur du degré. Puis on les porte au President, qui donne le dernier iugement, & les range toutes par ordre, chacune suiuant son pris, comme estant vne chose tres-importante d'estre des premiers tant pour la reputation que l'on acquiert, que pour estre plûtost pourueus.

Apres cette derniere reueuë, qui se fait sur les compositions transcrites par les Copistes, on ouure les autres qu'on auoit cachetées & mises à part, pour conferer l'inscription auec le nom des Autheurs, qu'on met par ordre suiuant leurs merites. Cette liste s'expose à la veuë d'vne infinité de monde, qui attendent l'vn pour son fils ou pour son frere, l'autre pour son parent ou amy, celuy-cy pour son Seigneur ou compagnon, & celuy-là simple-

ment pour son plaisir & pour contenter sa curiosité.

Tandis que ces noms demeurent exposez au public écrits en grosses lettres, sur vne grande carte large de deux pieds & demy, il s'assemble deuant la porte tout autant de cheuaux menez par des valets, qu'il y a de licentiez à receuoir. Et comme on garde le rang de leur reception, s'vn estant le premier & les autres sui-uans par ordre, dés lors qu'on a distribué les billets marquans s'ordre, & le rang de chaque gradué, qui demeure cependant caché, c'est à qui leur en portera le premier la nouvelle, pour auoir son étreine, & demeurer à leur service jusqu'à ce qu'il faille partir pour aller à la Cour.

Les nouveaux licentiez ayans receu l'aduis de leur promotion viennent tous en ordre à cheual au Palais, où le Prouiseur ou Ministre de la Chambre du Roy les attend auec les marques de leur dignité, qui sont le bonnet, la robe, les rubans, & les bottes, qu'ils prennent auec solemnité, & en cét estat s'en vont remerciet

le President des examens: qui les reçoit debout, les traittant des-ja comme ses égaux, quoy qu'il soit toûjours comme le ur Maistre, & qu'eux luy rendent des deserences, & des respects, qui ne sont pas croyables. Pour leur regard, ils viuent tous en si bonne intelligence, qu'on les prendroit pour estre freres: aussi se nomment-ils freres d'examen, & comme tels s'honorent-ils les vns les autres. A pres plusieurs autres ceremonies ils sont regalez splendidement par les Officiers en trois festins: dont le troisième leur est à prosit, puisqu'il y a trois rables pour chacun, la premiere couverte de diverses viandes; la deuxième de volailles, & de gibier, & d'autres chairs toutes cruës, la troisième est de fruits secs, qu'on porte à leur maison, pour en disposer comme ils voudront.

Dés aussiletost que ces personnes sont éleuées à ce degré, elles deuiennent incontinent grandes, respectées & opulentes. Elles ne mettent déja plus les pieds à terre, & si vn cheual leur manque, elles ont des chaires. Leurs maisons changent pareillement de face auec leurs personnes, & comme si elles estoient trop petites pour loger de tels hostes, il faut achepter celles du voisinage pour les agrandir, & bastir des Palais. On peut dire que c'est vne des grandes merueilles du monde, que la pluspart sont venus de leur païs à pied, vn méchant manteau sur l'épaule, auec vn doigt de crotte pour releuer la bassesse de leur maison. I'en ay veu

quelques-vns à Nanquim.

La folemnité finie, on parle incontinent d'aller à la Cour pour estre Docteurs: ceux qui veulent se jetter dans le gouuer-nement, sont bien-tost pourueus de quelque charge, mais en l'acceptant, ils perdent le droit & l'esperance de pouvoir jamais monter au Doctorat. Ce qui n'empêche pas que plusieurs, qui sont plus avancez en âge qu'en richesses, ne soient contens d'avoir quelque gouvernement avec le seul tiltre de licentiés, & bien que pour l'ordinaire ils n'aillent pas plus avant, il s'en est veu neant-moins parmy ceux-là qui sont paruenus à la charge de vice-Roy. On donne à chacun quatre-vingt escus pour les frais de son voyage pris de l'épargne du Roy; & ie sçay par le rapport de quelques Chinois dignes de soy. Qu'apres avoir bien calculé toutes les despenses qu'il faut faire, il n'y a point de nouveau licentié qui ne revienne.

reuiennent à mille éscus au Roy, auant qu'il soit à la Cour : ce qui monte à plus d'vn million & demy par tout le Royaume. Tant il couste à vn Prince de faire vn homme sçauant, & capable de gouuerner les affaires de son Estat : qui leur propose ces grandes re-

compenses pour les encourager à l'étude des sciences.

Il y a pres de mille cinq cens licentiez, qui se passent tous les trois ans par les Prouinces; mais il y en a bien plus, sans comparaison qui poursuiuent les autres degrez dans tous les Palais destinez à ces vsages. En celuy de Canton, qui est neantmoins des plus petits, on y conte plus de sept mille cinq cens petites Chambers, & il s'y est leu pour vn premier iour d'examen iusques à quatre-vingt seize mille cent quarante-huit compositions. D'où l'on peut inferer combien est prodigieux le nombre de tous ces pretendans. Le plus haut degré merite vn Chapitre particulier.

CHAPITRE IX.

Du degré de Docteur.

E degré de Docteur se confere seulement à la Cour du Roy, en la deuxième Lune qui répond enuiron au mois de Mars. Les formes qu'on y observe, sont les mesmes qu'aux licentiez, excepté que les marques d'honneur sont differentes des autres,

& que les Examinateurs sont des personnes plus releuées, comme Principaux du College Royal, qu'ils nomment Hanlim, & pour President le Colao, qui est la premiere dignité du Royaume apres le Roy: quoy que ce President n'y soit pas absolu, & que les Prosesseurs du College Royal ayent leur voix definitiue en cette action; n'estant pas permis au President, de reietter les compositions, qu'ils ont vne sois choisses, & ausquelles ils ont donné leur approbation.

Tous les licentiez du Royaume tant les vieux que les nouueaux, sont admis à cét examen. Il est bien vray qu'autrefois il ne falloit simplement qu'estre licentié pour entrer dans l'examen

des

des Docteurs: mais dautant que parmy leurs compositions, il s'entrouuoit vn grand nombre de si mal faites que c'estoit perdre le temps sans fruit que de les lire; L'on a estably depuis quinze ans en ça, l'examen des premieres épreuues, touchant la capacité de ceux qui aspirent au degré de Docteur: ce qui fait que plusieurs sont rejettez auec honte & infamie, & les autres sont instruits de ne pas perdre leur temps mal à propos en ieux & en festins.

On en choisit de ce premier examen iusques à trois cens cinquante, qui sont receus au degré; les marques de leur election sont tout à fait disserentes en prix & en façon de celles des licentiez, excepté les bottes qui sont les mesmes. Ils ont de plus vne ceinture, qu'ils portent dans les gouvernemens qui leur sont donnez en consideration de leur merite; laquelle est dautant plus precieuse, qu'ils ont plus dauantage & d'honneur aux charges, où ils sont employez. Apres qu'ils ont receu leur degré & les marques de leur doctrine, ils se rendent tous au Palais du Roy dans vne sale, qui est destinée à cela, où ils sont examinez pour la deuxième sois par vne seule composition, à dessein d'estre pourueus d'vne charge ou d'vn gouvernement. Le Roy se trouuoit autresois en personne à cét examen: auiourd'huy c'est vn Colao, qui tient sa place.

L'examen estant acheué on passe dans vne autre sale, où le Roy est sur son Trône, les nouveaux Docteurs luy sont en entrant la reuerence, & les Colaj luy presentent, ceux qui ont emporté par leur merite les trois premieres places: & luy de sa propre main leur donne à chacun vn prix, qui ont tous leur nom particulier: celuy-cy se nomme Chuam Tuen, celuy-là Pham Tuen, & l'autre Thoan Hoa. Au reste leur reputation est bien tost si répandue, que dans peu de iours il n'y a personne dans le Royaume, qui ne les connoisse par ces noms, & qui ensemble ne sçache ceux de leurs Peres & de leurs païsse qui me semble prodigieux dans vn Estat si vaste. L'honneur qui leur est deu en suite de ces degrez, est à proportion comme celuy de nos Marquis & de nos Ducs, tant pour la deference qu'on leur rend par tous les endroits du Royaume, que pour les places qu'ils ont en gouuernement; qui sont les mesmes qu'on donnoit autresois aux

Seigneurs, quand ils auoient la mesme authorité que sos Docteurs.

En suitte de ces ceremonies, il y a encore vn autre examen, duquel fort peu s'absentent, bien qu'il soit libre de s'y trouuer. On y propose vn nouveau poinct, sur lequel on compose, & puis ontrie les meilleures compositions, pour voir qui sont ceux, qui meritent d'estre receus au College Royal. On n'en choisit que trente, & encore y en a-il cinq, qui sont renuoyez pour vn an, dans leur gouvernement, neantmoins auec de bons appointemens & de grosses pensions. Les autres vingt-cinq ont des Palais particuliers, où ils s'assemblent, & viuent comme des Escoliers sous la discipline d'vn Colao, qui les fait tous les jours composer, & les exerce en ce qui concerne leurs lettres, & la speculation du gouvernement politique. Cette vie dure iusqu'à vn autre examen, qu'on met de nouveaux Docteurs en la place de ceuxcy, qui sortent du College, pour estre mis & employez dans les plus importantes charges de la Cour, suiuant leur grade & leur antiquité: d'où iamais ils ne sortent, si ce n'est pour estre Presidens des examens, ou exercer, quelque charge particuliere par commission du Roy, seulement pour vn temps; la dignité de Vice-Roy estant mesme trop peu de chose pour eux, qui aspirent à estre Colao, tous ceux qui le sont deuant estre pris de leur corps.

Tous les nouveaux Docteurs sont employez dés la mesme année, s'ils ont l'âge competant. La visite generale, qu'on fait cette année par tout le Royaume, où tous les vieux Mandarins sont obligez de comparoître, ne sert pas peu pour trouuer des emplois, & sournir des places aux nouveaux. Comme certe charge est releuée, on ne sçauroit croire les visites, les complimens, les congratulations & les presens qu'on fait à celuy qui l'exerce. Les seuls presens qu'il reçoit, montent quelques i insques à cinq cens escus. Les parens & les amis du nouveau Docteur, qui est nommé des premiers, suy dressent des Arcs de Triomphe dans leur ville, ou dans leur village, non point de bois ou de cartons mais de marbre somptueux & magnisique: sur lesquels ils sont grauer son nom, le lieu & l'année qu'il a receu son degré. En vn

mot le monde est par tout le mesme en substance, & il ne faut pas se persuader, que celuy qui est sans authorité, soit iamais dans l'admiration, & dans l'esprit des peuples; & que toutes ces pompes se facent plûtost par yne pure reconnoissance du merite, & par vn zele de la verité, que par flaterie & par interest.

CHAPITRE X.

Des Liures & des Sciences des Chinois.



Ovs ne pouuons parler qu'obscurement des fciences de la Chine, pource que leurs Autheurs n'ont pas si bien rencontré que Platon, Aristote, & les autres Philosophes, & Sages de l'antiquité, qui ont esté soigneux de garder l'ordre, & la diui-

sion qui met la clarté dans leurs liures distribuez par classes & par chapitres. Et puis ils n'ont dit aucun mot de beaucoup de sciences, & d'arts liberaux; & encore des autres, excepté de celles qui concernent le bon gouvernement de l'estat, ils n'en ont traité que fort legerement.

Leur principal but a esté de tout temps, de trouuer les moyens de gouverner heureusement. Les premiers, qui ont pris yn si louable employ, furent les Roys Fohi, Xinon, & Hoamfi, qui s'estans addonnez dés le commencement à l'étude des sciences tant morales que speculatines, & en ayans fait comme des museres par des nombres pairs, & impairs, par des chires & chiracteres, composerent des loix qui depuis furent eccuës & main en main par les autres Roys leurs Successeurs cenus pour les Sages du temps, & seruirent à regler l'estat iusqu'au regne de Cheu, qui commença onze cens vingt-trois an auant la naissance du Fils de Dieu. Auguel temps Venuam, & Checuam, son petit fils expliquerent ces nombres, & déchirerent ces characteres dans vn liure nommé Yechim, qu'ils corposerent sur ce sujet, remply de belles instructions, & de printables enseignemens pour tous les Estats du Royaume. Ceur cy suiuans les traces des autres Philofophes,

fophes, qui viuoient en Stoiques, tesmoignerent vn soin particulier du gouvernement & du bien public, iusques au temps de Confusio, qui rangea par ordre les cinq Liures, que les Chinois nomment Vehim, & qu'ils mettent au nombre des choses sacrées. Le mesme composa d'autres liures, sans compter ses sentences & ses beaux mots, qui ont esté recueillis soigneusement, & dont on

a fait quelques volumes.

Ce Philosophe viuoit enuiron cent cinquante ans auant la venuë de Iesus-Christ, & comme on peut iuger de ses escrits, ce sut vn personnage d'vn bon naturel, porté à la verru, prudent, auisé, sententieux, & amateur du bien commun. Il eut vn grand nombre de Disciples, & de Sectateurs, qui pensans reformer le monde, chasserent la sincerité des commerces & la verité des compaonies, & changerent l'ancienne façon de viure, introduisans de nouuelles coûtumes en diuers Royaumes, où ils eurent part au gouvernement; pour ce que dés aussi tost qu'ils reconnoissoient qu'on ne suivoit pas leurs auis & conseils dans l'vn, ils passoient à l'autre : ce qui les rendit odieux aux autres Philosophes, qui viuoient de mesme temps; lesquels ne pouuans approuuer leurs procedures, ny fouffrir que les affaires fussent si mal conduites, se retirerent dans leurs maisons, & s'addonnerent au labourage, eux-mesmes cultiuans leurs terres. Il arriua yn iour que Confusio faisant chemin, se trouua sur le bord d'yne riuiere, bien en peine pour ne sçauoir pas le gué, qu'il enuoya demander à vn de ces Philosophes, qui labouroit vn champ assez prés de là. Ce Dote laboureur, comme il eur connu des discours du Messager, qu'il el oit vn des Disciples de Confusio, & que son Maistre estoiten corosse, avendant la réponse; Allez, luy dit-il, allez à la bonne heure, le cherin est beau, sans qu'il soit besoin de guide: voulant donner à entence que puisqu'ils alloient ainsi de Royaume en Royaume, pour s ngerer au maniement des affaires, il n'estoit pas à propos, que le Philosophes se messassent de gouuerner.

Neantmoins, cela n'a point enpesché que cét homme ne se soit acquis tant de credit, & ne se soi mis dans vne si haute reputation parmy les Chinois, que non eulement il est tenu pour Saint,

Saint, pour Maistre, & Docteur du Royaume, que les liures qu'il a escrits & les Sentences qu'il a prononcées sont leuës, comme des Oracles, & que tout ce qui se dit de luy, est receu comme vne chose diuine: mais encore il y a des Temples publics dans toutes les villes, bastis, & consacrez à sa memoire, qu'on honnore en certains temps auec de grandes ceremonies: dont s'une des principales est, qu'en s'année que se font les examens, les nou-ueaux graduez vont tous ensemble luy saire la reuerence, & le reconnoître pour leur Maître.

Ses plus proches parens iouissent des reuenus, & portent la qualité de Chuheu, qui vaut autant que Marquis, ou Duc: le Gouuerneur de la ville, où il est né, est toûjours vn de sa maison; & ceux de son sang dés aussi-tôt qu'ils naissent, ont des privileges particuliers du Roy, & sont respectez de tout le monde, en consideration de leur ayeul, bien qu'il y ait environ dix. huict cens ans

qu'il est mort.

Mais pour retourner aux liures qu'il a mis en lumiere, ce sont ceux qui s'ensuivent. Le premier nommé Yechim, traite de la Philosophie naturelle, de la generation, & corruption des estres : du destin, des prognostiques, & iugemens qu'on en tire, & des principes de la nature, discourant sur les nombres auec de certains characteres, & rapportant tout à la Morale, & à la Politique. Le deuxième qu'il a intitulé Xukim, est vne espece d'histoire, qui contient le temps & l'heureux gouvernement des premiers Roys. Le troisième Xikim, est la Poësie des Anciens, descrite sous des metaphores, & figures poëtiques, touchant les différentes inclinations, les diuerses humeurs, & coûtumes des hommes. Le quatrieme traite particulierement des ceremonies, & coûtumes ciuiles, qu'observoient les mesmes Anciens, & de celles qui regardent le seruice de Dieu & de la Religion. Le cinquiéme qu'on nomme Chuncieu, sont des Annales, qui comprennent la Chronique du Païs, & vn recueil d'exemples de plusieurs Roys, tant bons que mauuais, pour imiter les vns, & fuir les autres.

Il y a encores quatre autres liures, qui sont partie de Consusso, & partie de Mensiù, vn autre Philosophe: de sorte que toute la K

science Naturelle & Morale des Chinois, qu'ils professent dans toutes les Vniuersitez du Royaume, & d'où ils prennent leur sujet, pour lire ou composer aux Examens des lettrez, est comprise dans ces neuf liures : outre plusieurs gloses, & explications dont neantmoins, il n'y en a qu'vne seule qui soit receuë vniuersellement par la loy du Royaume, sans qu'il soit permis de l'impugner ou de la contredire aux actes publics, pour auoir autant de sorce

& d'authorité que le texte.

Ces liures sont sacrez, & auec les commentaires, & interpretations, ils sont le cours de leurs estudes: les apprenans par cœur, raschans d'en auoir l'intelligence, & formans dessus diuers sens, les vns qui se raportent à se regler eux-mesmes, par la pratique de la vertu, & les autres à gouverner l'Estat par des sages Maximes. Et quoy que leurs Examens soient sort rigoureux, n'ayanspas la liberté d'y porter vne sueille de papier, & beaucoup moins vn liure, il est d'ailleurs facile d'estre bien-tost preparé pour respondre aux difficultez qu'on y propose, qui se forment sur les quatre derniers liures, à l'Examen des Bacheliers, & sur ses messines liures & sur vn des autres cinq à celuy des licentiez, encore est-ce d'vne matiere particuliere, qu'on estudie, & qu'on professe, sans qu'il soit besoin d'estudier, ny de sçauoir les autres.

Pour parler de ces sciences auec plus d'ordre, & de clarté qu'ils n'en ont dans leurs escrits: ie dis qu'ils considerent trois choses dans l'Vniuers, à sçauoir le Ciel, la Terre, & l'Homme, & suiuant cette consideration, ils diuisent aussi leur doctrine en trois parties, touchant le Ciel, la Terre, & l'Homme: renfermans toute la science Naturelle dans les deux premieres parties, & la Morale dans la troisséme.

Dans le traité du Ciel, ils y comprennent le Principe de tous les estres naturels; la creation de l'Vniuers; la formation de l'homme; les causes vniuerselles de la generation, & de la corruption; les élemens auec leurs qualitez, les estoilles & les planetes auec leurs mouuemens, periodes, & sympathies; les quatre saisons de l'année, l'Astrologie iudiciaire, les esprits bons, & mauuais, quels qu'ils soient, & semblables matieres.

En:

En parlant de la Terre, ils parlent aussi de la varieté, qui s'y rencontre selon la diuersité des saisons : de la production des choses & de leurs differences, des champs, des possessions, & de leurs bornes au regard du labourage; de la situation des quatre parties du monde, de quelques endroits particuliers & de leur assiette, à dessein d'y bastir ou dresser des Cimetieres pour leurs

morts; en quoy ils sont grandement superstitieux.

La troisième partie, où il est traité de l'homme, renferme toute la Morale, & ce qui concerne l'homme, en tant qu'il est sociable & politique: lequel imitant l'ordre, la façon, & les proprietez du Ciel, & de la Terre, comme des peres communs, vit dans vne Communauté, pratiquant les cinq vertus morales, qui sont la Pieté, la Iustice, la Police, la Prudence, & la Fidelité. On y parle aussi des deuoirs, & des raports que les cinq ordres de personnes, qui composent le corps de leur Republique, ont les vns aux autres, scauoir le pere & les enfans, le mary & la femme, le Roy & le Vassal, le frere aisné & ses cadets, & les amis reciproquement entr'eux.

Pour leur Morale elle est diuisée en general en deux parties, la Morale diuine, & la Morale humaine. La diuine touche les ceremonies, & les vsages des sacrifices, qui se font à l'honneur du Ciel, de la Terre, des Planetes, des Parties de l'Univers, des Esprits bons & mauuais, qui sont au Ciel & sur la Terre, des Montagnes, des Fleuues, des Esprits Tutelaires, des Ames des Trespassez, & des grands Personnages. La Morale humaine se divise de plus en trois autres parties, qui sont l'Ethique, l'Occonomique, & la Politique. L'Ethique regle les coûtumes, les mœurs & les actions des hommes confiderées en elles-mesmes, dans le raport qu'elles ont à leurs personnes: l'Oeconomique les considere comme vtiles & profitables à la famille : la Politique les pousse plus haut, & les raporte au gouuernement de la Republique, au bien des peuples, & à la conservation de l'Estat. La direction particuliere de la personne, est subordonnée à la conduite de la famille, & celle-cy au gouuernement du Royaume. Par exemple, comment est-ce qu'vn Pere de famille pourra sagement gouuerner vne Ville ou vne Prouince, s'il ne sçait pas regler ses Do-

K

mestiques,

mestiques; & s'il ne peut pas se conduire soy-mesme comment pourra-il conduire l'Estat de sa maison? De sorte que le premier sondement de leur Morale est appuyé sur les bonnes mœurs des particuliers; d'où elle s'éleue en suite au bel ordre des familles, & monte ensin jusqu'à l'heureux gouvernement des Royaumes bien policez.

Ils renferment encore dans cette derniere partie les Arts Liberaux, & tout ce qui a quelque rapport aux personnes, aux samilles,

& aux Estats: ce sera le sujet du Chapitre suinant.

CHAPITRE XI.

Des Sciences & des Arts Liberaux en particulier.

'I L faut reduire la Grammaire, qui est la porte des sciences au seul vsage des termes, comme veut Cornelius Nepos, & plusieurs graues Autheurs, elle est fort courte parmy les Chinois, dautant que leurs paroles estans toutes appossibles. & ne se declinans point, il no sur pas have

monosyllabes, & ne se declinans point, il ne saut pas beaucoup de peine pour les adiuster aux regles de la Syntaxe. Elle ne laisse pas pourtant d'estre fâcheuse en la composition, & disficile pour la collocation des aduerbes, & de quelques termes qui n'ont aucune signification. Mais s'il saut mesurer la Grammaire, au iugemont d'Ange Politian, & des autres qui sont de mesme aduis que luy, il est certain qu'elle est fort vaste dans les Escoles de la Chine, dautant que les lettres humaines sont d'une grande estenduë, non tant pour les sables, qui sont en petit nombre, qu'à cause de quantité d'Histoires, de Sentences, de Prouerbes, & de beaux mots, dont ils se servent pour enrichir & orner leur discours.

Pour la Logique ou Dialectique, ils n'ont point d'autres regles, ny d'autres instructions: que celles qui leur sont communiquées par la lumiere naturelle de la raison.

La Rhetorique y est en vsage, mais c'est plûtost par imita-

tion que par preceptes, se contentans de remarquer ce qu'ils trouuent de bon dans les pieces d'autruy, & de se former sur ces

exemples.

L'Arithmetique y est en sa persection pour la connoissance des quatre principales regles, dont i'ay leu les demonstrations & les figures dans leurs liures. Il est vray qu'ils sont tout à fait ignorans de l'Algebre, & encore ils ne pratiquent que bien peu cette science ordinaire des nombres. Leur façon de compter par tout le Royaume, & mesme dans les Prouinces voisines est auec vn instrument que les Portugais nomment Gina, & les Chinois Suon-Puon, qui est comme vne espece de table, & comme vn quarré partagé en dix parties, auec de petites verges de cuiure, & sept bouletes ensilées en chacune d'icelles, comme des grains de Chapellet: ces verges sont divisées en deux; il y a cinq grains par le bas, qui ne se prennent que pour des vnitez, les deux qui sont en haut se comptent pour des dizaines: par le moyen de cét instrument, & des grains qu'ils tournent diversement, ils sont & arrestent leurs comptes auec vne promptitude incroyable.

Ils sont suffisamment instruits en la Geometrie: pource qu'encore bien qu'ils n'ayent pû parfaitement marquer les bornes & l'estenduë des terres & des Royaumes estrangers, dont ils n'ont pas la connoissance, si est-ce qu'ils ont recherché & partagé diligemment tous les lieux de leur païs, & en ont dressé vne carte fort curieuse. Adioustez à cela qu'ils mesurerent autresois toutes leurs terres auec beaucoup d'exaction; pour ce que les reuenus du Roy, n'estoient pas comme ils sont à present, assis sur les possessions des particuliers, qui luy payent vn certain deuoir: mais chacun partageoit sa terre en dix portions égales, dont l'vne qui estoit vers le milieu se cultiuoit, & s'ensemençoit au prosit du Roy. Outre qu'ils ont encore cette coûtume de les arpenter, quand il

en est besoin pour les vendre & acheter.

La mesure dont ils vsent pour cét esset, comme aussi pour mesurer toute autre quantité liée & continuë, est cette-cy: la plus petite nommée Husun tient la largeur de trois grains de froment: dix de celles-cy sont la seconde qu'ils appellent Huzun, dix Huzun valent yn Che, & dix Che sont la grande me-

fure,

sure, qui est Huchan, plus longue que le bras. Tous les ouuriers se servement de ces mesures partagées exactement, comme i'ay déja dit, & aussi les Tailleurs pour prendre la longueur des habits, au lieu que ceux de l'Europe ont leur mesure de fil ou de parchemin. Les Charpentiers pareillement voulans bâtir vne grande maison auec ses piliers, poutres & soliueaux, n'ont rien plus que cét outil pour adiuster toutes les pieces, qu'ils ioignent les vnes aux autres, & les mettent sur pied sans se tromper d'vn poinct, auant que de toucher au corps du bâtiment.

Ils mesurent la longueur des chemins aux pas; six Che, valent vn pas Geometrique, vn Li, sait trois cens pas, cent Li, sont vne iournée ou vn stade: si bien que du Nord au Midy deux cens cinquante-cinq Li, sont vn degré, donnans quinze Li, à vne lieuë,

dix-sept lieuës à vn degré.

Pour le froment, le riz, & les legumes ils ont vne grande mefure, que les Portugais nomment Pico, & les Chinois Tan, qui est composée de plusieurs autres moindres, dont la plus petite ne tient pas plus que le creux de la main; & dix de ces petites sont iustement vn Xim, qui est ce qu'vn homme peut manger de riz en vn iour: dix Xim, sont vn Teu, & dix Teu, vn Tan, qui pese cent Cattes, c'est à dire cent vingt-cinq liures Portugaises; de seize onces chacune.

Les poids, qui est la troisième façon de mesurer, se divisent comme les autres, & commencent par vn Hao, qui est vne dixiéme partie de leur monnoye, que les Portugais nomment Caxa; si bien que dix Hao, sont vn Caxa, ou plûtost vn Li, comme disent les Chinois, & peuvent valoir vn demy-lule; dix Li, sont vn Condrin, dix Condrins, vn Mas, dix Mas, vn Tael, & seize Tael, vn Catte, qui est la liure, plus grande d'vn quart que la nostre, pource que leurs seize Tael, valent vingt onces, & cent Cattes vn Ton, comme ils parlent, ou vn Pico.

Ils ne se servent point de balances, ils n'ont que des pesons, dont la verge est de bois divisée par des points de cuiure iaune, ou d'argent vif, pour peser les fardeaux les plus lourds: & d'vn os blanc auec des marques noires pour peser l'or, l'argent, les drogues, & choses semblables. Ils sont ces pesons à la persection, &

de diuerses sortes. Les mediocres ont trois rangs de points, & trois silets au lieu de la corde plus voisine du centre: le premier rang de ces points porte de trois iusqu'à cinq onces, le second iusques à dix, & le troisième iusques à vingt. Les grands pesent plus les vns, que les autres; Mais les petits sont divisez en autant de parties que le peut estre vn Li d'argent, qu'ils pesent en partageant fort exactement: pour le cuiure, qui est la seule monnoye, dont ils se servent frappée du coin & de l'image du Prince, ils n'en sont pas si soigneux.

Pour mieux entendre cecy, il faut presupposer que la seule monnoye, qui a cours dans tout le Royaume de la Chine, excepté dans la Prouince d'Yunam, est de cuiure: car l'argent se met au poids: si bien que pour faire vn Escu, ou vn lule, on donne le pesant d'vn Escu ou d'vn Iule: d'où vient qu'il y a quantité de fondeurs, & de sontes d'argent. Pour achepter les plus petites danrées, le plus bas argent, vaut autant que le plus rassiné, & en quelques Prouinces, d'vn seul lule, ils en sont huict ou dix, encore n'est-ce pas trop: mais pour les grosses marchandises, il faut de l'argent sin, si bien que pour l'esprouuer, il faut à tous les marchez qu'on fait le mettre au seu.

Ils sont extremement curieux de toutes les Mathematiques. Et parlant generalement, il n'y a que deux seules personnes dans le Royaume, qui puissent faire profession de ces sciences; qui reçoiuent pour cela gages du Royauec vn train de Mandarins, & le tiltre de Mathematiciens de sa Majesté. Ils n'enseignent leur science, qu'à leurs enfans, & cette qualité se conserue ainsi de Perc en fils en leur maison auec yn honneste entretien. Ils ont plusieurs liures anciens, qui traitent non seulement du mouuement des Estoiles, & du cours des Planetes, mais encore de l'Astrologie iudiciaire, & des Horoscopes, ausquels ils s'addonnent estrangement. C'est de là qu'ils tirent les Eclipses du Soleil & de la Lune, & leurs tables Astronomiques, qui sont fort bonnes, quoy qu'elles ne soient pas en leur perfection. Ils comptent dauantage d'Estoiles au Ciel que nous, & reconnoissent cinq Elemens, qui sont l'eau, le metal, le feu, le bois, & la Terre, & cinq Planetes predominantes, à sçauoir Mercure à l'eau, Venus au metal, Mars au feu, Iupiter au bois, & Saturne, à la Terre. Ils sont de plus tresfoigneux d'observer iusques au moindre mouvement des Cieux,
de la Lune, & des Estoiles. Ils distinguent les saisons de l'année
par les Solstices & par les Equinoxes: & partagent le Zodiaque en
vingt-quatre signes, en doublans nostre nombre. Ils sont l'année
de douze Lunes, & de trois cens cinquante-quatre iours; donnans
à chacune des six Lunes trente iours, & vingt-neus à chacune des
autres six: mais le Bissexte, qui arriue tous les trois ans, a treize
Lunes, & trois cens quatre-vingt trois iours.

L'année commence auec la Lune plus voisine de nostre mois de Février. De la consideration des Cieux, & de leurs mouuemens ils passent aisément à la iudiciaire, & prognostiquent diuers euenemens de la conionction des Planetes, & des autres Phenomenes, qu'ils remarquent curieusement, & s'il arriue qu'ils apperçoiuent quelque chose d'extraordinaire, ils en donnent incontinent aduis au Roy. Il y a pour cét effet dans les deux Cours Royales vn lieu eminent, garny de plusieurs instrumens de Mathemarique, qu'ils appellent Quon, Siam, Thai, c'est à dire, le lieu

pour contempler les Estoiles.

le me souviens d'auoir déja dit quelque chose de celuy de Nanchim, en parlant de la ville. Les principaux instrumens de celuy de Pechim, font vne excellente Sphere de bronze auec tous ses cercles, l'Equateur, le Zodiaque, les Tropiques, &c. vn autre instrument de la mesme grandeur, à sçauoir de vingt-quatre pieds de tour, composé de plusieurs cercles, les vns mobiles, les autres fixes, & arrestez, auec vn style au milieu percé de bout en bout, pour regarder les Estoiles, & prendre les degrez & la hauteur du Pole: vn globe Celeste aussi de bronze, de la mesme grandeur, diuisé par degrez, auec les constellations, desquelles il ne content seulement que vingt-huict. Vn style pareillement de bronze diuisé en parties égales, pour mesurer les ombres des quatre saisons de l'année, aux temps des Equinoxes & des Solstices. Sans parler de plusieurs autres instrumens à diuers vsages: qui font assez connoître l'esprit de leurs ancestres, & comme ils estoient beaucoup plus curieux, & plus sçauans que les modernes.

La musique estoit autrefois si prisée en la Chine, qu'vn des plus importans emplois qu'eut le Philosophe Confusio, aux endroits qu'il gouvernoit, estoit d'introduire les preceptes, & l'ysage de la Musique. Vn des regrets, qu'ont aujourd'huy les Chinois, est de se voir priuez du secret de cette science, & d'auoir perdu tous les anciens liures, qui en traitoient; d'où vient que la Musique d'à present est méprisée de la Noblesse. Où ils s'en servent dauantage, c'est aux Comedies. Il y a quelques musiciens particuliers, qu'on fait venir aux festes, aux nopces, & à semblables occasions, qui ne sont pas tout à fait impertinentes. Les aueugles font là comme ailleurs demandans l'aumône en chantant: & pour ce que c'est la coûtume des Chinois de celebrer le jour de leur naissance, ces pauures gardent en leur memoire comme vn registre de tous les iours, que sont nais les plus illustres personnages, & sçauent leurs maisons, où ils vont pour chanter, sans se tromper d'vn pas. Les Bonzes se seruent encore de la Musique aux enterremens, & ie puis bien dire, qu'ils ont presque nostre plein-chant, quoy qu'ils n'en obseruent pas entierement tout es les parties, ne haussans ny n'abaissans iamais leur voix d'vn demyton, mais seulement d'vne Tierce, d'vne Quinte, ou d'vne Octaue, qui est, ce qui agrée dauantage aux Chinois. Ils ne sçauent que c'est que le jeu des Orgues.

Ils ont en tout douze tons, six en haussant, qu'ils appellent Liue, & six en baissant, qu'il nomment Liu. De plus ils ont leurs notes marquées comme les nostres, il est vray qu'ils n'en ont que cinq, & vne de celles-là, est le Vt, de nostre Gamme. Ils ne battent iamais la mesure auec la main, & ne se servent d'aucun signe en chantant, non plus que de papier rayé pour composer. Leur concert de musique ne depend pas de la diuersité des tons, & des parties, puisqu'ils chantent tous d'vn mesme air, comme on fait par toute l'Asses de là vient aussi que leur Musique n'est agreable qu'à ceux du païs, & la meilleure est d'vne voix auec vn instrument. Eux semblablement ne goustent point nostre Musique pleine, & neantmoins ils se plaisent à vne de nos voix, quand elle

est seule.

On ne peut pas nier, qu'ils ne gardent les nombres & les temps:

L. mais

mais c'est sans regle & sans science; car ils mettent toutes leurs Chansons anciennes, & modernes sur l'air de quelques-vnes des

plus vieilles, dont ils sçauent les poses, & les mesures.

Pour ce qui concerne les Instrumens, ils se sont persuadez, qu'il y en a sept, qui ont plus de rapport aux voix humaines, & suivant cette observation, ils en ont inventé tout autant. Les premiers sont de metal, comme les cloches, les clochettes, & les cistres. Les seconds sont faits de pierre, & vn entr'autres est de jaspe, qui ne revient pas mal à nos Tropettes & clairons, si ce n'est que le bout est plus large pendant en bas, & qu'il faut le toucher.

Les troisièmes sont de peaux, comme nos tambours ordinaires, & comme ceux des basques, composez de diuerses saçons & les vns sont si grands, & si lourds, qu'il saut les appuyer sur vne-

piece de bois pour en pouvoir jouer.

Les quatrièmes sont tendus auec des cordes de soye, comme les luths, auec des cordes de boyaux, à sçauoir les vielles des aueugles, qui pour l'ordinaire n'en ont que trois; les violons, qui n'en ont pas d'auantage, & se touchent auec vn archet: vn autre instrument qu'on touche aussi de l'archet, mais qui n'a qu'vne corde; & le plus grand, & le plus estimé de tous est vn autre instrument à sept cordes, qui n'est pas des-agreable à l'oreille, s'il est manié par vne bonne main.

Les cinquiémes sont faits de bois, & à les bien considerer, cene sont que des tables vn peu larges, qu'ils frappent, les vnes contre les autres: & mesme les Bonzes, n'ont qu'vn petit ais, qu'ils-

touchent auec artifice, & à la cadence.

Les sixiémes se manient auec la bouche, à sçauoir les slûtes de deux ou de trois sortes, dont ils joiient auec persection, & vne autre espece d'instrument à tuyaux, qui est semblable en quelque chose à nos Orgues; mais il est beaucoup plus petit: on le porte en la main, & on l'entonne de la bouche auec vne merueilleuse harmonie, qui est encore plus agreable, & qui rend vn concert beaucoup plus melodieux, quand tous les instrumens sonnent ensemble.

La Poësse a esté de tout temps fort prisée à la Chine, & lors qu'il y auoit plusseurs Roys vassaux de l'Empereur, ils estoient obligez

obligez quand ils venoient tous les trois ans luy rendre obeissance, de luy apporter les Vers & les Poësies, qui estoient en vsage & en estime dans leurs Royaumes, afin qu'il peust iuger de là, de leurs coustumes, & du progrez qu'ils faisoient en semblables compositions. Le plus grand auantage & la plus grande vtilité qu'en ont tiré les Chinois, est cette grande modestie & retenuë incomparable, qui se void en leurs écrits, n'ayans pas mesme vne lettre en tous leurs liures, ny en toutes leurs escritures pour exprimer les parties honteuses de la nature.

Ils ont diuersessortes de Poësses, comme les Sonnets, les Rondeaux, les Chansons, & les Madrigaux d'Europe, auec l'ordre, la rythme & l'interposition des Vers, que nous gardons aux Sonnets & aux Stances de huict vers.

Ils composent & mesurent pareillement leurs Vers par le nombre des syllabes, qu'ils appellent parolesspour ce que toute la langue du pais, n'estant composée que de monosyllabes, consequemment c'est la mesme chose qu'vne syllabe, & vne parole, qui s'écrit par vne seule lettre, & se prononce par vne seule syllabe. D'où vient que toutes les lettres estans d'vne mesme façon, la quantité des vers ne consiste qu'au nombre des lettres, & qu'il faut autant de lettres en vn vers, qu'il y a de syllabes, c'est à dire cinq, sept & onze; au lieu que parmy nous, toutes les syllabes d'vn vers sont quelquefois renfermées dans vne ou deux paroles; ce qui ne peut pasarriuer dans la langue des Chinois, dont les mots sont tous d'vne seule lettre, & d'vne seule syllabe. Ils n'ont aucun vers, qui corresponde aux vers Latins faits de Spondées & de Dactyles; mais seulement des Sonnets, des Chansons, & plusieurs sortes de rythmes. Ils en ont huict principales: ie me contenteray d'en rapporter icy vne; pour donner vn iugement des autres.

Les vers de cette composition doiuent estre au nombre de huist, chacun de cinq lettres, & s'accordans de deux en deux. Par exemple, le second vers doit auoir du rapport & de la conformité auec le quatriéme, le cinquiéme auec le sixiéme, le septiéme auec le huistième: le premier est libre d'en auoir, ou de n'en auoir pas; il sussit que les lettres du troisséme, du cinquième

quiéme, & du septiéme ayent du raport entre elles; mais il saut outre cela que la premiere lettre d'vn vers de ceux, qui se raportent, convienne à la premiere des autres, la deuxième, à la deuxième; & cette correspondance n'est pas en la rythme, mais en la signification: si bien que si la premiere lettre du second vers signisse montagne, eau, seu, ou quelque autre chose que ce soit, la premiere du quatrième doit signisser la mesme chose, ainsi des autres lettres suivantes du vers entier. Cette composition est remplie dautant de difficultez que d'artissee.

Les conceptions, & les figures, dont ils se feruent en leurs Poëfies, sont les mesmes qu'en Europe. Ils ont vne autre espece de vers rythmez, qui ne sont pas recherchez de la Noblesse, laquelle n'affecte que les huict manieres precedentes, dont i'ay parlé, & s'y exerce soigneusement, sur tout les Princes du sang, & les Parens du Roy qui composent diuerses pieces à l'honneur de leurs amis, & des personnes illustres, à la memoire des vaillans hommes de-

functs,à la louange de la vertu.

Ils ont plus de curiosité, que de succez pour la Peinture: car ils ne sçauent pas ombrager vn tableau, ny peindre à l'huile; d'où vient que les personnages n'ont ny grace ny persection; tout ce qu'ils sont le mieux, sont des arbres, des sleurs, & des oyseaux, qu'ils represent au naturel. Il est vray qu'à present ils ont appris de nous à detremper les couleurs auec de l'huile, & sçauent les

appliquer à merueilles.

Pour la Medecine, elle est au plus haut poinct qu'on scauroit desirer, à cause de la grande quantité de liures, qu'ils ont de leurs anciens Autheurs: car pour les nostres ils n'ont pas encore estéveus à la Chine. Ils n'ont point l'vsage des seignées, des ventouses, des syrops, des breuuages, des pillules; ny beaucoup moins des cauteres, qui est toutesois vn remede fort profitable: ils sont tous dans les simples; & n'ordonnent que des herbes, des racines, des fruits, & des semences toutes séches; vne Prouince empruntant de l'autre ce qu'elle n'a pas. Il y a pour ce sujet des Foires, où l'on ne vend que des remedes, & des boutiques, qui ne sont garnies d'autre chose, que de simples, où l'on se pouruoit aux besoins: & ainsi vn Medecin visitant son malade, luy fait prendre à l'heure

melme

mesme sa medecine, sans écrire aucune ordonnance, & sans employer ny phiole, ny verre. A cette occasion, il mene auec soy vn Garçon d'Apotiquaire, chargé d'vne boutique entiere; à sçauoir d'vne armoire à cinq layettes, dont chacune est partagée en plus de quarante petits carreaux, garnis de remedes tous

preparez.


Ils discernent admirablement le poux : aussi ne demandent-ils iamais à vn malade, si la teste luy fait mal, ou quelqu'autre endroit du corps: mais ils appuyent son bras sur vn oreiller, & apres auoir remarqué, durant quelque temps, le mouuement de son poux, ils descouurent tout aussi-tost la partie qui luy fait mal. le ne veux pas dire qu'ils rencontrent toûjours, ny que tous les Medecins reuflissent également, y en ayant un grand nombre sans estude & sans experience. Nous auions vn de nos Peres en la Prouince de Kiamsi, qui ressentoit de cruelles picqueures: le Medecin par le seul attouchement du bras, connoissoit au poux, tous les symptomes du mal, quand la douleur croissoit ou diminuoit: & l'ay veu quantité de Portugais, qui ont experimenté la mesme chose en d'autres occasions. Ils font la Medecine, aussi-tôt qu'ils ont touché le poux, si c'est pour le Roy, ou pour le Prince, ils font quatre compositions toutes semblables en qualité & en quantité, deux pour les faire prendre au malade, & les autres deux pour les garder jusqu'à ce qu'il soit guery. Si c'est pour d'autres personnes, ils n'en composent que deux, l'vne pour le matin & l'autre pour le soir; écriuans dessus la quantité d'eau qu'il faut pour les faire bouillir; l'heure & la façon de les prendre; & souuent les succez en sont merueilleux.

Ie raconteray icy ce qui aduint à vn Pere malade dans les prifons de Nanquim. On appella vn Medecin tout au commencement de la maladie; mais comme on ne vid pas l'effect qu'on attendoit de ses remedes, on en sit venir vn autre, qui ne sur pas plus heureux que le premier. Cependant les Chrestiens, qui voyoient que le mal se rensorçoit, s'adresserent à vn Medecin de grande reputation, & sirent tant d'instance; nonobstant ses resus, qu'il vint ensin visiter nostre malade. Il le considere, luy touche le poux, & sait ses ceremonies ordinaires; dont l'vne sut de luy découurir la poitrine, qu'il apperçeut toute couuerte de taches contagieuses. Il compose incontinent trois medecines, que
le malade prit à diuers temps, l'vne au matin, l'autre à vne heure
apres midy, & la troisséme sur le soir : le mal ne laissa pas de redoubler, & de reduire le Pere à cette extremité, qu'il perdit la
parole la nuict suiuante, & suit tenu pour mort. Mais on vid vn
tel changement dés le poinct du jour, que le Medecin luy ayant
tasté le poux, le trouua sans sièvre, & assura qu'il estoit guery:
qu'il n'auoit qu'à manger sobrement, durant sa conualescence,
& en estect le Pere recouura par ce moyen vne entiere & parfaite santé.

Les Medecins ne defendent iamais l'eau aux malades, moyennant qu'elle soit cuite; mais bien le manger, de sorte que si le malade a faim, ils ne luy donnent à manger, que sort legerement; comme aussi s'il n'a pas d'appetit, ils ne le pressent point. Leur raison est, que le corps estant indisposé, l'estomach ne peut pas faire ses sonctions, & qu'ainsi la digestion, qui se fait en cét estat, est toûjours pernicieuse & contraire à la santé. Leur visite se paye sur le champ, mais raisonnablement & sans excez; & iamais ils ne retournent pour la deuxième sois, sans estre rappellez; les malades ayans par ce moyen la liberté de changer, s'ils veulent de Medecin, comme ils sont assez souuent dés le troisséme, ou quatrième iour, quand les Medecines n'operent pas suiuant leur desir.

CHAPITRE XII.

Des courtoisies & de la ciuilité des Chinois.



generaux, leurs ciuilitez ordinaires, qu'ils se rendent aux rencontres & aux visites sont des Ye, ou Coye, c'est à dire des renerences basses & prosondes: ce qu'ils sont, se mettans de genoux, & en cette posture baissans la teste insqu'à terre; en quelques occasions ils sont cette mesme renerence trois ou quatre sois; & mesme neuf deuant la personne du Roy se relevans toûjours de terre, & se rabaissans. Quelquesois pour abbreger la ceremonie, ils sont le premier panchement de teste estans debout, & les trois autres à

genoux tout d'vne suite.

Les ciuilitez des femmes sont pareilles aux nostres; si ce n'est qu'en quelques occasions elles se mettent à genoux, & panchent la teste insques à terre par trois ou quatre sois, suiuant les rencontres. Pour cét esse elles ont des robes particulieres, sans les quelles elles n'oseroient pas rendre aucune visite à vne personne de qualité; & s'il arriue qu'elles se rencontrent, non pas dans les ruës, car c'est ce qu'elles énitent soigneusementsmais en quelque autre part, n'ayans pas leurs robes de ceremonies, qu'elles appellent Taj, elles sont dispensées de toutes ces ciuilitez. Si neantmoins l'vne les a, l'autre doit aussi-tôt prendre les siennes; elles les sont ordinairement porter à ce dessein par vn valet; & si par hazard quelqu'vne les auoit oubliées, elle ne doit iamais permettre, pour quelque instance qu'on luy en fasse, qu'vne autre luy rende ses ciuilitez auec ces habits de parade: mais s'asseoir simplement,& conuerser auec elle.

Celuy qui va visiter vn autre, doit s'arrester en la sale, & attendre que la personne, qu'il va voir, ait pris ses habits; neantmoins si c'est vn de ses amis, elle est obligée d'aller au deuant de luy, & de le caresser, & puis se retirer doucement dans vne Chambre à part, pour prendre ses vestemens, & se mettre

en estat.

L'habit de ceremonie pour les Graduez, est le mesme, dont se servent les Gouverneurs pour marque de leur charge. Les nobles de race pour la mesme raison, portent aussi les vestemens & les enseignes des Docteurs, bien qu'ils n'ayent pas estudié. Les simples Gentils-hommes & les lettrez, qui n'ont aucun degré, portent vne longue & ample robe, bien differente de l'ordi-

naire:

naire. Ceux qui sont sujets & soûmis aux Magistrats Superieurs, comme au President en quelque sorte de lustice que ce soit, pratiquent vne ciuilité sort remarquable, qui est d'oster l'enseigne qu'ils portent sur l'estomach, & de n'auoir qu'vne ceinture sort modeste: ils observent cette ceremonie en certains iours de l'année, qu'ils viennent rendre leur obeissance. Les ieunes gens, s'ils n'ont encore aucun degré, n'ont point de robe particuliere.

Les ciuilitez ordinaires du commun peuple, sont de joindre les mains l'vne sur l'autre, & de les hausser iusqu'à la teste : c'est aussi la pratique commune des amis & des parens, quand ils traitent franchement ensemble; & ne font cette ceremonie qu'vne seule fois, quand ce sont des égaux: & c'est vn auantage, que de se trouuer à la main droite, comme parmy nous d'oster le dernier son chapeau. La reuerence ordinaire des personnes graues aux banquets, aux visites, & aux rencontres, est de setenir debout, & puis de faire vne profonde inclination iusques à terre. Les enfans font quatre inclinations debout, & autant de genoux deuant leurs Peres assis en certains iours particuliers, comme au commencement de l'année, au jour de la naissance de leurs mesmes Peres, & en quelques autres solemnitez. Les Escoliers rendent les mesmes deuoirs à leurs Maistres, excepté que les Maistres se tiennent debout : comme font aussi les petits Mandarins aux Magistrats, les Payens à leurs Idoles, les Mandarins au Roy, & le Roy dans les Temples, & quand il est auec sa mere. Il y a cette seule difference, que tous ceux-cy ont cependant deuant leur visage vne table d'yuoire longue d'vn pied & demy, & large de quatre doigts.

Aux premieres visites tant celuy qui la rend, que celuy qui la reçoit, s'ils sont de condition égale, pour témoigner plus d'affection & de respect, apres les complimens ordinaires, se font apporter vn tapis, sur lequel ils sont ensemble quatre genus existent sant qu'ils peuvent, comme i'ay déja dit ailleurs; & quand ils ne peuvent eschapper, si ce sont des Mandarins en pareille dignité, ils se salient reciproquement les vns les autres, sans se leuer de leur

chaire,

chaire, courbans les bras en arc, & les portans iusqu'à la teste, & commencet leurs ceremonies vingt pas en auant sans iamais ces-ser iusqu'à ce qu'ils ayent passé. Si l'vn d'eux est moindre en qualité que l'autre, il fait arrester & abbaisser sa chaire, ou s'il est à cheual, il met pied à terre, & luy fait vne prosonde reuerence. Les autres qui ne sont pas Mandarins, ne se rendent que les ciuilitez ordinaires, & ceux du peuple, haussent seulement les mains, & passent outre.

Les seruiteurs des grandes maisons ne sont sujets à aucune de ces reuerences, sinon en certains temps, & à certaines occasions, comme quand eux, ou leurs Maîtres viennent de loing & au commencement de l'année, qu'ils se mettent à genoux, & portent la

teste iusques en terre par vne, ou trois diuerses fois.

L'ordinaire ciuilité qu'ils doiuent à leur Maître, est de se tenir debout auec les bras pendans en leur presence: les gens de Iustice & les Sergens des Mandarins ne leur parlent qu'à genoux en public; & pareillement les parties, & les criminels, encore estans nuës testes.

C'est faute de respect, parmy les personnes de mesme condition de donner, ou de receuoir quelque chose auec vne main, & d'vn inferieur, à son Superieur, c'est vne lourde inciuilité. Ensin ils sont insques à l'excez dans des ciuilitez & reuerences, qui conviennent mieux, & sont plus à propos au culte divin, qu'aux deuoirs humains. Mais ils ont cette creance qu'vne des plus importantes vertus, est d'estre courtois, d'auoir l'exterieur bien composé, & de faire les choses auec maturité, circonspection, retenuë, & instesse, qu'ils expriment dans toutes leurs circonstances du temps & des habits pour vne seule parole Li; & qu'ils executent auec leur Thié.

Thié est vn billet, ou vn petit liure plié par dehors & par dedans de la largeur de la main, & d'vn pied de long. Il y en a de trois sortes: le plus grand a six suëillets, le moyen en atrois, & le petit vn seul; dont ils se seruent generalement suiuant la coûtume des Prouinces, & conformément aux personnes, qui visitent, ou qui sont visitées. Les Colaj ne se seruent ordinairement que du petit.

Celuy dont on se sert aux visites ordinaires, est de papier blanc auec vne bande rouge par le dehors de la mesme longueur, & large de deux doigts. Il est de papier rouge, si c'est pour vn baisemain, ou pour quelque feste particuliere, si c'est pour se condouloir de la mort & de l'affliction de quelqu'vn, il est d'vne couleur de dueil: & s'il vient d'vne personne, qui a déja pris le dueil, la lettre, & l'ornement du dehors sont d'azur, & le papier blanc, mais

d'vne espece, qui ne sert qu'à cét vsage.

Le Thié ne contient pas plus d'vne ligne d'écriture, qui est mise en marge. Quand c'est vn amy, ou quelqu'vn, qui veut passer
pour tel, il écrit la ligne toute entiere, autrement il laisse place
pour deux lettres, & ne commence qu'à la troisséme : que s'il
veut faire du graue, outre les deux premieres lettres, il obmet encore la quatriéme apres auoir écrit la troisséme, & puis il écrit
le reste consecutiuement. Cét écrit ne porte autre chose que ce
compliment. Le cordial amy de vostre Seigneurie, & l'Escolier
perpetuel de sa doctrine, se presente en cette qualité pour luy

baiser les mains, & luy faire la reuerence.

Ce billet se donne au Portier, qui le presente à son Maistre. & luy fait sçauoir qui est celuy qui le demande, sans ce Thié, on n'est point obligé de rendre la visite. Au contraire, quand le Maître du logis seroit absent, ou bien qu'il ne seroit pas en commodité de se laisser voir, si le Thié a esté seulement laissé entre les mains du Portier, la bien-seance, & la ciuilité l'obligent de rendre la pareille à celuy qui l'est venu voir. Les inferieurs, comme sont les soldats au regard de leurs Capitaines; les moindres Mandarins aux plus grands, & semblables personnes, qui sont dans la dependance, n'oseroient se seruir de Thié; mais d'yn autre liure de mesme forme, quoy que fort disserent pour le papier, & pour la conception des paroles: qui ne peut estre peint par le dehors, ny exprimer à vn Superieur, qu'on le vient voir, seulement qui sont ceux qui le presentent, quel office ils exercent, & ce qu'ils demandent. Effectiuement c'est vne espece de Requeste, qu'ils appellent Pimthie, qui veut dire Billet d'auis. Les personnes de grande qualité, comme les Colaj, & Vice-Roy, ne font pas toûjours eux-mesmes leurs visites en personne, mais se contentent d'enuoyer

d'enuoyer vn Thié, ou de le laisser à la porte passant deuant la maison.

Ils ne font pas plus de difficulté de visiter les Estrangers, que nous nos amis: & auec la mesme facilité qu'ils rendent les visites, ils peuuent les resuser, faisans dire qu'ils ne sont pas à la maison, si ce ne sont des personnes de marque, ou des visites resterées, dautant qu'alors on auroit mauuaise grace de resuser l'entrée de sa maison. Dautant plus qu'vne personne est qualissée, dautant plus difficilement reçoit-elle les visites: Il y en a qui pour se deliurer de toutes ces importunitez, écriuent sur vn papier en lettres blanches, & le sont placarder à leur porte: Qu'ils sont retirez dans la maison de leur Iardin; pour ce qu'en ces lieux ils sont dispensez de toutes ces ceremonies importunes.

Les visites sont comme celles des Medecins, qui se doiuent faire le matin: celles du soir ne sont pas obligeantes, ny les autres qui se sont en passant, & par occasion: ou bien il faut s'en excuser, & promettre de prendre vn temps exprés pour s'acquiter de son deuoir.

Il est bien vray, qu'il n'y a point de temps determiné pour les visites ordinaires; mais il y en a pour les amis, & pour les parens: Le plus considerable est le premier iour de l'an: on ne void pour lors que chaires, cheuaux, & que monde par les ruës à cause des visites frequentes: en ce iour-là on n'entre point dans la maison; mais on laisse seulement vn Thié, à la porte ou si on y entre, on est obligé de boire, & de manger, si peu qu'on voudra.

L'autre temps destiné pour les mesmes ceremonies, est le quinzième iour de Ianuier; quoy qu'il y ait moins de visites en ce iour-là, que de solémnitez, dautant que c'est la feste, qu'ils nomment des Lanternes, qu'on allume de tous costez par les ruës, aux portes, & aux fenestres, auec beaucoup d'artifice & de despense.

Le troisième, est le troisième iour de la troisième Lune, qui tombe en Mars, & qu'ils nomment Cimnim. Ils visitent ce iour-là les Sepultures de leurs Ancestres, & leur presentent des sacrisices, & quoy qu'ils pleurent la memoire des desuncts, ils ne laissent pas de resiouir les vinans par leurs sestins.

Le quatriéme temps ordonné pour les visites, est le cinquiéme iour de la cinquième Lune, nommé Tuonu, auquel le peuple a coûtume de faire de grandes reiouissances par les ruës, & sur les riuieres, quoy que par sois on les desende, à cause des malheurs, qu'on a souuent veu sur l'eau.

Le cinquiéme est le septiéme iour de la septiéme Lune, qu'ils iugent commode; & le neufuiéme iour de la neufuiéme Lunes, ausquels ils se visitent les vns les autres, & s'enuoyent des presens

particuliers, & propres à chaque feste.

Outre ces iours arrestez, ils se visitent encore aux funeraisses, aux changemens de logis, aux mariages, à la naissance d'un fils, à la promotion d'une charge ou d'un degré, au iour de leur naissance, quand ils vont hors du païs, & quand ils entrent dans une septième année de leur âge. En ces occasions la visite ne doit iamais estre sans quelques presens.

Si quelqu'vn entreprend vn long voyage, tous ses amis le visitent, & luy sont des presens à son depart: & reciproquement il leur rend à tous, & la visite & les presens à son

retour.

On visite aussi les malades: mais ce n'est que iusques à la porte; & si ce ne sont des amis particuliers, rarement entrent-ils dans la Chambre.

Ceux, qui obseruent ces ciuilitez auec plus d'exaction & de ponctualité, sont les Escoliers à leurs Maîtres, les sujets à leurs Superieurs, & le Royaume au Roys de sorte qu'au iour de sa naissance, aux quatre saisons de l'année, & aux festes principales, le Vice-Roy & tous les Magistrats de la Prouince deputent vn Ambassadeur à la Cour, pour visiter le Roy au nom de la mesme Prouince. Pour ceux qui resident actuellement à la Cour, tant les lettrez, que les Capitaines, ils vont eux-mesmes en personne au Palais ces iours la rendre leurs deuoirs, & s'acquiter de leur obligation.

Ils ont des Sales parées expressément pour recenoir les visitesse la premiere est commune indifferemment à tous, où vous pouuez entrer, & vous asseoir sans auertir aucun, quoy que le portier n'y soit pas, pour vous conduire. Il y en a vne autre plus inte-

rieure,

rieure, qu'ils appellent la Sale secrette, pour les parens, & amis familiers. On s'arreste là, sans passer outre, à cause de l'appartement Hui, c'est à dire des semmes, qui est tout ioignant, où mesme les Domestiques n'osent entrer, s'ils ne sont fort petits. Le maître du logis va trouuer ceux qui luy sont l'honneur de le visiter dans la Sale exterieure, & les prend par la main pour les faire asseoir sur des sieges, que luy-mesme dispose, quoy qu'ils soient plusieurs, & eux en suite luy presentent, & luy rangent le sien. On donne à vn chacun le rang qui luy est deu, sans auoir égard aux dignitez, ny aux qualitez de sils & de cousin; mais seulement à son âge, & si on ne le sçait pas, il saut le demander. Le Maître de la maison prend toûjours la derniere place. A pres que tous sont rangez, on leur presente à boire du Cia, comme ils le nomment, en gardant le mesme ordre.

En quelques Prouinces tant plus on vous presente à boire, c'est vn honneur plus grand qu'on vous fait, il n'en est pas de mesme en la Prouince de Hamcheu; où c'est vn excez de boire plus de trois sois. Aux amis outre le boire on se sert de fruits auec quelques douceurs: & presque par toute l'Asse, il ne se fait point de

visite séche, comme en Europe.

Parmy leurs ciuilitez, les enfans en la presence de leurs Peres, & les Escoliers deuant leurs Maîtres, écoutent plus qu'ils ne parlent, & iamais les ieunes gens ne se pressent de parler beaucoup. Les termes, dont ils vsent, sont autant pleins de respect pour autruy, que d'humilité pour eux; & comme c'est contre les regles de bien seance de dire, vous, ce l'est pareillement de dire, moy : d'où vient, que pour éuiter ces mots, ils diront par exemple: Le nourrisson, & l'Escolier; & vn fils parlant à son Pere, dira le petit fils, fût-il l'aisné de ses enfans, & mesme marié: les seruiteurs se nomment, Sujets: les parties en Iustice s'appellent les Delinquans: les Chrestiens au Sacrement de la Confession se qualifient les pecheurs; les Dames de la Cour, excepté la Reyne & les Eunuques parlans au Roy, se seruent de ces termes, l'Esclaue de vostre Majesté, Nupor. Les autres se nomment Chin, c'est à dite Vassaux. Et mesme quand il est seulement question de parler de ses affaires, sans toucher à sa personne, il faut vser de paroles modestesscomme vn Pere parlant de son enfant, & vn Maître de son disciple, disent communément, mon petit fils, mon petit Escolier: & au contraire le fils en parlant de son Pere, ou le seruiteur de son Maître, disent, le Pere & le Maître de la maison.

Pour les autres, ils ont des noms, & des tiltres honnorables, comme les Italiens, vostre Seigneurie, vostre Seigneurie illustrissimes qui plus est ils ne nomment iamais aucun, mesme des personnes mediocres, & de la plus basse condition, sans vn terme d'honneur, vn hoste c'est le Chiù Gin Kia, l'homme Seigneur du logis, vn Bastelier, l'Intendant du vaisseau: vn Muletier, la grande verge, & quand ils veulent le fâcher, ils l'appellent par son nom Can Kiò, c'est à dire, le Persecuteur des pieds: vn des principaux Officiers d'vne maison se nomme le grand Maistre, les Sergens de Iustice, & ceux qui accompagnent les Mandarins sont des Cheualiers, ou des hommes à cheual, quoy qu'ils marchent toûjours à pied. Toutes les semmes sont Tasao, c'est à dire Cousines, d'où vient que ceux qui ne sçauent pas bien prononcer, au lieu de Cousines, les appellent Balais, dautant que le mot est equiuoque.

Aux interrogations, & aux demandes particulieres des choses, qu'ils desirent sçauoir, ils ont encore des termes propres; comme Lemlam, c'est à dire le noble sils; & Limgai, le precieux amour, quand il est question d'vne sille. Pour sçauoir l'estat d'vn malade, on ne dit pas simplement comment se porte-il, mais comment se porte-il de sa noble indisposition? Quei Yam. Pour les personnes de basse condition, quand elles ne se connoissent point, elles s'appellent Hium, streres; mais si elles sont familieres, elles disent sans

autre ceremonie, vous & moy, comme il leur plaist.

Tout autant qu'ils sont circonspects & ceremonieux en leur façon de conuerser & de parler, ils le sont presque autant à prendre diuers noms proportionnez & consormes à leurs âges: ils en

ont de cinq sortes.

Le premier est leur surnom, qu'ils prennent, sans manquer, de leur Pere; mais iamais de leur mere, ny de leur grand-Pere maternel, au contraire la semme emprunte le sien de son mary.

Le deuxième est celuy qu'ils appellent le petit nom, que leur donne leur Pere, quand ils sont encore petits, le tirans d'un animal,

animal, d'vne fleur & de choses semblables, il n'y a que le Pere & la mere, qui puissent les nommer de ce nom.

Le troisséme est le nom de l'Escole, qu'ils reçoiuent de leur Maître, & qui estant conjoint auec leur surnom fait vn nom com-

posé, dont son Maître l'appelle auec ses condisciples.

Le quatriéme est celuy qu'ils prennent auec la coësse, dont i'ay parlé cy-dessus, qui est de seize à dix-huict ans: dautant qu'alors il se marie, & espousant sa femme, il espouse vn nouueau nom, qu'on dit la lettre, duquel il est nommé indisseremment par toutes sortes de personnes, excepté ses seruiteurs.

Le cinquiéme est le Grand nom, qui se prend au sottir de la jeunesse, & tous peuvent l'vsurper, excepté celuy qui le porte & son

Pere, qui ne le prononcent iamais.

Pour rentrer maintenant dans la sale, où nou mons laissé nos hostes en conuersation: il est à remarquer, que prenans congé de la compagnie, ils sont tous vne reuerence ordinaire au Maître du logis, & le remercient du bon accuëil, qu'ils ont receu de luy: puis illes accompagne iusqu'à la ruë; où ils sont encore vne autre reuerence commune, s'ils sont à pied; & trois s'ils sont à cheual, en chaire, ou en carosse, dont la troisséme se fait sur la porte, & le Maître se retire promptement dans sa maison, pour donner la liberté à ceux, qui luy ont fait. l'honneur de le visiter, de monter à cheual, ou sur leur siege, ce qu'ils n'oseroient pas faire en sa presence, sans inciuilité. Mais apres qu'ils sont monté, le Maître retourne pour leur dire le dernier adieu; & eux apres qu'ils ont fait quelques pas, enuoyent vn de leurs seruiteurs, pour luy presenter leurs baise-mains.

Si c'est la premiere visite, ou si c'est une personne de consideration, elle est toûjours accompagnée de quelques presens, qui est une chose ordinaire à la Chine, de presenter des draps, des atours des semmes, des choses d'usage, comme des Escharpes, des Chaussetes, des Porcellaines, & des viandes; & communément

choisit-on le meilleur.

Si le present est de choses, qui soient bonnes à manger, & que ce soit entre amis, il doit estre composé de quatre, de six, ou de huict choses differentes; & iamais il ne doit estre offert sans vn

Thié,

Thié, qui contient le denombrement de ce qu'on enuoye. Ce n'est pas inciuilité, que de ne les pas accepter, ou de n'en prendre qu'vne partie, & renuoyer l'autre; il est bien vray, qu'il faut que cela se fasse auec le remerciement & excuse par vn Thié, qui contient pareillement ce qu'on garde, & ce qu'on renuoye. C'est la pratique des personnes de condition, qui veulent faire paroistre leur honnesteré, & ensemble épargner leur bourse, d'écrire dans vn Thié, les presens qu'ils veulent faire, auant que de les enuoyer; pour ce que comme, on n'accepte iamais tout ce qu'on presente, celuy qu'on veut gratisser, écrit dans vn autre Thié, ce qui luy plaist, & pour lors on achepte seulement, ce qui est specifié par le billet.

Il y a des presens imaginaires, que, celuy qui les fait, sçait as-seurément qu'on ne receura point, qui ne laissent pas de couster beaucoup & pour la quantité, & pour la qualité; comme trente ou quarante pieces de Damas, des draps de soye, des bas de soye, vn grand nombre de poules, de canes, & d'autres semblables viandes. Les plus sages ne prennent ces choses des Marchands qu'à condition, qu'ils reprendront ce qu'on ne voudra pas, moyen-

nant quelque peu de profit.

La coûtume est que, ceux qui reçoiuent vn present, sont obligez d'en faire vn semblables excepté les choses qui se mangent entre les amis, & ce qu'on apporte d'vn autre païs, où il se prend. On ne reconnoist point non plus les presens, qu'ils appellent de dependance, tels que sont ceux, que sont les inferieurs à leurs Superieurs, & les Escoliers à leurs Maîtres.

C'est pareillement la coûtume de donner quelque piece d'argent au page, ou au laquais, qui apporte les presens, suiuant leur valeur, & de témoigner le respect, qu'ils ont pour celuy qui les

leur a enuoyé.

Les habitans de Kiamsi, comme plus habiles, & plus ménagers que les autres, sont aussi plus deliez, & plus subtils, & pour vn present d'vn liard, sont en sorte qu'on donne vn lule à leurs valets, ainsi du reste à proportion.

vin,

CHAPITRE XIII.

Des Banquets.

Es Chinois sont perpetuellement en festins, & consequemment perdent beaucoup de temps, & font de grandes despenses. A toutes les rencontres, allées, venuës, & bons succez d'vn amy, & d'vn parent on fait vn festin de réjouyssance:

on en fait vn autre pour se consoler des mauuaises nouuelles, & des tristes euenemens: le festin est le Conseil, où se traitent des affaires de consequence; la table sert pour tirer le plan, pour commencer & finir les bastimens. Ils en sont plusieurs autres, sans auoir autre veuë, que celle de cét Epicurien; Mangeons & beu-

uons, puisque demain est le iour de nostre mort.

C'est la vie ordinaire du menu peuple, & particulierement des Artisans diuisez en Confrairies, qu'ils appellent du Mois, pour ce qu'en chacune il y a trente confreres, autant qu'il y a de iours au Mois, qui chacun à leur tour font tous les iours vn festin, à plus prés, comme les enfans de Iob. S'ils n'ont pas assez de commoditez dans leurs maisons, ils n'ont qu'à loüer des maisons publiques pourueuës de toutes les choses necessaires, qui ne sont que pour cela. Ou s'ils veulent que le festin se fasse dans leur maison propre, sans en estre aucunement importunez, ils n'ont qu'à dire le nombre des seruices, & la qualité des viandes, qu'ils desirent, & on les leur porte toutes apprestées.

Les Septentrionaux sont bien differens en leur façon de faire de ceux du Midy: pour ce que ceux-cy observent insques aux moindres ceremonies de table: comme en effect ils sont par tout incomparablement plus ciuils, & plus courtois, que les

autres.

Ils recherchent plus la diuersité & le déguisement, que la quantité des viandes en leurs festins; & banquettent plûtost pour la conuersation, que pour la bonne chere; quoy qu'ils mangent assez bien, & ne boinent pas mal. Ils commencent le repas par le

vin, & par les viandes, & continuent toujours à boire, sans manger ny riz, ny pain, jusques à ce que les conuiez disent, c'est assez beu. Alors on sert le riz, & on ne parle plus que de manger sans boire.

La pratique de ceux du Nort est toute contraire: peu de ceremonies, des tables bien garnies, des plats fort grands, bien remplis, c'est ce qu'ils veulent. Apres les ciuilitez ordinaires, qui se
pratiquent par tout le Royaume, on commence le festin par la
viande, & vn chacun en prend autant qu'il peut de celle, qui est
dauantage à son goust. On peut dire que c'est vn incendie, qui
ne s'éteint ny par l'eau, ny par le vin, puisqu'ils ne boiuent ny de
l'vn, ny de l'autre. Le riz est leur dessert. A pres le repas on deuise l'espace d'vne heure, puis on se remet à table, qui n'est chargée que de jambons salez, de langues sumées, & de semblables
ragousts, qu'ils nomment sort à propos des guides, puis que ce
sont les guides de vin, & qu'ils commencent pour lors à boire.

Parlant en general: il ne se boit point de vin par tout le Royaume, ny au disner, qui se fait le matin, cinq heures auant midy, ny au souper, qui est à quatre heures apres midy: mais seulement la nuit, auant que s'aller coucher, qu'ils mangent des viandes sa-lées, comme ie viens de dire. C'est pour cette raison, qu'ils sont pour l'ordinaire leurs festins de nuict, employans la lumiere du iour à l'étude & aux affaires: la nuict, en hyuer ils vsent de chandeles, qu'ils ont en abondance, faites d'une certaine huile mélée: auec un peu de cire: & en esté ils en ont de cire pure de trois differentes sortes, l'une d'Abeilles, l'autre d'une espece de serpent, laquelle est beaucoup meilleure, & blanche sans artifice; la troisséme prouient d'un arbre, dont le fruit est de la grosseur d'une noysette, & la chair blanche. Il est vray que celle-cy, n'est pas du tout si bonne que nostre cire; mais elle est pourtant meilleure que nostre suif, & les chandelles, en valent mieux.

Les festins des gens de qualité se sont auec plus d'appareil, d'autant qu'ils ont pour cet effect des maisons de plaisance à la ville, & aux champs enrichies de peintures, & remplies de curio-sitez. Bien que l'vsage des tapisseries soit assez rare en la Chine, meantmoins si les conuiez sont officiers, ou personnes de mar-

que, on tapisse pour eux la maison du haut en bas auec beaucoup de soing. On reconnoît la grandeur du festin par le nombre des tables: c'est l'ordinaire de n'en dresser qu'vne pour deux ou pour quatre personnes: mais aux grandes solemnitez chacun des conuiez a vne table separée, & quelquesois deux, l'vne pour man-

ger, & l'autre pour ranger les plats.

Toutes les tables de ces festins ont leurs fermoirs & leurs brisures par le deuant, sans napes, & sans seruiettes: le vernis, qu'ils
appellent Charan, dont elles sont peintes, estant au lieu des deux.
Ils ne mettent poinct de coûteaux sur table, dautant que les
viandes sont toutes coupées, quand elle viennent de la cuisine,
non plus que de fourchettes, se seruans habillement de deux petits
bâtons. Ils ne seruent aussi iamais ny sel, ny poivre, ny vinaigre,
ouy bien de la moustarde, & d'autres assaisonnemens, dont ils sont
fort curieux, en ayans de delicats, & de diuerses sortes. Les seruices de ces festins sont à chair, & à poisson, bouilly, rosty, fricassé, & preparé en plusieurs saulces, & déguisemens à leur saçon, qui n'est point du tout mauuaise. Les potages, dont ils sont
friands, ne sont iamais sans chair, ou sans poisson, ou sans les vermicelli, de nos Italiens.

Anciennement ils n'auoient ny tables, ny sieges, mais ils mangeoient à plate terre sur vn tapis, suiuant la coûtume de la pluspart des Assatiques, & des Affricains: jusques là mesme que dans leurs écritures & dans leurs liures, vne mesme lettre signisse vne table, & vn tapis. Les Iaponois, & les autres Royaumes circonuoisins conseruent encore auiourd'huy l'ancienne façon de s'assection & de manger à terre: iln'y a que les Chinois, qui depuis le regne du Roy Han, ont pris l'vsagedes tables dont ils sont

fort curieux.

Pour dire la verité, il y a de l'excez tant en l'ordre & disposition, aux ceremonies & complimens: qu'au commencement, à suitte, & à la fin de leurs banquets. Le Maistre de la maison commence à manger & à boire, & inuite les conuiez par parole, & par exemple à faire le mesme. Sur le milieu du repas, on change les petits plats en de plus grands, & on inuite tous les assistans à boire, toutessois sans violence. Les temps, ausquels ils ban-

N 2

quettent

quettent ordinairement, sans y manquer, sont les iours de leurs festes communes ou particulieres, outre les autres rencontres que

i'ay déja touchées.

Les personnes riches & qualifiées font vn banquet, quand elles viennent de loing, ou de quelqu'autre païs; & il arriue assez souuent, que le mesme se trouve à sept ou à huict festins en vn iour seulement pour rendre la ciuilité qu'il doit à ses amis. Quand ils ne font pas pressez, ils font quelques iours auparauant vn billet, pour inuiter ceux qu'ils veulent, & les prier de se trouuer à leur festin:siceux-cy n'ont pas le loisir, & la commodité, ils s'excusent pareillement par vn billet, & ils font le mesme, quand ils s'acceptent, en escriuans vn autre qu'ils nomment, le billet de sollicitation. Le iour pris estant venu, les premiers arriuez s'entretiennent dans vne Sale au dehors, attendans que tout le monde soit assemblé: puis ils entrent dans vne autre Sale preparée pour le festin; où le Maître du logis fait les ceremonies, ordonne des sieges, des seruices, des plats, & du reste, & apres ces ciuilitez vn chacun prend son rang, & sa place, & le Maître le soing de reueiller la compagnie, & de l'inuiter à boire & à manger. Il ne faut pas s'estonner s'ils demeurent long-temps à table, puis qu'outre leurs discours & entretiens, ils ont Musique & Comedie, où les Acteurs sont obligez de representer ce que veulent les conuiez.

Le banquet se termine par les importuns complimens, que les conuiez sont à leur hoste: auquel ils enuoyent tous dés le lendemain vn escrit, contenant les louanges du festin & de tout ce qui s'y est passé, aucc vn remerciment de la bonne chere, qu'il leur a

faite.

CHAPITRE XIV.

Des jeux, que les Chinois pratiquent.

E jeu de cartes, qui sont tout à fait semblables aux nostres, pour la forme & pour les figures, excepté qu'elles sont noires, & sans autre couleur, à penetré jusques à ces extremitez du monde. C'est le propre entretien du menu peuples

peuple; car les personnes de condition, soit pour passer le temps, foit pour gaigner, ne jouent rarement qu'aux échetz, qui ne sont pas beaucoup differens de ceux de nostre Europe. Le Roy, quand il est attaqué, n'a que quatre carreaux pour se pouvoir sauver, non plus que les deux Alfieres, ou les deux Fols. Au lieu de Reynes, ils ont deux autres pieces, qu'ils nomment vaisseaux de terre, dont le mouuement est plein d'esprits, ils marchent deuant les deux cheuaux, auec deux pions, qui les deuancent d'vn carreau au delà du rang des autres, pour leur ouurir le chemin. Ces pieces se remuent comme nos Tours, sans avoir la liberté de rien attenter sur le Roy du party contraire; si ce n'est quand il se trouue engagé à la suitte de deux de ces pieces, soit qu'elles soient de mesme, ou de différent party, qui se touchent immediatement l'vne l'autre: encore a-il pour lors le moyen de se sauuer en trois saçons; ou se retirant dans la place voisine; ou se conurant d'vne autre piece, comme d'vn bouclier, ou bien ostant la piece, qui est entre luy & son ennemy, & ainsi par vne nouuelle ruse, se met hors du danger en se mettant à découuert.

Le jeu qui suit, est vn des plus graues & des plus serieux: Ils ont vn échiquier diuisé en trois cens carreaux, & deux cens pieces, les vnes blanches, les autres noires. Vn des joüeurs tâche de faire sortir les pieces de l'autre en compagnie, & de les attirer au milieu de l'échiquier, pour pouvoir se saissir des places de l'autre; car c'est la loy du jeu, que la victoire est à celuy qui peut gaigner plus de carreaux. C'est le divertissement ordinaire des Officiers, lesquels y passent assez souvent les journées entieres: car les habiles joüeurs employent vne heure, & dauantage à vne seule partie. Ceux qui sçauent parsaitement les regles du jeu, sont estimez pour cette consideration, & il faut des ceremonies pour les auoir, & pour les consulter comme les Maistres de l'art.

Les Chinois ont encore le jeu des dez, qui sont faits comme les nostres, sans aucune difference pour la figure, ny pour les points.

Le menu peuple pratique fort le jeu de la Mourre, auec la main & les doigts, comme on a coustume de le jouer. Il est en vsage aux festins plus qu'en tout autre lieu, où deux jouent à qui

payera le vin, & le perdant est celuy qui le paye. Les honnestes gens ont à cét esset vn Tambour hors de la sale, qu'ils frappent, ie ne sçay combien de coups commençans à conter par la premiere place, & quand le jeu cesse, celuy sur qui le coup de Tam-

bour s'arreste, est obligé de boire.

Les personnes de basse condition exercent vne autre sorte de jeu en la cité de Nanquim. Ils acheptent vne paire de chapons, les plus gras qu'ils peuuent trouuer, du poisson, de la Porcelaine, ou quelque autre chose excellente, capable de donner du destr de gaigner. Puis vn d'entreux prend en sa main dix pieces de leur monnoye, qui ont des lettres grauées d'vn côté, & rien de l'autre; celuy-cy les presente à vn autre, qui les jette en l'air, & s'il arriue que toutes dix tombent à terre d'vne mesme face, il gaigne la gageure, mais si les vnes tombent du côté que sont les lettres, & les autres du côté qu'il n'y a rien d'écrit; il perd deux quatrins, c'est à dire enuiron huit deniers.

Le combat des coqs nourris & façonnez tout à dessein se pratique en la Chine, comme par toute l'Inde: & celuy, qui reste Maistre du champ de bataille, ayant mis son aduersaire en suite, ou l'ayant jetté par terre, est le victorieux, & gaigne l'autre coq, auec le prix de la victoire. Mais dautant qu'il arriue assez souvent, que tous deux sont renuersez par terre, par les coups qu'ils se donnent en mesme temps ; la victoire demeure à celuy, qui estant tombé tâche de se releuer, & de surprendre son compagnon, ou

qui chante plûtost que l'autre.

Ils font semblablement combatre des cailles, & c'est pour cela qu'ils nourrissent soigneusement les mâles. Ce jeu est particulier aux parens du Roy, & aux Eunuques du Palais, qui sont d'excessiues despenses pour faire voir des oyseaux, qui se battent

en desesperez, & à outrance.

17

Ils representent aussi le jeu des Grillons au commencement du Printemps; lesquels ils nourrissent à ce dessein en des petites chambres faites de croye fort proprement, & quand il faut les exposer au combat, vn chacun tire le sien & le met dans vn bassin, ou dans vn autre vaisseau bien net, & puis ils les approchent l'vn de l'autre auec vne petite paële de fer; de sorte qu'estans

vne

deux, ils le font auec tant de furie, que dés le premier coup ils s'emportent assez souvent vne jambe. Le victorieux chante aussi-tost en signe d'allegresse, & remporte le prix. Ce jeu est ordinaire à Pequim parmy les Eunuques, qui leur coûte beaucoup.

On ne permet aucune sorte de jeu aux petits enfans, qui étudient; aux plus grands on leur en accorde quelques-vns proportionnez à leur âge, & fort semblables à ceux de l'Europe: si ce
n'est que les jeux de cartes & de dez sont absolument desendus
aux Escoliers sous peine de châtiment, & d'amende pecuniaire:
jusques là mesme que ceux, qui se plaisent trop à voir jouer, sont
blâmez des autres, qui les appellent Tu può c'est à dire Amateurs de jeu, si grande est la haine, qu'ils ont sormée contre ces
jeux de hazard, la perte du temps, la ruine des samilles, & la
peste des bonnes mœurs.

CHAPITRE XV.

Des Mariages des Chinois.



O v s apprenons des Histoires, qu'il y a prés de trois mille ans que les Mariages se contractent à la Chine par vn contract indissoluble, & qu'anciennement on se servoit pour la solemnité des épousailles de plusieurs ceremonies, & entr'au-

tres de se donner la main; lesquelles pour la pluspart ont esté changées, quelques-vnes abolies, & d'autres adjoûtées de nouveau.

Pour le present ils pratiquent deux sortes de mariage: l'vn est constant & arresté par vn contract, qui ne peut se rompre,ny se dissoudre que par la mort de l'vne des parties, & la semme est tenuë pour legitime, & conduite à la maison de son mary auec force ceremonies.

L'autre est vn concubinage, permis par les loix du païs en cas qu'ils n'ayent point d'enfans; mais ce n'est qu'vn pretexte, & en effect les plus gens de bien observent cette coûtume, mais les hommes

hommes riches prennent des concubines, & des Maistresses sans aucune dissiculté, quoy qu'ils ayent des enfans. La façon de ce mauuais mariage est bien disserente du vray & legitime contract; puis qu'en apparence on traite auec le Pere, & les parens de la sille, & qu'effectiuement elle est venduë par des personnes, qui ne luy sont rien, & qui l'ont seulement nourrie & éleuée à ce mauuais vsage. Aussi est-ce vne chose assez frequente en la Chine de voir de semblables Courretiers, qui nourrissent de jeunes silles, & leur sont apprendre à chanter, à joiler des instrumens, & les autres exercices bien-seans à des silles de qualité, à dessein d'en faire vn iour les concubines de quelques richars, & de les vendre cherement. A parler proprement ce n'est point vn mariage, puis qu'il n'en a ny les formes, ny les charges; & que la fille a la liberté toute entiere de se donner à vn autre homme, que la loy luy permet, en cas qu'elle soit chassée par le premier.

De plus ces femmes d'amour sont traitées diuersement : car elles mangent à part dans vn logis separé; elles sont soûmises à l'authorité des femmes legitimes, & les seruent en quelques choses, comme des servantes. Les enfans ne leur rendent point les deferences & les deuoirs, que les autres rendent aux autres femmes, qui sont les veritables épouses; & ne les nomment jamais de ce doux nom de Meres. Quand elles meurent, ceux-là, qui leur doiuent la vie, fussent-ils enfans vniques, ne sont point obligez de porter le deuil durant trois ans, ny à s'absenter des examens, ny à quitter leurs charges, & leurs gouvernemens, comme ils ont coûtume de faire à la mort de leur Pere; & comme ils le pratiquent mesme au deceds de la femme legitime, quoy qu'elle ne soit pas leur Mere. Quand le Mary est mort, la femme legitime & les enfans tant les siens propres, que ceux de l'autre lict, sont maistres du logis; & quand la femme pareillement est decedée, la concubine y demeure toûjours auec ses enfans, si

elle en.a.

Il s'en trouve, qui ne prennent des concubines; que pour auoir vn enfant mâle; & des ausse jost qu'il est né, si la semme ne veut pas la souffrir plus long-temps, le Mary la chasse de sa maison, ou la marie auec quelque autre, & l'enfant qu'elle a eu,

ne reconnoît point d'autre Mere, que la propre & legitime semme de son Pere. Il arriue aussi souvent, que le Mary s'attachant auec excez à l'amour de sa Concubine, toutes les affaires de la maison vont à rebours, excepté l'exterieur, qui ne peut receuoir de changement. Il est permis aux vesues de se remarier, si elles veulent; il est vray que les semmes d'honneur ne le sont pas pour l'ordinaire, quoy qu'elles soient encore ieunes, & qu'elles n'ayent point d'ensans: quand elles se tiennent dans le logis de leur beau-Pere, elles en sont plus estimées.

Dans les vrays mariages, on a égard communément à l'égalité des conditions, des estats & des personnes: mais dans les autres on ne considere que les persections naturelles de la fille. Les loix desendent de s'allier auec les Parens du Pere, en quelque degré qu'ils soient, & auec les personnes de mesme nom; mais elles permettent de se marier auec les Parens de la Mere, sans se soucier beaucoup de la proximité. Une jeune fille se marie fort dissicilement auec vn homme veus; ce qu'ils appellent, raconstrer la

maison & le litt.

Les mariages ne s'accordent jamais sans un entremetteur; pour amis qu'ils puissent estre: ils en choisissent un pour cét esset, parmy un grand nombre d'hommes & de semmes, qui n'ont point d'autre mestier. L'Espoux ne void son épousée qu'à la porte quandilentre, pour la prendre pour semme. Les Peres marient leurs enfans fort jeunes: & les accordent assez souvent dés le berceau, & mesme auant que d'estre nez: laquelle promesse ils accomplissent sidellement, quoyque le Pere vienne à mourir auant le temps, ou que l'une des parties vienne à dechoir de son estat, & de ses biens par quelque disgrace de la fortune: si ce n'est que l'un, & l'autre des promis sussent contens de ne pas se tenir au contract; & en cas que le sils ne voulut pas pour quelque consideration observer les volontez de son Pere, on l'y peut contraindre par les voyes de la Iustice.

De dot il ne s'en parle aucunement auant la mort du Pere, tant pour les garçons, que pour les filles: & parmy les personnes de basse condition, la coûtume n'est pas d'achepter purement les semmes, comme quelques-vns ont voulu dire; mais seulement de donner vne notable somme d'argent au Pere de la fille, pour luy auoir vne robe, & quelques ornements de teste proportionez à son estat; de ces deniers, le Pere en épargne, & retranche autant qu'il peut, pour son prosit particulier. De la vient que ceux, qui ont escrit que les Chinois achétoient leurs semmes, ne l'ont pas auancé sans sondement, pour ce que le Mary conuient, & s'accorde du prix auec le pere de la fille, qui ne la donne point,

qu'il n'ayt touché l'argent.

Les personnes de condition se donnent bien garde de parler d'argent, & de dot: mais le pere de la mariée est obligé de faire tout ce qu'il peut, suivant les coustumes du pays, & les loix du Royaume, & de donner à sa fille vn ameublement entier depuis la porte insques au toict de la maison, excepté le list: le tout quoy que les choses soient à bon marche dans la Chine, monte par sois insqu'à cinquante escus. Il luy donne outre cela deux ou quatre petites silles pour la seruir; & quelque argét, plus ou moins suivant ses facultez. Mais iamais on ne donne ny terres ny possessions, si ce n'est quele Pere de la fille sût extremement riche, ou qu'il entrast dans l'alliance d'une personne de haute condition, ou qu'il n'eust point d'enfans masses.

Apres que le contract est passé du consentement des Parens, on vient aux complimens, & aux ciuilitez: i'en veux rapporter quelques-vnes. La premiere est que l'accordé enuoye tout aussi-tost vn present de viandes, de vin, & de fruicts, à son accordée. La deuxiesme est qu'on choisit & determine le iour des espousailles par l'aduis des Astrologues, auec force ceremonies. Troisiesmement on demande le nom de la sille. En quatriesme lieu, le mary doit enuoyer des bagues, des pendans d'oreilles, & des ioyaux,

à sa future espouse.

Vn iour deuant que la femme soit conduite en la maison de son mary, on y transporte ses meubles de la maison de son Pere, en plein iour & à la veuë de tout le monde Les hommes deputez à cela, marchent deux à deux comme en procession; les vns portent les tables, les autres les cosfres, ceux-cy les rideaux, & ceux-là les bois du lict.

Le iour suiuant, c'est la coustume en quelques Prouinces, que

le marié, son pere & ses plus proches parens aillent à cheual, chercher la mariée, qu'ils conduisent dans vne chaire aucc vn pompeux appareil. Aux autres Prouinces, qui approchent plus du midy, l'homme enuoye sur le soir chercher sa semme dans vne chaire faite exprés, & richement parée, qui se ferme & s'ouure par le dehors, & vne grande suitte de monde qui l'accompagne, auec des slambeaux & des lanternes. La Mere, apres que sa sille luy a rendu les derniers deuoirs, & presenté le dernier Adieu, la renserme dans sa chaire, & enuoye la clef deuant à la Mere du mary; puis on comance à marcher, les Parens à la teste de la troupe, & les petites seruantes à costé de la chaire de leur Maistresse.

Quand on est arriué à la maison du marié, sa mere ouure la chaire, & faisant sortir la mariée, la met entre les mains de son fils, & tous deux se retirent ensemble dans vn Oratoire d'Idoles, où sont les images de leurs Ancestres: Apres les quatre genuflexions, qu'on a coustume de faire en semblables ceremonies, ils s'en vont dans une grande sale faire les mesmes reuerences à leurs Parens assis sur des chaires. Puis l'Espousée se retire auec sa belle-mere, ses filles de chambre, & la Mediatrice du mariage, dans l'appartement des femmes, où est son logement & celuy de son Mari : qui est vn lieu si sacré parmy eux, comme i'ay dit ailleurs, qu'il n'est pas permis à aucun homme, fust-ce le Pere, ou vn des freres d'entrer dedans : de façon que quand le Pere veux chastier son fils pour quelque faute, ce qui se fait ordinairement quoy qu'il soit marié; s'il peut gaigner la chambre de sa femme, il est en seureté, le Pere n'ayant pas la liberté d'y entrer, ny de parler auec sa bru, si ce n'est en quelques rencontres particuliers. Tant ils ont vn grand soing de conseruer la perle precieuse de l'honneur des femmes. Hors des temps que l'Espouse est retirée dans sa chambre, il est l'espace de plusieurs iours continuëllement en festins auec son Pere, ses Parens, & ses amis. Mais vn mois passé, l'Espouse se retire à sa maison, ce qu'ils appellent Queinim, c'est à dire retourner au repos.

Tous les freres partagent également les biens du Pere, autant les cadets que les aisnez & ceux des concubines, que ceux

des femmes legitimes, ne considerans en cela que la seule personne de leur Pere; mais pour les filles elles n'ont rien plus, que ce qu'elles ont receu pour leur mariage. Si le Pere meure auant que d'auoir marié ses filles, ses freres sont obligez de la pouruoir: & pareillement si le Pere s'est dépouillé de ses biens durant sa vie en faueur de ses fils mariez, ils sont tenus de nourrir & d'entretenir leurs sœurs.

Il y a neantmoins quelques maisons particulieres, comme celles, qui portent tître, dont les aisnez heritent, encore qu'ils ayent d'autres freres. Ces enfans sont nommez Que cum, Chu hui, Heupe, Chei hei.

CHAPITRE XVI.

Des funerailles & sepultures des Chinois.



Vo y que les Chinois ayent les mesmes opinions, que les Philosophes d'Europe en plusieurs poincts, qui regardent la vie, ils sont neantmoins bien differens pour ce qui touche la mort : d'autant que ceux-là traittent fort peu, & rien du tout

de la sepulture du corps, & ceux-cy ne prisent rien tant; & sont extremement soigneux pendant leur vie d'en donner l'ordre à leurs enfans, qui témoignent toute leur pieté & leur obeissance

à l'obseruer apres leur mort.

La coustume generale du Royaume est de n'enterrer aucun, quand ce ne seroit que le corps d'vn enfant de deux jours, s'il n'est dans vne caisse conuenable à sa condition. D'où vient que les riches, quoy que les Chinois soient auares, sont excessifs en cette sorte de dépense, recherchans le plus precieux bois, qui se puisse trouuer.

Les Eunuques ont de l'auantage en cela: car comme ils sont sans enfans, ils ne font point de difficulté de donner mille escus pour le bois de leur cercüeil; bien que souuent il ne vaille pas tant; mais ils vont trouuer vn marchand, & luy demandent du

bois, de cinq ou six cens escus. Eux-mesmes ordonnans ainsi du prix: l'autre vsé en son mestier respond qu'il n'en a pas pour le present, mais qu'il en attend de jour en jour: & que s'ils ne sont point pressez, ils n'ont qu'à l'enuoyer chercher dans quelques jours, & qu'asseurément ils seront seruis sujuant leur volonté.

Le Marchand ne fait autre chose que coller vn papier auec le prix sur des aix; & quand l'Eunuque reuient; il trouue des bois du prix qu'il demandoit. Le cercuëil estant acheué auec beaucoup d'ornemens d'or, de peintures & de figures par dehors, ils le font porter à leur maison, & assez souvent ce leur est vne satisfaction particuliere de l'auoir dans leur chambre. Comme au contraire ceux qui se voyent âgez sans l'auoir fait saire, sont toussours mescontens; & c'est vne grande charge aux enfans; quand leur Pere estant desia sur sa vieillesse, n'a pas encore preparé son cercuëil.

Cette façon se pratique ordinairement par tout le Royaume: mais pource qu'ils ont reçeu leurs loix des Pagodes des Indes, ils en ont aussi empruntez quelqu'autre chose, & ainsi ils ont trois sortes de sepulture, à sçauoir en terre, dans l'eau & au seu. Comme les Iaponois le pratiquent mesme estans encore en vie, dont les vns se precipitent du haut des rochers eminens, les autres se iettent dans les riuieres auec vne pierre au col, & telles autres pratiques, qui ne sont pas à nostre propos. Les Chinois ne sont pas si vaillans que de s'enseuelir ainsi tous viss; mais les pauures, qui n'ont pas le moyen d'achepter vn cercuëil, se sont brûler apres leur mort, & enterrer leurs cendres. On brûle les corps dans la Prouince de Sucheu, & puis on recuëille les cendres dans des vaisseaux bien sermez, qu'on iette au sond des riuieres.

Apres le cercuëil, vient le lieu de la sepulture, qu'vn chacun a pour soy & pour ses descendans hors des murailles, n'estant pas permis de l'auoir dedans les villes. Ces lieux leur sont fort chers. Quelques-vns y bastissent des maisons commodes, sermées tout à l'entour, & par le dedans pleines descyprés, & d'autres arbres conformés à la nature du sol. Si vous ne considerez que la qualité de la terre, ils ne sont pas tousiours de grande valeur, mais si le Deuin les a jugés prosperes & heureux pour y bastir, ils sont ven-

0 3

dus

dus cherement, & ces achapts ne se font point, sans l'aduis des iudiciaires.

Ils observent vn ordre aux enterremens de mettre à la teste le Chef de la famille, & les autres de main en main suivant leurs degrez. Leurs tombeaux sont de pierres proprement travaillées, & dessuive se des leur sepulture ils dressent des statuës d'Animaux, comme de Cerfs, d'Elephans & de Lyons, faites semblablement de pierre, auec des Epitaphes pompeux, & des compositions curieuses à la louange des defunts. Les plus considerables, particulierement les Eunuques sont bien d'autres despenses: car ils sont bastir des Palais somptueux, & des Sales sous terre, comme des Cimetieres, où sont des niches bien ajustées pour y mettre leur cercuëil apres leur mort. Ces Palais leur seruent quand ils y vont se diuertir, ou quand toute la famille s'assemble le iour des morts, pour faire leurs sacrifices & leurs ceremonies. Les pauures, qui n'ont pas le moyen d'auoir des lieux particuliers, pour se faire enterrer, en ont vn dans chaque ville, commun à tous.

Au reste ils ne manquent iamais d'estre inhumez en la sepulture de leurs Ancestres, pour éloigné que soit le lieu de'seur deceds: comme il arriue ordinairement aux Officiers, qui estans employés au gouuernement, en diuerses Prouinces du Royaume, meurent hors de leurs païs, d'où leurs parens les sont porter pour leur rendre les derniers honneurs: ce qui n'est pas hors de toute raison, puisque Iacob & Ioseph ont eu les mesmes soings.

La premiere ceremonie, qui s'obserue au trépas est, qu'auant que le malade soit decedé, on le porte sur vn matelas dans vne sale au dehors, où il rend l'ame. Ie n'en sçay pas la raison; & la regle n'en est pas generale, puis que les personnes de qualité demeurent & meurent dans leurs licts. Quand vn Pere expire, l'aisné de ses ensans arrache sa coësse & son chappeau de la teste, & tout écheuelé s'approche du lict, tire auec precipitation les rideaux & le fond, les deschire & en couure le corps. Si c'est vne semme, ou vn homme, les semmes ou les hommes le sont lauer à leur saçon: & apres qu'il est ainsi laué, ils l'enueloppent dans vne toile sine, ou au dessaux de toile, dans vn drap de soye; & puis ils le vestissent de ses plus beaux habits, & luy donnent les marques de l'Of-

fice

fice & du degré qu'il possedoit, & paré de cette saçon, ils le mettent dans son cercuëil sait de grosses & sortes tables, qu'ils frottent de Bitume & de Charan pour empescher la mauuaise odeur.

Le cercuëil est mis dans vne sale tenduë de noir; auec le portrait du desunct tiré au naturel, & ses marques, & ses liurées à la teste du cercuëil: vne table & vn tapis au deuant, & des rideaux au pied, derriere lesquels les semmes sont cachées. Les ensans & les nepueux sont aux deux costez assis sur de la paille fort assis jes nepueux sont aux deux costez assis sur de la paille sont les Trompettes de part & d'autre, & à la grande porte du Palais du costé de la Cour, sont deux Tambours: & dans la ruë vn grand faisseau de pieces de papier mis sur vn baston & traissant iusqu'à terre, qui sert de signal, pour dire que le duëil est ouuert & qu'on commence à rendre les visites. Puis les enfans du desunct sont squoir à leurs parens & amis, par vn billet auec des paroles pleines d'humilité, & de compassion la perte qu'ils ont faite.

En suite de cela, on commence les visites de cette sorte. Celuy-là qui les rend, entre dans la premiere Cour, & prend vn habit de duëil. Alors le Tambour donne vn signe, & les Trompettes sonnent quand il a passe la basse-Cour: & puis quand il est dans la sale, les femmes commencent à pleurer derriere leurs rideaux. Il s'approche de la table, & met dessus vne bourse de papier auec deux ou trois lules dedans, pour faire vne partie de la dépense, & vn peu de parfums, & apres fait quatre reuerences sur le tapis partie du pied, partie flechissant les genoux. Ce qu'estant fait les enfans le leuent, & le mettansà leur main gauche, luy rendent les mesmes reuerences: ils pleurent cependant, ou ils font semblant de pleurer, & apres ces ceremonies ils reprennent leur place sans dire mot. Autant d'amis qu'il y a, qui viennent rendre leurs visites, vn des parens du defunct les plus éloignez les reçoit, n'ayant qu'vn petit duëil, & les conduit dans vn autre appartement, où les ayant fait asseoir, il leur presente du Chia, des fruits secs, & des douceurs, dont ils ne mangent point le plus souuent, mais ils en prennent yn peu qu'ils serrent dans leur pochette, & delà se retirent.

Ces ciuilitez sont tellement du deuoir, que les amis presens n'oseroient s'en exempter, & les absens, sils demeurent dans vne ville voisine, y viennent en personne; ou bien s'ils sont trop éloignez, ils enuoyent vn de leurs Domestiques pour faire leurs excuses. Et comme ordinairement elles durent huit ou dix iours, ceux qui sont les plus éloignez, ont assez de temps pour venir; ou pour enuoyer quelqu'vn de leur part.

Cette ceremonie acheuée, le fils aisné est obligé de rendre la visite à tous ceux de la ville qui le sont venus voir : & pour soulager sa peine, il n'a qu'à se presenter aux portes, où il fait la reuerence, & il laisse vn billet estendu tout exprés, & passe outre.

On vient à parler de la sepulture si l'on peut sournir à la despense : sinon on garde le cercuëil du mort à la maison iusqu'à la premiere commodité, qui ne vient pas quelque-fois d'vn an entier. Pour cét effet on aduertit les amis par vn Thié, c'est à dire par vn billet comme auparauant : qui s'estans assemblez viennent aussi-tost au premier lieu. Les Machines marchent deuant, qui sont de grandes essigies d'hommes, de Cheuaux, d'Elephans, de Lyons, de Tigres, &c. faites de papier peint, & enrichies d'or. Suiuent d'autres Machines, à sçauoir des Chariots de Triomphe, des Pyramides, & choses semblables garnies de soye auec diuers ouurages, & des roses de la mesme matiere, qu'on brûle, quand on met le cercuëil en terre, si ce n'est vne personne de qualité, autrement on se donne bien garde de faire vne telle profusion à plaisir, & de rien brusser.

Ces Machines sont suivies d'vne grande multitude de peuple, qui vient par curiosité pour voir cét appareil sunebre : apres marchent les amis vestus de duëil; les Bonzes viennent en suite chantans leurs oraisons, & ioüans de leurs cistres : puis vne seconde espece de Bonzes, qui laissent croistre leurs cheueux & leurs barbes, & viennent en continence, & en communauté manians plusieurs sortes d'instrumens de Musique; & encore vne troisies me race de Bonzes, qui suivent vne profession toute differente des autres & se rasent le poil. A pres eux vont les amis plus samiliers, & les parens immediatement; les derniers sont les enfans & les nepueux du mort, vestus d'vn duëil fort triste, les pieds nuds, la

teste

teste baissée, auec de certains bastons en leurs mains de deux

pieds de long.

Tout ce conuoy marche deuant la biere du mort, qu'on porte à descouuert, si elle est de bois precieux, ou bien dorée, vernie de leur Charan, & richement ornée, dans vne grande machine, soustenuë de trente, quarante ou cinquante-hommes, la pompe estant dautant plus honorable, que le nombre est plus grand. Elle est couuerte d'vn grand poële, auec des houpes & des cordons entrelassez fort proprement; & tout auprés force slambeaux cachez dans des lanternes de bois.

Les femmes suiuent derriere le cercuëil, pleurans dans leurs chaires fermées, & couuertes de duëil, en la façon qu'elles accompagnent leurs parentes & leurs amies. Quand ils sont arriuez au lieu de la sepulture, ils font diuerses ceremonies auant que de mettre le cercuëil en terre; dont vne qui n'est pas des plus mau-uaises entre les autres, est vn festin somptueux, qu'on fait à toute la compagnie, pour lequel il est besoin d'auoir vne grande

& opulente maison.

Vn chacun s'estant retiré chez soy, garde le temps du duëil, & les ceremonies ordinaires, qui sont celles, que ie vay raconter. La premiere & la plus commune est de se vestir d'vn habit de duëil grossier & pesant; qui est blanc, non seulement dans ce Royaume, mais encore au Iapon, à Corea, & en plusieurs Royaumes circonuoisins: quoy qu'il me semble que cette couleur n'a pas esté choisie dés le commencement pour cet vsage, mais que c'est par vne coûtume introduite & receuë, sans qu'ils en puissent donner la raison: veu que d'ailleurs ils sçauent bien que cette couleur est vne des plus gayes, comme ils le font bien paroître en certains temps. Pour dire ce que i'en pense, il faut sçauoir, que les Chinois font leurs étoffes de cotton, de soye, de chanvre: la soye & le cotton sont trop fins & trop déliez pour des étoffes grossieres; ils ne peuvent donc se servir que de chanvre, & comme de son naturel sans estre teinte, elle est d'une couleur ingrate & choquante, ils l'ont aussi choisse; & comme d'ailleurs elle est naturellement blanche, ie crois qu'en suitte le blanca passé pour la couleur propre du duëil.

Ce duëil dure trois ans entiers, pendant lesquels les enfans ne s'assoient iamais sur d'autres sieges que sur vn petit banc couuert de duëil. Ils ne prennent point leurs repas à table; ils couchent sans chalis, leur liét sur le paué; ils s'abstiennent de vin, & de chair, ils ne se seruent point de bains, qui sont assez communs, ils n'assistent à aucun festin, & ne sortent iamais que dans vne chaire sermée & couuerte de duëil. De plus, ils ne touchent iamais leurs semmes, à ce qu'ils disent, durant tout ce téps-là, ils ne sont receus ny aux examens, ny aux charges publiques: & s'ils en ont quelqu'vne, à la mort de leur Pere ou de leur Mere, sust-ce celle de Vice-Roy, ou de Colao, ils sont obligez de la quitter, pour vaquer aux ceremonies des sunerailles & du duëilsmais apres ils la reprénent; & souuent il arriue qu'ils sont mis dans vne plus releuée.

Cetemps est si sacré, qu'il ne reçoit point de dispense, non pas mesme pour les Capitaines de la guerre. Et pource qu'vn de la Prouince de Canton, se montra plus desireux d'auoir vn gouuernement, que de garder son duëil, ayant de la sorte fait son conte que le temps de son voyage passoit pour vne partie de celuy de so duëil, qui luy manquoit pour faire les trois ans entiers; estant arriué à la Cour à dessein de rentrer en sa charge, on le renuoya dans sa maison pour acheuer son temps, auat quede venir se presenter.

Ils gardent ponctuellement ce nombre de trois ans, en reconnoissance de ce que durant les trois premieres années de leur enfance ils estoient plus entre les bras de leurs Peres, que sur leurs pieds: d'où vient que pour vn tesmoignage de respect ils ne peuuent rien changer en leur maison de l'ordre que tenoit leur Pere.

Le ducil des femmes n'est que d'vn an : il y en a de trois mois, pour des parens, & de trois iours pour les amis, & comme ces rencontres arriuent assez souuent, il y en a fort peu, qui n'ayt ses

robes de duëil toutes prestes.

Telle est la pompe du duëil & de la sepulture des personnes les plus honorables; qui est plus grande ou plus petite suivant leur qualité Les ceremonies qui se gardent pour les Roys sont incomparablement plus augustes, & pour le mieux entendre, ie rapporteray ce qui se sit l'an 1614, aux sunerailles de la Reyne-Mere, où l'assistay.

CHAPI

CHAPITRE XVII.

Des Funerailles de la Reyne-Mere.

A Reyne-Mere mourut le 9. de la seconde Lune; qui est le dernier jour de nostre mois de May l'an 1614. Toute la Cour prit aussi-tost le duëil, autant la noblesse comme le peuple, & particulierement les Officiers & Ministres Royaux quitterent vne

partie des marques de leurs charges, qui non seulement leur donnent de l'authorité, mais encore de la bonne grace, pour se vestir de duëil & de douleurs, comme au lieu de leur ceinture precieuse ils prirent une corde d'estoupes, & changerent leur bonnet de soye noire en vn autre de gros drap. Ils marcherent de la sorte durant quatre mois entiers iusques aux funerailles. Pour le peuple il ne fut obligé de porter le bonnet de duëil que vingt - quatre iours; mais auectant d'exaction, qu'aucun n'eust osé le quitter

sous peine de chastiment.

Le 2. iour le Roy sortit de son Palais pour passer à celuy de sa defuncte Mere, lesquels bien qu'ils soient renfermez d'vne mesme muraille, sont pourtant vn peu separez l'vn de l'autee. Le corps fut richement vestu de blanc, & auant que de le mettre dans le cercuëil, le Roy s'en alloit tous les iours en personne auec tous ses Domestiques le visiter, luy faire la reuerence, & luy rendre tous les deuoirs des Enfans à leurs Peres, iusques à luy presenter des odeurs aromatiques dans vne cassolettesle mesme se sit solemnellement par toutes les Dames, par ses enfans & nepueux, & encore par quelques-vns des principaux Eunuques du Palais. Les robes, le lict, & les meubles de la defuncte furent brûlez par le commandement du Roy, jugeant que c'eust esté chose indigne de les faire servir à d'autres personnes de moindre auctorité.

Le 3. iour la Reyne fut mise dans le cercuëil auec lequel on deuoit l'enseuelir. L'excellence de sa matiere se peut aysemet tirer de ce que nous auos dit, qu'il y en a pour des particuliers, qui montét iusqu'à la somme de mille escus. Les tables estoient fort grosses, & le cercüeil fort large. Le Roy luy-mesme étendit le corps sur vn materas, auec vn oreiller proprement accommodez, & jetta dessus pour plus de 60 dix mille escus de perles, & pierres precieuses, & sit mettre aux côtez 50 draps d'or, & 50 d'argent, ce qui eût peu nourrir quelque homme de bien: cette ceremonie estant acheuse, & le cercüeil fermé, le Roy & ses gens luy sirrent les reuerences ordinaires.

Ils continuerent le 4. iour leurs ceremonies, & se vêtirent d'vn duëil plus triste, & plus horrible pour les sacrifices: qui essectivement ne sont point tant des sacrifices, que des offrandes & des pures ceremonies. Le cercüeil étoit dans vne grande Cour éleué sur vne espece de Thrône, & quinze tables à l'entour; la premiere, qui étoit à la teste pour le Roy, & les autres pour ses semmes & cnfans, & pour les principaux Eunuques, qui sirent par rang leurs offrandes apres le Roy auec des odeurs & des reuerences.

Le 5. iour fut destiné pour ceux de dehors, premierement tous les Tiltres ou Qualifiez qu'ils nomment Què cùm chu cheu heupè, dont les dignitez sont hereditaires s'assemblerent dans le Palais; apres eux tous les alliez du Roy, sçauoir ceux qui ont épousé ses filles ou ses nepueux: puis les Mandarins des six Tribunaux, & les semmes des grands Officiers, comme sont ceux des six Tribunaux, qui exercent leur authorité par tout le Royaume, chacun en ce qui conceine les sonctions de sa charge, pour la paix ou pour la guerre, marchoient les dernieres. Tous ceux-là rendirent leurs deuoirs à la desuncte, en la façon que i'ay dit: de cette sorte se termina la premiere partie des ceremonies, qui se sonction au Palais auant la sepulture pour laquelle on publia dehors diuerses ordonances & on afficha diuers Edits, qui portoient.

Premierement que tous les Mandarins, lettrez, & gens d'armes se trouuassent le iour suivant au Palais pour pleurer la Reyne morte: ce qu'estant sait, ils s'en retournerent à leur maison, tout droit à leurs Tribunaux, où ils passerent trois iours en jeusne sans manger ny chair, ny œufs, ny poisson, & sans boire de vin. Ils vinrent en suite durant trois autres iours aux portes du Palais, & les vns apres les autres visiterent le corps; & luy sirent quatre

reuerences auec de grandes demonstrations de trissesse vn

chacun s'en retourna à son logis.

En second lieu. Que toutes les semmes des Mandarins des quatres premiers ordres se trouuassent aussi durant trois iours couvertes d'vn grand duëil depuis les pieds iusqu'à la teste pour, pleurer de la mesme saçon; auec desence de se parer, ny de porter aucuns joyaux en leurs maisons durant vingt-sept iours.

Troisiémement que ceux du Conseil du Roy, qu'on appelle Hanlim, composassent des vers & des oraisons à la sou ange de la

defuncte Reyne.

Quatriémement, que ceux du Quanlosu, c'est à dire les Intendans du domaine du Roy, sournissent promptement, & liberalement tous les frais necessaires pour les Sacrifices, & pour les funerailles.

Cinquiémement que les Bonzes, & Ministres des Idoles eussent à sonner long-temps les cloches en signe de tristesse & de douleur.

Sixiémement, qu'on ne vendît point de chair aux Boucheries l'espace de dix-sept iours, & que tous ieunassent à l'exemple du Roy, qui les trois premiers iours ne mangea qu'vn peu de ris

cuit à l'eau, & les autres seulement, des legumes.

Septiémement le President du Conseil des coûtumes & de la chambre eut commandement de donner vn habit de duëil à tous les Ambassadeurs, qui se trouuerent lors à la Cour, & de les conduire au Palais, pour rendre vne sois leurs honneurs & saire les ceremonies, à la façon de ceux du Païs.

Huictiémement. Que tous les Mandarins, qui avoient fait le temps de leurs charges, ou qui aspiroient à d'autres vinssent aussi durant trois iours au Palais, faire les mesmes reuerences, & s'a-

quiter des mesmes ceremonies.

Neufviémement: Que le peuple s'en allât le matin, & le soir durant vne semaine au Palais du Gouuerneur de la ville faire la

- mesme chose.

On écriuit encore à tous les Mandarins distribuez par les Prouinces & par les villes du Royaume, qu'ayans receu la nouuelle du trépas de la Reyne, ils fissent en sorte au plûtost que tous leurs Parens Parens du costé des masses auec leurs femmes, & leurs enfans, fissent trois reuerences mettans les genoux à terre, auec les autres ceremonies, & portassent le duëil durant vingt-sept iours. Cet ordre fut expressement donné à tous les Mandarins, autant à ceux qui estoient effectiuement dans le gouvernement, ou qui en estoient sortis; qu'aux lettrez, graduez, & encore non graduez.

Il fut pareillement ordonné que le peuple porteroit vn chapeau

de duëil l'espace de treize iours.

On defendit de plus la Musique, & le son des instrumens tant aux Palais des Mandarins, qu'aux maisons basties sur les chemins & dans les petits lieux, où ils logent aux despens du Roy, marchans en commission. Et cette desense sur portée par des Mandarins particuliers, qui n'ont que cette charge. Quand i'arriuay à la Cour de Nankim, tous les Officiers, gens de lettres, ou d'armes vestus de duëil vinrent sur le bord de la riuiere les receuoir auec vn poësse sur la teste: & passerent par la ville en ordre, comme en procession iusqu'au Tribunal des coustumes, où le President afficha son ordonnance en vn lieu eminent, deuant laquelle, tous sirent la reuerence: puis il ouurit les lettres & leut les ordres, qu'il faloit obseruer, sans que rien dessa manquast pour l'execution, sinon que le Peuple n'auoit pas encore pris son Chapeau de duëil.

Apres ces ceremonies qui precederent les funerailles, on aduertit le grand Mathematicien ou indiciaire de la Cour de Pekim de choisir les iours propres pour le reste des obseques. Ayant apporté toutes les diligences, il designa le neusuiéme iour de la fixiéme Lune, quatre mois apres la mort de la Reyne, pour tirer son cercuëil du Palais, & le quinziesme de la mesme Lune pour l'enterrer. Le temps estant venu, on donna les ordres qui sui-

uent pour le regard des funerailles.

Premierement que tous les Mandarins de la Cour auec les Magiftrats des Tribunaux eussent à fortir de leurs maisons, six iours deuant, & à se retirer dans leurs chambres de iustice, & ieusner pendant trois iours, comme i'ay dit.

Secondement que les Thresoriers du Domaine du Roy preparassent toures les choses necessaires pour cette action, comme

des

des flambeaux, des parfums, plusieurs figures & representations d'hommes, de cheuaux, de lions, d'elephans, des Parasols de soye, le tout richement orné pour estre brussé sur la sepulture. On dit que la despense sut de trentre mille escuz, dont ie ne doute aucunement; mais que tout sust brussé, ie n'en ay point d'autre preuue que le bruit commun.

Troisiesmement, que les Conseillers, du Conseil Hanlim, fis-

sent de nouveaux vers sur le suiet des funerailles.

Quatriesment à cause que le Roy devoit accompagner le corps insques au lieu de la sepulture, qui est éloigné du Palais de douze lieuës, il deputa vn Grand de sa Cour en sa place, pour faire les ceremonies necessaires en cette occasion.

Cinquiesmement, on sit commandement aux Capitaines, & Soldats de garder la ville, & le lieu de la sepulture, & d'accompagner le corps par les chemins en cette sorte. A châque porte de la ville (il y en a neuf) on posa mille hommes: depuis la porte, par laquelle le cercuëil deuoit sortir insques au lieu de la sepulture on mit deux rangs de Soldats en haye: trois mille portoient le cercuëil par tour; & quarante mille surent choisis pour garder la sepulture, tout le temps des sunerailles.

Sixiesmement: on prepara les ruës depuis le Palais iusques au lieu de la sepulture: on planta des poteaux de deux costez pour auoir le passage libre, & empescher la soule: & de plus on disposa de vingt en vingt pas, des paniers plein de terre jaune pour couurir les chemins par où le corps deuoit passer: auec des Tentes & Pauillons à certaines distances pour la commodité de ceux, qui

suiuoient le conuoy.

Septiesmement, les Officiers du Domaine eurent ordre de pouruoir liberalement à la dépense des Mandarins, des Eunuques, des Capitaines, & des Soldats, & detous ceux qui par office accompagnoient la pompe funcbre.

Huictiesmement. Que trois iours auant les obseques on renouuellast les pleurs, les reuerences, & les sacrifices, comme on

auoit fait au commencement.

Finalement qu'on n'ouurît point les Boucheries, & qu'on ne vendît, pour quoy que ce fust ny chair, ny poisson, & qu'on n'entendît

tendît aucun instrument de Musique, ny aucun chant d'alegresse, jusqu'au vingtième de la Lune, c'est à dire deux iours auant, &

cinq apres les funerailles.

Toutes les choses estans ainsi disposées; le septième iour de la sixième Lune, le Roy & le Prince auec tous les Officiers se transporterent au Temple de leurs Ancestres, qui est au dedans du Palais Royal: & là le Roy couuert de ses habits de duëil, sit vne prosonde reuerence deuant l'image du premier Fondateur de sa maison, & offrit plusieurs robes de soye, de vin, & d'autres choses à la desuncte, laquelle y auoit aussi son image: & puis, il sit lire vne des pieces qu'on auoit composées à sa loüange, & apres vne longue suite de reuerences & de ceremonies; ils s'en retournerent au Palais: le Roy ayant expressement donné ordre, qu'on brûlat cependant les robes, les poësses & les autres ornemens.

Pendant les huict iours qui restoient, on sit des sacrissices solemnels au Ciel, à la Terre, aux Planetes, aux Montagnes, & aux Riuseres: & en suite on en presenta d'autres par le commandement du Roy aux neuf Portes, ou plûtost aux esprits tutelaires des neuf portes du Palais, par lesquelles le corps deuoit passer: le mesme se sit aux six Ponts de la Riusere, qui coule à trauers le Palais, offrant en tous ces endroits des Animaux, du vin, & des parfums mixtionnez.

Le cercuëil de la defuncte étoit d'vn bois le plus cher & le plus precieux du Royaume, fermé de tous côtez, auec des pointes, & des fermoirs d'argent en forme de dragons; les tables, dont il étoit composé, paroissoient toutes nuës sans estre peintes ny dorées, comme estans plus precieuses que l'or & la peinture. Il sut mis sur vn char de Triomphe richement trauaillé, garny de courtines de soye recamées d'or, tout couvert de plaques d'argent, & sursemé de Lyons, de Dragons & de plusieurs autres figures faites à la perfection; auec vn grand nombre de slambeaux, de Parfumeurs & de parfums tout à l'entour.

Le cinquiéme iour venu, que le Mathematicien auoit marqué pour faire sortir le corpsile Roy auec ses semmes, ses enfans & les Eunuques de son Palais vint au lieu où étoit le cercüeil sur vn

chariot,

chariot, & apres auoir renouuellé leurs larmes pour la defuncte, il presenta des Sacrifices au mesme chariot, ou plûtost au Dieu du Genie qui le gardoit, asin que le voyage succedât heureusement & que le corps trouuât son repos & sa seureté; & l'arrousant d'eau de senteur, il luy sit ses reuerences, & luy rendit ses deuoirs pour la derniere sois.

Ceux qui auoient charge de receuoir le corps & de l'accompagner au nom & en la place du Roy, & de luy faire des facrifices & des ceremonies aux lieux destinez, se tenoient prests au dedans de la premiere porte: ils n'eurent pas plûtost receu ce depost qu'ils commencerent à marcher auec vn si bel ordre, auectant de modestie, & vn si grand silence, qu'ils donnoient de l'admiration. Ils ne firent ce iour-là que gaigner le dehors de la muraille, & s'arresterent dans vn lieu destiné pour cela, où ils poserent le chariot sous vn riche pauillon; sirent leurs sacrifices sur des tables dressées expressément, brûlerent des parsums. s'acquitterent des autres ceremonies, & verserent leurs dernieres larmes. Ils dépecherent tout aussi tost vn Eunuque, pour informer le Roy de leur arriuée, & de tout ce qui s'étoit passé.

On commença le iour suivant par les mesmes ceremonies auec lesquelles on auoit siny le precedent. & puis on continua le voyage qui dura trois iours à cause des ceremonies & des pauses qu'il faut faire par les chemins, insques à la Montagne où sont les sepultures des Roys, auec vn tel concours de peuples, que la curiosité auoit appellé de tous les endroits, qu'il essoit

impossible de les compter.

Quand le conuoy fut arriué, on descendit le corps du char, où il estoit pour le mettre sur vn autre, tout à fait de Triomphe, qu'on tenoit prest à ce sujet, non moins precieux & superbe que le premier. Et puis on sacrissa vn Taureau, qu'on arrousa de vin aromatique, auec des robes, & des parsums à l'honneur de la terre, suppliant l'esprit Turelaire de receuoir ce corps en pitié, de le conseruer, & de le desendre.

En mesme temps neuf Mandarins deputez par le Roy garderent les mesmes ceremonies, & presenterent les mesmes sacrifices à tous les Roys ses predecesseurs, qui reposoient en ce lieu. Le iour de l'enterrement, qui fut le quinzième de la sixième Lune, ils offrirent diuers sacrifices pour la sin des sunerailles, dont ils
rendirent compte au Roy, comme ils auoient fait tout le chemin.
Que si le Roy sit paroître ses liberalitez à ceux, qui auoient trauaillé en cette occasion, il ne témoigna pas moins de pieté à la
memoire de sa Mere, ny de soin à luy rendre ses deuoirs apres
sa mort: puis qu'en sa consideration il donna la liberté aux Prisonniers, qui n'auoient point de partie ciuile, ou qui n'estoient
point conuaincus de crimes atroces. Il commanda de plus qu'on
déchargeât les Prouinces les plus soulées, & qu'on sit des aumônes aux personnes les plus necessiteuses.

Il osta de plus les imposts, qu'on auoit establis de nouueau sur les Douanes & aux entrées des portes. Et luy-mesme sit de sa main plusieurs milliers de petites pieces d'argent enueloppées de papier suiuant la coûtume des Chinois, qu'il distribua pour l'ame

de la defuncte.

Certes il n'y a rien dans la Chine, qui merite tant d'estre imité par toutes sortes de Chrestiens que les ressentiments de pieté qu'ils ont pour leurs Parens. Et Dieu eternellement les benit ayant donné à ce peuple vne si forte inclination pour la vertu, c'est vne chose digne de compassion, qu'il ne leur manque rien que le fondement vnique de la Foy. Il est aysé de connoître de là combien fructueuse sera la predication de l'Euangile en ce Royaume, qui commence déja à s'y répandre par la bonté de nostre Seigneur, comme nous dirons en son lieu.

Ayant parlé de la mort de la Reyne Mere, il ne sera point hors de propos de dire vn mot de celle du Roy Vanlio son fils, qui auint sur la fin du mois d'Aoust l'an 1620 en leur septiéme Lune, sans vouloir neantmoins en rapporter les ceremonies, puis qu'elles sont semblables à celles dont nous auons déja parlé.

Sur la fin du mois de luin de la mesme année, il tomba malade d'une dysenterie, accompagnée d'une douleur d'estomach, d'une ensure de jambe, & d'autres incommoditez: cette maladie dura deux mois, auec d'estranges vicissitudes: apres lesquels se voyant reduit à l'extremité, il sit venir son sils aisné l'heritier du Royaume, & ses trois autres ensans, ausquels il sit un beau

discours,

discours, s'accusant luy-mesme de trop de negligence, & lenr donna le dernier adieu.

Puis il dressa son Testament selon les procedures accoûtumées, qui sont que quand les Medecins ont desciperé de la santé du Roy, les Colay s'ils sont plusieurs comme c'est l'ordinaire, le Prince des Eunuques, le premier President du Palais, qu'ils appellent suitkien, viennent trouuer le Roy, & tâchent de sçauoir de sa bouche ses dernieres volontez, & les clauses de son Testament. Puis ils vont secretement trouuer le Prince heritier de la couronne, & conserent auec luy de tout, pour ne rien faire contre le gré de celuy qui est pour prendre bien-tost possession du Royaume.

Apres auoir écouté l'vn & l'autre, ils dressent le Testament en sa forme, & le portent au Roy pour le luy faire approuuer, & de là le vont presenter au Senateur du College Royal; nommé Han li yuen, auquel il appartient de mettre les affaires du Roy en style

propre.

Ce qu'estant fait, on le scelle du Sceau du Roy; & on le garde dans les Archiues du College Royal, tandis que le Roy demeure en vie: & dés qu'il est mort, on le represente au Tribunal des Coûtumes pour le faire publier partous les endroits du Royaume, & pour le faire executer de poinct en poinct.

l'ay copié fidellement la forme de ce Testament, & l'ay tra-

duite en nostre langue de cette sorte.

Le Testament de nostre Empereur Vanlio, lequel obeyssant au Ciel a laissé son Empire entre les mains de ses Successeurs.

Monarchie de la main de mes Ancestres, & l'ay tenu 48. ans, temps assez considerable pour n'auoir point regret de le quitter. Dés aussi-tost que ie paruins à l'Empire, ie me disposay pour gouuerner heureusement, & pour imiter mes Predecesseurs, comme ie tâchay de faire auec beaucoup de soins. Mais comme je sus incommodé de diuerses maladies pendant plusieurs années, ie méprisay de faire les Sacrifices ordinaires au Ciel & à la terre, & de rendre mes devoirs à la memoire de mes Parens. Rarement ay-je monté sur mon Thrône pour déliberer des affaires de mon Estat, & i'ay receu les Requestes & les Remonstrances qu'on m'a presentées, sans les expedier. le n'ay iamais eu la simple pensée de nommer au besoin des Magistrats, & ie ne sçay qu'à cette heure qu'il y a des places vacquantes. l'ay découuert neuf minieres d'or & d'argent; i'ay accreu & multiplié les imposts; i'ay troublé le repos & la paix de mon Estat, d'où s'est ensuiuie la foule du Peuple, & la diuision parmy les Princes voisins. Maintenant que ie pense à ces choses iour & nuit, à peine peux je souffrir les douleurs de mon ame, qui deteste les fautes passées, qui commence d'auoir de meilleurs sentimens. Mais la maladie en laquelle ie suis tombé, se renforçant de plus en plus, me fait croire que ie n'ay pas longtemps à viure.

Partant la seule esperance qui me reste, est, que mes Enfans & mes nepueux corrigeront mes desfauts par vne meilleu-

re vie

Prenez donc garde à cela; vous l'heritier du Royaume, qui ne manquez ny d'esprit ny de bon naturel: & puisque iamais vous ne vous estes departy de la pratique de la pieté, de l'obeissance, & des autres vertus, ayez bon courage: l'heritage de l'Empire Chinois vous appartient. Que vostre principal but soit de regler vostre vie & vos mœurs. Appliquez vous diligemment à bien gouverner l'Estat. Cherissez les gens de bien, ne méprisez point leurs conseils & ne vous fâchez point de leurs aduertissemens: asin que vous puissiez plus aysement supporter le pesant fardeau de cét Empire, éleuez soigneusement mon petit nepueu vostre sils à l'étude des lettres. Faites du bien à vos trois petits freres, donnez leur maison commode, assignez leur de bons appointements, & qualisiez les de Tîtres honorables. Ayez soin de tous vos sujets; autant les Nobles que les Rotuniers viuent enpaix & entretiennent la concorde. Pensez prom-

ptement

ptement à faire vos Colay, & les autres Magistrats souverains, pour ce que ie me souviens d'en auoir laissé deux à nommer en leurs temps; & de n'auoir pas choisi des Administrateurs Royaux. Ie vous recommande ces choses & de les mettre au p'û tost en execution.

Sur tout déchargez sans remise vos sujets des nouveaux imposts, que i'ay mis recemment sur les Ponts, sur les champs, sur la soye, sur les draps, sur les vases de terre, & sur les autres choses. Faites qu'incontinent les causes pendantes en iustice soient terminées par des iuges choisis, & déliurez les innocens. Les Soldats, qui sont sur les confins des Tartares, manquent de prouisions, qu'on les pouruoye des deniers du Thresor (on dit que le Prince adioûta cette clause au Testament de son Pere.) Ie vous recommande aussi les Soldats & les Capitaines qui sont morts en la derniere guerre, honorez leurs ames & leurs tombeaux de nouveaux tîtres, & payez à leurs heritiers ce qui leur est deu.

Ie veux & ordonne que vous fassiez executer toutes ces cho-

ses le plûtost que vous pourrez.

Pour ce qui concerne mes funerailles, faites observer les ceremonies du Royaume. Il est vray que mon inclination seroit qu'au lieu, de vingt-sept mois, comme c'est l'ordinaire, elles ne durassent que vingt-sept iours : pource que la presence des Magistrats, du Vice-Roy, des Visiteurs, des Capitaines, est necesfaire à leur Gouvernement & aux affaires publiques : ne permettez pas qu'on appelle les Capitaines, si ce n'est pour mon enterrement. Il suffira qu'vn chacun d'eux ayant eules nouuelles de ma mort, fasse durant trois iours au lieu où il sera, ce qu'on a coûtume de faire, à l'entour du corps du Roy. Les pastilles & les parfums qu'on porte en semblables occasions, peuvent estre portez par les moindres Officiers au nom des grands. Mais qu'on n'appelle aucunement les Gouverneurs des forteresses, & les Magistrats deputez à la garde des Villes, & des Places: & qu'on dispense aussi les Estrangers qui nous sont Tributaires, l'ordonne que cette mienne volonté se publie par tout le Royaume, & qu'elle vienne aux oreilles de tous.

Tel fut son Testament qu'on publia par tout: pour les ceremonies ie n'en dis mot, à cause qu'elles sont semblables aux autres, que j'ay déja rapportées.

CHAPITRE XVIII.

Des Sectes de la Chine.

Es Chinois vniuersellement ont de l'inclination aux Sectes, & conuiennent en la pluspart auec les Iaponois. Ils en ont trois en tout, lesquelles quoy que differentes, s'accordent neantmoins entr'elles à ne faillir point, ou pour mieux dire à faillir

dauantage. Les deux premieres appartiennent proprement à la Chine, y estans nées: la troisséme, qui s'applique au culte des

Idoles, est venuë des Indes.

La premiere, qu'on nomme la Secte des Lettrez, est la plus ancienne de toutes, au iugement de ceux qui luy donnent vn certain Confusio pour son auteur. Celle-là n'adore point les Pagodes, mais reconnoît vn Seigneur Souuerain, qui a le pouuoir de châtier & de faire du bien aux hommes. Ses Sectateurs n'ont pourtant aucun Temple pour luy rendre leurs adorations, ny de ceremonies particulieres, ny mesme de prieres pour l'inuoquer, non plus que de Prestres, ny de Ministres dediez à son service. Quandils parlent ou écriuent de ce Seigneur, c'est auec des termes fort honnorables, comme d'vne chose toute diuine, & ils se donnent bien garde de luy attribuer rien d'incident, ainsi que faisoient nos Anciens à leurs faux Dieux. Mais comme ils n'ont pas vne parfaite connoissance du vray Dieu, ils sont venus iusques à cette superstition, que d'adorer trois choses les plus renommées, les plus puissantes & les plus profitables du monde, qu'ils nomment en leur langue S'an Cai, à sçauoir le Ciel, la Terre & l'Homme. Pour ce qui est du Ciel & de la Terre, il n'y a qu'à la Cour de Nanquim & de Pequim, où l'on void des Temples somptueux bâtis à leur honneur. Ce sont comme les propres

pres Temples du Roy, où luy seul en qualité de Ministre leur offre des Sacrifices en personne, & à son defaut le Magistrat des

vsages & coûtumes.

Il est vray qu'il y a d'autres Temples dans la ville consacrez aux Esprits Tutelaires du Païs, à qui les Mandarins sont aussi des Sacrifices, & pareillement aux Genies des Riuieres, des Montagnes, & des quatre parties du monde. Il yen a d'autres pour les Hommes illustres, qui ont autresois obligé le public, auec leurs Portraits tirez au naturel. Ils rendent les mesmes honneurs à leurs Ancestres, en montant iusqu'au quatriéme degré.

Ils ne demandent & n'esperent rien pour l'ame en l'autre vie; tous leurs souhaits sont de receuoir quelque secours temporel en la vie presente, de jouir d'vne heureuse fortune, & de pouvoir imiter les belles actions de ces grands Personnages, qui les ont

precedez.

Il paroît en cela que leur dessein est d'imprimer des sentimens de Religion dans l'ame des peuples, à ce que voyans l'honneur qu'on rend au Ciel & à la Terre, comme aux Peres communs, ils viennent à respecter leurs Parens, & qu'ils soient excitez d'vn genereux dessir d'imiter les Anciens, considerans la veneration qu'on a pour eux; & que voyans les seruices qu'on fait pour les desunts, ils apprennent la façon de seruir ceux qui sont encore en vie. En vn mot, ils ont cette louiable coûtume de rapporter toutes choses au bon Gouuernement de l'Estat, au repos & à la paix des samil-

les, & à la pratique de la vertu.

La deuxième Secte propre & particuliere aux Chinois, est de ceux qu'on appelle Tausi. Elle tire son origine auec son nom d'vn Philosophe nommé Tausu, duquel on raconte qu'il demeura huict ans dans le ventre de sa mere. Il vescut à peu prés au mesme temps que Confusio. Ses Disciples, qui sont encore à present en grand nombre, viuent ensemble, ne se marient iamais, laissent croître le poil de leur barbe & de leur tête, & ont vn habit commun qui n'a rien de different des autres, si ce n'est en quelque chose pendant qu'ils officient. Au lieu de bonnet, ils portent vne petite couronne, qui ne leur couure qu'vn nœud de leurs cheueux. Ils établissent la fin derniere de l'homme aux biens du

corps, dans la possession d'une vie douce & paissble, exempte de trauail & de fâcherie.

Cette Secte reconnoît deux Diuinitez, l'vne plus grande que l'autre, toutes deux corporelles. Elle admet vu Paradis & vn Enfer. Le Paradis, qui est attaché aux plaisirs du corps, à ce qu'elle dit, n'est pas seulement pour l'autre vie, mais encore pour cettecy, en ce que par le moyen de certains exercices & meditations, les vns peuuent deuenir ieunes enfans, les autres se faire Xin Sien, c'est à dire heureux sur la terre, posseder ce qu'ils voudront, passer legerement & promptement d'vn lieu à l'autre, quoy que fort éloigné, se trouuer dans les festins, & choses semblables.

Ils ont vne Musique & de bons Instrumens: d'où vient qu'on les appelle aux funerailles & aux ceremonies publiques, & qu'ils assistent & seruent aux Sacrifices du Roy & des Mandarins. Ils font des Deuins, & se vantent de donner de la pluye, & de chasser les Diables des lieux infectez: ils n'en sont pourtant rien, & il arriue assez souuent que les Diables les chassent eux-mesmes honteusement. Quand ils promettent la pluye durant les sécheresses, ils prolongent par sois si long-temps, leurs prieres, qu'il faut

enfin qu'il tombe de la pluye.

le veux icy raconter vn plaisant trait, qui leur arriua en la Ville de Pequim l'an M. DC. XXII. Il y auoit vne grande sécheresse, qui obligea le peuple de recourir aux prieres, aux ieusnes, & à la penitence, le tout sans aucun effect. A la fin voicy que les Tausi s'offrirent de donner de la pluye sans y manquer à jour nommé, & à vne certaine heure. Leur offre fut receuë auec autant d'applaudissement que d'esperance d'vn bon succés. Ils dresserent pour cet effect dans vne grande place vn beau Theatre de grosses & larges planches, rangées les vnes sur les autres auec vne agreable proportion, qui alloit toûjours en diminuant à mesure qu'on élevoit la machine, dont le haut aboutissoit à vne table sur laquelle le plus venerable de ces Tausi, se mit en prieres, les autres tournoyans à l'entour, à la façon des faux Prophetes de Baal, bien que ceux là ne se frapassent point, comme faisoient ceuxcy, estans exposez aux yeux d'vne multitude, presque infinie qui ne demandoit pas de sang, mais de l'eau.

Les assistans attendoient cependant le succez, & eux redoubloient leurs prieres, leurs sissemens, & leurs ceremonies, quand au jour assigné, & à l'heure donnée, le Ciel commença tout d'vn coup à se couurir d'vne époisse nuée, qui réjouyt toute l'assistance, & accreut de beaucoup le credit de ces faiseurs de miracles, qui croyoient déja s'estre acquitez heureusement de leurs promesses, & qui se preparoient à tout moment de receuoir la pluye. Mais il y en eut de bien trompez, quand ils virent pleuuoir des pierres aussi grosses, & quelques-vnes plus grosses que des œuss, qui rauagerent les terres, & les jardins, & tuerent mesmes des hommes qu'elles trouuerent à découuert

Nos Peres qui estoient là, m'écrinirent qu'ils pensoient que le monde deût perir, si grande estoit la consusion & le bruit de l'orage. Pour nos Prophetes ils furent bien bastonnez en recompense de ce qu'ils auoient donné des pierres pour de l'eau.

La troisième Secte addonnée au culte des Pagodes est venuë des Indes, des carriers d'Indostan, & se nomme Xaca, du nom de son auteur: qu'on dit auoir esté conçeu par sa mere, Maia, pour auoir veu en songe vn Elephant blanc. Et pour rendre l'histoire plus agreable on adioûte que cette bonne Dame, l'enfanta par vn de ses flancs, & qu'elle mourut en couche à l'âge de dix-neuf ans. Luy considerant que sa naissance auoit esté la cause de la mort de sa mere, se resolut de quiter le monde, & de faire penitence, comme il fit sur vne montagne couuerte de neiges, où il eut quatre Maistres qui l'enseignerent l'espace de douze ans. De sorte que des l'âge de trente an s, il deuint consommé dans la connoissance du premier Principe: Puis ayant pris le nom de Xekia, ou Xaca, il forma vne Academie, & enseigna luy-mesme sa doctrine durant quarante neuf ans à vn grand nombre de Disciples, qui furent soigneux de ramasser les écrits de leur Maistre aprés sa mort, & de répandre ses maximes presque par toute l'Afie.

Cette Seste entra dans le Royaume de la Chine soixante-trois ans aprés l'incarnation du Sauueur des Hommes, & sur receuë par le commandement de l'Empereur Hanmim, à cause d'vn songe qu'il eut, comme racontent leurs histoires. Les Bonzes, qui en

R

furent

furent les premiers Predicateurs, surent accuëillis sauorablement de sa Majesté, & s'acquirent en ces commencemens beau coup de credit & de reputation. Ils estoient bien à ce qu'on dit, trois millions, mais à present ils sout sort peu eu égard à ce grand nombre soit qu'ils se siassent par trop en leur multitude, & en la faueur du Prince, qui sembloit leur donner vne entiere liberté, ils commirent de grands excez : ou plûtost à cause des mauuais succez qu'ont eu les Roys depuis leur établissement; ils sont si décheus, que hors de leurs Ministres, pour le service

diuin, les Chinois n'en tiennent point de compte.

Leurs Prestres se rasent la barbe & les cheueux : ils vont vêtus comme les autres, & n'ont rien de different que le bonnet. Ils adorent les Idoles ; ils établissent des recompenses & des châtimens pour l'autre vie : ils s'abstiennent entierement du mariage; ils viuent ensemble dans vn Conuent iusques à quatre ou cinq cens, & dauantage : ils reçoiuent vn honneste entretien des deniers du Roy : ce qui n'empêche pas, que chacun en son particulier ne gaigne ce qu'il pourra : ils demandent l'aumône, ils preschent, ils chantent, ils ont des ceremonies & des prieres particulieres contre le seu, les tempestes, les calamitez publiques, & pour les Trépassez : & dans ces sonctions ils se seruent d'ornemens semblables à ceux de nos Prestres, à sçauoir de Chappes saites comme les nostres, & d'vn Aspersoir. Leur vie est fort austere, ne mangeans ny chair, ny possion, ny œufs, & ne beuuans point de vin.

Ils gardent la closture; mais assez large: le circuit de murailles, qui les renferment, ressemble proprement à vne ville partagée en ruës droites, & allignées, & peuplée de maisons, en chacune desquelles ils logent trois ou quatre, à sçauoir vn Maistre auec ses écoliers, à qui l'on fournit suffisamment toutes les commoditez, & l'on distribuë également par toutes les maisons ce que le Roy leur donne. Le Superieur, qui a l'authorité generale sur tout ne prend connoissance que des cas particuliers, qui luy sont proposez: pour le reste il laisse à vn chacun la conduite de sa maisson. Neantmoins c'est luy qui distribuë les charges, & qui nomme ceux qui doiuent receuoir les estrangers. Quelque officier

que ce soit, qui vienne visiter leur conuent, dés aussi-tost qu'il frappe vn Tambour, qui est à leur porte, ils sont obligez d'aller au deuant de luy en nombre de trente auec leurs habits de ceremonies. Ils luy sont à la porte vne prosonde reuerence, puis marchent à pied deuant luy, l'accompagnans iusques au lieu où il veut aller, & sont le mesme à son retour. Ils sont soûmis à la iurisdiction du Conseil des coûtumes, qui les gouverne; mais en fait de châtiment, quand ils l'ont merité, on les traite plus dou-

cement que les Seculiers.

Il y en a qui viuent retirez dans des trous de rochers, & dans des grottes: quelques-vns font penitence en leur particulier: d'autres bâtissent en public des chambres fort étroites, saites de tables, toutes lardées de cloux, dont les pointes passent dehors par le dedans, où ils se renserment durant vn mois sans s'appuyer: quelques autres font profession de ne manger point de chair: mais de boire seulement du Chà. Il est vray qu'au dire des expers, ils sont des boulettes de chair de bœuf bien cuite, hachée menu, & séchée au Soleil, qu'ils iettent dans leur Chà sort chaud auant que de le boite; & bien que ce mets ne soit pas sort exquis, il est suffisant de les nourrir, & de couurir la ruse, qu'ils viuent sans manger.

Il s'en trouue d'autres, qui ne sont d'aucun Conuent, & n'y sont reçeus en qualité d'hostes, que pour vn iour: ce sont des vaga-

bonds, des determinez, & des voleurs.

La pluspart des Sectes dont nous auons parlé, ne sont point de scandale, au contraire elles sont patientes, douces, & deserentes, soit que la façon de leurs habits les humilie, ou que le peu d'estime qu'on fait de leurs personnes, les tienne bas. Elles ne sont point parler d'elles, & durant vingt - deux ans ie ne sçache pas qu'on m'en ait raconté plus de deux histoires, encore y en auoit-il vne qu'on ne sçauoit bonnement de qui elle estoit. Il y a quelque temps, qu'on trouua le matin vn de ces Religieux en la ville de Hancheu lié à vn arbre & mal-traité à coups d'éguillons, duquel on faisoit mauuais iugement.

Comme l'estois en la Prouince de Nanquim, vne semme vesve du village de Xhanhay sit venir vn Bonze en sa maison

pour faire quelques prieres pour l'ame de son defunct mary: mais elle sit bien paroître que c'estoit plûtost vne commemoration des viuans que des morts. Le fait estant découuert, il sur rudement chastié & durant vn mois entier exposé honteusement à la veuë de tout le monde, auec vne grande table carrée au col, qui portoit écrit en grosses lettres le sujet de sa penitence. Quoy que cela soit peu pour le temps de vingt deux années; ie sçaurois bien que dire, mais il vaut mieux se taire que parler.

La Chine a encore des Religieuses, qui se rasent les cheueux & viuent de la mesme saçon que les Bonzes: elles sont fort peu,

& n'obseruent aucune closture.

Le but principal de ces diuerses Sectes est de faire penitence en cette vie, pour estre mieux pourueus en l'autre. Ils reçoiuent la transmigration de Pythagore, & croient que les ames descendent aux Enfers, qui sont neuf en nombre, & qu'apres les auoir parcouru tous, celles qui rencontrent vn meilleur sort, renaissent hommes, les autres qui ont vn sort mediocre, deuiennent animaux semblables aux hommes; les plus infortunées prennent des formes d'oyseaux, sans pouvoir esperer d'estre hommes à la prochaine transmigration: mais au plus d'entrer dans le corps de quelque animal, à vn autre voyage. Telle est la creance non seulement du peuple, qu'on ne sçauroit s'imaginer combien il est attaché à ces erreurs, mais encore des personnes de qualité.

Les plus sçauans & les plus portez à l'atheisme, se retirent de cette voye, qu'ils appellent exterieure, pour en suiure vne autre interieure & secrette, & qui leur est particuliere: employans tous leurs soins à connoître vn premier Principe, qui est proprement la Doctrine de Xaca, qu'ils se persuadent estre la mesme en toutes choses, & que toutes choses sont le mesme que luy, sans aucune distinction essentielle, qui exerce ses operations par le moyen des qualitez externes, dont il est reuestu: comme la cire reçoit diuerses figures, qui s'essagent & se sondent, la substance

estant toûjours la mesme.

Ils distribuent de mesme saçon tous les hommes en dix classes. Les quatre premieres sont bonnes, à sçauoir de ceux, qui commençent, qui prositent, qui sont auançez & de ceux qui sont parfaits. parfaits. Les trois premieres vont bien, mais ils sont encore en chemin, il n'y a que les quatriémes, qui soient paruenus à la perfection par la contemplation du premier Principe, & par la mortification des passions, qui engendrent des troubles & des scrupules dans les ames, & qui joüissent d'vn tel repos d'esprit & d'vne si serme paix, qu'il n'y a rien qui leur puisse donner de la peine, ny du remors de conscience pour leurs pensées, parolles, & actions sur l'asseurance qu'ils ont qu'apres cette vie il n'y a point de recompense à esperer, ny de châtiment à craindre, mais châque chose retournera en l'estat qu'elle auoit au commencement.

Pour les autres six classes d'hommes ils mettent six sortes d'enfers: dont le premier & le plus tolerable est pour les Enfans, qui n'ont pas encore éprouué la violence des passions, particulierement de l'auarice, de la cholere, & c. Le second est pour ceux, qui s'estans mis dans les affaires du monde se laissent emporter à la vanité. Le troisséme est de ceux, qui suiuent leurs passions, & leurs appetits déreglez à la façon des bestes brutes. Le quatrième est de ceux qui dérobent, frappentituent & massacrent. Le cinquiéme est pour les miserables, qui endurent la faim, la soif, la misere, & les peines du corps & de l'esprit. Le sixième est pour ceux-là qui embrassent les trauaux volontaires, comme les Bonzes, qui sont penitence, jeûnent, & c. Et comme cette vie exterieure ne leur sert que de disposition pour l'interieur, des aussi-tost qu'ils sont paruenus à la possession de cette-cy, celle-là ne leur sert plus de rien, commé les cintres d'une voûte, quand elle est acheuée.

Ceux qui professent cette creance des enfers, quand il est question du passage des ames dans les animaux, ils disent qu'elle doit
s'entendre de cette vie. Comme les courtois & gentils prennent vne sorme d'hommes, les choleres de Lyons, les cruëls de
Tigres, les luxurieux de Pourceaux, les larrons d'oyseaux de
proye. D'où vient cette belle sentence, qu'ils ont assez souvent
en vsage Ti yo Thien Than ti yeu sin vaj, c'est à dire, la gloire &

l'enfer sont au dedans du cœur.

Ces trois Sectes sont les plus fameuses de la Chine, dont plufieurs autres sont sorties. Ils tiennent pour certain qu'on les peut R 3 aysément aysément accorder toutes sans preiudicier à leurs loix, & c'est vn prouerbe parmy eux, San Chiao ye tao. Il y a trois sortes de doctrine, mais il n'y a qu'vne seule raison. Aussi pour differens qu'ils puissent estre en leur service, adoration, & exercices, ils

se proposent tous vne mesme fin à obtenir.

Les lettrez de la premiere Secte imitent le Ciel, & la Terre, rapportans toutes choses au Gouvernement de l'Estat, au bon ordre des samilles, & à la conduite particuliere des personnes, pour le regard de cette vie, sans rien pretendre apres les Tausi, de la seconde, sans se soucier de leurs maisons, ny du Gouvernement, n'ont soin que du corps. Les Sectateurs de Xaca dans la troisséme negligent le traictement du corps, & ne pensent qu'à l'ame, à la paix interieure, & au repos de la conscience: d'où vient vne Sentence qu'ils ont à ce propos, su chi que, Tau chi xin, xe chi sin qui veut dire les lettrez gouvernent l'Estat, les Tausi le corps, & les Bonzes le cœur.

Outre ces trois Sectes, qui sont receuës, & qu'on professe publiquement dans le Royaume, il y en a vne autre cachée, qui n'est pas permise, mais desenduë. Elle a nonobstant vn grand nombre de Sectateurs, que les Chinois appellent Pe lien Kico, & qu'ils ont en horreur, particulierement les Gouuerneurs, pource qu'ils sont cachez, & qu'ils sont toutes leurs affaires de nuict &

en secret.

On croit communement que leur dessein est de s'emparer du Royaume, & c'est la verité qu'il y a eu quelques hommes peruers

de cette profession, qui l'ont tenté.

Vn Chinois digne de foy m'a asseuré, qu'il y a plusieurs milliers de cette sorte de gens dans le Royaume, qui ont leur chef ou leur Royauec ses Officiers, dont les absens luy rendent par lettres des ciuilitez & des respects deus à vn tel personnage: & les presens, quand ils peuvent commodement s'assembler, le reverent auec des soûmissions, & auec vne pompe digne de la maiesté d'vn Roy: & tous se reconnoissent bien les vns les autres.

En l'an 1622 dans la Prouince de Xantum, qui est au milieu de celles de Nanquim & de Pequim, on en prit vn, qui estoit seur ches. Et pource que les Mandarins n'estoient pas seulement

en peine de sa personne, mais encore des autres, qui suivent la mesme secte; ils l'interrogerent touchant ses compagnons, & sur le resus, qu'il faisoit de confesser, ils le mirent à la torture. Ses gens en ayans ouy le bruit, soit d'affection qu'ils luy portoient, soit de crainte que forcé par la violence des tourmens, il ne les découurît, se resolurent entre eux de se ietter à main armée sur les Mandarins, & de sauuer leur compagnon à sorce d'armes: ce qu'ils sirent si à propos, surprenans les suges au dépourueu, qu'il su impossible de resister à leurs essorts, ny d'échapper. Plusieurs Mandarins surent tuez en cette entreprise; les assassins se rendirent redoutables, & leur compàgnon sut deliuré.

Puis ayans dressé vne petite armée, ils commencerent leurs conquestes dans la Prouince. Leur nombre n'estoit pas fort confiderable au commencement; mais en peu de iours tant d'autres se ioignirent à eux, partie des leurs, partie de quelques vagabonds qu'ils faisoient déja plusieurs milles; & ne trouuans aucune resistance, ils alloient peu à peu gaignans les petites places, & mesme s'estoient sais se deux villes murées, & s'y estoient fortifiez, pour de là faire des sorties & des courses sur leurs en-

nemis.

Cette nouuelle estant venuë à la Cour, donna bien dequoy penser, dautant que les rebelles estoient fort proches. Neantmoins auec la diligence qu'on apporta, on mit remede à tout: Pour ce sujet on enuoya querir vn puissant secours de Pekim, & quoy qu'au commencement il se donnât plusieurs combats auec diuers succez de part & d'autre, enfin ceux de Pekim demeurerent victorieux, l'armée des rebelles fut taillée en pieces, & leur chef fait prisonnier, qui se qualifioit Roy. Qualité qu'il retenoit si constamment, qu'auant que d'arriuer à la Cour, comme il eut esté conduit au logis d'vn des grands du Royaume, il ne daigna le saluër: & comme on l'eust auerti qu'il eust à se baisser, & à luy faire reuerence, il répondit superbement que le Roy ne faisoit la reuerence à personne. A la Cour il sut condamné à mort, & à perdre la teste, qui fut iustement la Couronne qu'il meritoit. Le Roy commanda en suitte qu'on pacifiât le tout, & qu'on pardonnât à la pluspart des rebelles.

CHAPITRE XIX.

Des superstitions & des Sacrifices de la Chine.

A superstition est compagne inseparable du Paganisme: aussi est-elle sans bornes au lapon, à la Chine, à Corea, & dans les autres Royaumes circonuoisins. Les Mathematiciens du Roy n'auancent pas peu ces superstitions, pource que des im-

pressions de l'air, de la couleur du Ciel, des tempêtes, des Tonnerres hors de saison, des aspects du Soleil, qu'ils depeignent à vingt-deux faces, & de seize différentes apparences de la Lunc: Ils tirent des pronostiques pour l'auenir, & principalementils se mélent de predire la guerre ou la paix du Royaume, la disette, les morts, les changemens, les troubles, & semblables euenemens.

A ces fins ils composent vn Almanach de l'année, qui se partage en Lunes, les Lunes en iours, & les iours se diuisent en heureux & mal-heureux pour entreprendre ou laisser vn affaire, comme pour se mettre en chemin, faire vn voyage, sortir de sa maison, se marier, enseuelir vn mort, dresser vn bâtiment, & choses semblables: d'où vient que les Chinois sont si fort attachez à ces remarques en toutes leurs affaires, qu'ils les auancent, reculent, & retardent tout exprés, pour n'y pas contreuenir. De sorte que si l'Almanach dit qu'il faut saire vne chose vn tel iour, quand tous les Elemens seroient bandez à l'encontre, ils ne la remettront iamais, ny ne l'abandonneront point, pour quoy que ce soit.

Outre cét Almanach, dont il y a si grand nombre de copies, qu'll n'est point de maison, qui n'en soit pourueuë, les places & les ruës sont remplies de iudiciaires & de deuins pour dire la bonne fortune à ceux qui la demandent : & quoy que la pluspart soient trompez, l'abord en est si grand, qu'vne infinité de ces deuins peuvent viure & entretenir leur famille de ce mestier.

Quelques-vns font profession de deuiner par la voye des nombres pairs, & impairs, & auec des figures noires ou blanches, qu'ils

changent

changent diuersement en soixante-quatre façons, & qu'ils expli-

quent comme il leur plaît.

Les autres observent le temps des nativitez, en quoy les Chinois sont grandement soigneux de sçauoir l'heure, le moment, & la conionction des Astres, qui se rencontre à la naissance de leurs enfans.

D'autres qu'ils nomment Tili, entreprennent de deuiner par la situation de la terre & par la correspondance de ses parties auec les parties du Ciel, remarquans quels sont les endroits heureux, quels sont les mal-heureux, en quel lieu ils doiuent bastir leurs logis & enterrer leurs morts, où c'est que leurs affaires reüssiront à leur contentement, & au bien de leur famille; au contraire où les maladies, la pauureté, la mauuaise fortune, les disgraces & les autres maux viendront les attaquer, & il se trouue des Maistres fort experimentez en cét Art, qu'on paye bien sans aucun prosit.

Il y a d'autres deuins; qui iugent à la Physionomie du visage; d'autres aux lignes, & aux traits de la main, & d'autres qui expli-

quent les songes.

Comme i'étois resident à Nanchim, vn certain sut curieux de demander l'interpretation d'vn songe. Il auoit veu vn chapeau à l'entour du Soleil: le Maistre luy demanda s'il auoit quelque procez au Conseil, & comme il eut répondu qu'ouy, fort bien, repliqua l'autre, San veut dire vn chapeau, & San veut aussi dire s'euanouyr & se perdre; le veritable sens de vostre songe, est que vostre affaire doit s'en aller en sumée, & deuenir à rien. Mon homme s'en alla fort content; mais il ne laissa pas d'estre appellé en iugement pour receuoir trente coups de baston de bone main. Le mal-heureux fâché d'vn chastiment, qu'il n'apprehendoit point, s'en va dresser vne querelle au deuinsqui pour s'excuser luy dit? Ah, ie m'étois oublié de vous demander, si le chapeau que vous vistes, estoit vieux ou neus. Il estoit neus, répondit le pauure sot; faites donc vostre compte, repartit l'autre, que c'est à cette heure que vous commençez d'auoir du mal.

On trouue des aueugles, qui deuinent en touchant. L'an 1630. vn aueugle s'en vint en la Ville Capitale de Kiamsi, & ayant-

ouvert sa boutique, il sut incontinent visité de la plus grande partie de la noblesse: aussi leur disoit-il force choses auec asseurance. Là dessus vn notable Bourgeois de ma connoissance d'vne des plus considerables maisons de la ville, me vint voir, & me raconta ce qui se passoit sur ce qu'il sçauoit quel iugement ie faisois de ces matieres. Entre autres il me dit force particularitez de plusieurs choses arriuées, comme il les auoit predites, & me pria d'aller moy-mesme en personne pour en faire l'experience. Ce que ie sis seulement pour le des-abuser. Ie me presente donc deuant luy, il me touche la main, & me fait parler. A peine eus-ie parlé qu'il commence à me dire que i'estois marié, & que l'auois deux enfans; que l'vn deux estoit bien né, l'autre libertin & des-obeissant; que ma femme estoit sascheuse & mécontente, & ma famille en mauuais ordre; mais qu'il y auoit moyen d'adiuster toutes choses en prenant vn degré. Il est déja gradué, repartit ce mien amy. Et où? dît l'Aueugle. Dans vne autre Prouince, répondit - il. Alors mon Aueugle se retira doucement, voyant bien sans yeux qu'il s'estoit trompé pour le degré.

Par dessus ces deuins que l'on consulte, il y a dans les temples diuers sorts, & yn liure pour les entendre; plusieurs y tirent tous

les iours, & plusieurs fois il leur arriue tout au contraire.

Ils observent semblablement & prennent des augures du chant des oyseaux, & des cris des animaux. Que si le matin sortans de leurs maisons ils rencontrent à la porte vn homme vetu du dueil, vn Bonze, ou chose semblable, ils en tirent de mauuaises coniectures. On adiouste aussi qu'ils ont des amis particuliers, qu'ils consultent souuent; mais ie n'en ay iamais connu aucun.

Anciennement durant les Tartares il s'en trouuoit plusieurs fort experimentez, & qui faisoient merueilles, au rapport de Marc Venitien: auiourd'huy ils n'ont rien de certain. Il y a neant-moins vne famille qui se conserue par succession, & qui reçoit appointement du Roy, qu'on appelle la famille du grand deuin, qui est le chef de cette Secte. Le Roy l'a quelque-fois appellé. Ce que ie croy est que les diables ont plus de pouuoir sur eux, qu'eux s'en ont sur les diables.

Pour

Pour ce qui concerne les Sacrifices, autant les grands que les petits, ils sont frequens, & vn chacun ordonne ceux qu'il veur, ou pour mieux dire ceux qu'il peut, selon sa condition. Aux quatre saisons de l'année ils offrent des Sacrifices au Ciel, au Soleil, à la Lune, à la pluspart des Planetes, & des Etoiles, de la Terre, des Montagnes, des quatre parties du monde, de la Mer, des Riuieres, des Estangs, &c. Quoy qu'effectiuement ces Sacrifices soient plûtost à l'honneur des Esprits, qui president au Ciel, à la Terre, & aux autres choses, qu'à ces mesmes choses à qui l'on dit qu'on les presente. Ce qui se voit clairement aux autres Sacrifices qu'on fait, comme au sacrifice d'vne maison, d'vne cuissine, d'vn Nauire, des Estendars pour ceux qui vont à la guerre, & de choses semblables; pendant lesquels on n'addresse ses paroles qu'aux Esprits Tutelaires de ces choses-là.

Il y en a beaucoup plus qui sacrifient aux Idoles, & aux hommes illustres, à qui l'on fait bâtir des Temples, & dresser des Statuës en memoire des grands & signalez seruices, qu'ils ont

rendus à l'Estat.

Au commencement, & encore auiourd'huy ces deuoirs qu'on leur rend, n'estoient qu'vne espece de reconnoissance, & ces Sacrifices n'estoient que des offrandes & de simples ceremonies. Depuis le peuple qui est grossier, est venu à les adorer comme des Saints, à les inuoquer, & à leur rendre de semblables honneurs.

Ils font ces offtandes à leurs Ancestres, dont ils gardent ordinairement les portraits, ou au moins ils ont leurs noms écrits dans ces ceremonies. Ils ont coûtume de faire vne honorable mention de six, à sçauoir de celuy qui est le premier, & comme le chef de la famille, du quatrième & du troisième ayeul, du bisayeul, du grand-pere & du pere; & quand le pere de famille vient à mourir on change l'ordre, pour donner rang à l'autre, qui succede en sa place, & ainsi celuy qui estoit auparauant le quatrième ayeul, n'est plus compté, afin qu'il n'en reste toûjours que six. Ces presens & ces ceremonies ne sont pas donc à proprement parler, des sacrifices instituez à l'honneur de leurs parens, puis qu'ils n'ont pas cette persuasion que tous leurs parens & Ancestres soient des Dieux ou des Saints, mais c'est seulement vne

demonstration de leur reconnoissance, & vn honneur qu'ils esti-

ment devoir à ceux, qui leur ont donné l'estre.

Ce qu'ils employent aux facrifices, sont certains animaux; les plus ordinaires sont des Chevres, des Pourceaux, & des Bœufs: des Cogs, & des Poules entre les oyseaux, & des Poissons ceux qui leur plaisent. Ils sacrifient encore des pieces de chair, & le plus souvent la teste: ils offrent aussi du riz, des legumes & du vin. Quand le Roy fait ses sacrifices, la meilleure partie est pour les Mandarins : si c'est vne autre personne de qualité, comme vn chef de famille, les offrandes se distribuent aux parens. Pour ceux de mediocre condition, qui offrent ordinairement des viandes cuites, ils les reprennent apres le sacrifice, les font recuire, & les apprestent pour en faire vn festin.

De plus ils facrifient quantité d'autres choses, comme des Estendars & des voiles tissus d'or & d'argent au Soleil; vne grande somme de monnoye de papier coupé, qu'on vend dans les

boutiques des artisans, & qui se brûlent apres.

Tous sacrifient indifferemment, & il n'y a point de Ministres, qui soient particulierement destinez à ces fonctions, comme il v en a pour d'autres, à sçauoir pour les seruices & pour les sepultu. res, pour chanter & pour officier aux enterremens auec toutes les ceremonies.

Il n'appartient qu'au Roy de sacrifier au Ciel, à la Terre, au Soleil, à la Lune, aux Planetes & aux Estoilles, & si quelque autre le faisoit solemnellement, il commetroit vne faute notable. Pour cette cosideration il y a des Temples magnifiques dans les deux Cours, où le Roy va en personne, aux quatre saisons de l'année, scauoir au Printemps, en Esté, en Automne & en Hyuer, pour offrir ses sacrifices, ou s'il est empêché, il ordonne en sa place vn des grands du Royaume.

Les Seigneurs, & ceux qui ont quelque tître sacrifient aux Montagnes, aux Riuieres, & aux Estangs. Les Gentils-hommes & les Officiers aux quatre saisons de l'an, & à quelques parties de

la Terre, & des Montagnes, &c.

Aux autres, comme aux Idoles, aux Dieux Domestiques, & aux Genies, sacrifie qui veur, y ayant pour cela des temps deter-

minez

minez & deslieux particuliersisi ce n'est que par fois ils s'accommodent aux lieux, & aux occasions, comme quand il faut faire voile, le sacrifice se fait le mesme iour qu'on leue l'ancre, & dans le vaisseau mesme, ou sur le riuage voisin.

CHAPITRE XX.

De la Milice, & des Armes des Chinois.

'ART militaire & la science des Armes est vne chose fort ancienne chez les Chinois, comme nous apprenons de leurs histoires, & de leurs liures. Et il n'y a point de doute, qu'ils n'ayent fouuent porté la guerre, & fait des conquestes illustres en diuers Royaumes. Ainsi tient-on communement qu'ils ont esté Maistres de Ceilan, & l'on y void encore à present vn Edifice assez prés de la Ville de Nagapatam, qu'ils appellent le Pagode des Chinois, qu'ils ont fait bâtir suiuant la tradition du pais: aussi est-ce vn ouurage qui n'a aucun rappoit auec yn autre bâtiment du Royaume. Ie veux que leurs liurcs n'en fassent point de mention : ce n'est pas vne raison suffisante pour decrediter entierement cette tradition, puis que nous sçauons d'ailleurs que le Christianisme a esté autresfois florissant & fort estendu dans la Chine, bien que leurs liures n'en disent mot. Au moins il est constant que cent quatorze Royaumes ont esté leurs tributaires : il n'y a maintenant que les plus proches, & en petit nombre, soit que les autres ayent secoué le joug, & refusé de payer le tribut, soit que les Chinois mesmes les ayent abandonnez de leur plein gré, aymans mieux se retirer chez eux pour jouyr en paix & en repos des fruicts de leur propie terre, qu'estre toûjours en guerre & en trauail pour conquerir & conseruer le bien d'autruy.

Outre les guerres estrangeres, ils en ont eu de ciuiles dans le Royaume, qui les ont occupez durant plusieurs années: comme il est aysé de l'apprendre des Autheurs qui en ont écrit, & particuliere ne traitent que des guerres de ce temps-là, des Capitaines, de leur milice, des batailles données, des victoires gaignées, & de choses semblables, auec des remarques, qui font assez paroître combien cette nation a esté guerriere & courageuse; quoy qu'elle ayt beaucoup perdu de cette humeur, qu'elle ayt grandement décheu

pour les raisons que ie diray plus bas.

Et pour vous faire voir que ce Royaume est belliqueux : il ne faut que vous representer le grand nombre de ces Soldats ; non seulement de ceux qui combattent sut les frontieres des Tartares, & dans les vaisseaux sur les Riuieres & sur la Mer : mais encore des autres que châque Prouince, châque Ville & Bourgade leue sur sa terre, paye de ses deniers, & fait conduire par ses Capitaines, qui sont toûjours prests, en cas que la Prouince ayt besoin d'eux, de s'assembler aux ordres du Vice-Roy: & au commandement du Roy mesme, ou de son conseil de guerre, quand la necessité des affaires est telle, qu'il faut que les Soldats de plusieurs Prouinces, selon leur commodité, toutes n'estans pas egalement fournies, se trouuent sur la frontiere, ou en quelque autre endroit du Royaume.

Les bandes de ces Soldats sont toû jours remplies : aussi-tost qu'vn vient à manquer ou à mourir, plusieurs pretendans à la place vacquante, quoy que peu considerable, se presentent inconti-

nent, dont l'vn est pourueu,

Au rapport du P. Mathieu Ricci, qui a vescu plusieurs années en la Chine, & qui a eu de grandes connoissances des affaires du païs, il y a iusques à quarante mille Soldats dans la Ville de Nan-kimiquatre-vingt mille dans celle de Pekim,& plus d'vn million dans tout le Royaume. Le P. Ierosme Rodriguez, qui l'a parcouru diuerses sois,& qui a visité les principaux lieux auec beaucoup de curiosité, apres vne exacte recherche a trouué par leurs memoires, que dans les Villes & Bourgades, qui composent le corps de cét Estat, il y auoit cinq cens quatre-vingts quatorze mille soldats, sans y comprendre ceux, qui gardent les grandes murailles, qui seruent de rampart contres les courses des Tartares, en nombre de six cens quatre-vingts deux mille, huict cens quatre-vingts huict.

huict, ny ceux qui seruent dans les Armées de Mer. Ce nombre ne semblera point excessif, si l'on considere que la Chine seule, outre qu'elle est fort peuplée, a autant d'étenduë que l'Espagne, la France, l'Italie, l'Alemagne, les Pays-bas, & l'Angleterre auec toutes ses Isles ensemble.

Dans vne telle multitude il n'y a point de doute, que les Soldats, qui gardent les frontieres ne soient des plus vaillans, & qui ont par sois repoussé brauement les Tartares. L'an 1596, quand les laponois ayans trauersé tout le Royaume de Corea d'vn bout à l'autre sans trouuer de resistance, voulurent entrer dans la Chine, à dessein de s'en rendre les Maistres, les Chinois les repousserent si viuement, qu'apres auoir perdu quantité d'hommes sans rien saire, ils surent contraints de s'en retourner en leur païs sans trompette. Et pareillement dans les attaques & combats, qui ont esté donnés par les armées de mer, la victoire est demeurée de leur costé.

Mais s'il faut parler des Soldats, qui sont residens dans les villes, il est certain qu'ils ont peu, ou point de courage: ce qui ne doit pas s'entendre de ceux, qui n'ont point d'autre mestier que de Soldat; pour, ce qu'il y a des habitans naturels des lieux, qui de plus sont Artisans, comme Tailleurs & Cordonniers. Tous ceux-là doiuent toûjours estre prests à matcher pour le seruice du Roy, & à sortir de leurs maisons, pour aller à la guerre, quand on leur en fait commandement. Ils sont tenus auec cela de comparoître aux assignations, qui se donnent tous les iours sans y manquer dans les grandes villes durant les trois mois du Printemps, & les trois de l'Automne, partageans aussi leurs compagnies en trois: mais dans les bourgades, où ces assemblées ne se tiennent que de iour à autre, ils doiuent s'y trouuer tous.

Voicy l'ordre de leur milice. Toute la Caualerie & l'Infanterie est comptée; vn venant à manquer, l'autre succede, & chacun garde le rang & la place, qu'il a vne sois pris, sans que iamais il puisse s'auancer: si ce n'est peut-estre qu'vn des Soldats de la fronterie s'estant signalé par ses belles actions de courage ou de prudence, soit receu dans vne charge de Capitaine, & monte par degrez sans donner d'autres preuues de sa suffisance; qui est

vne chose fort extraordinaire.

Car ils ont des examens pour les Capitaines, Lieutenans, Corporaux & autres Officiers: ils ont pareillement deux sortes de degrez, que ie veux nommer, pour les faire mieux comprendre, Licentiez, & Docteurs aux Armes. Le premier de ces examens se fait dans la Capitale de la Prouince, où tous ceux qui ont quelque pretention aux charges, s'assemblent dans vn Palais de l'Université. On leur propose quelque point difficile en matiere de guerre; auquel ils répondent par écrit auec des discours formés: & puis en suite de la demonstration, ils viennent à la pratique.

Ce qu'ils font, c'est de tirer neuf fléches de pied ferme, & neuf autres à cheual en courant: & ceux qui reuffissent le mieux à la plume & à l'arc, sont reçeus dans leur licence, qui est le premier

degré, auec les marques & les liurées.

Le second degré, se confere à la Cour en la mesme années où les licentiez s'assemblent derechef, pour estre examinez de mesme façon qu'au premier, si ce n'est qu'on propose des questions plus difficiles touchant les matieres de la guerre. Les marques des Docteurs d'armes, sont les mesmes que celles des Do-Eteurs de lettres: ce qui s'entend durant la paix, & dans les villes: dautant qu'à la guerre, & dans les actions publiques, où ils assistent en qualité de Soldats, ils portent leurs marques particulieres de Capitaine: & ont de l'employ dans leurs charges dés la mesme année qu'ils sont reçeus, & vont montans peu à peu iusques à estre Generaux d'Armées, encore qu'il n'y air point de guerre. Ceux qui s'arrestent au premier degré, sans sortir iamais de la licence, ne laissent pas aussi d'auoir roujours commandement, & d'estre employez dans les moindres & ordinaires charges de la Milice.

Pour ce qui concerne les armes. Il y a long-temps que la poudre à canon est en vsage dans la Chine; & ie peux dire qu'il s'en consume plus en douze mois, en seux d'artifice, qu'ils sont à la perfection, qu'il ne sen brûle dans les armées durant cinq ans entiers. Il est vray qu'anciennement ils en brûloient dauantage à la guerre, qu'ils ne font à present; pource qu'ils se servoient de Canons de Bronze, courts & renforcez, tels qu'on en void aux deux costez des portes de Nankim, qui ne servent plus auiourd'huy que de parade. Ils se servent de quelques méchantes pieces de campagne, & de quelques petits Canons sort courts, qu'ils chargent de bales de mousquet, & les enchassent dans vne piece de bois pour les tirer.

Leurs vaisseaux de guerre sont montez de quelques petites pieces, mais ils ne sçauent pas bien les pointer iustement. On a veu quelques mousquets dans les Prouinces de la Chine, depuis que les Officiers de Macao ont fait forger une grande quantité d'Armes à seu, par le moyen des Portugais. Neantmoins leurs Armes les plus communes sont les Arcs, les Fléches, les Lances

& les Cimeterres.

L'an 1621. la Ville de Macao enuoya trois grands Canons au Roy d'à present, auec des canonniers pour en faire l'essay, comme ils firent à Pekim, au grand étonnement de plusieurs Mandarins, qui voulurent s'y trouuer, & en estre les spectateurs. Vne disgrace suruint en ce rencontre par la mort d'vn Portugais, & de trois ou quatre Chinois qui furent tuez à la cheute du coup, ce qui épouuanta les autres, & sit que ces pieces surent sort estimées, & qu'elles surent portées sur les frontieres, comme capables de donner de la terreur aux Tartares. De vray ceux-cy ne sçachans point ce que c'estoit que les Machines les vindrent voir de compagnie, mais ils surent si bien reçeus d'vne volée de boulet de fer, que non seulement ils prirent la fuite, mais ils ont esté depuis toûjours plus auisez.

Leurs Armes defensiues sont le bouclier, & le casque, auec certaines plaques de fer de la largeur de trois doigts, mises l'vne sur l'autre, dont ils se couurent la poitrine & le dos, si minces qu'elles

ne sont qu'à l'épreuue des Fléches.

Absolument parlant, leurs Armes & leurs Soldats sont peu de chose. On en peut donner sorce raisons. La premiere est le repos, dont ils ont iouy durant plusieurs années, sans auoir de guerres dans le Royaume. La seconde est l'estime qu'ils sont des lettres, & le mépris qu'ils sont des Armes, de sorte que le moindre

des Magistrats met en deroute le plus grand Capitaine. La troisième est leur façon d'élire les Capitaines par voye d'examen tous Soldats nouueaux, qui n'entendent rien au fait de la guerre. La quatriéme est que les Soldats estans de leur nature vaillans & courageux, ou se sentans poussez par la consideration de leur noblesse, ou par l'exemple & par le traitement de leurs Capitaines, ceux de la Chine n'ont pas vn de ces auantages, le courage leur manque le plus souuent; de noblesse ils n'en ont point, & sont si mal traitez que pour la moindre faute on les châtie comme des enfans qui vont à l'Escole. La cinquiéme dautant que ceux qui ont l'authorité & le commandement sur tous les Capitaines, fussent-ils Generaux d'armées, sont des Hommes de lettres faits Generalissimes, qui s'éloignent toûjours de plus d'yne iournée de chemin du champ de bataille, & des exercices de guerre; qui sont trop éloignez pour donner les ordres necessaires, & trop prompts à fuir dans les moindres dangers. La sixiéme est que dans les Conseils de guerre, qui sont deux, l'vn à la Cour de Nankim, & l'autre à la cour de Pekim, composez châcun d'vn President, de deux assesseurs, & de huit ou neuf Confeillers, il n'y a pas vn seul homme, qui soit Soldat ou Capitaine, ny mesme qui ait iamais veu d'armées, & neantmoins c'est d'eux, particulierement du Conseil de Pekim, que toute la milice du Royaume dépend.

On pourroit répondre à cela, que les Chinois font tous les ans la monstre & les exercices de guerre, durant les trois mois du Printemps, & les trois de l'Automne, ce qui leur sert de beaucoup, puis qu'ils s'exercent à tirer de l'Arc, & de la fleche, ce qu'ils font auec beaucoup d'adresse. Mais à n'en point mentir, cét exercice est la chose la plus ridicule du monde; pour ce qu'ils diuisent leurs Soldats en escadrons, seignans que les vns sont ennemis, & les autres Chinois, comme sont parmy nous les enfans, quand ils se partagent en mores & en Chrestiens: ceux-là semblent venir de loin porter la guerre dans le Royaume; ceux-ey envoient promptement des espions pour découurir leur dessein, & dépechent des courriers aux Mandarins, qui sont sous vn daiz ou parasol de soye, pour les auertir de leur poste & de la

route des ennemis. On fait marcher tout aussi-tost des troupes Chinoises & se rencontrans les vns les autres, ils se touchent de leurs épées, & de leurs lances ne plus ne moins qu'en vne Comedie, sur vn Theatre.

CHAPITRE XXI.

De la guerre des Tartares contre la Chine.



V AND Humun chef de la maison Royale, qui possede auiourd'huy la Couronne, chassa les Tartares hors du Royaume, qu'ils auoient entierement occupé l'espace de quatre-vingts dix ans, il rentra non seulement dans ses Estats, mais encore en conquit d'autres, & se rendit le mai-

stribut. Il est vray qu'ils n'eurent plus la forme de Royaume, apres que ce Conquerant les eut diuisez en cent soixante samilles ou Estats, ausquelles il distribua diuerses charges & dignitez, iusqu'à ce qu'eux mesmes se voyans grandement multipliez, se partagerent en trois Royaumes, l'vn du costé du couchant, l'autre tirant au Nort, & le troisième à l'Orient. Les deux premiers ne vécurent pas long-temps dans l'obeissance des Roys de la Chines il ny eut que celuy de l'Orient qui cultiua leur alliance, traitant auec eux & s'acquittant de son deuoir.

Cette bonne intelligence dura plusieurs années, iusques à ce que les Chinois s'apperçeuans que ce Royaume faisoit de grands progrez, arresterent entr'eux ou par raison d'estat, ou par quelque consideration particuliere de l'opprimer & de l'abbatre: de sorte que les Tartares poussez d'vn desespoir, se resolurent de sortir aux champs, qui est le fruit ordinaire de la concussion & de la tyrannie, quand les Princes demandent des peuples, plus qu'ils ne peuuent. D'où vient, que Theopompus Roy des Lacedemoniens, comme sa femme luy reprochoit qu'il laissoit à son sils vn Royaume plus pauure, qu'il ne l'auoit reçeu de son Pere, eut bon-

ne grace de luy répondre, Relinquo, sed diuturnius; Ce que vous dites est vray, mais il est pour durer plus long-temps. Les Tartares s'assemblerent donc secretement, & attaquerent en mesme temps vne forteresse de la Prouince de Lexotum, qu'ils prirent & en suite remporterent plusieurs auantages sur les Chinois.

Les Tartares du Couchant & du Nort, touchez d'affection pour leur pays, ou plûtost portez par leurs interests particuliers, ce qui est le plus probable, se mirent aussi-tost en campagne, & vindrent au secours des Orientaux, & peu à peu ils s'assemblerent en si grand nombre, qu'en l'année 1618. deux puissantes armées l'vne des Chinois, & l'autre des Tartares liurerent bataille, où les Chinois furent vaincus & desaits auec vne sanglante perte. Et pour mieux entendre l'estat des affaires, ie veux icy transcrire vne Requeste que le President du Conseil de guerre presenta sur ce sujet au Roy, que ie mis dés-lors en nostre langue, & que i'enuoye pour nouuelle, maintenant que i'ay trouué l'occasion de la faire imprimer, voicy ce qu'elle porte.

Remonstrance du President du Conseil de guerre.

AV ROY.

Et Te année qui est la quarante-sixième de vôtre regne, en la sixième Lunc (ce sut l'année 1618. au mois d'Aoust) le President du Conseil de guerre, vous presente cette Requeste comme à nostre Roy & Seigneur, à l'occasion que les Tartares ont forcé les murailles du côté du Nort, par laquelle il supplie humblement vôtre Majesté de considerer diligemment l'importance de cette affaire, & d'ouurir au plûtost ses cosses, au secours de la guerre, & pour trouuer des soldats & des munitions. Car il est tres-certain que i'ay reçeu ce mois, nouuelles des Capitaines, qui sont logez dans la Prouince des murailles du Nort, m'aduertissans, que dans cette Prouince, on ne voit de tous côtez que des placards

eards affichez, qui portent que les Tartares se sont assemblez à dessein de rauager ce grand monde de la Chine. Ils m'ont de plus cotté le iour, que les ennemis ont donné la bataille auec des forces & des troupes sans nombre, & comme ayans passé les murailles, ils ont pris de nos gens pour les sacrifier, comme effectivement ils les ont sacrifiez le iour du combat, auec des cris de joye à l'honneur de leur Prince, qu'ils ont déja proclamé Roy de Pequim. Ils conduisent plusieurs centaines de milliers d'hommes, qui portent auec eux diuerses sortes d'armes. Les nostres, qui se sont ioints pour aller à l'encontre & pour les arrêter, ont esté deux Generaux, nonante-six Capitaines ordinaires, & trois cens mille hommes de guerre. On en est venu à la bataille; & dés le premier choq, trente-huict Capitaines ont esté mis hors de combat, & parmy eux vn de nos Generaux : le nombre des morts ne peut se compter non plus que celuy des prisonniers; & plus de mille de nos soldats se retirans en desordre, sans se connoître se sont entretuez; les habitans des citez & des villes ont pris la fuite, & les Tartares ontemporté trois citez le propre iour de la bataille.

Sur les aduis qui nous ont esté donnés, nous auons assemblé le Conseil, auec le Colao, & les autres Madarins de cette Cour, pour trouuer quelque expedient auantageux dans vne affaire de telle consequence. Et pour ne rien dissimuler, le Ciel fait assez paroître, qu'il fauorise les armes de nos ennemis, n'estant pas possible autrement de faire vn tel carnage de nos Soldats en vn seul iour, & de prendre trois grandes villes: & pareillement qu'il est courroucé contre nous, comme nous le font voir plus clairement tant de prodiges, que nous auons apperçeus en peu de temps. L'année derniere il ne tomba pas vne goutte de pluye dans la Prouince de Pequim, où les viuans estoient comme des morts. La disette & la famine fut si cruelle en celle de Xaukim, que les hommes s'entremangeoient les vns les autres: Cette multitude prodigieuse de souris passa par Nanquim, sans qu'on ayt peu découurir, d'où nous venoit ce fleau. Des cinq parts des Palais de vôtre Majesté le feu en brûla deux, & le vent renuersa cinq Tours de cette ville. Nous adons veu deux Soleils à la fois, qui se sont eclipsez l'vn auec

l'autre. Tous ces presages ne nous promettent rien de bon; mais sur rout, nous auons veu vn homme entrer dans le Palais Royalà dessein de tuer le Prince, ce qu'il auroit executé, si on ne l'en eût empêché: (Cecy arriva lors que le Roy voulut faire son second fils heritier & successeur du Royaume qui estoit puisfant par le moyen des Eunuques, vn homme se jetta dans le Palais pour assassiner l'aisné, mais la peur le retint, & les Dames vindrét au secours du Prince. Puis il poursuit, le pis est qu'vn Mandarin pour auoir parlé librement, & témoigné sa fidelité à vôtre service, vôtre Majesté de fidelle le fit passer pour rebelle, & mettre prisonnier, & nonobstat toutes les poursuittes & toutes les remonstrances que nous fismes pour faire voir son innocence; nous ne fusmes iamais ouys. (Cét emprisonnement sut, quand le Roy presentant aux Mandarins son fils aisné dans la sale de son Palais, qu'ils vouloient pour l'heritier du Royaume, contre la volonté de son Pere; vn des Mandarins entreprit de parler pour le Prince; ce qui luy valut la prison par le comandement du Roy.)

Les Mandarins, adjoûte-il, ont souvent presenté des memoires à vôtre Majesté, pour luy remonstrer les miseres du peuple, & le prier de vouloir diminuer les Gabelles & les imposts, qui est vne chose digne de consideration, elle n'en a tenu compte. Les Mandarins de cette Cour l'ont souvent suppliée de sortit en public, pour donner audience à l'exemple de ses predecesseurs, afin que son Gouvernement soit conforme à celuy du Ciel, comme il est raisonnable. Tantost elle a répondu, qu'elle se trouuoit mal, tantost que le temps estoit fâcheux & froid, & qu'on cût à s'asfembler, vn autre iour. Nous auons attendu le Printemps, nous auons pris à ce dessein le commencement de l'esté; non seulement elle n'a point répondu à la seconde Requeste, au contraire elle l'a fait brûler; & de cette façon elle se tient retirée dans son Palais sans se soucier des plus importans affaires. De là viennent les calamitez, qui nous attaquent, & les guerres qui nous pourfuiuent. La paix nous manque, & nous manquera, puisque nous auons veu des riuieres de sang couler dans leur canal, & qu'on raconte, qu'en la troisième Lune passée vn homme parut dans la Prouince de Xensi vêtu de jaune, auec yn bonnet vert en teste, & vn éuentail de plumes à la main, qui disoit; Vam lie (le Roy se nomme ainsi) ne gouuerne point son Estat, quoy qu'il y ait déja long-temps qu'il le posséde, il doit continuellement veiller; le Royaume est pour se perdre, les peuples mourront de saim, & les Capitaines setont percez de lances. Ayant dit cela, il disparut incontinent. Les Mandarins surent bien estonez; & le Vice-Roy sit toutes les diligences possibles pour sçauoir qui estoit cét homme, sans qu'on peût iamais le trouuer. Les miseres, la faim, les guerres & les autres calamitez que ce Royaume sousser, nous sont bien connoistre que c'estoient des presages de l'estat present. Ce qui nous oblige dereches à supplier vostre Majesté qu'elle veüille ouurir ses. Thresors, pour leuer vne nouuelle armée, & remedier à ces desordres.

Voylà la Requeste qu'on presenta l'an 1618. Les Tartares ont toujours depuis continué leurs pointes durant l'esté: car l'hyuer est si froid qu'on ne peut rien faire, & presque à toutes les rencontres ils ont eu de l'auantage sur les Chinois. Si bien que l'an 1622. les deux principaux Mandarins de la forteresse de Quamsi, qui pour estre la plus considerable est aussi le seiour ordinaire du Vice-Roy de la Prouince, soit qu'ils fussent mécontens, ou bien qu'ils voulussent faire leur condition meilleure, traicterent secrettement auec les Tartares & s'accorderent de leur mettre en main la forteresse: comme ils firent; pour ce que les Tartares s'estans presentés du costé qu'on leur auoit assigné, apres vn leger combat, ils s'en rendirent aysément les maistres, à la faueur des traitres, & les autres qui ne sçauoient rien du complot, furent contraints de s'enfuïr, & de se retirer auec leur Vice-Roy à Xamhai, qui est comme la derniere forteresse de la Prouince, & apres celle de Pekim, la clef, & le bouleuart du Royaume.

Cette derniere nouvelle estant portée à la Cour, ietta vne telle consternation dans les esprits, que le Roy & les grands s'estoient déja resolus de changer de demeure, & de passer à Nankim, comme le lieu le plus ésoigné du danger; si vn des principaux Mandarins, comme il se trouve toûjours quelqu'vn, qui prend garde au bien public, n'eût dressé promptement vne Requeste au Roy, pour luy remonstrer que ce changement estoit le plus court che-

min, pour perdre entierement le Royaume, ou au moins, la plus grande partie, en retirant les forces de la Cour & de la Prouince

de Pekim, voisine de l'autre qui s'en alloit perduë.

Cette Requeste eut assez d'esset pour rompre le dessein, qu'on auoit pris de s'enfuir, & de chercher vne nouuelle retraite, en fortifiant le Palais ancien de Nanquim. Là dessus on fit yn Edict portant dessences sous de griefues peines, d'abandonner la Cour non seulement aux Mandarins, & aux personnes de qualité, mais encore aux autres du peuple & de basse condition. Par ce moven les esprits se rasseurerent, & principalement quand ils virent que la Cour se grossissoit, qu'on renforçoit les gardes, qu'on estoit plus vigilant & plus soigneux aux portes, & qu'on fortifioit le passage de Xamhai-quan, qui est comme s'ay dit l'extremité de la Prouince de Lexotum déja perdue, & l'entrée dans celle de Pequim qui pour estre reserrée entre des Motagnes est imprenable. On mit peine de la pouruoir de toutes les choses necessaires, & mémement de Soldats tous frais, en si grand nombre que dans la seule forteresse, on y comptoit iusques à quatre-vingts mille combatans. Le Roy y établit pareillement de nouueaux Capitaines auec vn ample pouuoir, qui eût bien eu d'autres effets, s'il cût peu l'étendre mesme sur les Tarrares. Ceux-cy voyans qu'il n'estoit pas possible de forcer la place, pour estre aysée à defendre, & d'ailleurs si bien gardée, ils se mirent à rauager les terres de Corea, & du côté du Leuant, au lieu de donner droict à Pequim auec leur armée puissante & victorieuse, pouuans mettre la Cour dans le plus grand danger: & luy causer la plus forte crainte qu'elle ait iamais ressenty. Les Chinois leur vindrent à l'encontre non loin de la Cour, & les forcerent à vne bataille sanglante de part & d'autre, où les Chinois enfin demeurerent victorieux. Tant c'est vn affaire important de defendre son propre foyer.

Peu de temps apres cette action, vn Portugais nommé Gonfalue Texera vint à la Cour de Pequim auec vn Ambassade & des presents de la part de la Cité de Macao, laquelle considerant l'insolence des Tartares, & la crainte des Chinois, & croyant d'ailleurs rendre quelque seruice au Roy de Portugal, & obliger le

Roy

Roy de la Chine à leur être fauorable, offrir aux Mandarins le secours de quelques Portugais contre les Tartares. Les Mandarins agréerent son offre, & dresserent vne Requeste au Roy, qui sur sauorablement reçeuë, & les prouisions promptement expediées. Le Conseil de guerre dépécha vn Pere de la compagnie à Macao, lequel auoit déja fait le chemin en la compagnie des Ambassadeurs pour moyenner ce secours, auec plusieurs ordres aux Officiers de Canton, qui sournirent liberalement tout ce qui étoit necessaire à cette entreprise; & sournirent à nos Soldats toutes les commoditez qu'on pouvoit souhaitter.

Quatre cens hommes s'enrollerent à Macao, à sçauoir deux cens Soldats, parmy lesquels il y auoit quelques Portugais; les autres étoient naturels du païs, étans nez à Macao, & par confequent Chinois, mais qui d'ailleurs ayans esté nourris parmy les Portugais, estoient des leurs, tous bons Soldats, & grands Arquebusiers. Châque Soldat auoit vn jeune garçon pour le seruir payé des deniers du Roy, & deplus de leur Solde ils s'abillerent superbement, & se pourueurent d'Armes, & auec cela ils

demeurerent encore assez riches.

Cette petite Armée partit de Macao sous la conduite de deux Capitaines, l'vn se nommoit Pierre Cordier, & l'autre Antoine Rodriguez del Capo, auec leurs Alsieres & autres Officiers. Estás arriuez à Canton, ils firent l'exercice auec tant de gentilesse, & tant de saluës de mousquets, que les Chinois en surent étonnez.

Ils eurent des vaisseaux pour passer la riuiere, si bien qu'ils parcoururent toute la Prouince par eau, & furent regalez des Magistrats dans toutes les Villes & Villages, où ils abordoient, qui leur enuoyoient à l'enuy des rafraichissemens de vollailles, de

chair, de fruits, de vin, de riz, &c.

Ils trauerserent à cheual eux & leurs valets, la Montagne, qui separe la Prouince de Canton, & celle de Kiamsi, & qui a pour le moins vne iournée de chemin iusques à l'autre riuiere. Ils s'embarquerent dereches de ce côté, & à la faueur de ce Fleuue trauerserent de même façon presque toute la Prouince de Kiamsi, iusques à la Capitale, dans laquelle ie faisois pour lors ma residence, auec vn grand nombre de Chrestiens. Ils s'y arresterent

quelque temps non pour autre raison que pour voir la Ville, & pour estre aussi veus. Quantité de Seigneurs les inuiterent chez eux pour considerer la façon de leurs habits, & d'autres particularitez étrangeres: & les traiterent auec de grandes ciuilitez, approuvans & louians tout en eux, excepté la taille & la coupe de leurs habits, ne pouvans pas comprendre qu'vn drap entier se doive tailler en plusieurs pieces pour la beauté d'vn habit. Tous ces gens s'en retournerent apres avoir veu la Ville sans autre effet, que beaucoup de dépenses & vne grande perte de Chinois, qui leur su causée par les Tartares en divers rencontres, saute de ce secours.

La cause de leur retour sut que les Chinois, qui trafiquent à Canton auec les Portugais, & qui répondent pour eux en leurs affaires, dont ils retirent vn gros profit donnerent auis, qu'il seroit facile aux Portugais, en suite de cette entreprise, qui sans doute leur succederoit glorieusement, d'obtenir la permission d'entrer dans le Royaume, & de negotier par eux-mémes, leurs affaires & leurs commerces, de sorte qu'ils viendroient à être priuez du gain, qu'ils faisoient auec eux. Pour ce sujet auant que les Portugais partissent de Macao, ils firent tous leurs efforts pour les détourner produisans en iustice plusieurs cedules contre eux; & comme le Magistrat répondant à la derniere, leur cût representé que la chose ne pouvoit desormais se faire autrement, l'argent du Roy estant déja distribué, & la paye tant ordinaire qu'extraordinaire faite par auance, ils s'offrirent de rembourser le Roy de leurs propres deniers. Enfin comme ils virent qu'ils ne pouvoient rien gaigner de ce côté, on dit qu'ils porterent à la Cour, l'argent qu'ils vouloient donner, & qu'en ayans fait present aux Mandarins, ils firent en sorte que ceux-là mémes qui auoient proposé les Portugais au Roy pour luy donner secours par vne nouvelle remonstrance, luy representerent qu'ils n étoient plus necessaires.

Le Roy sit la réponse, que iay veu. Ce que vous m'auez proposé, que ces gens entrassent dans mon Royaume, m'assistasent de leurs secours contre les Tartares, n'est pas sort considerable: puisque dêja vous me dites, qu'ils ne sont point necessaires.

Quand

Quand cy-apres vous aurez quelque chose à me proposer, pensez-y mieux. Cependant s'ils ne sont point necessaires, qu'ils s'en retournent.

Telle fut l'yssuë de cette Armée, sans aucun profit du Royaume, mais non pas des Soldats: outre qu'ils virent vne grande partie de la Chine. Les Tartares ont toûjours depuis continué la guerre, & la continuent encore à present, & ont contraint ceux du Royaume de Corea, de leur payer la même contribution qu'au Roy de la Chine, qu'ils ne laissent pas de luy payer comme auparauant.

CHAPITRE XXII.

Des Roys de la Chine., des Reynes, & des Eunuques.

de dresser leurs Chroniques, qu'ils en produifent depuis plus de trois mille ans en ça: si est-ce qu'ils firent vne perte notable, & se virent prinez de la connoissance de plusieurs belles choses arriuées en cette longue suite de temps, lors que leurs liures, qu'ils nomment

l'Histoire, furent brûlez, de la façon que ie vais raconter.

Vn Roy nommé Tein, par vne hayne, qu'il auoit conceuë contre les lettres, comme quelques-vns pensent; ou bien comme iuges des autres auec plus de raison, pour esteindre la memoire de ses predecesseurs, & ne laisser que la sienne à la posterité, sit vne loy que tous les liures sussent brûlez, excepté ceux de Medecine, comme les seuls necessaires au bien de l'Estat, auec autant de seuerité, que si tous les volumes eussent esté criminels de leze-Majesté, & auec des peines si rigoureuses, pour ceux qui les cacheroient, qu'il n'y alloit pas moins que de la vie; comme essentiement il sit ietter au seu quarante letrez auec leurs liures, qu'ils auoient cachez.

Cette persecution dura l'espace de quarante ans, apres les-

quels on commença de trauailler pour remettre les vieilles chroniques par le moyen de quelques liures & fragments, qu'on auoit sauné les vns sous terre, les autres dans les murailles: & apres plusieurs années on rétablit auec vne peine extreme les choses principales; quoy qu'il en manque beaucoup, & particulierement pour ce qui concerne les premiers Roys & Princes de

ce Royaume.

Il est neantmoins constant que leur premier gouvernement étoit distribué par lignées & par familles, châcun des chefs gouvernant la sienne à la façon des anciens Patriarches chez le peuple de Dieu. Le second sut Monarchique, mais on ne sçait pas au vray quand & comment il commença, & eux-mesmes n'en ont rien d'asseuré. Ils commettent des fautes remarquables pour le temps de leurs Chronologies, pource qu'en supputant le plus fauorablement qu'on peut les temps, qui se sont écoulez depuis la creation du Monde insqu'à Noë, on trouue qu'ils sont naître leur Empereur Tao, douze ans auant le deluge. Quoy qu'il en soit du méconte des temps en l'histoire de cét Empereur, & de ses Successeurs, il est certain que les choses s'accordent en leur suite.

Cét Empereur Yao, sans auoir égard au droit naturel & legitime de la succession de son fils, laissa le Royaume à Xun son gendre pour cette seule consideration, qu'il étoit doüé des parties & qualitez necessaires pour gouverner. Xun en sit le mesme pour le mesme sujet & sit tomber l'Empire entre les mains d'Yu, qui ne luy étoit rien. Ces trois Princes sont tenus pour des Saints par les Chinois, dont ils racontent plusieurs choses: & à ne mentir point, c'étoient des Philosophes sort addonnez aux vertus morales.

Ils se tiennent grandement obligez au dernier de ces trois nommé In pour l'écoulement des eaux qu'il sit saire, dont le Royaume étoit alors couuert à ce qu'ils disent, les Lacs, & les Marais rendans la plus-part des terres inutiles. Ce Roy alloit luy-méme en personne rompre les terrains, & donner le cours à ces eaux dormantes, qui estans écoulées, les terres se cultiuerent, & sutent d'un grand rapport. Quelques vns croyent que ces eaux étoient étoient les restes du Deluge; mais les Chinois qui font d'ailleurs vne assez longue mention en leurs écrits de ces eaux, de leur asseichement, & du profit que le Royaume en retira, ne parlent aucunement de leur naissance, ny de leur origine.

Apres ces trois Empereurs, dont i'ay parlé, le Royaume a toûjours esté possedé par succession, non pas à la verité dans vne même famille, d'autant que comme il y auoit quantité de Princes & de Seigneurs, quoy que suiets de l'Empereur, tantost pour des considerations particulieres, & d'autressois sous pretexte d'vn mauuais gouvernement & d'vne tyrannie, ils entreprenoient des guerres, formoient des partis, & causoient des desordres, qui affoiblissoient la Monarchie, ou la partageoient, ou mesme la ruinoient entierement: de sorte que pour long-temps que la Couronne ait demeuré dans quelques familles, à sçauoir quatre-cens ans en celle de Tham, & en d'autres moins, il se troune iusques à present que la maison Royale a change vingt-deux sois.

Les Royaumes, qui composent l'Empire de la Chine, ont eu leurs Seigneurs particuliers durant l'espace de plus de deux mille ans, iusques en l'an de nostre salut 1206. que les Tartares, qui possedoient alors vn autre pays, commencerent à s'emparer des Estats de la Chine, & firent de tels progrez s'auançans peu à peu, qu'ils la conquirent toute, & y ont comandé iusques à l'an 1368. que Hum vu, le chef de la famille qui tient auiourd'huy le Sceptre, voyant que les forces des Tartares s'assoiblissoient, que d'ailleurs leur tyrannie croissoit, & que les peuples étoient d'autant plus disposez à se metre en liberté & secoüer le ioug, quils étoient ennuyez d'vn si mauuais traitement, assembla vne Armée auec tant de succez que non seulement il mit les Tartares en suite, & les chassa du Royaume, mais encore entra dans leur pays, & en conquit vne bonne partie.

Le Royaume estant ainsi rétably dans son état naturel, & Hum-vu, s'en voyant le Seigneur absolu, établit vn gouuer-nement merueilleux, différent en partie de tous les autres Empires, mais au reste, qui est tel qu'il se conserve depuis trois cens ans auec tant de communication, de suiection, & de dependance des

V 3 suiets

suiets à leur Prince, qu'vn si grand corps ne semble être qu'vne Religion bien reglée. Ce Roy tâcha premierement de gaigner tous ses sujets par ses bien-faits, n'y ayant rien, qui fasse plus parêtre vne ame vrayement Royale, que la liberalité: puis il crea de nouueaux Officiers, en retenant quelques-vns des anciens, comme nous dirons en son lieu.

Il assigna de gros reuenus aux premiers & principaux Capitaines, d'auantageux ausseconds, & de suffisans aux troisiémes, Il cassa tous les Princes & Seigneurs de fief, sans en laisser aucun. Il desfendit seuerement qu'aucun de la maison Royale ny en paix ny en guerre pour quelque sujet que ce sût, n'exerçat aucune charge ciuile ou criminelle en la Republique, n'eût aucun commandement aux Armées, & ne peût être admis aux examens pour prendre les Degrez: quoy qu'on ait relâché pour ce dernier point, comme i'ay déja dit. Il commit tout le maniement des affaires aux letrez, qui sont reçeus dans le concours independamment des Magistrats & du Roy même, par le seul suffrage de leur science, de leurs bonnes parties, & de leur vertu. Il se donna bien garde d'abolir les anciennes loix, qui concernoient le bon gouvernement, & n'empéchoient point son dessein, qui étoit de perpetuer la Monarchie en ses décendans: mais il en fit de nouvelles, & mit la Republique & le gouvernemet en la forme qui se void aujourd'huy: & comme il ne se peut faire que durant tant d'années & dans yn Royaume si vaste, il ne soit suruenu quelque changement, neant moins les choses essentielles ont toujours demeuré dans le même état.

Le Roy s'appelle de diuers noms: pour lesquels il faut sçauoir qu'il y a treize choses à remarquer en son couronnement: dont la premiere est, que la supputation des années se change, & qu'on commence à les compter du temps du regne du nouueau Roy, ce qui se pratique non seulement aux discours ordinaires, mais encore dans toutes les lettres, dépéches, prouisions, écritures, & c. La II. il fait battre incontinent des monnoyes neufues auec les lettres de son nom, sans que les vieilles perdent pour cela leurs cours. La III. il fait couronner sa femme legitime, comme Imperatrice. La IV. il donne le nom de Reynes à six

concubines.

concubines. La V. on fait des sacrifices solemnels au Ciel, à la Terre, & aux Esprits. La VI. on fait de grandes aumônes aux pauures. La VII. on ouure les portes des prisons à tous les prisonniers, qui ne sont pas au preiudice des parties. La VIII on regale somptueusement les Magistrats. La IX. on chasse du Palais, toutes les femmes, qui ont eu le rang de Dames. La X. on pouruoit de nouueau le Palais, qui sont quatre en nombre, d'autres Dames cherchées & choisies de tous les endroits du Royaume, pendant lesquelles recherches on fait diuers mariages vn châcun procurant de deliurer sa fille d'vne telle subjection. La XI. les Seigneurs de marque sinon tous, au moins ceux des Villes, enuovent des deputez pour rendre obeissance au Roy, & pour le reconnoître; ce que font aussi toutes les personnes illustres, ne pouuans pas elles-mémes le faire en personne. La XII. tous les Officiers depuis les Vice-Roys iusques aux moindres luges des Villes, vont en personne à la Cour rendre la même obeissance au nom de leurs Prouinces, Villes & Citez. La derniere est que le Roy change de nom, comme fait parmy nous le souuerain Pontife, ce nom, qui est celuy qu'on écrit dans les Actes publics, & qu'on graue sur les monnoyes, s'emprunte d'vne personne particuliere du fang Royal, come celuy du grand-Pere du Roy d'à present étoit Vam-Lie; celuy de son Pere, Thaj-Cham, celuy de son frere, qui a regné deuant luy Thien Khj, & le sien est Theum-Chim.

Il y a outre cela ttois noms, pour signifier le mot Roy, le premier Kium, dont on se sert pour nommer les Roys étrangers, le second Vam, qui est le nom des Infants, auquel ioignant vn autre mot, se forme Kium-vam, qui peut signifier ce qui appartient à leur Roy. Mais le plus honorable est Hoamti, qui veut dire Empereur.

Les Dames, les Eunuques, & les autres Domestiques de son Palais l'appellent Chu, c'est à dire Seigneur; ou bien encore Thienzu, c'est à dire le Fils du Ciel, non qu'ils ayent cette creance, mais dautant qu'ils estiment que l'Empire est vn present du Ciel, & aussi pour rendre facrez les respects, qui sont deuz à la Majesté Royale; comme effectiuement il semble que la reue-

rence qu'ils ont pour leur Prince, se termine plûtost à vne chose diuine qu'humaine; & la façon auec laquelle ils se comportent maintenant en sa presence, est plûtost d'vne Eglise de Dieu, que

d'vn Palais prophane.

Ie dis maintenant, pour ce qu'il n'en étoit pas ainsi au commencement, que les Roys de la Chine se comportoient comme la plus-part des autres Roys du Monde, qui sortent, conuersent, chassent; mesme il s'en est trouué vn si addonné à ce diuertissement, que pour passer six mois entiers à la chasse sans retourner à la Conr, & vaquer aux affaires de son Estat, il substitua vn sien sils en sa place. C'étoit lors que les Roys visitoient eux-mesmes les Prouinces de leur Empire, & qu'arriua l'histoire si renommée dans la Chine, & qui merite bien que l'Europe la sçache.

Comme l'Empereur faisoit sa visite, il se treuua dans vn chemin parmy vn grand nombre d'hommes, qui conduisoient des prisonniers. Il fit arrester son carosse pour sçauoir ce que c'étoit, & l'ayant ouy, il se prit à pleurer. Ceux qui l'accompagnoient tâcherent de le consoler, & vn d'entr'eux luy dit. Sire, c'ét vne chose ineuitable & necessaire qu'il y ait des châtimens dans vne Republique: les Roys l'ont ainsi commandé, les loix l'ont ordonné, le gouvernement de l'Estat le demande. Je ne pleure pas, répondit le Roy, de voir ces prisonniers, ny d'entendre qu'on les va châtier, ie sçay fort bien que les bons se poussent, à la veuë des recompenses, & que les mauuais se retiennent par la crainte des châtimens, & que les peines sont aussi necessaires à vn Estat pour le bien policer, que le pain à l'homme pour le nourrir. Mais ie pleure de ce que les temps de mon regne ne sont pas si heureux que ceux des Anciens, quand la vertu des Princes seruoit de frein au peuple, & que leur bon exemble suffisoit pour contenir le Royaume sans autre châtiment. C'étoit vn Payen qui parloit de la sorte. Et qui ne void quel sujet nous auons d'enuier ces Payens, lesquels bien que nous les surpassions pour les connoissances des veritez de la Foy, nous deuançent par fois en la pratique des vertus morales.

Conformément à ce que ie viens de dire, les anciens Roys prenoient connoissance eux-mesmes du gouvernement des affaires, & donnoient facilement Audience à tous leurs suiets. Au temps du Roy Tham, il y eut vn Colao, qui ayant esté son Maître, deuint puissant aupres de luy, & pour se maintenir dans la faucur de ses bonnes graces, s'étudioit plûtost de parler au gré du Roy, que de luy dire la verité pour le bien de son Estat. Chose abominable! Comme la dignité du personnage étoit releuée, & la faueur du Roy extraordinaire, les Chinois dissimuloient tout, ne laissans pas pourtant de parler, & de taxer la flaterie du Colao.

Vn iour que ce discours vint à propos dans le Palais parmy des Capitaines de la garde, vn deux s'échaussant, laisse là sa compagnie, & entrant dans la Sale où étoit le Roy, se iette à genoux deuant luy. Le Roy luy demande ce qu'il vouloit. La permission, répond-il, de couper la teste à vn Vassal flateur. Qui est celuy-là? Replique le Roy. C'est vn tel, que voila. Le Roy comme par mépris & en se moquant dit. Mon Maître, en ma presence, qu'on le prenne & qu'on luy coupe la tête. Le Capitaine le prend, & jettant la main sur vn balustre de bois comme il étoit robuste, & que les piliers ne tenoient pas beaucoup, en arrache vn. Déja le Roy se mettoit en colere, quand il commanda qu'on luy pardonnât, & qu'on racommodât le balustre, ce qui neantmoins ne sut point en témoignage de l'action, & en memoire d'vn Vassal qui auoit eu le courage d'auertir le Roy d'vne chose qui luy étoit importante.

Telle étoit la facilité auec laquelle non seulement les Officiers, mais encore qui que ce sût du peuple abordoient la personne du Roy: iusques là qu'au dedans de la premiere porte du Palais, de-uant la seconde, il y auoit toûjours vne Cloche, vn Tambour, & vne Table blanche couverte, comme d'vne couche de plâtre. Ceux qui ne vouloient pas parler au Roy, écriuoient leurs demandes sur cette table, qui luy étoient incontinent presentées: & ceux qui vouloient luy parler, touchoient la Cloche, ou le Tambour, & des aussi tost, ils étoient introduits & auoient audience.

Le Tambour dure encore auiourd'huy, mais c'est plûtost pour conseruer la memoire du temps passé, que pour l'vsage du present, puisqu'en vingt-deux ans, ie ne sache point qu'on l'ait touche plus d'vne sois auec le droit qu'il faut payer content en belle

X

monnoye

monnoye de coups de bâtons pour auoit troublé le repos du Roy, qui en étoit éloigné d'vne demie lieuë. Apres vne si rude penitence il fut arresté & conclud, non pas qu'on parleroit au Roy, ou qu'on le verroit, mais seulement qu'on luy dresseroit vne Requeste à la façon qui se pratique d'ordinaire. De ce que les Roys sont ainsi retirez du commerce de leurs subiets, & comme enchassez & rensermez dans leur Palais, les Estrangers ont pris suiet de penser & de dire que le Roy de la Chine ne se laisse iamais voir, qu'il est toûjours dans vn verre, & qu'il ne monstre

que le pied ou quelque autre partie du corps.

Le premier qui choisit cette forme de vie sur Vam-lié, Ayeul du Roy d'à present. lleut quelque occasion de le faire ainsi, pour ce qu'il étoit si gras & si replet, qu'il auoit beaucoup de peine de garder en public la grauité & la Majesté conuenable à vn Roy. Pour s'exempter donc tout à fait de ce trauail, il ne donnoit iamais audience à personne, il n'assistioit point aux sacrifices, & ne sortoit point de son Palais. Il ne laissoit pas neantmoins d'estre doué de jugement & de prudence pour gouverner, & d'estre bien auant dans l'estime des Mandarins, dont luy ne faisoit pas grand cas. Il avoit coûtume de dire, quand on insistoit sur des Requestes en quoy les Chinois sont importuns: Quand celuy-là nasquit, i étois déja Roy, & gouvernois, & il me veut enseigner.

Son fils qui luy succeda, changea de saçen aussi bien que les suiuans; qui se presentent à la verite en public, mais si rarement qu'ils ne sortent que pour tenir audience vne sois en vn Mois, & quatre sois l'an, ils vont offrir des sacrifices aux quatre saisons, au Ciel & à la Terre dans vn Temple destine à ces vsages hors des

murailles de la cité.

C'est vn Temple vrayement Royal autant pour sa grandeur, que pour sa magnificence, bâty en rond sur vne montagne ou eminence, auec trois galeries au dehots l'vne sur l'autre, tout à l'entour. Les murailles du Temple ne commencent à s'éleuer que depuis la troisséme On y monte par quatre escaliers superbement trauaillez de marbre blanc, tournez aux quatre vents.

Le Temple de Nanchim est vn ouurage acheué: il a cinq ness soûtenues de piliers de bois, qui n'ont ny peinture ny ornement,

fi ce n'est au piedétal, pour faire parêtre comme elles ne sont que d'vne piece. Certes il faut auoiier que ce sont les plus beaux Arbres, les plus gros, & les plus droits, les plus egaux & les mieux proportionnez qu'on se puisse imaginer. Et pour moy ie confesse que c'est vne des choses les plus remarquables, que i'ave veuës dans la Chine & qu'on auroit de la peine de trouuer au reste du Monde des Arbres de cette grandeur & de cette proportion. Le toict est tout doré, & bien que ce soit vn ouurage de deux cens ans, que le Roy ne void presque iamais se contentant de faire la pluspart des sacrifices à la Cour, où est sa residence, il ne l'aisse pas d'entretenir cét ornement de son Royaume. Au milieu sont éleuez deux Thrônes d'vn marbre precieux : dont l'vn étoit pour le Roy quand il facrifioit, & l'autre demeuroit vuide pour l'esprit auquel on offroit le sacrifice. Les portes sont couvertes de lames de cuiure, enrichies de plusieurs ouurages, & de pointes dorées. Au dehors il y a quantité d'Autels auec les statuës du Soleil, de la Lune, des Planetes, des Esprits, des Montagnes & des Riuieres. Il y a aussi plusieurs chambres tout à l'entour, qu'on dit auoir esté des Bains, & Estuues, où les Roys auoient autresfois coûtume de se lauer, & les autres Ministres, auant que de sacrifier. Le bois qu'on void au bout d'vn champ, complanté de diuers Arbres, la pluspart de pins, est tenu si sacré, qu'on n'oseroit pas seulement en cuëillir vne branche sous de griefues peines. La muraille qui l'enuironne est couverte de tuiles émaillées de verre de diuerses couleurs, les vnes jaunes, les autres vertes, & contient quatre ou cinq lieuës de tour.

C'est dans ce Temple que le Roy va comme i'ay dit: & quand il marche, toutes les ruës de trauerse sont empéchées, n'y ayant que celle par où il doit passer, qui soit libre: & le nombre des Eunuques, qui sont autour de sa personne, des Officiers qui l'accompagnent, & des Soldats qui le gardent, est bien si grand qu'il est tout à fait impossible de le voir; mémement étant porté

dans vne chaire.

Voila toutes les occasions qu'a le Roy de sortir & de parêtre : car pour le reste du temps, il est dans son Palais come le Roy des Abeilles dans sa ruche, sans voir & sans étre veu. Plusieurs se X 2 persua

damné à vne prison perpetuelle. Ce que l'admire par dessus toute chose, c'est qu'vn homme sans estre veu par la seule authorité soit plus reueré, mieux obey, & plus craint que tous les Roys du Monde. Et pour sa prison, si nous deuons ainsi nommer son Palais, elle est assez large & assez belle pour luy plaire, puisque d'ailleurs il a la liberté d'en sortir qu'and il veut: & puis le lieu de son appartement, est si commode, & si diuertissant, qu'il n'a point

besoin de chercher au dehors dequoy se contenter.

le peux dire que les Palais du Roy de la Chine en ramassans tout ce qu'ils contiennent, sont les plus accomplis de la terre. Les plus grands sont ceux de Nankim, qui ont cinq mille de circuit ceux de Pequim, ne sont pas du tout si grands; mais ils sont mieux aiustez. Au reste il n'y a pas pour vn seul: il y en a plusieurs, separez les vns des autres, pour le Roy, pour la Reyne, pour le Prince, pour les petits fils, pour les filles qui sont déja mariées, pour les secondes, & pour les troissémes Reynes. Il y en a quatre autres posez aux quatres coings pour les Dames, qu'on nomme aussi pour cette raison, les Palais des Dames. Il y en a mesme quelques-vns pour les vieilles & pour celles qui ont esté surprises en faute, qu'on appelle Lemcum, cét à dire les Palais froids. Il y a de plus des Colleges pour le logement des Eunuques, des Letrez, des Prestres, des Chantres, des Comediens, & des appartemens pour tous les autres Officiers, & Domestiques qui font pour le moins dix-sept mille personnes.

La structure des Palais comme des nostres, est garnie d'Arcades, de balustres de piliers, & de semblables pieces de marbre excellemment trauaillées, auec plusieurs enrichissemens curieux, quantité de figures en relief, qui sont si bien rehaussées & se jettent tellement aux dehors, qu'on diroit qu'elles sont portées en l'air. Tous les ouurages de bois sont vernis d'vne certaine ancre,

peints & dorez auec force artifice.

Les Sales, quoy qu'elles ne soient pas comme on a dit, l'vne d'or, l'autre d'argent, & l'autre de pierres precieuses, & que mesmes elles ne soient point tenduës de tapisseries, si est ce que la main des Architectes, & le pinceau des peintres supplée à tous

les

les autres ornemens. Les basses-cours y sont nettes & spatieuses: les iardins toûjours frais, & la riuiere qui coule dans le Palais & qui les arrouse, est des plus agreables à cause de ses plis & contours. On void des Montagnes artificielles, des oyseaux, des bêtes fort rares, des vergers bien representez & toutes sortes de curiositez, Il s'est trouué vn Roy, qui se fâchant que l'hyuer eût dépouillé les Arbres de leurs seüilles & de leurs sleurs, en sit faire d'autres par artifice auec beaucoup de trauail, & de dépense, & peu de satisfaction des Magistrats, qui blâmoient son dessein.

Tout le bâtiment est entouré de deux murailles auec quatre portes ouvertes aux quatre vents, à sçauoir au leuant au coushant, au nord, & au midy, & cette derniere qui est la principale, donne vne entrée & vne face magnifique au Palais.

A châcune des Portes il y a cinq Elephans (ces animaux ne naissent point dans la Chine, mais viennent d'ailleurs) qui toute la nuict font la ronde autour des murailles auec leurs Soldats.

La basse-cour interieure est capable de contenir trente mille

hommes, où il y en a toûjours trois mille en garde.

Au haut de cette Cour, l'on void cinq portes pour entrer dans vne grande Sale, au milieu de laquelle est vn Thrône Royal vuide, qu'on appelle le Thrône des complimens, pour ce que tous ceux qui vont dehors, luy font la reuerence, ainsi que nous dirons

plus bas-

Pour ce qui concerne les Dames, vne seule est la veritable espouse du Roy, qui porte le tiltre de Hoam-heu, c'est à dire d'Emperiere, & est reconnue pour telle, & a son siege derriere celuy du
Roy. Les autres six, qui viennent apres elle, & qui ont la qualité
de Reynes, ne laissent pas d'estre estimées. Dans les Palais de
Nanquim, qu'on peut voir plus aysément pour n'être point habitez, il y a vn Thrône Royal éleué à plusieurs marches, couuert
d'vn daiz, & garny de deux sieges à la Royale, l'vn pour le Roy,
& l'autre pour la Reyne: & plus bas, par le derriere, il y en a six,
trois d'vn côté & trois de l'autre, disposez pour les six Reynes:outre celles-là le Roy possede encore plus de trente maistresses, qui
sont honorées & respectées.

X. 3, Legi

Les autres Dames, qu'on dit monter iusqu'au nombre de trois mille, distribuées par les quatre Palais, dont nous auons parlé, sont des jeunes & belles filles, recherchées expressement de tout les endroits du Royaume, que le Roy va visiter quand il veut, &

nommément celles qui luy plaisent le plus

Du Roy, qui regne à present qu'on tient en reputation d'étre chaste, on dit ce mot Pu-yu-cum, il ne va point aux Palais. Il s'en est veu d'autres semblables, qui sont hautement louez pour ce su-jet dans leurs histoires, comme il y en a d'autres fort décriez. Tel sut celuy-là, qui par la violence de se appetits brutaux, ne pouuant se determiner ny à quel Palais, ny en quel departement il deuoit se porter, dans son irresolution se laissoit conduire & regir par des bêtes: ayant à cette occasion vn petit carosse tiré par des chevres, qu'il laissoit aller, & courir comme elles vouloient, & où elles entroient, & où elles s'arrestoient, c'étoit là qu'il s'attachoit.

Vn autre pour n'auoir point la peine d'aller aux Palais des Dames, les fit portraire, & selon qu'il iettoit les yeux sur leurs portraits, il les enuoyoit chercher: étant au pouvoir du peintre de donner de la beauté à celles qui donnoient de l'argent, & les plus liberales sortoient toûjours plus belles des mains de l'ouurier, que du sein de la nature, ou que de la chambre de leur Palais.

Parlons maintenant des enfans. Si l'Emperiere, qui est la propre femme du Roy, a vn fils, en quelque temps qu'il puisse naître, il precede les autres: & en cas qu'elle n'en ait point, le premier fils de quelque autre Dame que ce soit, est toûjours preferé, quand bien mesme, le Roy le voudroit autremet. On en a veul'exemple sous vam-lié, grand-Pere de ce Roy, qui n'ayant point d'enfans de sa semme legitime, & en ayant eu deux, l'vn d'vne fille suiuante, & l'autre d'vne Reyne sa Concubine, vouloit à toute reste laisser la couronne au fils de la Reyne pour l'affection particuliere, qu'il luy portoit, quoy qu'il sût le plus jeune, iusques à soûtenir sortement, que le Royaume n'appartenant à aucun d'eux de droit, pour n'estre pas d'vn mariage legitime, c'étoit proprement, à luy de nommer celuy qu'il voudroit: & qu'ainsi le plus grand

étant né d'vne servante, il aymoit mieux faire l'autre son heritier. Mais tous les Officiers de la Cour en general luy resisterent courageusement, & luy representerent que puis qu'il auoit habité auec cette servante, elle étoit annoblie par vne loy superieure, & que son fils étant l'aisné, il deuoit iouir des droits de sa naissance. & succeder au Royaume. Ce sut vne Tragedie à plusieurs actes assez mal-plaisante; le Roy persistant toûjours dans sa resolution. & les Officiers dans leur opposition: si bien que plusieurs furent cassez par l'ordre du Roy, & les autres de leur plein gré quiterent leurs charges, ayans attaché leurs marques & leurs liurées à la porte du Palais, & se retirerent dans leurs maisons, abandonnans ainsi tout à la fois l'honneur & les biens, leurs charges & leurs appointemens pour la defense des Loix & des coûmmes du Royaume. Courage digne d'étre imité sinon dans toutes les affaires prophanes, au moins dans les causes de Dieu. Enfin le Roy ne pouuant auoir le dessus, se vid contraint contre son ordinaire de tenir l'Audience, & d'assembler les Mandarins; & ayant son fils aisné derriere luy en qualité de Prince, qu'il leur monstroit, leur recommander la paix & la tranquillité publique, & les asseurer que Thaj-cam, c'étoit son nom, luy succederoit à la Couronne, comme il fit. Tant a de force la raison & la constance des Magistrats contre des Roys puissans.

Les Eunuques sont plus en nombre que tous les autres Commensaux & domestiques. Ils étoiét douze mille en l'année 1626. & d'ordinaire il sont plus ou moins : distribuez diuersement par leurs Palais, en Colleges, Classes, Tribunaux, Charges & Occupations, de sorte que dans le Palais Royal il y a autant de Tribunaux pour terminer leurs procez, qu'au dehors : sans parler des semmes, qui ont leur iustice à part; & principalement celle, qui les gouuerne comme leur intendante, a l'authorité de iuger & de terminer leurs affaires, & de les condamner & de les châtier,

quand il faut.

Le premier & principal corps des Eunuques se nomme Su-li-Kien, qui consiste en vn grand Secretaire de la pureté, en vn Chancellier, & en plusieurs Conseillers, qui peuvent s'auancer aux charges de la mesme compagnie, par le moyen des examens. Ils accompagnent toûjours le Roy, & quand il march, ils sont les plus prez de sa personne: ils peuvent entrer sans être appellez, & comme la façon de gouverner du Roy, est par voye de me-

moire & de Requestes, tout passe par leurs mains.

En suite vient le Thum-Chamsu, qui est comme vn souverain Parlement de lustice étably sur tous les Eunuques en general, pour se saissir de leurs personnes, & les saire punir: & non seule-lement les Eunuques, mais encore d'autres personnes de grande authorité, se rapportent à eux de leurs affaires de consequence: & c'est le plus rigoureux Tribunal de la Iustice. Le President est ensemble Capitaine des Gardes du Roy, qui sont de neus mille hommes, à sçauoir six mille d'Infanterie, & trois mille Cheuaux. Quand il est question d'une affaire de la milice, il entre au Conseil de Guerre, & occupe la premiere place.

Il y a pereillement d'autres compagnies & d'autres Tribunaux, comme des Thresoriers du Thresor des joyaux, des meubles de

grand prix, des habits, des magazins, &c.

Il y a de plus vn College de Mathematiciens iudiciaires, qui contemplent les Estoilles, & observent le mouvement des cieux, & tous ensemble sont l'Almanach de l'année suivante, auec le premier Mathematicien, qui est vn Mandarin externe.

Il y en a vn autre de Prestres Particuliers, appellez Laun-su, où les Bonzes ne sont iamais reçeus, comme ils n'ont pas aussi la permission d'entrer dans la maison du Roy. Ils ont la charge du seruice Diuin, des Chapelles, des Officiers, des Sepultures.

Adioûtez à tout cela les compagnies des Musiciens, des Ioueurs d'instrumens, des Comediens, des Peintres, des Orsevres, qui s'acquirent dignement des sonctions necessaires à vne Republi-

que bien reglée & bien pourueuë.

Hors du Palais, plusieurs ont l'Intendance sur les ouurages publics, sur les gardes, qui veillent la nuit, autour du Palais, sur les sepultures des Roys, sur les imposts & gabelles; & semblables employs, où ils s'enrichissent: & comme ils n'ont point d'enfans. quoy qu'ils soient mariez pour l'ordinaire, ils sont liberaux & somptueux, ils ont des maisons superbes au dehors & au dedans de la Ville, & des Palais richement meublez auec yn train ma-

gnifique

gnifique. Leurs sepultures sont des plus richement parées: ils croyent plus fortement que les autres, la transmigration des ames se rendent fort deuots aux Idoles pour estre bien pour ueus, quand ils prendront vne nouuelle forme.

Les Eunuques sont exempts des deuoirs, & des complimens qu'on rend aux Mandarins, comme de descendre de cheual, & d'abbaisser le siege, aux rencontres. En reuanche ou ne leur permet pas à la Cour d'estre beaucoup suiuis, ny d'estre superbement parez : fort peu ont la permission de se faire porter en chaire, &

& presque tous vont à cheual.

Quand il n'y a point d'Eunuques fauory du Roy, les autres qui sont hors du Palais, font la Cour aux Mandarins, leur prestent leurs maisons commodes & agreables, & tâchent de gaigner leurs bonnes graces par leurs seruices. Mais si par hazard vn d'eux est Fauory du Roy, comme il arriue par fois, ils deuiennent aussi-tost insolents, se iettent dans le maniement des affaires, &

gaignent le dessus

Le defunt Roy auoit vn Eunuque nommé Guei-eum, qui se poussai plus auant dans sa faueur, qu'on ne pourroit croire. Celuy-cy abusant de son authorité, gouvernoit l'Estatauec tant d'insolence & de tyrannie qu'il faisoit prendre, punir & massacrer iusques à des personnes de marque: le toucher par mégarde estoit vn crime de leze-Majesté. Et quoy que les Chinois soient assez libres à dire les veritez, mesme au Roy, si est-ce que personne

n'osoit en parler.

Le Prince, qui regne auiourd'huy, entreprit l'affaire, & parlant au Roy son Pere, luy dît seulement qu'on traittoit mal ses sujets de condition & de merite. Il n'en fallut pas dauantage pour faire sortir l'Eunuque de la Cour, qui finit apres miserablement ses iours: pource, qu'apres la mort du Roy son Maître, il prit du poison, qui d'vn coup mit sin à sa faueur & à sa vie, mais qui ne pût arrester la hayne du peuple, ny empécher qu'on ne trassnât son corps par les ruës, & qu'on ne le déchirât en pieces. Tous ses biens surent consisquez au Roy, n'y ayant personne qui ne suy enseuât le plus beau de ses meubles. On suy trouua deux pleins cosses de perses; qu'il auoit tiré à ce qu'on pense, du Thresor du Roy, les somptueux ouurages & les superbes bâtimens qu'on auoit sait saire, ou commencer à son honneur par tout le Royaume, comme des Temples, pour metre son image, qu'ils appellent les Temples des viuans, & qu'on a coûtume de dedier à la gloire des personnes illustres, qui ont obligé l'Estat & leurs Concitoyens, des Palais, des Arcs de Triomphe, & semblables machines surent renuersées, sans rien garder de sa memoire, qu'vne Comedie qu'on composa dés aussi-tost & qu'on iouë encore auiourdh'uy pour representer sa sortie du Palais, & sa disgrace.

Et dautant que de ce prodigieux nombre d'Eunuques, les vns sont congediez, les autres deuiennent vieux, & plusieurs meurent, de temps en temps on en choisit de ieunes pour mettre en leur place. Car on ne sçauroit dire, combien il s'en presente tous les iours à la Cour, qui ont esté taillez par leurs propres parens, pour l'argent qu'ils en retirent, ou pour l'esperance qu'ils ont de les voir auancez aupres du Roy, & pour toutes les autres commoditez qui sont certaines & asseurées aux personnes de cette

condition.

A châque fois qu'on fait cette élection, on en choisit enuiron trois mille, prenant garde à leur âge, & à la bonne disposicion de leur corps, à leur port, & à leur mine, à leur parole, & à leur prononciation, & sur tout qu'ils n'ayent rien de ce qu'ils doiuent auoir perdu, pour être entierement Eunuques, & de plus on les visite apres quatre ans, pour voir si rien n'est reuenu de ce qu'on leur auoit osté.

Le chois estant fait, on renuove les autres de la Cour, & on distribué ceux qui ont esté choisis en diuers logemens, leur donnant des emplois & des charges. Ce qui se fait, comme par sort sans autre consideration; les vns sont appliquez à l'Estude, & mis en des Colleges, de reputation, d'honneur & de prosit; les autres sont destinés à être Prestres, ceux-cy sont reservez pour être Chantres ou Comediens: ceux-là sont iettez dans vne cuisine ou dans quelque autre occupation basse & penible.

Voila ce qui se passe au dedans du Palais, en ce qui concerne la personne & le service du Roy. Pour le dehors, c'est bien encore autre chose, & il n'est point croyable auec combien d'exaction, de crainte & de respect on s'y comporte. Vn Royaume si estendu n'ét pas capable de cacher vn criminel, qui veut échaper des mains de la lustice, & les Arbres, ce semble, n'osent le couurir, ny le mettre à leur ombre. Quand il faut se saisir d'vn Homme de qualité, on enuoye chercher les sergens, qui n'ont autre chose à faire, qu'à luy mettre vne corde ou vne chaîne au pied, & luymesme se la met au col, comme si elle étoit d'or : le seul nom

de chaîne est suffisant pour donner de la crainte.

Dans la Ville de Sucheu, en la Prouince de Nanchim habitoit vn Mandarin, personnage tres-consideré pour les grandes charges qu'il avoit exercées dans le Royaume auec satisfaction, & au contentemet du Peuple. C'étoit au temps de la faueur de ce puissant Eunuque, dont i'ay parlé. Cettuy-cy ayant eu le vent, qu'on luy enuoyoit des executeurs de lustice; sans attendre qu'ils fussent arriuez, fit vn banquet à ses parens & amis, & sur la fin du repas sortant de table, comme s'il eût esté pressé, se ietta du haut d'vne galerie dans vn étang, où il mourut. Les conuiez, voyans que leur hôte tardoit beaucoup, le vont chercher, & trouuent yn papier sur vne table, & ces paroles écrites de sa main : Retournez au Palais & faites la reuerence à mon Roy, auquel ie me suis toûjours efforcé de seruir auec les ressentimens d'un fidelle suiet : il n'est pas raisonnable que ie reçoiue auiourd'huy de la main d'un Eunuque, les traittemens d'un chetif criminel.

Il ne faut que deux seules letrez du Roy mises en quelque endroit pour seruir comme de charmes: de sorte que s'il faut quelque chose au Palais, comme des fruits & d'autres prouisions il suffit d'enuoyer aux lieux où se trouve ce qu'on demande, & pour tout mandement placarder deux letres Xim chi, c'ét à dire la volonté du Roy: aussi-tost toutes choses sont en estat, & personne n'est si osé que de remuer seulement une seuille. Le mesme arriue aux affaires extraordinaires, qui sont les plus embrouillées: pour leuer toutes sortes d'oppositions & de difficultez, il ne faut qu'écrire ces deux lettres: ce qui nous reüssit fort à propos, quand le Roy donna la maison d'un Eunuque prisonnier à nos Peres, pour

leur seruir de cimeriere, en placardant ces mesmes letres.

Les Magistrats ont coûtume de s'assembler tous les mois se premier iour de la Lune par toutes les Villes du Royaume, & das la maison du gouverneur devant vn Thrône, où sont les Armes du Roy, ausquelles ils font la mesme reverence, qu'ils seroient au Roy, s'il étoit present. Ils pratiquent le mesme au iour de sa naissance.

Les Prouinces au commencement de l'année, deputent vn Ambassadeur pour saluër le Roy, & toutes les sois qu'ils luy écriuent, c'est vn des principaux Mandarins, & non point vn Courrier qui luy porte les lettres. Les memoires neantmoins marchent par la voye des Courriers. Tous les grands Mandarins du Royaume vont tous les trois ans rendre l'obeissance à sa Majesté.

Il n'est pas permisà aucun d'étrer au Palais, ny mesme de se presenter à la premiere porte, auec vn vêtement de duëil; ny de saire la reuerence au Roy auec vn habit de tous les jours: il faut prédre celuy des Festes: & les Mandarins doiuent estre vêtus de rouge.

Pareillement il ny a personne de quelque condition qu'il soit, sur-ce des semines, qui ose passer à cheual, ou en chaire deuant la porte du Palais, & tant plus la personne est releuée, elle doit de

plus loing décendre de cheual, & mettre pied à terre.

Tous les Officiers, & toutes les personnes de qualité qui frequentent la Cour, sont obligez dés le matin quand ils viennent, où le soir quand ilss'en vont, d'entrer à Kun-Chao, c'est à dire dans vn iardin qu'ils appellent des ceremonies; & quand tous ceux du matin sont assemblez, qui sont toûjours en bon nombre, ils se presentent deuant le Thrône du Roy dans vne Sale, sans que le Roy s'y trouue, qui est encore au list; le Maître des ceremonies les vient trouuer, qui leur declare les complimens, qu'ils doiuent rendre, & là dessus vn châcun fait comme il luy est montré: que si quelqu'vn par malheur vient à manquer, ou à faire quelque geste mal-seant, c'est au Maître des ceremonies d'en donner aduis au Roy. Et bien que le coulpable soit le premier à s'accuser, & à demander penitence, ce n'est qu'vne pure ceremonie, dont le Roy ne tient compte.

Les Ambassadeurs semblablement sont obligez aux mesmes deuoirs, quand ils entrent ou sortent de la Cour. Ils sont logez

Bonn

pour l'ordinaire dans vn des Palais renfermez d'vn grand circuit de murailles pres du Palais du Roy: où ils sont traittez Royalement, & à gros fraiz: mais ils ne peuvent sortir de cette enceinte: on leur porte de la Ville, les choses desquelles ils ont besoin: ils ne parlent point au Roy, & mesme ils ne le voyent pas, mais seulement ils traitent par son ordre auec le Conseil des coûtumes, qui les expedie, & les renuoye.

Les Portugais, aux deux fois qu'ils furent mandez en Cour de la Ville de Macao, ne furent pas seulement traitez splendidement auec des magnificences extraordinaires, mais de plus par vn priuilege particulier, ils furent logez au dehors & les principaux d'entr'eux virent le Roy Thienki, frere de celuy qui regne à present, étant encore fort ieune : qui par vne curiosité qu'il auoit de voir des Estrangers, les fit venir en son Palais, & les vid, quoy que

de loing, & eux aussi le virent clairement.

Tous parlent à genoux au Roy. S'il est dans sa Sale Royale auec les Magistrats, ils ne se leuent point, auant qu'il se soit retiré: s'il est malade, ceux qui le visitent, luy parlent de la mesme façon: & auant qu'ils se leuent de terre, on tire vn rideau entre deux, ou bien le Roy se tourne de l'autre côté. Durant qu'ils luy parlent, ils doiuent tenir de la main deuant leur bouche vne petite table d'yuoire longue d'yn pied, & large de trois ou quatre doigts; qui est vne ceremenie ancienne, du temps qu'on parloit au Roy plus familierement, & que par respect il y auoit vn entre-deux, de peur que l'haleine ne paruint insques à luy: Et de plus, comme ils traitoient de quantité d'affaires,, ils auoient vn écrit en main pour soulager leur memoire. A cette heure qu'o luy parle de loing, cette ceremonie seroit inutile si l'on ne vouloit en conseruer l'ysage.

Les habits Royaux ne sont en rien differens des autres pour la forme, si bien pour la matiere, qui est precieuse, & entretissuë de certains Dragos, qu'il n'y a que le Roy & les Princes du Sang, qui les puissent porter. Les Dames s'en seruent particulieremet, & les Eunuques de la maison du Roy, mais c'est auec quelque diuersité. Pour les couleurs, bien que les viues & gayes soient le plus en vsaà la Cour, si est-ce que la iaune est si particuliere & si propre au Roy, & à tout ce qui luy sert, que les autres ne la peuvent porter.

CHAPL 3

CHAPITRE XXIII.

Comme les Roys de la Chine se marient.

V temps que la Chine estoit possedée par plusieurs Roys & Seigneurs particuliers, les vns prenoient en mariage les filles des autres, comme il se pratique en Europe. Mais depuis que tous ces Estats ont pris fin, & que la Monarchie a esté reunie sous vn seul Prince, comme il ne prend iamais de femme étrangere hors du Royaume, il est contraint d'en chercher au dedans, & d'épouser la fille de son subjet. Il est vray que les personnes de condition font difficulté de luy donner leurs filles, pour ce que deuans estre visitées, & reiettées si elles ne plaisent pas, il n'y a point d'homme d'honneur qui veiiille exposer sa fille aux yeux des regardans, & au danger d'vn refus, apres auoir esté veuë, particulierement en des endroits plus cachez que ce qui paroît à l'exterieur. Iamais le Roy ne s'allie, ny ne peut s'allier à aucune de ses parentes, & ainsi on cherche par tout le Royaume vne fille de douze ou quatorze ans, accomplie en beauté, d'vn bon naturel, & encline à toutes les vertus qui sont requises pour vne Reyne; de mesme qu'anciennement on chercha la Sunamite pour Dauid, & Esther pour Assuere: ce qui se fait sans auoir égard à la condition des personnes; d'où vient que le plus souuant la Reyne est fille d'yn Artisan.

Apres qu'on a trouué vne fille telle qu'on peut la souhaiter, elle est mise entre les mains de deux vieilles. Matrones, qui voyent ce qui n'est pas permis à tout le monde de regarder, & observer soigneusement si elle n'a point de tâche au corps; mesme elles la font courir pour la metre en sueur, & voir si la senteur n'en est point des-agreable. Que si ces Dames apres tous ces soins & toutes ces recherches, se contentent d'elle, on la conduit à la Cour auec vne grande suite de semmes & d'hommes, & auec l'equipapage d'vne personne, qui desormais appartient au Roy, auquel elle

est presentée dans son Palais; & apres les complimens ordinaires, le Roy la donne au Prince son sils pour estre sa semme, & cette-cy est la veritable Reyne. Dans le Palais on luy donne quelques Dames vertüeuses, doüées de sagesse & d'experience, pour l'instruire en la vertu, pour la façonner aux ciuilitez & aux façons de la Cour, & pour l'éleuer si bien qu'elle puisse meriter le nom de Reyne, qui est ordinairement Che. mù, c'est à dire, la Mere du Royaume. Et s'il s'en faut rapporter au témoignage de leurs histoires, les Reynes qu'on a ainsi nourries, ont esté semmes de grand merite, presque toutes charitables & aumônieres, & plusseurs d'entre elles prudentes & vertueuses.

Telle fut instement la fille d'vn masson, qui étant paruenuë à la dignité de Reyne, garda toûjours vne truelle, & quand le Prince son fils faisoit vn peu trop du sussissant & du superbe, elle luy monstroit l'instrument dont s'étoit serui son grand-Pere pour crépir les murailles, & de cette saçon elle le rangeoit à son deuoir.

Aux premiers temps, que les Roys prenoient en gré d'estre repris & corrigez de leurs defauts, le Roy Yu, auoit vn Colao, qui les luy reprochoit en pleine audience, sans nul respect. Vn iour, soit que le Roy en eust donné plus de suiet, soit que le Colao eust par trop excedé, l'audience estant finie, le Roy s'en va dans son Palais en cholere protestant de faire couper la teste à vn indiscret. La Reyne luy demanda le suiet de son mécontentement. Vn inciuil & vn rustique, répond-il, ne cesse de me reprocher mes defauts, & encore publiquement: i'ay resolu de luy faire trancher la teste. La Reyne dissimulant prudemment, se retira dans sa chambre, & avant pris ses beaux habits de feste, reuint trouuer le Roy en cét estat. Luy s'étonnant de cette nouveauté, voulut en sçauoir le subiect. Sire, ie viens dit-elle, donner le bon-iour à vostre Majesté. Pourquoy? repliqua le Roy. Dautant que vous auez vn suiet, à ce que vous dites, qui ne craint point de vous dire ouuertement vos defauts, étant chose asseurée, que la liberté qu'vn subiet prend de parler, est fondée sur la vertu & sur la grandeur, de courage que le Prince témoigne à le souffrir. Il y a eu plusieurs Reynes semblables.

Les parens de la fille sont dés aussi tost eleuez aux honneurs & aux charges, leur maison est tenuë pour riche, & pour vne des principales, & tant plus la Reyne s'auance au dedans, tant plus

ceux-cy se poussent au dehors.

Le mariage des autres fils du Roy se celebre de la mesme saçon, excepté qu'on n'apporte pas tant de precaution à leur chercher des semmes, qu'on cherche & qu'on trouue pour l'ordinaire à la Cour mesme. Mais la façon de marier les filles, est bien disferente. On assemble douze ieunes hommes de dix-sept à dixhuict ans les plus gaillards, & les plus gentils qu'on puisse trouuer; on les conduit au Palais dans vn lieu, où la Princesse les puisse voir, sans estre veuë; & apres les auoir bien considerez, elle en designe deux, qu'on presente au Roy, qui en choisit vn de ces

deux là, pour étre son gendre.

Vam-lié, Ayeul du Roy qui regne à present, en vne action semblable voyant l'vn de ces deux ieunes hommes bien vêtu; & l'aurre fort ioly, mais pauure; interrogea cettuy-cy pourquoy c'est qu'il n'étoit pas si bien vêtu que son compagnon. Sire, répondit ce garçon, la pauureté de mon Pere ne me permet pas de porter vn autre estat. Donc, pour ce que vous estes pauure, repliqua le Roy, ie veux que vous soyez mon gendre, & ce sur à bon tiltre qu'en suite de ce choix, il merita d'être loué: puis qu'vn ieune homme ne doit point auoir de honte de consesser sarçons sont renuoyez, qui de là en auant sont nobles, seulement pour cette consideration qu'ils ont esté admis au sort de cette election.

On donne incontinent aux Fum-ma, ce sont les gendres du Roy, deux Mandarins les plus graues de la Cour en qualité de Maîtres, pour les instruire aux letres, aux bonnes mœurs & aux façons de faire des courtisans. Et iusques à ce que la semme ayt eu des ensans, son mary est obligé de luy faire tous les iours quatre reuerences à genoux: mais des aussi-tost qu'elle a ensanté, cette obligation cesse, quoy qu'il y ait toûjours assez d'autres contraintes, qui sont que les hommes de condition ne veulent point être gendres du Roy. C'est aussi pour cette raison qu'on a perdu

la coûtume ordinaire d'en choisir douze : que si le Roy iette nommément les yeux sur quelque personne qualissée, ou sur quelque Docteur de reputation, pour le faire songer, il s'en excuse puissamment; comme il est arriué, de peur que la Princesse venant à se degoûter de son mary, comme on voit assez souuent, ce ne suy soit vne affliction pour toute sa vie.

CHAPITRE XXIV.

De la Noblesse Chinoise.

A Noblesse Chinoise est auiourd'huy bien disserrente de celle qu'on voyolt autrefois, lors qu'y ayans plusieurs Roys, les vns s'allioient auec les autres, qu'ils seservoient de personnes illustres, & qu'ils éleuoient leurs plus proches parens aux

charges importantes, & qu'ainsi les familles se maintenoient durant plusieurs années. Aujourd'huy que la plus haute Noblesse consiste dans les lettres, on voit des Artisans & des hommes de basse condition, monter par ce moyen aux plus grands honneurs; & au contraire à faute de science, decheoir & manquer tout à fait, de sorte qu'il y a peu de familles, qui se conseruent jusques à la cinquiéme generation, dautant que les premiers poussez par la necessité & par le desir de passer plus auant, trauaillent & étudient pour gaigner vne charge, ou vn gouvernement: les autres qui les possedent déja, qui naissent dans les richesses, & sont nourris dans les delices, se laissans aller aux plaisirs de la vie, & aux vices qui les accompagnent, étudient peu & dépenfent beaucoup, & ainsi en peu de temps ils retournent à la premiere condition de leurs ancestres. Ce n'est pas qu'il ne reste encore quelque image & ressemblance de l'ancienne Noblesse, qui peut estre reduite à cinq Estats, ou à cinq ordres, laissant à part le peuple qui est sans nombre.

La premiere Noblesse est du Roy, du Prince, de ses Enfans, & de toute la maison Royale, qui se maintient & conserue en cette

sorte. Le Prince succede au Roy en la façon que nous auons dit

cy-dessus.

Le Roy assigne à ses enfans vne maison hors de la Cour, dans vne Prouince ou Cité, auec des Palais, ameublemens & services à la Royale; des rentes & reuenus au mesme endroit, & de l'ar-

gent à proportion tiré de ses finances.

On disoit que celuy de la Prouince de Xensi, où i'ay demeuré quelque temps, auoit trois cens soixante mille escus de reuenu. auec la qualité de Roy: & les Officiers le confideroient en cette qualité, & alloient tous les premiers & quinziémes iours de la Lune, luy faire la reuerence, comme on la rendà la Cour: rien ne luy manquant pour estre effectiuement Roy que l'authorité, n'en ayant aucune ny sur le peuple ny pour le gouvernement, à cause que le Roy la retient toute pour soy, n'ayant pas mesme la liberté

de sortir de la Ville & du détroit, où il fait sa residence.

L'aisné succede aux Estats & aux biens du Pere; les autres se marient & font maison à part, estans beaucoup moins que luy; quoy qu'ils soient toûjours grands: le Roy fait leur partage, & donne à vn châcun ce qui luy appartient, d'où vient que s'eloignans peu à peu en degrez de parenté, leur bien semblablement se diminuë iusques à n'y auoir que quatre-vingts escus de rente, pour châcun: mais quand on est venu-là, il faut s'arrester, le Roy n'ayant point de parent pour reculé qu'il soit de la souche de sa famille, qui n'ait ce reueuu. Encore faut-il presupposer que ses décendans ayent les conditions requises : car si elles manquent, tout leur manque pareillement.

La premiere condition est, que ce soient des mâles; car autrement si ce sont des filles, on n'en tient point de compte, & le Pere les marie à qui, & quand il veut, pourueu que ce ne soit pas auec des Seigneurs de leur Sang, comme aussi les fils sont obligez de prendre alliance auec des femmes d'autres familles que de la leur, & mesme les fraiz qu'il faut faire, se font aux dépens des

maries.

La deuxième est que le fils soit legitime né de la propre semme, à l'exclusion non seulement des bâtars, mais encore des autres, s'il y en a, nez de Concubines.

La troisième dés aussi-tost qu'vn sils est né, le Roy en doit estre auerty, pour luy donner vn nom, & l'écrire sur ses registres.

La quatriéme ayant atteint l'âge de quatorze ans, on presente vn nouveau memoire au Roy, pour le prier qu'il luy ordonne la moitié des gages, qu'il doit puis apres recevoir tous les ans.

La cinquiéme, quand il est paruenu à l'âge de se marier, il donne encore vn memoire au Roy, luy demandant la permission de faire sa maison: & c'est pour lors qu'il reçoit l'entier payement du reuenu qui luy est aisigné.

Tels sont les Princes du Sang, sortis de la maison du Roy en lignedroite: & ceux-là ne peuuent pas demeurer dans les Cours de Pequim, & de Nanquim, ny dans toutes les Prouinces indisferemment, mais seulement en quelques lieux: Ils sont bien tant, qu'à ce qu'on croit, il y en a insques à soixante mille entretenus du Roy en la façon que i'ay dit. Ils ont cét aduantage de pouvoir se seruir de leur industrie, achepter des marchandises, & trassiquer.

Il y a vn Mandarin particulier expressément pour eux, pour ce qui concerne leur gouvernement, pour presenter leurs memoires au Roy, pour decider leurs differents, & pour les châtier, quand il est necessaire. S'ils ont quelque chose à deméler auec d'autres, qui ne soient pas de leur Sang, la cause est suiette à l'ordinaire, qui a bien le pouvoir de les rendre, mais non pas de les punir. Que si quelqu'vn d'eux commet vn excez notable, incontinent on en donne auis au Roy, qui les consine pour toute leur vie dans vn Château spacieux, destiné pour cela, entouré de hautes murailles, situé dans la Prouince de Kiamsi.

Le second ordre de Noblesse est des qualifiez, ou gens tiltrez, qui n'est qu'vne ombre de celuy qui étoit anciennement, & celuy-cy se diuise encore en quatre diuers ordres. Le premier des Quecum, qui est vn tiltre nouveau, n'a que quatre familles descenduës des quatre plus vaillans Capitaines, que le Roy Humveleua aux dignitez de son Royaume, pour l'auoir assisté contre les Tartares. Ils sont comme les Capitaines Generaux de la Guerre qui se trouvent en cette qualité, aux actions militaires les

plus importantes, qui se sont dans la ville où ils ont leur demeure: iamais pourtant ils ne vont à la guerre. Au second sont les Heus. Au troisième les Pe. Au quatrième les Chi-ho-ei, tous tîtres anciens. Ils ont commandement aux armées auec de suffisans reuenus, & succedent à la puissance, à l'authorité & aux charges de leurs parens. Bien qu'ils cedent à plusieurs des Officiers lettrez, si est-ce que dans les assemblées, qui se sont dans la Sale du

Roy, ils ont la preseance.

Le troisséme ordre comprend tous ceux, qui ont, ou qui ont eu l'administration du Gouuernement de l'Estat, soient-ils Officiers de guerre, comme les Generaux & Capitaines, soient-ils Magistrats Politiques tant les grands, comme les Colaj; que les petits, comme tous les Mandarins qui sont à la Cour, aux villes, & aux moindres villages. On y reçoit encore ceux, qui n'ont eu aucun gouuernement, mais qui sont sur l'Estat pour y entrer, à sçauoir les Graduez Docteurs, Licenciez & Bacheliers. Et pour dire en vn mot, tout cét ordre est composé d'hommes lettrez.

Le quatriéme est des Estudians, lesquels, bien qu'ils n'ayent pas receu leur degré, seulement pour ce qu'ils étudient & qu'ils sont en la voye de pouvoir l'obtenir, sont mis au rang des nobles,

& traitez comme tels, mais sans autre priuilege.

Le cinquiéme est de ceux, qu'on appelle Netta, qui viuent de leur trafic ou de leurs rentes, & qui sont d'autant plus honorez qu'ils sont plus riches; & quoy qu'ils n'ayent ancunes lettres, le peuple les respecte beaucoup; ils n'ont iamais neantmoins tant de credit que parmy nous.

CHAPITRE XXV.

Du Gouvernement de la Chine & des Officiers.

E Principal gouvernement de la Chine, qui embrasse l'Estat de toute la Monarchie, est divisé en six Confeils, qu'ils nomment Pù. Ces Conseils n'ont pas seulement l'intendance des affaires aux deux cours, où ils resident, mais mais ce sont eux, qui comme des premiers Mobiles, d'où les autres dependent, donnent le branke au reste du Gouvernement, & c'est aux Ossiciers, qui les composent, que toutes les causes & matieres, qui concernent tous les particuliers, sont subordonnées auec vn raport merueilleux, & vne obeissance incroyable.

Châque Conseil a son President, qu'ils appellent Chamxu, auec deux Assesser, dont l'vn nommé Coxilam, & qui est le premier tient la main gauche; l'autre qu'ils appellent Teu-xilam, est à la droite. Ce sont les premiers, & les plus auantageux Offices du Royaume, excepté les Colaj, desquels nous parlerons cy-apres, de sorte qu'vn Vice-Roy de quelque Prouince que ce soit, mesme des plus considerables, apres auoir donné des témoignages de sa suffisance, s'il veut passer plus auant, croit être bien pour-ueu, s'il peut être non pas President de ces Conseils, mais seulement vn des Assesser de la main gauche ou de la droite.

Outre ceux-cy, qui sont les principaux du Conseil, il yen a dix autres du mesme Tribunal, tous presque égaux en dignité, qui sont distribuez en diuers Offices, & occupez à diuers employs. Aioûtez à ceux-cy quantité d'Officiers grands & petits, à sçauoir Notaires, Escriuains, Secretaires, Ministres, Capitaines de Iustice, & plusieurs autres, qui ne sont point en vsage dans les

Royaumes de l'Europe.

Le premier Conseil, qui a le plus d'authorité & qui reçoit plus de gages, est le Conseil d'Estat, nommé Si-pù. C'est à luy qu'appartient proprement de proposer les Ordonnances generales du Royaume touchant les charges, de les changer & de les auancer. Pource que délors qu'on a vne fois eu la prouision d'vn Office, on va toûjours montant par degrez aux plus hautes charges, & nul n'est exclus du gouvernement, sinon pour des fautes notables, qu'il a luy-mesme commises, ou ceux qui luy appartiennent, comme sont ses enfans, ses plus proches parens, & semblables personnes, de qui les manquemens doivent luy estre imputez. C'est encore à la mesme chambre qu'appartient le droit de relever ceux, qui sont decheus de leur Office; comme si vn Mandarin par quelque accident est privé de sa charge, il y rentre aysément, & on se serve

de luy sans difficulté; aussi font-ils quantité de lourdes fautes.

Le deuxième est le Conseil de guerre, dit Pim-pù; qui a authorité aussi bien que le Conseil d'Estat, sur tous les Magistrats de Lettres, & sur les autres Officiers de guerre, & connoît generale-

ment des affaires de la Milice, & sert beaucoup.

Le troisième est vn Conseil des coûtumes, nomme Lim-pù, qui pour n'auoir pas tant d'authorité ny de si gros appointemens que les autres, n'est pas moins considerable; les Mandarins, qui le composent, estans du College Royal Han-lin, qui viennent jusques à estre Colaj, la premiere dignité de la Chine. Ce Conseil prend connoissance de tous les Actes de lettres, des Temples, des ceremonies, des Bonzes, des Estrangers, des Ambassadeurs, & choses pareilles.

Le quatriéme, qui est le Conseil du Domaine du Roy, qu'ils appellent Hu-più, a le maniement des reuenus du Roy, des daces, des gabelles, des imposts, & vniuersellement de tout ce qui

concerne le Domaine.

Le cinquiéme est nommé Cum-pù, qui a la surintendance des ouurages publics & particulierement des bastimens du Roy, de son Palais, des Palais de ses Enfans, de ceux des Officiers, des murailles des villes, des portes, des carrieres, des ponts; & qui a la charge de tenir les riuieres nettes, & de pouruoir aux Vaisseaux, qui sont équipez pour le seruice du Roy & des armées.

Le sixième est la Chambre criminelle, qui connoît des crimes & des châtimens, & luge des causes criminelles les plus impor-

tantes. Il se nomme Him-più.

Outre ces six Conseils, qui sont les principaux de la Cour, il y a neuf autres Chambres ou Tribunaux: Ki-eù-Kim se nomment-ils auec diuerses charges, qui regardent particulierement

la maison du Roy.

Le premier est le Thaj-lisu, comme qui diroit la grande raifon, composé de treize Mandarins, à sçauoir vn President, de deux Assesseurs, & de dix Conseillers. C'est comme la grande Chancellerie du Royaume, qui voir en dernier ressort les sentences des Tribunaux de la Cour, & traite des affaires de plus grande importance. Le second se nomme Quan-lò-su, qui tient la place du Grand Maistre, & a le soin de pouruoir à la table du Roy, & aux besoins de la Reyne, des Dames, des Eunuques, de faire toutes les dépenses du Palais, de payer les gages des Officiers de la Cour, & des autres qui viennent pour les affaires publiques, de traiter les Ambassadeurs Estrangers, & telles autres personnes. Ce Conseil a vn President, deux Assesseurs, & six Conseillers.

Letroisième, qu'ils nomment Thai-po-cu-su, est comme la grande Escurie du Roy, qui a la charge non seulement des cheuaux destinez à son service, mais de toutes les postes, & generalement de tous les autres qui servent, au bien commun de l'Estat,

Il y a pour ce sujet vn President auec six Conseillers.

Le quatrième est le Maistre des ceremonies & des complimens de la Cour. Aussi se trouue-t'il à toutes les ceremonies des actions publiques du Roy, aux sestes, aux temps, & aux occasions qui se presentent, & mesme à celles de tous les iours, qui se sont le matin dans le Palais, aux entrées & aux sorties, comme i'ay déja dit auparauant. Il a vn President, deux Assesseurs, & sept Conseillers.

Le cinquième est des coutûmes pour les choses plus particulieres; & quoy qu'il soit différent du premier, si est-ce qu'il obserue les mesmes formes auec ses Assesseurs; il a le soin des sacrifices, qui se sont à la sepulture des Roys, aux montagnes, aux bois, & de tout ce qui en depend, comme des Chantres, des instrumens de Musique, & des Animaux destinez aux sacrifices.

Il y a de plus en la Chine vn Tribunal particulier, qui n'a charge que des memoires qu'on presente à sa Majesté, & ressemble à vne Chancellerie des Requestes, de façon qu'il n'y a que celles qu'elle approuue, qui soient presentées au Roy. Ce Tribunal su la cause, qu'en la persecution qui s'émeût contre les Chrestiens l'an 1616. comme les nostres vouloient rendre raison de la loy qu'ils preschoient, & des accusations dont on les chargeoit, jamais nostre Requeste ne pût passer, estant toûjours rejettée.

Adioustez trois autres de mesme saçon dans vne diuersité de charges & d'Ossices. Outre lesquels il y en a deux, dont l'vn se nomme *Qholi*, & l'autre *Tauli*: qui bien qu'ils ayent l'œil sur

diuerses

diuerses Prouinces, & qu'vn châcun s'applique aux affaires, qui luy sont particulieres, si est-ce que leur propre occupation, & leur principale charge est de prendre garde aux manquemens & aux desordres du Royaume, & d'auertir le Roy tant de ses desauts particuliers s'il en a, que de ceux des Mandarins & de leur gouuernement: & comme il n'y a pas grande peine de parler des sautes d'autruy, ceux-cy le sont aysément auec vne grande liberté, &

le plus souuent auec beaucoup d'iniustice.

Leur stile est de dresser vne remonstrance, & de la presenter au Roy, sans qu'elle passe par la Chancelerie, & dés aussi-tost Fàc'heo, comme ils disent, c'est à dire on la transcrit, & puis on la donne à des Escriuains destinez pour cela, qui en sont plusieurs copies, lesquelles sont distribuées par les premiers Courriers par tous les endroits du Royaume: de sorte qu'on sçait incontinent par qui, & contre qui, ces memoires ont esté donnez, & tout le mal, qu'ils contiennent de quelque nature qu'il soit. Ces remonstrances, qu'ils appellent Puen, estans ainsi publiées, il faut que le coûpable, ou le Magistrat, dont il s'agit, face au plûtost deux choses, soit de gré, soit de force. La premiere est de presenter vne autre Requeste, non pas pour se iustifier, ny pour s'excuser, ce qui seroit pris pour vne marque de peu d'humilité; mais pour confesser que le Tauli a tres bonne raison, & luy le tort, qu'il a manqué, qu'il merite penitence, & qu'il est prest de receuoir le châtiment qu'on voudra luy donner. La deuxiéme est de se retirer promptement, & de quitter son siege, sans faire aucun acte de lustice, sans donner audience aux parties, & sans terminer aucun procez, iusqu'à ce que le Roy ait répondu à la Requeste, & declaré sa volonté; qui est par fois fauorable, & pour lors il est permis à l'accusé de reprendre les fonctions de son Office; mais d'autres-fois elle est contraire, & des-auantageuse, plus ou moins suiuant l'énormité du crime. Il est sans doute, que cette façon d'agir, si elle estoit pratiquée conformément aux loix de la raison, & aux regles de la bonne conscience, ne seruiroit pas peu pour l'administration de la Justice, & pour le bon gouvernement de l'Estat; comme au contraire c'est une porte ouuerte à beaucoup de mécontentemens & de disgraces, quand la raison n'y est pas obseruée.

obseruée. Il arriue assez souuent, qu'vn Mandarin pour vouloir faire sa charge, & s'acquiter de son deuoir, se fait des ennemis; & si ce sont des personnes liées d'interest, de sang, ou d'amitié auec quelques Officiers de ces deux Tribunaux, on luy ioüe bien-tost vne piece à la Cour: on fait voler par tout les memoires, de sorte que si Dieu n'ayde mon pauure Mandarin, il est perdu. Particulierement si c'est vn des petits, comme luges, compagnons des Gouverneurs, & Mandarins d'armes, il ne saut qu'vn seul coup pour l'abbatre. Il y a plus de difficulté pour les Grands, encore que les Tauli, & les Quoli ne manquent pas d'occasion pour les attaquer, & pour les poursuiure, sans s'arrester, iusques-la mesme que le Roy quoy qu'il ait de l'inclination pour eux, a de la

peine à les sauder.

Il arriua vne chose pareille au Tyran Xin, qui estant à Nanchim l'an 1626, suscita vne persecution contre les Chrestiens,& fit bannir les Peres, comme il se verra en son lieu. Estant en suite paruenu à la dignité de Colao, il fit arborer quatre estendars aux quatre coings de son Palais, auec plusieurs autres tesmoignages d'une extraordinaire réjouissance; dequoy ie fus tesmoin, m'estant trouvé pour lors dans sa ville, qui est Hancheu. Mais soit que nostre Seigneur voulût le chastier, pour les persecutions suscitées contre son peuple; soit qu'il meritast mesme d'estre puny selon les loix humaines pour d'autres crimes particuliers, ou pour mieux dire, pour tous les deux ensemble, si tost que ses prouisions furent venuës, auant qu'il se fust mis en chemin pour aller à la Cour; on dressa contre luy vn memoire si sanglant, qu'vn Mandarin Chrestien me dit, qu'il luy seroit impossible de plus leuer la teste, & de vray il abbatit ses estendars, & s'en courut promptement auec les simples ceremonies ordinaires. Il ne manquoit pas d'esprit, ny de faueur auprés des Dames, & des Eunuques du Palais, qu'il auoit acheptés à force d'argent. Aussi luy sirent-ils expedier le memoire en sa faueur, & luy moyennerent son entrée à la Cour. Cela n'empescha pas qu'on ne dressast incontinent apres vn second memoire contre luy, & d'autres consecutiuement iusques au nombre de vingt-sept, de telle sorte que le Roy mesme n'ayant pas la liberté de le conseruer, il sur contraint d'abandonner son gouvernement, & de se retirer en sa maison.

Par dessus toutes ces compagnies de sustice, il y en a vne souueraine, qui est la premiere dignité du Royaume, où personne ne peut estre reçeu, sinon ceux du College Royal, qu'ils appellent Han-lin, apres qu'ils ont long temps gouverné: & rendu des témoignages si illustres de leur probité, & satisfait au public auec tant d'avantage, qu'on n'ayt iamais presenté des memoires contre eux. On les nomme Colao, qui ne sont ordinairement que

quatre; & ne pouuans pas estre plus de six.

Le vieux Roy, Ayeul de celuy qui regne à present, n'en creoit iamais plus'd'vn disant, que le reste estoit supersu. A proprement parler, la dignité de Colao n'est pas vne charge particuliere. Ils doiuent prendre garde au gouvernement general de l'Estat; & sont à plus pres come les Souverains Presidens de tous les Conseils, & des Gouvernemens; quoy que iamais ils ne s'y trouvent, seulement ils assistent le Roy dans les expeditions des affaires, & ils doivent se tenir dans le Palais, pour répondre aux Requestes, qu'on presente à toute heure, quand le Roy ne peut pas s'y trouver en personne. Apres quoy ils sont obligez d'aller trouver le Roy & de luy communiquer leurs conclusions, sur lesquelles il fait instice aux parties, & prononce la dernière sentence.

Ces Colaj sont extremement considerez de tous les Magistrats qui viennent à certains temps, leur faire la reuerence dans vne Sale publique, comme à leurs Superieurs. Les Colajse tiennent debout pendant cette ceremonie & tous les Officiers passent suiuant leur rang, & quand ils sont deuant eux, ils se tournent, & leur sont vne prosonde reuerence iusques en terre. On nomme cette ceremonie Quo-Tham, c'est à dire, passer la Sale. Leurs liurées sont disserentes de celles des autres, & principalement leur ceinture est enrichie de pierres precieuses, qu'ils appellent Tù-xe. Il n'y a qu'eux dans le Royaume qui puissent la porter: aussi la reçoiuent-ils de la main du Roy, comme sont les Cheualiers en Europe le collier de leur Ordre: ou bien s'ils sont malades, le Roy la leur enuoye de son Palais, par vn Eunuque, qui est richement payé de ses peines, ne receuant pas moins

de cinquante escus, qui en valent plus de deux cens de nostre

monnoye.

Outte tous ces Gouverneurs Generaux, qui gouvernent la Cour & le Royaume, châque Ville, & Cité en a vn particulier, qui observe par toutes les Provinces indifferemment l'ordre que nous dirons cy-apres.

CHAPITRE XXVI.

Du Gouuernement des treiZe Prouinces.



PRES auoir parlé du Gouuernement general du Royaume, qui reside aux deux Cours Royales, il faut en suite parler du Gouuernement particulier des Prouinces, dont châcune a autant d'étenduë qu'vn grand Royaume, qui a son Siege ordinaire en la Ville Capitale, & qui est formé de cinq compagnies

ou Tribunaux, auec vn pouuoir vniuersel sur toute la Prouince, distinguez en charges & en Offices. Il y en a deux Souuerains, à qui tous les autres tant des Villes, que des Villages doiuent ceder, toutes sans aucune dependance, ne releuans que du Prince, & des Sieges Royaux. Ces compagnies sont composées d'un seul

President, sans Assesseurs, & de plusieurs Officiers.

Le premier de ces deux Tribunaux, est le Vice-Roy de la Prouince, qu'ils appellent Tutham, ou Kiun-Muen: de qui l'authorité s'estend sur tous les Magistrats, & sur le peuple de la Prouinee. Son gouvernement dure trois ans, pendant lesquels, il entretient divers Courriers, qui vont & viennent de la Cour à certains temps, pour rendre compte de tout ce qui se passe dans son détroit. Il est receu dans son Gouvernement auec magnisicence; dés aussi-tost, qu'il est party de la Cour, la plus-part de ses Officiers luy vont au devant; de Ville en Ville, il est accompagné superbement à cheual & à pied; & quelques Capitaines auec trois mille Soldats, & tous les Magistrats auec le peuple, le

Aa 2

vont receuoir à trois lieuës de la ville principale, où il doit faire sa

residence.

Le second, qui n'est pas moins absolu, se nomme Cha-yuen: nous n'auons point de charges pareilles en Europe; c'est comme le visiteur de la Prouince. Son pouvoir finit auec l'année. Il est craint & redouté, dautant qu'il peut connoistre de toutes les causes criminelles & ciuiles, tant de la Milice, que du Domaine du Roy; & generalement de tout. Il fait se visites, ses enquestes & ses informations, mesme sur les déportemens du vice-Roy. Il a l'authorité de chastier, & de deposer les Iuges, & les petits Mandarins de leurs charges. Il envoye des memoires en Cour contre les grands Mandarins, qui sont délors suspendus des sontions de leur office, iusqu'à ce qu'ils ayent receu la response du Roy.

C'est luy qui fait executer les sentences de mort données par tous les endroits de la Prouince, & pour ce suiet il ordonne le iour & la ville, où tous les condamnez doiuent estre conduits, pour en sçauoir le nombre, & les noms. Il n'en marque que six ou sept auec vn pinceausautrements'il en marque plus, il est pris pour vn cruel; & ceux-cy sont executez sur le champ, les autres sont renuoyez en prison comme auparauant. C'est pareillement des deupirs de sa charge de faire la visite des murailles, des Chasteaux, & de lieux publics. Iamais il ne sort, qu'auec vne grande suite, enseignes déployées, & auec les autres marques de rigueur & de

Maiesté. Cette dignité est l'ordinaire.

Il y en a de temps en temps, vne autre extraordinaire de mesme nom, qui est creée à la requeste de la Reyne: dont le pouvoir est absolu; mais ce n'est que pour les pardons & pour les graces. Car il visite les prisons de toute la Prouince, & met en liberté les prisonniers, qui sont detenus pour des fautes legeres, sans auoir de parties aduerses; & pareillement tous les miserables, qui sont dans l'impuissance de pouvoir estre deliurés. Il embrasse les causes reiettées, & les personnes sans appuy: il corrige les sentences mal jugées; il se rend protecteur des pauvres; & en vn mot il ne tend qu'à la misericorde.

Le troisiéme office est celuy du Thresorier qui a l'intendance

& l'administration du Domaine du Roy, dans la Prouince, sous la direction du Conseil du domaine, qui se tient à la Cour. Il a deux assesseurs, l'vn à sa main droite, l'autre à sa gauche: & chacun d'eux a son logis & son bureau dans le mesme apartement au Palais Royal: sans compter vingt-six petits Mandarins, dont les charges & sonctions sont differentes, & quantité d'autres of-

ficiers, qui seruent en cette compagnie.

C'est luy qui connoit des doisannes, des gabelles, & de tous les droits Royaux de quelque qualité qu'ils soient : qui regle les poids & les mesures pour le commerce : qui iuge de tous les differens, qui suruiennent au maniement des finances: qui punit & chastie les coupables, ou les renuoye à tel iuge que bon luy femble: qui paye les Magistrats, les patentes du Roy, les Capitaines, & les soldats, qui fournit aux frais & aux despenses necessaires des examens: qui pouruoit de liurées & d'enseignes aux Gradués: qui distribuë l'argent pour les ouurages publics, comme font les grands chemins, les ponts, les Palais des Mandarins, & les vaisseaux de guerre. Enfin il a vne sur-intendance generale sur tout ce qui entre, ou qui sort des coffres du Roy. C'est aussi luy, quireçoit les reuerences & les droits du Roy, de la main des iuges, des gouverneurs, & des Tauli, chacun en son destroit, en monnoye de pur & fin argent, & puis, il le fait fondre en lingots, de cinquante escus chacun, auec le coing du Prince & le nom du fondeur, pour sçauoir à qui s'en prendre, en cas que l'argent eust esté falsifié: & de cette façon on le porte dans les coffres du Roy.

Le reuenu d'une prouince se partage en trois parties, l'une est mise dans le thresor de la ville pour les dépenses extraordinaires, & l'autre dans les cossres du Thresorier pour les frais ordinaires, & gardée par des soldats, qui veillent toute la nuict à l'entour, nonobstant qu'elle soit bien fermée de portes & de serrures: la

troisième est conduite à la Cour auec seure garde.

Cét argent est mis & renfermé dans des pieces de bois rondes, creuses par dedans, & coupées par le milieu, & iointes & reunies ensemble auec des cercles de fer, & bouchées pareillement par les deux bouts auec des plaques. Chacune de ces pieces de bois contient autant d'argent, que deux hommes en peuvent porter.

Aa 3 Le

Les reuenus de tout le Royaume suiuant la supputation qu'en a fait le Pere Mathieu Ricci, qui a demeuré long-temps à la Chine se montent à cent cinquante millions, comme on le peut voir dans vn liure imprimé l'an 1621. le Pere Iean Rodriguez personnage fort curieux, & bien versé dans la connoissance des affaires de ce Royaume, qu'il auoit parcouru durat plusieurs années, dans vn écrit qu'il a laissé de quatre choses remarquables en la Chine, dit que les droits du Roy montent iusques à cinquante-cinq millions. Pour les accorder toutes deux, ie pense qu'il faut dire que ce qui se leue sur tout le Royaume, est de cent cinquante millions, mais que ce qui se porte à la Cour est de cinquante-cinq, le reste demeurant dans les Prouinces pour le payement des Officiers & pour les autres dépenses necessaires à vn si grand Estar. Comme ie n'ay fait aucune recherche particuliere sur cette matiere, ie n'aioûteray rien au témoignage de ces deux graues personnages.

Le quatrième Tribunal, qu'ils appellent Gand-chasci, comme qui diroit la chambre criminelle, a deux Assesseurs ou Tauli: qui ont le soing de visiter les detroits, & les dependaces des Villes & des Prouinces, pour rendre la Iustice aux parties: châtier les coûpables, & exercer les autres fonctions de leurs charges, qui s'étendent mesme sur les Soldats, & sur les affaires de la Marine, aux

Prouinces voisines de la Mer.

La cinquiéme compagnie est comme vne Academie de gens lettrez instituée pour examiner les estudians, leur donner le degré, & particulierement pour auoir l'œil sur les Bacheliers, qui sont de leur iurisdiction, iusques à ce qu'ils ayent reçeu le bonnet de Docteur. Le chef qui preside à cette auguste assemblée, est vn Chancelier, qui visite de temps en temps les Villes, & les Cités, pour s'informer des deportemens des personnes de lettres, & selon qu'il les trouue coûpables, les reprendre, les châtier, & mesme les priuer de leur degré, leur laissant neantmoins la liberté de pouvoir, comme i'ay dit à vne autre occasion, se presenter derechef à l'examen.

De plus châque Ville a deux personnages, qu'on nomme Hioquon, c'est à dire Mandarins des sciences, qui sont de cette mes-

me compagnie, dont l'authorité ne s'estend que sur les Bacheliers de cette Ville & de son territoire. Quoy qu'ils n'ayent pas le pouvoir de conferer, ou d'oster les degrez à vn coûpable, mais seulement de les punir: ils sont neantmoins les plus sâcheux; d'autant qu'ils sont leur residence actuelle au mesme lieu, & qu'ils sont comme des Presects de classe, qui sont venir & examinent les Escoliers.

Toutes ces charges dont ie viens de parler, ont authorité sur toute la Prouince, & sur toutes les Villes, Bourgades & lieux par-

ticuliers compris dans son enceinte.

De plus les Villes ont vn gouvernement particulier, comme dans nostre Europe, conduit par quatre principaux Mandarins, dont l'vn est comme le Gouverneur, qu'ils appellent Chi-fu, c'est à dire le President, les autres sont ses assistans, qui se nomment Tum chi, Thum-phuon, Cheu-quon, auec leurs sieges separez, & leurs Officiers propres.

Ie ne compte point dix-neuf Magistrats subalternes, employez diuersement par toutes les Villes: deux desquels ont vn President & quatre Conseillers: neuf autres vn seul President auec vn Asfesseur: & les autres huich, vn seul chef, qui preside sur toute la compagnie, & sur tous les Officiers & Ministres de cette Iustice.

Les Villages ont aussi vn luge, & trois assistans, le luge se nomme Chi-hien, le premier assistant Hon-chin, le second Chu-fu, le troisséme Tun-fu, tous lesquels ont leurs Palais, & leurs parquets distincts & separés les vns des autres, comme encore les Secretaires, les Ecriuains, & les autres Officiers sub-ordonnés: le luge peut bien porter sentence de mort, mais il ne peut pas la mettre en execution.

Outre ces Mandarins, qui font leur residence dans les Villes & dans les Bourgs, il y en a quelques-vns, qui n'ont pas l'authorité de condamner, ny de punir, mais seulement de faire leur raport aux compagnies: ce sont comme des Referendaires. Les grands Châteaux écartez des Villes & des Bourgades, ont aussi des Mandarins, qui sont pris de petits écriuains, car le moins que les grands peuvent esperer, est d'estre Conseillers & Assesseurs d'vn luge de Village.

Pour

Pour terminer ce discours, ie dis qu'il y a trois choses, qui rendent le gouvernement de la Chine plus aysé, & les imposts, qui s'y leuent, plus certains & asseurez. La premiere est que les officiers, & grands & petits, ne sont point si absolus que les nostres: l'autre, qu'aucun laboureur ne loge ny aux villes, ny aux villages, mais ils sont tous au milieu des campagnes sous vn chef, nommé Lichare. Et la troisième est que les maisons sont distribuées de dix en dix, comme des Decuries, sous yn Dixenier.

CHAPITRE XXVII.

Des marques & liurées des Mandarins.



anamare Ovs les officiers, qui ont, ou qui ont eu commandement, conseruent curieusement les marques de leur dignité, qui les distinguent non seulement du vulgaire; mais encore des autres lettrez, & des autres personnes de condition. Il y en

a de cinq fortes, le bonnet, l'habit pour ainsi parler, la ceinture, les bottes, & la robe.

Le bonnet est de soye noire, doublé d'vne certaine estofe dure & forte, de la mesme forme pour toussil y a quelque peu de difference en ceux des Colai, que les Chinois appellent Xamao.

L'habit, que ie nomme ainsi pour n'auoir pas de mot plus propre, ny chose aucune, qui luy ressemble, est vne piece quarrée, qu'ils portent sur la poitrine, richement trauaillée tout à l'entour & rehaussée au milieu de la deuise de leur charge ou dignité, & comme les charges sont differentes, les deuises le sont aussi. Elles se nomment Phi-zu. Les Magistrats lettrez prennent des Aigles, & des Soleils, & les Officiers d'armes, des Pantheres, des Tigres. & des Lions.

La ceinture, qui n'est pas faite pour se ceindre, estant large de quatre doigts, & attachée aux costez, de peur qu'elle ne tombe, se nomme Quon Thai, elle est diuisée en petits carreaux, & s'attache sur le deuant auec des grandes agraphes saites de cornes de bussel, de rhinocerot, d'yuoire, d'escailles de tortuë, de bois d'aigle, de calambo, d'argent, d'or & de pierres precieuses. Il est vray qu'il n'est pas permis indisseremment à chacun de choisir telle matiere qu'il voudra: il saut qu'il se conforme à la charge qu'il exerce. Celle qui est de pierres precieuses, nommée Yu-xe est vn present que le Roy sait aux Colaj, quand ils prennent possession de leur charge, sans qu'il soit permis à aucun autre, d'en porter de semblables.

Les bottes nommées Hiue, sont d'vne façon toute particuliere, de couleur noire, & retroussées.

La forme de la robe, qui se met sur les habits ordinaires, est la mesme pour tous, large, ample, & de sort bonne grace. Quoy que la couleur depende du choix & de la volonté des personnes: neantmoins les couleurs modestes sont les plus communes, si ce n'est aux jours de sesses, qu'ils prennent le cramois.

Telles sont les marques des Magistrats, quand ils paroissent en public: car ils ne portent dans la maison que les vestemens ordinaires des personnes de lettres; de mesme qu'aux visites de leur amis, aux baquets, aux lieux de plaisances, & sur tout quand il fait chaud. La marque la plus sensible, quand ils vont dehors, est vne chaire ou vne litiere d'yuoire, garnie d'or, sans estre aucunement couuerte, de sorte qu'on les peut aysément voir. Il y en a, qui sont à deux, à quatre, à six, & mesme à huict hommes, suiuant la condition du Mandarin. Celles de six, ou de hui &, sont portées à tour par quatre; les vns se reposans tandis que les autres trauaillent. Leur train, & leur suite est disferente: les plus qualifiez font marcher bien loin deuant eux, deux hommes, qui vont crians tout le long du chemin, ayans en main yn baston rond de la longueur d'vn homme, plustost pour donner de la terreur, que pour autre vsage, n'y ayant que le Roy qui puisse fraper de cette sorte de baston. Deux autres suiuent apres auec des tables d'argent, qui portent escrit en grosses lettres, le tiltre & la dignité du Mandarin. Quatre viennent en suite traisnans des cordes de cotton, qui sont les fouëts du pays, Bb

d'autres portent des chaisnes en main, & semblables instrumens de supplice. Vn peu deuant la chaire on fait marcher vn ou deux daiz de soye, aussi grands châcun que trois des nostres. A vn des coins de la chaire, vn homme porte vn esuentail si vaste & si pesant qu'il a bien de la peine à le soustenir, pour resister aux rayons du Soleil, les daizne seruans que de parade. Tout deuant la chaire est le Sceau du Roy dans vn coffre doré, sur vne machine presque semblable à celles, dont nous nous seruons pour porter les images & les reliques des Saints aux processions, auec vne coupe appuyée sur quatre petits piliers. Les pages, les gens de pied, & de cheual marchent derriere.

Quand il marche par les ruës, s'il y a quelque chose mal rangée, ou peu seante aux senestres des maisons, comme des draps à seicher, il faut l'oster: s'il se trouue en son chemin des charretes, & des machines, comme celles, dont on se sert pour enterrer les morts, on les demonte. Les personnes de condition euitent tant qu'ils peuuent telles rencontres, & prennent vn destour: les gens de cheual mettent pied à terre, ceux qui se sont porter en chaire, s'arrestent, & le peuple se range des deux costez de la ruë, auec vn prosond silence, & vn estonnement particulier, sur tout, quand c'est vn des principaux Mandarins. Luy cependant est dans sa chaire auec vne telle grauité, & vne contenance si seuere, qu'il ne remuë pas seulement les yeux; aussi est-ce vn desaut notable en vne personne de cette qualiré, de ietter les yeux çà & là.

Quand il font leur premiere entrée dans vne ville, outre la suite ordinaire qui les accompagne tout le long du chemin; les soldats des villes par où ils passent, & les officiers de leur iustice, leur vont au deuant des iournées entieres; les soldats de leur gouuernement les vont receuoir à ie ne sçay combien de lieuës; les petits Mandarins sortent hors des murailles de la ville, & les plus venerables veilliards auec leurs barbes blaches, se tiennent de genoux autour des portes, pour se conioüir de leur arriuée, & leur donner des asseurances au nom de tout le peuple, qu'ils sont les bien-

venus.

Les meres & les femmes des officiers, à proportion que leurs enfans & leurs maris se poussent & s'auancent dans les charges publi

publiques, reçoiuent aussi du Roy certaines marques particulieres sur leurs robes, & des tiltres d'honneur; comme est à peu pres parmy nous: vostre seigneurie, & vostre excellence.

Lors que quelqu'vn des plus eminentes dignitez vient à mourir, le Roy luy fait faire ses funerailles, & depute à cét effet vn Mandarin iusques aux extremitez du Royaume, & même au dehors du Royaume, si le defunt y a choisi le lieu de sa sepulture; comme il arriua l'année 1617. qu'il en vint vn exprés enuoyé par le Roy en l'Isle de Hainam, que ie vis & à qui ie parlay.

Le Roy a encore cette bonté de pouruoir de la charge de Mandarin, vn des enfans ou nepueux du defunt, & si c'est vn Colao, qui soit mort, tous ses enfans & nepueux sont poussez par le soin de sa Maiesté, mesme iusques à estre gouverneurs des meilleures villes, s'ils donnent quelques preuues de leur suffisance, & s'ils font paroistre qu'ils sont propres à gouverner.

Les Palais où ils logent, son grands, commodes & superbes; & les tribunaux, où ils rendent la iustice, sont magnisiquement patés, & remplis de force officiers. Outre vn grand nombre d'autres, qui sont en la Cité de Nankim, il y en a cinq, les quatre sont nommez des quatre vents, pour estre tournez aux quatre vents de l'air, & le cinquiéme est au beau milieu de la ville, comme au centre du monde. Encore ne sont-ce que des petits, n'y ayant qu'vn President, & deux assesser en chacun; dont le President n'est qu'vn Docteur, & ses deux assesser sont des simples Bacheliers, & mesme des escriuains, qu'on a poussé. Il est vray que dans les moindres affaires, ils sont les pieds & les mains des Mandarins, pour executer sidelement & promptement tout ce qu'ils leur commandent. Neantmoins ces tribunaux ne sont pas si pe-

Ayant ainsi parlé des petits Tribunaux, ie veux parler d'vn des grands, qui est celuy du Vice-Roy, que i'ay veu soigneusement en quelque occasion, aussi bien que plusieurs autres.

pas tous ensemblesmais chacun à son tour, & en son rang.

des escriuains & des sergens, les vns destinez pour faire les captures, les autres pour batre, les autres pour porter des lettres & des escritures, & pour de semblables commissions. Ils ne seruent

Du costé qui regarde le Nort, il y a vn grand portail, qui conduit dans vne autre cour quarrée, plus longue que large. Ce portail a trois portes, comme à nos Eglises; dont celle du milieu est la plus grande, chacune a vne allée, qui luy respond, éleuée de trois ou quatre pieds, large de sept ou huict, excepté celle du milieu, qui est plus large. Dans chaque allée il y a deux rangs de soldats les armes à la main, entre lesquels marchent les parties, entrans par la porte qui est à main gauche, & sortans par celle qui est à main droite: car celle du milieu, ne s'ouure que pour le Vice-Roy, & pour ceux qui le visitent, ou qui sont à sa suite. Au bout de cette Cour est la place du Vice-Roy, qui n'est ny sale, ny galerie; mais vne espece de bastiment, qui tient des deux, d'vne sale pour sa forme, & d'vne galerie pour estre sans porte, & ouuerte à l'entour. Les Sceaux du Roy sont sur vne Table couuerte d'vn tapis, auec des couleurs rouges & noires, des pierres pour les broyer, des pinceaux pour escrire, & sur tout l'estuy des Cheu-cu, c'est à dire, de ces pentes billetes de bois, dont châcune vaut autant à compter que cinq coups de baston: de sorte que deux sont dix, six sont trente en langage de iustice, quand le Vice-Roy les tire de leur estuy. Le siege du Vice-Roy est entouré de douze Capitaines richement reuestus, le morion en teste, & le cimeterre au col. Deux pages sont derriere luy auec des esuentails, pour le rafraichir en esté, quand il a chaud. Tous les tribunaux ne sont pas tout à fait semblables à celuy-cy, ils ont neantmoins sorce raports: le reste est à proportion de la dignité des Mandarins, qui les occupent.

CHAPITRE XXVIII.

Des prisons, sentences, & supplices des Chinois.

Es prisons des criminels sont plus commodes & plus spacieuses que les nostres: & puisqu'elles sont presque toutes basties d'vne mesme façon par tout le Royaume, auec fort peu de difference, aussi ne faut-il parler que d'vne seule pour les faire connoître toutes. Si elles ne sont jointes aux Palais & aux Tribunaux

noître toutes. Si elles ne sont iointes aux Palais & aux Tribunaux des Mandarins, ausquels elles apartiennent, aumoins elles n'en sont pas esloignées. Elles n'ont aucune veuë sur les places publiques; mais en suite de la premiere porte, qui tire plus sur la ruë, on vient par vne petite allée à la seconde, & puis on entre dans vne basse-Cour plus grande ou plus petite, selon la comodisé du lieu. Ayant trauersé la cour, on arriue à la troisséme porte, où est le logement des Geoliers, qui doiuent estre ordinairement trois. On passe ensin par vne autre porte dans vne grade cour quarrée; aux quatre costez de laquelle sont les chambres des prisonniers eleuées en l'air sur de grosses colomnes de bois en sorme de galeries; sans aucune porte; mais seulement auec vne trape de bois. Ces chambres sont pour les prisonniers ordinaires: car en châque coin de la cour il y a vne chambre cachée, pour les plus criminels, qu'ils appellent Chum - Kien, c'est à dire la prison pesante : de

Bb 3 façor

façon qu'ayant passé par toutes les prisons communes, celles qu'on trouve aux extremitez des galeries sont les secrettes & étroites prisons: où les plus scelerats sont detenus, sans auoir la liberté de sortir auec les autres, qui ont tout le iour la porte ouverte pour aller de chambre en chambre, & converser ensemble dans les basses-cours.

Tous les soirs, on fait vne reueuë, pour sçauoir si quelqu'vn manque; & à cét effet ils sont tous dans vne Cour, & vn des Geoliers auec le roole en main les appelle les vns apres les autres, & les fait entrer dedans, pour estre reserré chacun dans sa prison.

Ceux qui sont dans les prisons secrettes, quoy qu'ils n'en sortent point, s'ils n'ont de l'argent pour achepter ce peu de liberté, qui leur est facilement accordé, & mesme la permission de demeurer où ils voudront, pourueu qu'ils ayent dequoy satisfaire à leurs Geoliers, ne laissent pas d'estre assez au large pendant le iour: mais la nuit ils sont mis en bonne & seure garde. Car ils dorment sur vn plancher d'aix, ayans les pieds passez àttauers d'yn gros bois, & les mains dans des menotes; auec deux boucles de ser à leurs costez, où est passée vne chaisne, qui leur porte sur les reins, & leur presse les slancs: de sorte que si elle est vn peu serrée, comme cette courtoisse est assez naturelle dans les prisons, les pauures miserables ne sçauroient se remuër, ayans par ce moyen les mains & les pieds & tout le corps lié. Telle est leur precaution pour la nuict,

De plus il y a comme vne échauguete dressée au milieu de la Cour, où l'on fait garde toute la nuit, & si l'on fait tant soit peu de bruit dans les prisons, ou bien que la lumiere, qui doit toûjours estre allumée vienne à s'éteindre, incontinent on aduertit

les Geoliers pour y donner remede.

Vn Mandarin de ceux, qui ont l'intendance sur les prisons, les visite tous les mois: & apres s'estre assis dans la premiere Cour, il fait venir deuant soy tous ceux, qui sont condamnez à la mort, les miserables se presentent les cheueux mal peignez, le visage terreux, la teste penchante & courbée, les pieds chancelans, & tombans à tous pas: mais sont-ils rentrez au dedans, & ont-ils vne fois perdu leur Mandarin de veuë, ce sont mes gens qui sautent comme

comme des poissons. La cause de cette seinte est, que si le Mandarin les trouuoit gras & en bon point, il les feroit bastonner, ce qu'ils apellent Ta-friti, c'est à dire en donner aux gras, sur ce qu'il dit, qu'ils sont là, pour faire penitence de leurs crimes, pour s'amaigrir, & pour mourir, & non pas pour auoir du bon temps. Les autres prisonniers viennent encore les vns apres les autres, & le Madarins'équiert des geoliers de leurs deportemés: & les broüillons, les mocqueurs, les quereleux sont payez à coups de baston.

En suite il va voir toutes les chambres, & n'y laisse aucune commodité, comme banc, table, lict, & chaire, qu'il ne sasse emporter. Ils veulent que ce soit vne estroite religion, pour viure en penitence, & non pas vne simple prison, comme parmy nous,

pour estre en seureté.

Ceux qu'on prend prisonniers, ne sont pas seulement suiets à l'emprisonnement; mais encore à plusieurs contributions. Premierement, personne n'entre en prison sans passe-port, ce qui se fait de la forte. Les Mandarins ont vne table blanche, sur laquelle on escrit le nom & la faute du prisonnier; le sergent ayant pris cette table, mene incontinent son homme en prison, & luy fait payer son voyage, ce qui se nomme, Le denier de la table. Quand il est arriué à la deuxième porte de la prison, le Secretaire general des Prisonniers, qui est comme le Maistre de la maison, assis fur son siege luy demande son nom, & le suier de son emprisonnement, & le couche sur l'escrouë, luy faisant aussi payer l'honneur, qu'il reçoit d'estre escrit sur son liure. Apres il faut se prefenter aux autres prisonniers, & particulierement aux plus considerables, pour prendre leur ordre, qui luy assignent le quartier du Nord, ou du Midy, moyennant quelque autre piece d'argent. Est-il logé? Voicy dés aussi-tost vn autre Escriuain, qui n'a point d'autre charge que de prendre son nom, & de l'escrire sur vne table particuliere de la prison, qui n'est que pour cela, & il faut encore payer cette escriture. Apres l'Escriuain, vient le Balayeur, qui luy fait ce discours : Monsieur, comme la netteté nous est fort recommandée en ce lieu, il faut nettoyer la place, froter les meubles, dresser le feu, & telles autres choses, qui ne se peuuent faire sans ouurir la bourse. A peine cer harangueur est-il sorti, qu yn qu'vn des mesmes prisonniers se presente auec des ceps & des menotes de ser les plus estroites & serrées qu'il a pû trouuer, qu'il luy met aux pieds & aux mains, & puis il retourne vers son homme à demie-heure de là auec d'autres plus larges & plus aysées, & luy dit. Frere, saueur & courtoisie, i'ay bien connu que ces sers vous pressoient trop, en voicy d'autres moins incommodes, que ie vous apporte; mais il saut de l'argent pour du sersautrement il saut quitter le bonnet, ou la robe. Ceux-cy sont les menus frais, qui ne laissent pas de vuider la bourse d'vn pauure prisonnier.

Apres tous ces demandeurs, les Guichetiers viennent à leur tour, qui ont besoin de plus de temps que les autres, pour exiger leurs droits, comme la somme est plus considerable. Ils laissent passer deux iours apres l'emprisonnement, au bout desquels, si le prisonnier ne les a pas contentés, il luy donnent toutes les nuits vn estrange exercice. Cette somme n'est point determinées mais elle se paye à la discretion des Geoliers, qui tirent le plus qu'ils peuuent, c'est à dire beaucoup des riches, moins des pauures, &

rien de ceux qui n'ont du tout rien.

Cela n'est pas si tost acquité, qu'il faut payer les derniers droits pour l'entretien des Sacrisices, qui se sont aux Idoles & aux Pagodes de la prison; y ayant à cét esset vne ou deux Chapelles en châque departement, où les Geoliers sont tous les mois, au premier & au quinzième iour de la Lune, des Sacrisices, d'vn coq, d'vne piece de pourceau, de deux poissons, de pain, de fruits, & d'autres choses. Ils sont vn peu boüillir ce coq dans l'eau, & le seruent sur vne table deuant l'Idole sort proprement, & puis ils l'ôtent vne heure aprés, le sont recuire auec les autres viandes, l'appressent & l'assaisonnent comme il saut, & en sont bonne chere.

La dépense de ces Sacrifices, qui se sont deux sois le mois se paye des deniers des nouveaux prisonniers, iusques à ce qu'il en vienne d'autres, qui les déchargent, à mesure qu'ils entrent les derniers.

Ces Chapelles dediées au culte des Idoles ne sont pas seulement pour faire les Sacrifices des prisonniers; mais elles seruent encore à des vsages plus ordinaires; car c'est là qu'ils sont leurs vœux vœux & leurs prieres, qu'ils tirent leurs sorts, quoyque le succez leur en soit assez malheureux; au lieu de la liberté, qu'ils leur promettent & qu'ils attendent, ne receuans pour l'ordinaire que des coups de bastons, & des supplices par sentence des

luges.

Ie me trouuay vn iour present, qu'vn pauure Payen estoit de genoux auec beaucoup de deuotion, & comme il ne sçauoit pas lire,il suiuoit ce qu'vn autre luy faisoit dire, comme il le trouuoit dans vn liure qu'on garde expressément dans les Chapelles. Ce pauure homme ayant tiré son sort, demandoit; & bien qu'aurons-nous? Serons-nous tourmentez par la iustice? L'autre tournant le seüillet de son liure répondoit: non, bon courage, tout va bien, le sort est heureux, qui nous promet merueilles. Ne receurons-nous point les traits? repliquoit ce miserable, qui est vne espece de tourment, qu'il apprehendoit dauantage. Ne crains

point, répondoit l'interprete, tu n'auras point de mal.

Dés le mesme matin on vid comparoistre en jugemet ce pauure gentil, qui estoit innocent du crime pour lequel on l'auoit emprisonné, ayant esté pris pour vn sien frere, qui estoit vn receleur, & qui se voyant découvert s'estoit sauvé. Il fut interrogé, & le Mandarin mal satisfait de ses réponses, luy sit donner les traits, qui estoit toute son apprehension : aussi sit - il beaucoup de resistance, & on fut contraint d'en venir à la force pour luy donner; mais comme c'estoit vn jeune homme fort & robuste, il se defendoit auec tant de courage & de violence, que dix ou douze ne pouuoient le tenir, de sorte que se tournant de tous costez, frappant à droit & à gauche, & iettant par terre tous ceux, qui l'attaquoient, il donna par hazard contre la table du Mandatin, & renuersa tout ce qui estoit dessus, ce qui anima dauantage le luge & les sergens, qui enfin l'ayans pris, luy donnerent les traits & le batîrent si rudement, qu'ayant les os des talons brisez, il falut le reporter en prison sur les bras de ses bourreaux. Le jour suiuant, que ses douleurs furent vn peu appaisées, & qu'il sut plus capable de raison, ie le fus voir pour luy témoigner le ressentiment que l'auois de son mal. Il me raconta par le menu l'histoire de son malheur, ie luy touchay quelque chose en passant de ces

Cc

forts, & de leur interpretation, luy disant, qu'a fait vostre idole? Que le Diable puisse emporter l'Idole auec ses sorts, si tous sont comme le mien, me répondit-il, & plusieurs autres particulari-

tez, qu'il n'est pas besoin de raconter.

le trou de la prison.

Les prisonniers passent assez bien leur esté; mais en hyuer, comme les froids sont insupportables, & que d'ailleurs ils n'ont pas dequoy manger, on ne sçauroit dire combien ils patissent, quoy que les Mandarins ayent souuent cette bonté, de commüer les peines corporelles en amendes pecuniaires appliquables aux pauures prisonniers; mais comme ils sont beaucoup, il est impossible qu'il y en ait suffisamment pour tous. Les voleurs, qu'on prend, sont vniuersellement abandonnez de leurs parens & amis, qui ne veulent point les reconnoître & auoüer: d'où vient qu'il en meurt vne si grande quantité, qu'on tire quelque-fois pour vn iour sept ou huit corps de la prison.

Ils ont vue superstition bien remarquable, qui est de ne permettre aucunement qu'vn corps sorte mort par la mesme porte, par laquelle il est entré viuant; d'où vient que pour oster cette dissiculté, il y a toûiours vn trou, ou vne petite porte pratiquée en la muraille de la premiere Cour, dont i'ay parlé, qui ne sert qu'au passage des morts. Les personnes de qualité demandent permission de pouuoir sortir auant que de mourir, pour n'estre pas contrains de passer par ce trou apres leur mort, qui est vne des plus honteuses disgraces, qui leur puisse arriuer: aussi vne des plus horribles maledictions, dont on se sert communément dans le Royaume, est La-Laoti, c'est à dire puisses-tu estre traisné par

Leurs prisons n'ont point de grilles, qui répondent au dehorss & il faut que ceux qui veulent voir, ou parler aux prisonniers, entrent dedans: & c'est vne coustume inuiolable parmy eux de n'y entrer iamais sans porter quelque chose à manger, les vns plus, les autres moins chacun suiuant son pouvoir. Que si quelqu'vn y manquoit par occasion, on en feroit tout aussi-tost de plaintes, comme d'vn crime commis contre vne coustume si vniuersellement receuë. Quelqu'vn me demandera, d'où vient que ie suis si bien versé en ces connoissances? Le n'ay qu'vn mot à luy ré-

pondre,

pondre, que cette science, bien qu'elle ne soit pas sort importante, me couste bien cher.

Leurs Sentences ne sont pas beaucoup disferentes des nostres, si ce n'est que leurs delais ne sont pas si longs, ny leurs instances si importunes. Toutes leurs affaires se traitent par requestes & par memoires, & il est permis à vn chacun d'y mettre ce qu'il voudra en stile de Palais. Il y en a,qui ne viuent que de ce mestier, & qui ne sçauent faire autre chose, que de dresser de semblables écritures. Nous ne reccuons aucune de ces personnes au Sacrement du Baptesme, pour ce qu'ils écriuent tant d'impostures, qu'il est besoin qu'vn Mandarin soit bien prudent & sort experimenté pour tirer quelque sorte de verité de tant de mensonges. Ils ne manquent pas d'estre payez en bastonnades, quand ils y

font furpris.

Le Vice-Roy de Nanquim, grandamy de nos Peres, & fort affectionné & enclin à la Loy Chrestienne, quoy que Payen, me fit vn iour ce compte. Comme i'estois en mon Siege, me dit-il, donnant audience aux parties, on me presenta entre autres vn certain memoire remply de calomnies contre la Religion Chrestienne, & contre les Chrestiens naturels de cette ville. le le pris, & le leus, & demanday à ceux qui me l'auoient presenté, s'ils connoissent bien cette Loy, & les personnes qui en faisoient profession. Ils me répondirent qu'ouy, que c'estoit vne loy nouuelle, étrange, &c. disans plus de maux, qu'ils n'en auoient écrit. Ie mis pour lors la main sur mes tabletes, & en tiray six, qui voulurent iustement diretrente-six coups de bastons, qu'ils receurent en bonne monnoye; comme tous ceux qui se donnent en ce Tribunal, sont de bon poids. A pres qu'ils se furent leuez & adiustez: ie leur dis, cette requeste n'est pas assez bien concertée pour vne affaire de si grande consequence: retirez-vous pour y penser auec plus de con'eil & de maturité, & quand vous serez mieux informez que vous n'estes, revenez pour m'en donner aduis. Ce sont mes gens, que ie n'ay pas veu depuis, adiousta-il.

La requeste est presentée par les parties, ou par quelqu'vn en leur nom, en cette maniere. La premiere Cour des Palais de lustice est ordinairement pleine du monde, qui a des procez: mais

Cc 2

l'allée

3-11-1

l'allée du milieu, qui mene droit au siege du Mandarin, est libre. Ceux qui ont des Requestes à presenter, se mettent quandil est temps à genoux sur ce passage du milieu auec leur papier en main, qu'ils haussent iusqu'à la teste. Le Mandarin les fait recüeillir, & s'il a quelque interrogation à leur faire, il la fait; s'il les agrée, il les plie, & les met sur sa table; sinon, il les rejette; & s'il iuge qu'elles soient impertinentes, il ordonne sur le champ certain nombre de bastonnades à celuy qui les a presentées, quoy qu'il ne soit pas partie en l'affaire, ce qui arriue assez souuent, sans autre sujet, que pource que le luge est en cholere. le vis chose pareille en vn Bonze, qui estant comme les autres de mesme profession, iusticiable des luges seculiers, fut bien battu pource seulement que son Mandarin estoit en mauuaise humeur.

Le Bonze sit les ceremonies ordinaires auec son papier; les prouisions qui luy furent expedices furent deux petites pieces de bois, que le Mandarin tira suiuant la coûtume; & en suite deux. Sergens, le prirent l'vn par les pieds, & l'autre par la teste, le coucherent par terre, luy tirerent ses chausses iusqu'aux talons, & luy déchargerent dix coups de bâton si prestement, que la cho-

se fut plûtost faire, qu'on n'y eût pensé.

Les condemnations portent ordinairement des peines pecuniaires, par fois l'exil & le bannissement, la galere, ou plûtost quelque autre peine semblable à celle de la galere, pource qu'effectiuement ils n'en ont point l'vsage: mais en échange on condamne les criminels à trauailler sur les riuieres dans les vaisseaux du Roy, à tirer l'auiron, & rendre d'autres seruices, étans liez deux à deux à vne chaisne.

La peine de mort, qui est d'être étranglé ou decapité, n'est que pour les faux-monnoyeurs & pour les meurtriers : encore de tous les complices il n'y en a qu'vn seul, qui soit executé à mort, les autres sont punis plus doucement; si ce n'est que cesoient des Assassins, qui sont tous executez sans remission, quand le crime est aueré. Les larronneaux sont condamnez pour la premiere fois aux bastonnades & à la prison; & s'ils sont surpris pour la seconde fois ils sont traitez de mesmes peines vn peu plus seuerement, ou bien on leur imprime sur le bras en la partie exterieure ces deux lettres lettres Za-tao, qui toutes deux signifient vn larron, en cette maniere. Ces lettres sont grauées sur vne piece de bois, qu'on chargei d'ancre, & qu'on applique sur la chair du bras, & puis auec quatre aiguilles plantées sur vn autre bois on pique cette partie, qui est teinte d'ancre, & comme le sang vient à couler, on fait entrer cette ancre qui s'attache sissort, dans les trous, que l'impression y demeure toujours sans pouvoir s'effacer. Les adulteres y sont punis non pas de mort; mais de coups de bastons, dont on les charge sans les épargner. Les femmes surprises en la même faute, reçoiuent la même peine, & si elles sont de qualité, ou qu'elles ayent vécu dans l'honneur iusques à lors, elles sont foiiettées dans les places publiques, & quelques-fois on leur oste les chausses pour vne plus grande ignominie; mais si elles ont déja perdu l'honneur par leur mauuaise vie, on se contente de les ba-

tre sur leurs caleçons, sans les dépoüiller.

Quand le crime est enorme, pour terminer plûtost l'affaire, on assomme les coulpables à coups de bastons par sentence du luge, qui luy en fait donner iusques à soixante dix, ou quatre vingts, si la cause est deuant vn grand Tribunalsestant tout à fait impossible, qu'vn homme puisse viure, aprés auoir esté si mal traité. L'an 1617. il y auoit en la ville de Nankim vne espece de confrairie composée de cinquante personnes, qu'ils nommoient en leur langue Thien-Cam. Ils auoient fait enseble vne ligue offensiue, & defensiue: les interests d'vn seul estoient la cause commune; qui en touchoit vn, les offensoit tous, si bien que se prétans ainsi la main les vns aux autres, ils commettoient mille insolences; ce qui obligea les Magistrats de leur courir sus. Ils furent quasi tous pris, &. dispersez par les prisons de cette grande ville, qui sont au nombre de quatorze ou quinze: & la premiere chose qu'on leur sit, fut de leur metre au col vn Kian-hao, duquel ie parleray bientost, si pesant & si lourd, qu'il estoit impossible à celuy qui l'auoit, de se remuër; il falloit deux hommes pour le porter d'vn lieu à l'autre, quand il denoit changer de place. Le Gouuerneur de la ville fit venir la cause deuant soy, & condamner ces sa-Aieux de receuoir chacun soixante & dix coups de baston, dont ils moururent tous.

Les crimes ordinaires sont punis d'vne sorte de chastiment, qu'ils appellent Kian-hao, qui n'est point en vsage dans l'Europe. C'est une grosse piece de bois carrée, longue de quatre ou cinq pieds, qui s'ajuste à vne autre de mesme grosseur & grandeur. elles ont vne envuidure par le milieu, qui fait vn trou pour y mettre le col d'vn homme, quoy qu'à l'estroit, lors qu'on vient à ioindre ces deux pieces de bois l'vne à l'autre, & qu'on les serre par les deux bouts auec des bandes de quatre doigts de large, qui portent escrit le crime du coûpable, & le suiet de son supplice. On expose tous les matins honteusement ces pauures miserables à la veuë des hommes, dans les places publiques, portans ce precieux carquant au col, sans iamais le quitter ny le iour ny la nuit, pendant quinze, vingt ou trente iours, selon leur sentence. Ces choses ne se font iamais, qu'après des bastonnades, qui sont si ordinaires à la Chine, qu'il ny a point de supplice ny de condemnation, si ce n'est quelque amande pecuniaire, qui puisse estre executée, qu'aprés cette ceremonie, qui est comme vne disposition necessaire à la premiere forme, & comme vn accessoire requis à la nature du principal, sans qu'il soit besoin d'en faire mention en la sentence, parce que cela se doit toûjours entendre & pratiquer, sans aucune exception. Et c'est la verité, que comme on dit des Iaponois, qu'ils ne peuuent estre bien gouvernez sans Catana, sans Cimeterre, pource qu'estans de leur naturel cruels & sanguinaires, ils ont besoin de semblables seignées: de mesmes on peut dire auec raison que le gouuernement de la Chine ne peut pas subsister sans Bambu, c'est à dire sans baston, dont ils frapent les delinquans. Pour mieux comprendre ce qui en est, ie veux briefuement en raporter l'vsage.

C'est l'ordre de la Chine, qu'en tous les Tribunaux, les Mandarins tenans leur audience, ayent au tour de leur table de part & d'autre, dix ou douze hommes, qui se tiennent ordinairement debout, aucc de grands bastons pointez en terre; il y en a par sois iusqu'à quarante, quand il est question de donner de la peur, comme quand nos Peres surent presentez en iugement pour la cause de la religion. Ces bastons ont sept pieds de long, ils sont gros & larges comme la main par embas, polis & deliez par en haut,

pour

pour pouuoir plus commodément estre empoignez: ils sont faits d'vn certain bois de Bambu semblable à la canne, en ce qu'il est creux & noueux; mais beaucoup plus massif, plus fort, plus dur, &

plus pesant.

Il y a de plus sur la table du Mandarin vne sorte d'estuy, où sont ces filets de bois dont i'ay parlé; d'ont chacun sert à marquer cinq bastonnades, d'où vient qu'vn iuge n'a qu'à tirer de ces petites pieces de bois à proportion du nombre des coups, qu'il veut faire donner. Tous ces Vpi, c'est ainsi que nomment les Portugais ces officiers, qui tiennent les bastons, sont aussi - tost prests, les vns à prendre les armes en main, les autres à se saisir du patient, & le coucher par terre. On luy met les chausses bas, & puis vn de ces hommes luy applique cinq bastonnades sur la chair nuë,& se retire: l'autre vient, qui luy en décharge autant, & ainsi consecutiuement de main en main, iusqu'à ce qu'il ait receu son compte. Quand le Mandarin tire ces billetes de leur estuy, comme des fléches d'une trousse, il n'est point obligé de donner raison de son ordonnance, & le patient n'est pas receu à luy demander; il faut promptement obeir, tout ce qu'on fait en quelque rencontre particuliere, c'est d'adoucir vn peu la cholere du iuge, & d'affoiblir le bras des executeurs auec quelque piece d'argent.

Cela s'entend quand le Mandarin est en son siege: car hors de là il n'a pas ces billetes de bois quoyque ces porte - bastons l'accompagnent par tout, & qu'il s'en serue assez souvent pour des sautes legeres: & il ne saut, que n'auoir pas mis pied à terre à sarencontre, quand on est à cheual ou bien auoir trauersé la ruë quand il passe, pour receuoir cinq ou dix bastonnades par son commandement: & il n'a pas seulement ce pouvoir dans les villes & places de son ressort; mais en quelque lieu que ce soit.

Auant que ie partisse de la Cité de Nankim, Capitale de la Prouince de Kiamsi, où nous auons vne maison & vne Eglise, auec vn grand nombre de bons Chrestiens, ie vis vn Mandarin, qui estoit iuge d'vne ville voisine, passer par nostre ruë, qui est vne des plus belles & des plus peuplées de la ville, & à vn bout assez éloigné, vn de ces iongleurs qui se métent de dire la bonne auan-

ture, assis sur sa chaire auec sa table, ses liures & ses instrumens. Le Mandarin passa vne fois en bas, & retourna vne autrefois en haut, sans que mon Suon-min, c'est à dire mon deuin se remisat de deslus son siege. A quelque heure de là le Mandarin sut obligé de repasser par la mesme ruë, & quand il sut dans la place, où mon pauure deuin tenoit sa boutique, il l'appelle; & quoy donc, luy dit-il, est-ce ainsi que vous traitez indifferemment les hommes, & que vous portez si peu d'honneur aux Mandarins du Roy? viste, qu'on luy donne ce qu'il faut. A peine la parole fut prononcée, qu'au mesme lieu sans aller plus loin, on luy déchargea dix coups de baston. Allez, ajousta le Mandarin, apprenez à viure, & estudiez mieux ce qui est de vostre art:parce que vous n'auez preueu, ny deuiné cette bonne fortune qui vous est arriuée. Car ainsi que sans autre façon on donne les coups de baston, qui n'entrent iamais en compte, quoy qu'ils soient payez content. Tous en donnent, tous en reçoiuent, & tous le sentent, sans qu'aucun s'en étonne, ny s'en tourmente beaucoup.

Les Maistres & les Seigneurs ont aussi l'authorité de chastier leurs serviteurs, si ce n'est qu'ils n'ont pas le pouvoir de les faire déchausser. Les Maistres d'écholes sont le mesme traitement à leurs éscholiers de quelque condition qu'ils soient, neantmoins sur les chausses, sans qu'on les puisse coucher à terre; mais seulement sur vn banciles peres chastient de la méme façon leurs enfans, & ne peuvent soussir de voir des verges, s'étonnans, que nous ayons le courage de soüetter vn enfant, particulierement auec des soüets de cordes, qu'ils apprehendent comme vne des choses les plus cruelles; outre que les enfans ayment mieux estre bâtus du bâton, que soüetez de la verge, qu'iles touche de plus

prés, & leur donne sur la peau.

Et afin que rien ne manque pour cét employ, il y a des perfonnes à la Chine qui n'ont point d'autre occupation que d'achepter des coups de bâtons, & moyennant quelque fomme d'argent, de receuoir le châtiment au lieu d'vn autre; ce qui ne se pratique pas indisseremment en toute occasion, soit que la chose ne soit pas permise, ou plûtost qu'il n'y ait pas presse de s'exposer pour vn autre, quand la peine est excessiue. Mais quand le chastiment n'est pas insupportable, le marchand s'accorde & convient du prix auec le criminel, qui luy donne tant pour châque coup, qu'il va receuoir pour luy en presence du Mandarin.

Les traits se donnent en certains cas, ie n'en sçache que de deux sortes, l'vne pour les mains, & l'autre pour les pieds. Ils ont pour les pieds vn certain instrument, qu'ils appellent Kia-quen: ce sont trois bois croisez, dont celuy du milieu est fixe & arresté, les autres tournent & se remüent; ils mettent dedans les pieds du patient, où ils sont si serrez, que les os du talon se brisent, & entrent bien auant.

Pour les mains, ils ont d'autres petits bois, nommez Tean-zu, qu'ils entrelassent dans les doigts, qu'ils serrent les vns contre les autres, & qu'ils lient fortement auec de petites cordes, laissans quelque temps vn pauure criminel en cette gesne.

CHAPITRE XXIX.

De quelques particularitez, qui ajustent & rendent le gouvernement de la Chine aysé.

A premiere est que le Roy fournit à la despense de ses Officiers, leur ostant ainsi l'occasion qu'ils pourroient prendre de leur necessité, de s'engager à diverses personnes, & de se charger de debtes: les obligeant par méme moyen de garder les loix,

& de les faire garder, & de marcher droit dans les fonctions de la-Iustice.

Dés aussi tost qu'en Docteur, ou en licentié, ou quelque autre que ce soit, est pourueu à la Cour, & qu'il doit marcher pour l'exercice de sa charge, les dépenses de sa personne, de ses seruiteurs & de ses domestiques auec tous les frais de son voyage, soit par eau, soit par terre, en comprenant les vaisseaux, les charrettes, les cheuaux, les hommes, & tout le reste de l'attirail, se payent des deniers du Roy.

Dd

Tout le long du chemin, il ne va point aux Hosteleries; mais il y a des Palais destinez pour son logement dans les Bourgades, & dans les villes, où il est pourueu de tout ce qui luy est necessaire. Pour cét esset il enuoye toûjours vn homme deuant, asin qu'à son arriuée, il trouue toutes choses en estat. Que si parfois il ne peut pas arriuer à ses gistes, il y a pour la disnée en certains lieux, des Maisons du Roy, qu'ils appellent Teli, bâties exprés, & garnies de toutes les commoditez. Le pis est, que comme ce sont des deniers du Roy, on les dépense auec plus de profusion. Par exemple quand il faut dix cheuaux aux gens du Mandarin, ils en demandent quinze ou vingt, auec toutes les prouisions necessaires pour le voyage, qui se sont presque toutes en argent.

La chose ne s'arreste pas là, elle passe bien plus auant. Quelques-vns ne sont pas si jaloux de leur credit & reputation que de leur bourse. Deuans auoir sur leurs tables tant de plats & tant de sortes de viandes, qui sont taxées, ils en sont seruir beaucoup moins, & retirent l'argent du surplus. Il sont neantmoins peu, qui

veüillent faire de semblables voleries.

Le Roy ne pouruoit pas seulement à la dignité de leurs personnes; mais encor il leur fournit dequoy soustenir l'honneur & la dignité de leurs charges, comme des gens à cheual & à pied, qui les accompagnent de ville en ville, par tous les endroits où ils

passent.

La seconde est: qu'aux places de leurs gouvernemens, ils ont des Palais meublez aux despens du Roy, auec tous les serviteurs pour le dedans & pour le dehors de leur maison, iusques aux pages: qui ne sont pas si peu, que le moindre iuge de village n'en ait bien huit ou dix; lesquels ne se trouvent pas tous ensemble en service, si ce n'est quand le Mandarin le commande expressément.

La troisième. Les Mandarins sont fort considerez & circonspects, traitans auec leurs sujets, ils ne s'entretiennent iamais en secret auec aucun: mais toûjours en public, si bien qu'vn châcun peut rendre témoignage de leurs discours. Les Palais sont toûjours fermez dedans & dehors. Apres auoir tenu l'audience, ce qui se sait tous les iours, & assez souvent le matin & le soir, & toutesfois & quantes qu'il en est besoin, ils se retirent, & le Palais se ferme au dedans pour les Mandarins, & au déhors pour les officiers: & quoy qu'on l'ouvre toutes les fois qu'ils desirent sortirissi est-ce que iamais ils ne le font secrettement; mais ils frapent vn tambour au dedans, auquel répond vn autre par le dehors: & tout aussi-tost les officiers & les autres, qui doiuent l'accompagner se presentent au signal; & quand ils sont assemblez, on ouvre les portes du Palais, & le Mandarin sort.

La quatriéme. Il ny a personne de leur maison, enfans, cousins ou serviteurs, de ceux qui logent auec ceux, qui osast sortir pour faire vne visite, pour converser ou pour traiter de quelque affaire, de peur qu'ils ne reçoivent quelques presens. Leur pourvoyeur est au dehors du Tribunal, de mesme que le reste des officiers, qui reçoit tous les iours du dedans, vn memoire par escrit de ce qu'il doit achepter: & d'autant qu'il n'est pas à propos ny mesme permis d'ouvrir les portes du Palais pour tant de petites choses, ils ont de certaines roües, par lesquelles ils sont entrer & sortir ce qui leur fait besoin.

La cinquiéme. Ils ne gouvernent iamais plus de trois ans dans vn mesme lieu: de sorte qu'ils ne peuvent pas s'establir puissamment, ny contracter des amitiez fort estroites. Nul ne gouverne en son pays, excepté les Capitaines, qui doivent tâcher auec plus d'affection que les autres, de conserver & desendre leurs pays dans les occasions.

La sixième est, que parmy les Mandarins il y a vne merueilleuse subordination des vns aux autres: les inferieurs rendent de grands respects & vne obeyssance particuliere aux superieurs; ils les visitent auec beaucoup de ciuilité, & se presentent à eux, en certains temps.

La septième. On veille soigneusement sur les gouverneurs: car outre le Tauli & Quauli, qui ont la charge d'informer sur tout ce qui se passe, & d'en donner advis au Roy, châque Prouince a son Visiteur particulier, qu'on change tous les ans, asin qu'il s'acquite mieux de sa charge; qui chastie ou qui descre les coûpables.

La huiclième, il se fait tous les trois ans vne reueuë generale

D d 2 sur

sur tous les Mandarins du Royaume, partie par les informations des visiteurs, & partie par des enquestes secretes: & cette reucuë se fait la mesme année, que les Mandarins viennent de tous les endroits du Royaume à Pekim, rendre l'obeissance au Roy: & ainsi l'execution de cette procedure se fait à la Cour, en chastiant les vns, en degradant les autres, & éleuant quelquesvns à de plus hautes charges. Les principales fautes pour lesquelles ils meritent le chastiment, sont celles qui s'ensuiuent.

La premiere, s'ils ont vendu la iustice s'estans laissez corrompre par presens: & ceux qui sont conuaincus de ce crime, perdent

leur charge, & sont renuoyez à leur maison.

La seconde, s'ils sont cruels & inhumains, & s'ils excedent aux chastimens, on les priue de leur charge & de seur authorité; & ils sont mis au rang du peuple.

La troisième, s'ils sont negligens & peu soigneux des affaires de leur gouvernement, ils perdent leur office, neantmoins ils en

retiennent toûjours les marques.

La quatriéme, s'ils sont precipitez, & s'ils ne deliberent pas assez pour donner leurs sentences, on les fait descendre à de plus basses charges, comme vn gouverneur à l'office de Iuge, & le reste à proportion.

La cinquiéme, s'ils sont trop jeunes, & leurs actions témoignent de legereté, ils sont pareillement degradez & employez à

d'autres moindres charges.

La sixiéme, s'ils sont vieux, & s'ils n'ont pas la force de suporter les trauaux de l'audience & du service du Roy, on les enuoye à leur maison pour se reposer. Et quoy qu'à dire le vray, ce ne soit pas vne faute coûpable; mais vn defaut naturel, que la vieillesse c'est neantmoins le plus grand mal de tous: parce que les vieillards ne pouvans pas remedier aux incommoditez de leur âge, ce defaut croît auec le temps de plus en plus, ce qui les rend par confequent plus incapables de r'entrer iamais dans leurs charges.

La septiéme, s'ils ont peu de soing de la conduite de leurs samilles, & du gouvernement de leur maison: tant de celle, où essectivement ils sont leur residence, que de celle qu'ils ont en leur pays, laquelle se gouverne par leur ordre, que leurs serviteurs, parens & enfans suivent ponctuellement, comme il n'est pas difficile à cause de leur grande authorité, ceux-là pareillement sont pri-

uez de leurs charges.

La neufviéme particularité, qui contribuë beaucoup au bon gouvernement de cét Estat, est que les Roys écoutent les Mandarins, quoy que ce soit contre leur gré: & les Mandarins leur parlent auec liberté, quelque danger qu'il y air pour eux : de sorte que l'vn & l'autre produisent vn grand miracle, aux Mandarins la liberté de dire leur advis, & aux Roys la facilité de les entendre: à ceux-là par vn zele de la iustice & du bon gouuernement; à ceux-cy par vn sincere & veritable desir de l'establir, & de le rendre asseuré. Leurs histoires nous en fournissent plusieurs

exemples, ie me contenteray d'en raporter deux ou trois.

Le Roy enuoya querir vne fille dans vne de ses Provinces, comme vne rare beautê, & comme vne chose fort extraordinaire. Son Predecesseur s'estoit déja engagé dans vne occasion pareille, qui auoit causé de grands maux à l'Estat, (cette sorte de personnes n'estant pas capable pour l'ordinaire de produire beaucoup de bien) & qui en faisoit raisonnablement apprehender de semblables. Vn Colao se chargea de l'affaire, & pource qu'il voulut parler au Roy, il fut conduit en sa presence, & luy parla si efficacement, que le Roy luy promit de congedier cette fille déslors qu'elle entreroit au Palais. Dés à cette heure, promptement, repartit le Mandarin, que vôtre Majesté commande qu'elle soit congediée; dautant que si elle entre vne fois en vôtre maison, si vous la regardez, & si elle vous parle, les mains vous doiuent trembler; à cause que les semmes ont la force d'enchanter sans sorcelerie: ie ne sortiray point du Palais par vne porte, qu'auparauant elle ne soit sortie par l'autre. Ce qui fut executé.

Vn autre Roy fut si espris de l'amour des oyseaux, qu'il faisoit chercher par toutes les forests, les plus rares & les plus diuertissans, & comme la volonté du Prince est le premier mobile qui donne le bransle aux mains de ses suiers, ils furent à la chasse pour cet effet auec beaucoup de peine, & qui plus est à l'oppression du peuple, particulierement d'vne Prouince, où la chasse se faisoit continuellement par tant de Coureurs, que les pauures laboureurs pour ne pouuoir couurir leurs semences, surent reduits à vne extreme necessité. Par hazard vn Mandarin passa par là, reuenant d'vne autre Prouince, qui eut plus de zele & de compassion du païs, que ceux qui en auoient le gouvernement. Estant arriué à la Cour, il presenta vne requeste au Roy: & sçeut si bien depeindre combien de peu d'importance estoit cette chasse, & les dommages qu'en receuoit le peuple, que non seulement il arrêta sa curiosité, & commanda qu'on abandonnât la chasse des oyseaux, mais encore il donna le vol & la liberté à ceux qui étoient déja

pris, & qu'il tenoit dans les volieres de son Palais.

En la Cité de Pekim das le Palais d'vne fille du Roy nommée Cum-chu, vn valet insolent auoit commis beaucoup d'excez, & vn entre autres qui meritoit la mort. Les Mandarins vouloient se saissir de sa personne, mais ils n'osoient l'entreprendre dans le Palais; & luy n'en sortoit point qu'en la compagnie de la Princesse. Vn Mandarin se resolut de le prendre en quelque façon que ce fût: vn iour que la Princesse sortoit, il se mit auec ses gens au deuant du carrosse & le fit arrester: puis il mit les mains sur cét homme & le prit. La Princesse se ressentant de l'affront qu'elle auoit receu, s'en courut au Palais si pleine d'indignation, & si transportée de cholere, que sans attendre que le Roy fût hors de l'Audience, elle s'en alla le trouuer, criant comme une desesperée. On enuoya chercher le Mandarin, qui se tenoit tout prest, & se doutoit bien de l'affaire. Il se presenta deuant le Roy, qui le tança. Mais luy; Sire répondit-il, iay fait ce que vostre Majesté commande, & ce que les loix ordonnent. Vous deuiez, donc prendre vn autre temps, & chercher vne occasion plus commode, repartit le Roy. Ie l'ay fait auparauant, repliqua le Mandarin, sans la pouvoir trouver. Demandez-en pardon à ma fille, dît le Roy, & baissés la teste. Il ne faut point de pardon; où il n'ya point de faute, répondit cétuy-cy; & iamais ie ne prieray qu'on me pardonne pour auoir fait ma charge. Le Roy commanda pour lors à deux Mandarins de luy faire baisser la teste à toute force iusques en terre: mais il se tint si ferme, qu'il fut impossible, de sorte que le Roy sur contraint de le renuoyer, & à peu de iours de-là, il le fit pouruoir d'vne meilleure charge pour la satisfaction qu'il

qu'il auoit reçeuë de son integrité. le laisse plusieurs histoires pa-

reilles, que ie pourrois raconter.

La dixième, est la garde qu'on fait exactement par toutes les Villes, Citez & Bourgades; y ayant vn homme en châque ruë, & si elle est longue, deux & dauantage, qui ont la charge de veiller sur les desordres, qui peuuent arriuer, & au mesme lieu il y a vne espece de prison, qu'il appellent Lem-phù, c'est à dire boutique froide, où ils peuuent tenir en cas de besoin vn criminel, iusques à ce qu'on ait aduerty que squ'vn des Magistrats.

L'onzième, les portes des villes se ferment toutes les nuits, sans y manquer, comme nous auons dit. On ferme encore les ruës auec des chaisnes de fer, sinon toutes & toûjours, aumoins

quelques-vnes dans certaines rencontres.

La douzième. Les personnes d'honneur & d'authorité se respectent les vnes les autres, & croiroient estre des-honnorées, si elles auoient eu des quereles D'où vient que pour ennemis qu'ils soient, ils gardent toûjours la bien-seance, & tâchent d'éuiter les occasions de se trouver ensemble.

La treizième. Il n'y a que les foldats, qui portent des armes, encore est-ce quand il faut faire leur montre, ou accompagner les Mandarins. Le petit peuple, qui au contraire se querele aysément, se sert des poings, & celuy qui est le plus prompt à prendre son aduersaire par les cheueux, est le plus fort. Que si par occasion ils auoient en main quelque instrument, qui peût verser du sang, comme vn bâton, vne piece de bois ou de fer, ils vous la quittent pour en venir aux bras & aux mains.

La quatorzième. Les femmes débauchées, qui sont le plus souuent les causes des desordres, ont leur logis hors des murailles, sans qu'il soit permis à aucune de demeurer en ville. Outre qu'elles n'ont point de maisons particulieres mais plusieurs viuent ensemble, auec vn homme, qui a soin d'elles, & qui est obligé de rendre compte de tous les desordres, qui peuvent suruenir en

leur logis.

La quinzième. Il est desendu d'avoir aucun commerce dans le Royaume auec les Estrangers, qui pourroient leur faire prendre de nouuelles coustumes, & troubler leur façon de gouuerner,

Loy, qui fut en partie obseruée des Lacedemoniens, pour la mesme raison. Toutesois ils n'ont iamais empéché les Ambassadeurs des autres Royaumes, qui se presentent assés souvent : il est vray qu'il s'arrestent en la premiere Ville du Royaume, où ils arriuent, & les Magistrats les traitent auec toute sorte d'honneur, en attendant sur l'aduis qu'ils ont donné au Roy, la permission d'aller à la Cour, sans laquelle ils ne peuvent point marcher. Essans arriuez, on les loge dans vn Palais particulier, duquel ils ne peuvent sortir, sinon en la façon que iay déja dit cy-deuant.

Sur tout ils ont leurs loix, leurs statuts & leurs ordres, par lesquelles ils se gouvernent eux & leur Royaume. Il y en a de deux sortes. Les vnes consistent en coûtumes, & ceremonies anciennes, communes à tout le Royaume, comprises en cinq liures, qu'ils nomment Doctrines, & qu'ils tiennent comme sacrez. Les autres sont les loix du Royaume, pour l'administration de la Iustice en certains cas particuliers ciuils & criminels, specifians tout ce qu'on y doit observer. Elles sont anciennes, & fondées particulierement sur les cinq vertus que les anciens estimoient sort, & que les Chinois ont encore auiourd'huy en veneration, à sçauoir Gm, Y, Li, Chi, Sin. La pieté, la iustice, la politesse, la prudence, & la fidelité.

Gin, à ce qu'ils disent signifie la pieté, l'humanité, la charité, la reuerence, l'amour & la compassion, qu'ils expliquent de la sorte, se priser moins que les autres, estre assable, consoler les assissez, assister les pauures, auoir le cœur plein de pitié & de compassion; témoigner de l'affection à tout le mondes & particuliere-rement à l'endroit de ses parens, les aydant en santé, les traitant en leurs maladies, les seruant pendant leur vie & leur rendant les honneurs des sunerailles apres leur mort.

choses raisonnables, & iustes. De cette façon le Iuge doit rendre à vn châcun le sien; le riche doit prendre garde de ne s'orguëillir point de ses richesses, mais d'en faire part aux pauures. Adorer le Ciel, respecter la Terre, ne contester iamais, n'être point opiniâtre, ceder en ce qui est iuste & conforme à la raison.

Li. Ils disent que c'est la vraye politesse, & courtoisse, que d'honorer norer & respecter les autres comme il est conuenable: ce qui consiste; à s'honorer reciproquement l'un l'autre, à considerer meurement, à estre circonspect & auisé dans ses affaires, modeste en ses déportemens exterieurs; à obeïr aux Magistrats, à estre affable aux ieunes, & à respecter les vieillards.

Chi, signifie la prudence & la sagesse, qu'ils mettent à lire les liures, apprendre les sciences, se perfectionner dans les Arts liberaux, estre sçauant aux choses de l'Antiquité, & versé dans la pratique des choses modernes, prendre garde au passé pour bien regler le present & l'avenir, discerner le iuste de l'iniuste, & la verité du mensonge.

Sin. Ils l'expliquent de la fidelité & de la verité: qui demande vn cœur entier, & vne intention sincere; faire seulement ce qui est bien, imiter ce qui est iuste, accorder ses actions auec ses paroles, & ce qui est caché au dedans auec ce qui paroist au dehors.

Conformément à cette distribution de leur doctrine, ils reduisent leur Republique à cinq Ordres de personnes, qui ont quelque raport entre elles pour ce qui regarde leur deuoir & leur obligation particuliere: à sçauoir le Roy auec ses sujets, le Pere auec ses enfans, le Mary auec sa semme, les Freres aisnez auec leurs cadets, & les Amis les vns auec les autres.

Le Roy doit auoir pour ses sujets la vigilance, la clemence & l'amour; & les sujets reciproquement doiuent auoir pour leur Roy, la reuerence, l'oberssance & la loyauté; le Pere doit aimer & compatir à ses enfans, & les enfans sont obligez de témoigner à leur Pere de l'oberssance & de la pieté; le Mary doit entretenir l'amour & l'vnion aucc sa femme, & la femme doit auoir pour son mary de la fidelité, du respect & de la complaisace; les freres aisnez doiuent aimer & instruire leurs cadets & les plus ieunes doiuent ober & honorer les plus vieux, les amis sont tenus de maintenir parmy eux la fidelité, la verité, & la sincerité.

Telle estoit la façon de viure des anciens, au temps qu'il y auoit peu de loix; mais beaucoup d'observateurs: toutes ces maximes fondées sur les principes de la nature, se voyent encore auiourd'huy dans leurs liures presque en mesmes termes, que dans les nostres: c'estoit lors que ces grands hommes, qui n'ambitionnoient point le gouvernement, se retiroient dans leurs maisons, & cultiuoient de leurs propres mains, la terre de leurs heritages, quand ils voyoient que le peuple ne faisoit pas son prosit de leurs exemples, ou que les Roys ne suivoient pas leurs advis.

Mais apres que l'ambition & l'auarice ont preualu sur la vertu, & que le propre interest a aueuglé l'honneur & la generosité, on a quitté cette saçon de vie, les loix se sont accreuës, d'autres ont esté changées ou relâchées par des nouueaux Princes, plusieurs ont esté adjoustées; particulierement sous le regne de Humvu, le chef de la famille, qui porte aujourd'huy la Couronne, lequel ayant trouué plusieurs coustumes estrangeres introduites dans le Royaume par les Tartares, qui l'auoient long - temps possedé, changea la saçon du gouvernement; diuisa ce grand Estat, qui auparauant estoit partagé entre plusieurs Princes, en quinze Prouinces sous vn seul Monarque: d'où vient, qu'il su contraint de faire de nouvelles loix, ayant neantmoins toûjours

égard aux anciennes.

Les Chinois ont encore leurs commandemens, que ie pense leur estre nouveaux, & qui ont beaucoup de raport à nostre Decalogue, qu'ils impriment en quelques Prouinces, & les attachent aux portesscomme:ne tuer point, ne desrober point, ne dire point des mensoges, honorer son pered sa mere, &c. Et à n'en point mentir, pour ce qui est d'honnorer ses parens, nous & les autres nations pouuons apprendre beaucoup des Chinois, qui nous font en cela nostre leçon. Pour ce regard il y a des choses anciennes. d'ailleurs tres-bonnes, qui sont abolies, non dans les discours ou dans les escrits; mais dans la pratique, sur laquelle ils se fondent: il y en a d'autres, qui sont encore en vigueur, bien qu'anciennement elles fussent mieux ordonnées, & qui s'observent exactement par tous, depuis le Roy iusqu'au moindre des sujets. Ils ne nourrissent pas seulement leurs parens, les gouvernent, les caressent, & en ont tres-grand soing; mais encore ils leur rendent des honneurs & des soûmissions, qui ne sont pas croyables, sans distinction de degré, d'âge, ou d'estat quel qu'il soit que les enfans possedent.

Le Roy mesme à certains iours de l'année, visite sa mere assisse sur vn Thrône, & quatre-fois debout, & quatre-fois à genoux luy fait prosondement la reuerence, baissant la teste iusqu'en terre; le mesme s'obserue par la pluspart du Royaume, & s'il arriue parsois que les enfans deviennent siers, & offensent leur pere, il n'a qu'à faire ses plaintes aux Magistrats, qui en prennent vn rigoureux chastiment.

Le respect qu'ils rendent à leurs Maistres, n'est pas moindre. Ce que disoit Alexandre, qu'il estoit plus redeuable aux Maistres, qui l'auoient enseigné, qu'au pere qui l'auoit engendré, n'est bien entendu que des Chinois: qui s'acquitent de ce deuoir, comme il faut, & outre l'honneur qu'ils leur témoignent durant toute leur vie, les presens ne manquent iamais à certains temps; & quand les Disciples peuuent entrer aux degrez & monter aux charges, les Maistres en reçoiuent toûjours des faueurs & des bienfaits d'importance.

Les vieillards ont encore leur rang dans ce Royaume, & ie puis dire qu'ils n'y sont pas moins honnorez, qu'ils estoient autre-

fois parmy les Lacedemoniens.

Quand ils s'assemblent plusieurs, les vieillards tiennent toûjours les premieres places; & les ieunes gens leur déserent en toutes les occurrences, si ce n'est qu'ils soient éleuez en quelque charge: car pour lors ils doiuent garder leur rang; les Magistrats mesme leur sont beaucoup d'honneur en public, particulierement quand leur vertu accompagne leur âge, & qu'ils ne sont pas seulement chargés d'années; mais de merites, & qu'ils ont passéeulement chargés d'années; mais de merites, & qu'ils ont passée leur vie sans reproche & sans scandale: & sur tout s'ils n'ont esté iamais citez en iugement, ny accusez d'aucun crime; ce qu'ils prennent pour vn témoignage de grande probités d'où est né leur Prouerbe, qui porte; Xin-pù Kien-quon Zieu-xita-paò, c'est à dire, la personne, que le Mandarin n'a iamais regardé de mauuais œil en iustice, est vne pierre precieuse.

Les Magristats leur font tous les ans vn banquet solemnel & somptueux aux despens du Roy, auec de grandes ceremonies & sorce deserences, pour témoigner ce qu'on doit aux cheueux gris, qui ne sont pas seulement venerables par la consideration

de leurs années; mais encore par le prix de leurs vertus.

Enfin les liures des Chinois sont remplis de sentences & de belles instructions, qu'ils observent diligemment, comme elles sont couchées dans leurs papiers. le n'en raporteray que quelques vnes, qui me viennent à la memoire.

Seruir ses Maistres & les vicillards, est le premier point de

l'honneur & de la ciuilité.

Il faut cacher les defauts d'autruy, & ne point manisester ses propres perfections.

On doit deposer ses passions particulieres, quand on entre au

gouvernement public.

lamais il ne faut commettre vn mal, pour ce qu'il est petitiny

s'abstenir d'vn bien, pource qu'il n'est pas grand.

Les vertueux, bien qu'ils soient ieunes, doiuent estre honnorez: les vicieux, quoy qu'ils soient âgez, doiuent estre suïs.

CHAPITRE XXX.

Des Mores, Iuifs & autres Nations, qui sont dans la Chine.



🚜 'A Y raporté sommairement tout ce que i'ay peu touchant le Royaume de la Chine, les peuples & les coustumessm'en trouuant éloigné plus de la moitié du monde, & destitué de leurs liures, d'où i'eusse peu tirer beaucoup de choses curieu-

ses, & dignes de remarque. Mais puisqu'il est impossible de dire tout; il est au moins à propos d'en toucher quelque chose, & ainsi

ie parleray des autres nations, qui s'y rencontrent.

Décriuant la Province de Canton, ie me souviens d'auoir dit, que l'Isle de Hainam, qui est d'vne grande estenduë; & qui est entierement sous la domination du Roy de la Chine, se divisoit en deux parties: la premiere & la plus proche du Royaume, en tirant vers le Nord, est habitée des Chinois, qui en ont le gouuernement: & l'autre vers le Midy sur les confins de la Conchinchine est peuplée d'vne nation barbare, qui a sa langue particuliere, ses loix & ses coûtumes differentes, sans se méler aucunement auec les Chinois, si ce n'est pour le commerce.

l'ay ajoûté qu'entre les Prouinces de Chincheo, de Canton, & de Kiamsi, il y a des Montagnes, qui les lient ensemble, comme la Catalogne est attachée à l'Arragon, par la montagne de Montferrat; & qu'au dedans d'icelles est vn petit Royaume, qui se gouurne de luy-mesme, sans vouloir rien tirer des Chinois, que des Medecins auec des remedes, & semblables commoditez.

En outre, dans la Prouince de Vun-nan, qui est fort vaste, & qui tire vers le midi à la hauteur de vingt - quatre degrez, on trouue vn grand pays habité d'vne nation particuliere, qui se sert d'vne autre langue & d'autres coûtumes. Elle a son Roytelet, que les Chinois appellent Thu-quon, c'est à dire Mandarin de la Terre, qui paye tribut au Roy de la Chine; & les vns & les autres trassquent librement ensemble, & dans ce commerce viuent en paix.

l'ay dit la mesme chose de la Prouince de Que-ciheu, qu'elle à des peuples differens sur ses confins auec des chefs particuliers, qui n'ont point d'autre dependance des Chinois, que l'inuestiture des quelles quelles possesses prosesses processes prosesses prosesses prosesses prosesses prosesses prosesses productions prosesses processes prosesses prosesses processes processe

des qualitez quils possedent.

De plus il y a des luifs en grand nombre, non pas à la verité dans toutes les Prouinces, ny dans toutes les villes; mais aumoins dans les principales, qui parlent la langue du pays, sans auoir rien retenu de la ludée, que certains mots, & beaucoup de choses de l'Escriture Sainte.

l'en ay rencontré vn à Nankim, où il estoit né, & où il auoit esté nourry, qui me prononça, Dauid, Abraham, & Isaac, aussi distinctement que ie le pourrois faire. Pour la physionomie, du nez des yeux, de la barbe, & des traits du visage, ils sont entierement semblables aux Chinois. Ils exercent la Marchandise & la Medecine: ils ont mesmes des charges dans les Chambres de Iustice, ils estudient, ils sont receus aux Examens, & peuvent paruenir iusques à la dignité des petits Mandarins. Leur ordinaire est de s'arrester au degré des Licentiez: & leurs logis sont presque tous bastis prés des boucheries: dautant que ne mangeans

Ee 3

poin

point de pourceau, ils tuent des bœufs, dont ils vendent la chair, & c'est la plus grande commodité qu'ils apportent au pays, car il ne s'en vend point en autre lieu, qu'en leurs quartiers. Ils ont leurs Sygnagogues publiques par la permission du Roy, mais ils n'obferuent la loy de Moyse, que fort imparfaitement. Ceux qui ont pris les degrez de Licentiez, ou qui ont esté receus vne sois dans quelque charge, ne se soucient point par apres de passer plus auant.

Ils se maintiennent par le moyen des Mariages, qu'ils contractent les vns auec les autres: & bien qu'ils prennent par sois des semmes Chinoises, neantmoins ils ne donnent iamais leurs silles en mariage aux Chinois. La raison est qu'en la Chine la semme suit le mary, & se range dans la maison du beau pere, pour y demeurer & viure selon ses loix: de sorte que les Payens entrans dans la maison des Iuiss & des Mores, se sont aussi luiss, & Mores; mais si les Iuiss alloient dans la maison des Payens, c'est hors de doute qu'ils deuiendroient semblablement Payens.

Les Chinois les méprisent comme étrangers, & les appellent Hociteu, hoci, hoci. La lettre, de laquelle on se sert pour écrire leur nom, ne signifie autre chose que ce qui conuient proprement à la nation, & toutesois ils ne laissent pas de se fascher, quand on les nomme ainsi. Le nom, duquel eux-mesmes se qualissent, est Kia-muen, qui veut dire porte d'enseignemens. S'ils sont méprisez des Chinois, les Chinois le sont bien autant d'eux, & de cette saçon ils ne se doiuent rien les vns aux autres. Ils ont étably vne espece de Mont de pieté dans la cité de Nanquim, pour assister seulement ceux de leur nation, mais non pas les prisonniers, qui sont detenus dans les prisons pour leur crimes.

Il y a six cens ans, qu'ils entrerent dans le Royaume à la priere du Roy, qui regnoit alors à Turquestan, qui rechercha leur secours, à l'occasion de certaines diussions formées dans le Royaume, qu'ils appaiserent, auec tant de succez, que ceux qui y voulurent demeurer, ioüirent des priuileges accordez aux naturels du pays, & s'allerent si fort multiplians, qu'à l'heure que ie parle ils sont ie ne sçay combien de milles. Depuis ils se rangerent du party du Roy Hum, & l'assistement en la guerre qu'il eut contre les

Tartares

Tartares il y a trois cens ans: & la victoire luy esfant demeurée, ils furent encore plus estimez qu'auparauant, & dés-lors ils eurent

part au gouvernement des affaires.

Nous auons déja parlé de l'entrée, qui se fait dans la Chine rous les trois & tous les cinq ans auec des Ambassades & des presens. enuoyez au Roy par les Mores de diuerses contrées, & de diuers, Royaumes, rarement neantmoins par ceux qui sont residens

dans le pays.

Il y a pareillement quelques Iuiss en petit nombre, mais de pouuoir vous dire quand & comment ils y sont entrez, c'est ce. que ie ne sçay point. Anciennement ils estoient beaucoup pluss mais peu à peu ils ont diminué, & quelques-vns se sont faits Mores. Ils sont plus frequens en la Prouince de Honan, qu'en tout autre lieu, & sur tout dans la ville capitale, qu'on nomme Caifumsu. Ils ont là leur Synagogue bien bastie & bien ornée à la façon d'vne grande chapelle parée de ses rideaux & courtines. Ils se vantent mesme d'auoir vne ancienne Bible écrite en Hebreu. Le P. Iules Alenes Religieux de nostre Compagnie, apres auoir demeuré quelque temps auec eux, ne peut iamais obtenir qu'on tirât les rideaux, ny qu'on luy montrât la Bible, tout ce qu'il pût voir, ce fut leur Synagogue. Le P. Mathieu Ricci a asseuré qu'au rapport des Iuifs de Pequim, leur Bible est semblable à la nostre. Ils n'ont aucune connoissance de la naissance du Fils de Dieu. d'où l'on coniecture que leur entrée en la Chine a esté deuant sa venuë au monde, ou qu'ils en ont perdu la memoire. Ce seroit vne chose bien souhaitable de voir leur Bible, que peut-estre ils n'ont point deprauée, comme ont fait les autres luifs, pour obscurcir la gloire de nostre Redempteur.

Comme ils sont en petit nombre, il est hors d'esperance, qu'ils puissent long-temps se conseruer. Ceux qui ont accez à la Cour, s'entretenans auec nos Peres, se plaignent qu'ils se perdent peu à peu, pour ne sçauoir ny la langue Hebraïque, ny la Loy, & que depuis quelque temps ils deviennent tous ou Mores ou luifs, & que le Prince de leur Synagogue estoit déja sur les extremitez de sa vieillesse, & son fils, qui deuoit luy succeder en sa charge, ieune & ignorant des choses de la loy, & qu'il y en

- dirone

auoit fort peu, qui témoignassent du zele pour la faire garder. Ils en sont venus insques là, que de ressentir les reproches que les Payens leur font, au sujet de quelques-vnes de leurs ceremonies, qui est vn signe qu'ils n'y sont pas beaucoup assectionnez, come de ne point manger de la chair de pourceau: de ne point toucher vn animal tué de la main d'vn Payen, & sur tout de circoncire leurs enfans le huictième iour, leurs semmes & leurs parens, qui sont naturels Chinois, leur reprochans que c'est vne action barbare & inhumaine, que de verser ainsi le sang d'vn petit innocent.

Nous auons dans cette Ville de Caifumsù vne Maison & vne Eglise, & dés mon depart, le nombre des Chrestiens commençoit à croître de iour en iour, auec esperance qu'on pourroit vn iour faire beaucoup de frui auec ces luiss, qui étans assez portez à changer de loy, embrasseront plus aysément la vraye, comme celle qui a plus de conformité & de raport à la leur, que toute autre.

CHAPITRE XXXI.

De la Religion Chrestienne établie en la Chine depuis plusieurs siecles, & d'one pierre fort ancienne découverte depuis peu sur ce sujet.

'Est vne opinion bien fondée, que la Foy Chreftienne est fort ancienne en la Chine. Paul de Venise, qui voyagea bien auant dans le pays des Tartares, parlant des particularitez de ce Royaume, asseure que de son temps il y auoit vn grand nombre de Chrestiens auec des Eglises fort somptueuses, cottant les Villes où elles étoient : ce qui est tres - veritable, puisqu'on en void encore aujourd'huy des maisons & des ruines.

Ajoûtez à cela l'authorité de quelques graues autheurs, qui remoignent que la Predication de l'Euangile a penetré dans la Chine, par le ministère de S. Thomas & de ses Disciples. Tou-

chant les écrits, desquels on peut tirer quelque preuue de cette verité, il ne faut point mépriser les liures Chaldaïques des Chrestiens des Indes instruits par le mesme Apostre, qu'ils conseruent encore à present dans l'Archeuesché de Granganor, ou comme ils parlent vulgairement della Serra, c'est à dire des montagnes, & qu'vn de nos Peres versé en cette langue, a traduit par le commandement de l'Archeuesque François Ros. Quoy que la traduction soit latine, ie rapporteray neantmoins en langage vulgaire,

ce que i'en ay tité, pour mieux le faire entendre.

Vn de ces liures est vn Breuiaire, qui contient ces paroles dans vne leçon du second nocturne: Par le moyen de S. Thomas, les crreurs de l'Idolatrie des Indiens se dissiperent: Par le moyen de S. Thomas, les Chinois & les Ethyopiens embrasserent la verité: Par le moyen de S. Thomas ils receurent la vertu du Baptesme, & l'adoption des enfans: Par le moyen de S. Thomas ils creurent au Pere, au Fils, & au S. Esprit: Par le moyen de S. Thomas ils garderent la foy, qu'ils auoient promise à Dieu: Par le moyen de S. Thomas les rayons de la science de vie éclairerent toutes les Indes: Par le moyen de S. Thomas, le Royaume du Ciel vola, & entra dans la Chine. Et en suite il adiouste dans vne antienne.

Les Indiens, les Chinois, les Perses, les autres Insulaires, ceux de Syrie, d'Armenie, de Grece, & de la Romanie, offrent des adorations à vostre Saint nom, ô grand Dieu, en memoire de S. Thomas.

Dans le fommaire des constitutions Synodales part. 2. cap. 19. touchant les Euesques & Metropolitains, on lit vn Canon du Patriarche Theodose conceu en ces termes: Pareillement les Euesques de la grande Prouince, comme sont pour la plus part les Me-

tropolitains de la Chine.

Apres l'arriuée des Portugais à Cochin, le Gouverneur des Montagnes de Malabar, nommé Dom Diego, se qualissoit Metropolitain de l'Inde & de la Chine, comme faisoit D. Ioseph, qui mourut à Rome. Tels estoient les tiltres anciens de cette Eglise, qui sont de fortes preuves que la Religion Chrestienne a sleury dans la Chine.

Ce furent aussi ces considerations, qui nous obligerent apres F f nostre venuë, de rechercher soigneusement les traces & les rui.

nes de cette ancienne Chrestienté.

Neantmoins dans les histoires du Royaume, que nous auons leües diligemment, il ne s'en trouue aucune mention, ce que nous admirons d'autant plus, que nous sçauons combien les Chinois sont ponctuels & curieux à rechercher tout ce qui les concerne, pour en rendre la memoire eternelle. Il est bien vray qu'on nous a raporté, qu'il y auoit quelques endroits, où les habitans adoroient la Croix, & en faifoient le signe sur les viandes auec d'autres ceremonies, sans sçavoir pourquoy. l'estois en la Capitale de Kiamsi, quand i'appris d'vn Chrestien, qu'au petit païs de Tamoxan, quelques-vns auoient coustume de former le signe de la Croix sur le front, au sortir de leur maison; mais quand on les interroge sur cette pratique, ils n'ont point d'autré response : sinon qu'ils la tiennent de leurs ancestres.

A la Cour de Pekim, vn Iuif ayant esté visité par vn de nos Peres, luy en parla plus clairement, iusques à cotter les lieux & les familles, qui pratiquoient le signe de la Croix. Nous enuoyâmes sur cét advis vn de nos Freres, qui nonobstant ses soins & ses recherches, n'en peust iamais rien découurir, soit qu'on l'eust pour suspect, ou plustost que ces familles fussent entierement esteintes. Auec cela ce suif asseuroit, qu'il y auoit eu anciennement vn grand nombre d'Adorateurs de la Croix dans les Provinces du Nord, qui s'estans acquis beaucoup de reputation par les sciences & par les armes, donnerent de la jalousie aux Chinois: de sorte que ne se croyans pas asseurez, les vns se disperseret en diuers endroits, les autres demeurerent cachez dissimulans leur Religion, d'autres se firent Mores & Iuifs, & par ce moyen ils vindret tous à defaillir. Ce luif parloit de plus de six cens ans,

& il y a déja trente ans qu'il tenoit ce discours.

Pendant ces trente années nous auons couru toute la Chine, nous auons fondé des Eglises dans les meilleures villes, nous auons planté la foy, & auons apporté toute sorte de diligence pour découvrir quelque chose de cette verité. Tout ce que nous auons trouvé est vne Clochete pour l'ysage des Messes, auec des lettres Grecques à l'entour, & vne Croix bien formée: mais ils se

peut

peut faire qu'elle y ait esté portée d'ailleurs depuis peu, par quelque rencontre, qui arriue assez souvent: ie sais le mesme iugement d'vn liure des sables d'Esope en Latin relié comme les nôtres, que ie vis en la Province de Nankim. V oyans donc d'vn côté si peu de marques éuidentes d'vne chose de telle importance, authorisée par les écrits de tant d'autheurs, & apuyée sur de si fortes raisons, il n'est pas merueille si nous estions en doute & en perplexité: & de l'autre tenans la chose pour tres-asseurée, comme elle est, nous recherchions d'autres causes, que celles qu'apportoit ce suif de ce dessaut de marques & preuues euidentes, discourans de la sorte.

Quand les Tartares estoient Seigneurs de la Chine; il est constant par le rapport du Venitien, qu'il y auoit beaucoup de Chressiens auec des Eglises magnifiques, qui estoient considerez. Depuis que le Roy Hamvu parla de recouurer le Royaume, & de faire la guerre aux Tartares, les Mores se mirent de son costé, & l'assisterent de leur secours, pour gagner le Royaume & la victoire, qu'il remporta sur ses ennemis: d'où vient, qu'en reconnoissance, il leur permit de viure en liberté dans le Royaume, qu'ils auoient aydé à conquerir, & d'auoir des Mosquées; les Chrestiens s'estans portez pour les Tartares, suivirent leur fortune, & ayans esté vaincus, les vns moururent en suite de la bataille, les autres changerent de Religion, les autres se retirerent dans des lieux escartez & secrets, nous ostans par ce moyen en peu de temps les signes & les marques de nostre soy, sans qu'il nous ait esté iamais possible d'en auoir plus d'éclaircissement.

Enfin nous fûmes consolez, quand au milieu de ces tenebres nous trouuâmes la source de la lumiere dans l'obscurité mesme auec vn témoignage euident, que l'Euangile a esté florissant en la Chine il y a plusieurs siecles; la chose arriva de la sorte.

L'an 1625.comme on creusoit les sondemens d'vn edifice prés la Cité de Sigansu, Capitale de la Province de Xemsi, les ouvriers en béchant, rencontrerent une table de pierre de la longueur de plus de neuf empans, de la largeur de quatre, de l'époisseur d'un, & dauantage. Une des extremitez abboutissoit en figure de Pyramide, dont l'éguille auoit deux empans de haut, & la

Ff 2

base vn autre. Sur la face de cette Pyramide estoit vne Croix bien formée, les bouts de laquelle sinissoient en Aeurs de lys, semblable à celle qu'on trouva grauée sur le tombeau de l'Apostre Saint Thomas en la Ville de Meliapor, & comme on les peignoit autresois en Europe, telles qu'on en void encore à present quelques-vnes.

Cette Croix estoit couverte & entourée de certains nuages, auec trois lignes écrites au pied, tirées de trauers, & formées comme trois grandes lettres, de celles dont on se sert communément à la Chine, si nettement & distinctement empraintes, qu'on les pouvoit facilement lire. Tout le dessus de cette grande pierre estoit aussi graué de semblables lettres, quoyque toutes ne susfent pas d'vne mesme grandeur, & qu'il y en eust quelques-vnes d'Estrangeres, dont on n'eut pas si tost la connoissance.

A peine les Chinois eurent-ils découvert & nettoyé ce precieux Thresor de la Venerable antiquité, que poussez d'vne curiosité, qui leur est naturelle, ils coururent promptement à la maison du Gouverneur, pour luy en donner advis, qu'il receut volontiers & auec estonnement; & au plussost se transporta au lieu où estoit ceste Croix, il la vit, la considera auec attention, la sit éleuer sur vn beau pied-d'estal, & couvrir d'vn toict apuyé sur des pilliers par les costez, pour la conserver des iniures du temps, & neantmoins la tenir exposée à la veuë des regardans, qui ne pouvoient assez considerer vn si auguste témoignage de la R eligion de leurs Ancestres. Il voulut de plus que ce riche depost sût mis & conserué dans l'enceinte d'vn temple de Bonzes assez proche du lieu, où il auoit esté trouué.

On ne sçauroit compter le grand nombre de peuples, qui vint de toutes parts voir ceste pierre, les vns l'admirans pour son antiquité. & les autres pour la nouueauté des caracteres, qui leur sembloient estrangers. Et comme la lumiere de l'Euangile, & la connoissance de nostre Religion, est maintenant assez respanduë par tous les endroits du Royaume, vn Payen sort intime amy d'vn des principaux Mandarins Chrestien, nommé Leon, ayant ouy parler des mysteres cachés soubz ceste escripture, crût obliger son amy, de luy en enuoyer vne coppie, quoy qu'ils sussent éloignés

I'vn de l'autre d'vn mois & demy de chemin; le Mandarin demeurant en la Ville de Hamcheu, où nos Peres s'estoient quasi tous resugiés, à cause de la derniere persecution, de laquelle nous parlerons en son lieu.

Le Chrestien receut ce tesmoignage irreprochable de l'ancien Christianisme de ses compatriotes, auec autant de joye & d'allegresse, qu'il l'auoit long-temps souhaité, & recherche soigneuse-

ment, sans le pouuoir trouuer.

Trois ans apres, qui fut l'an 1620. quelques-vns de nos Peres passerent en ceste Prouince, à l'occasion d'vn Mandarin Chrestien, nommé Philippe, qui voulut les auoir en sa compagnie, dans vne commission, qu'il eut en ce païs. Ils n'y furent pas longtemps, sans bastir vne Eglise & vne residence en la Ville Capitale ; pour ce que Dieu, qui auoit découuert vn si riche témoignage de la possession, que les predicateurs de sa loy, auoient autrefois pris en son nom d'vn si florissant Royaume, voulut encore s'en seruir pour la confirmation de ses suiets, & pour rentrer plus aysément dans ses anciens droits. Le bonheur voulut pour inoy que ie fusse vn des premiers destinés, pour auancer les affaites de cette nouuelle Eglise, & de ceste petite maison, que i'estime vne des plus heureuses, pour la commodité qu'elle a de voir ceste pierre, que i'ay veuë, leuë, considerée à loisir; & sur tout ie me suis estonné qu'elle fust si entiere, & ces lettres si saines, si nettes, & si distinctes apres le cours de tant d'années.

Parmy ces lettres Chinoises il y en a plusieurs, qui representent les noms des Prestres & des Euesques, qui florissoient en ce temps-là dans le Royaume. Il y en a d'autres, qui ne furent pas si-tost conneuës, pour estre Grecques & Hebraïques, qui ne difent & contiennent autre chose que les noms de ces mesmes personnages; ce qui fut fait à dessein, asin que si par hazard quelque Estranger n'auoit pas la connoissance des Caracteres du païs,

il peût aumoins comprendre les autres.

Passant par Cochin, ie sus à Granganor, qui est la residence de l'Archeuesque, pour consulter le Pere Antoine Fernandez sur l'interpretation de ses lettres, sçachant combien il est versé en la lecture des liures de ces premiers Chrestiens de S. Thomas. Il

Ff 3

m'asseura

m'asseura que c'estoient des Caracteres Syriaques semblables à

ceux, dont ils se seruent encor à present.

Mais venons maintenant à l'inscription de nostre pierre, qui merite d'estre leuë: ces trois lignes qui sont au pied de la Croix, comme i'ay dit, chacune est de trois lettres, & tout le reste traduit le plus sidellement qu'il a esté possible; disent ainsi.

Recit de loüange & de memoire eternelle, comme la Loy de la lumiere de la verité venuë de la Iudée, fut annoncée en la Chiné.

E τ τ ε Escriture va du haut en bas sur le costé plat de la pierre, auec des lettres propres, mises en ligne à la façon des Chinois. La premiere inscription, qui est la plus courte, dit ainsi.

I. Prologue fait par vn Prestre du Royaume de Iudée, nommée Kim-lim. Le reste de l'inscription conceuë en ter-

mes pompeux & magnifiques porte ce qui s'ensuit.

II. O combien veritable & profond est l'Eternel & incomprehensible tres-spirituel. A l'égard du passé, il est sans commencement; pour le temps à venir, il est sans sin, & possède toûjours la mesme perfection. Il prit le neant, & en sit le tout. Il est le Principe Trin & vn, sans aucun vray Principe: le Seigneur Olooyu. Il forma les quatre parties du monde en sigure de Croix. Il méla le Chaos, & en tira les deux Principes. Il causa du changement dans l'abysme, & le Ciel & la Terre parurent. La nature estoit au commencement pure, & exempte des passions desordonnées: & le cœur net sans déreglement des appetits.

III.L'homme vint aprés à tomber dans les tromperies du Diable, qui cacha sous le voile de ses paroles, le mal qu'il auoit proietté, & corrompit l'innocence du premier homme. De cette source sortirent 365. Sectes, lesquelles pour estre en si grand nombre, se chassoient les vnes les autres : & de toutes il s'en sit vn rets pour prendre le monde. Les vns choisirent les Creatures, & les recon-

nurent

nurent pour des Diuinitez, les autres se precipiterét dans cette erreur, que de croire que toutes choses ne sont rien, & qu'elles doiuent se reduire à rien. Quelques-vns firent des vœux & offrirent
des Sacrifices à la fortune: Quelques autres firent semblant de
suiure la vertu pour tromper le Monde: l'entendement es daue des
erreurs, & la volonté des passions deuindrét entierement obscurcis; les hommes cheminoient sans paruenir à aucun terme: le
monde se consommoit dans vn miserable embrasemét, l'homme
multipliales tenebres, & les tenebres luy firent perdre le bon chemin, marchant long-temps à tastons sans trouuer la verité.

1 V. Alors le Messie vne des trois personnes cacha sa Majesté, & se fit voir au monde se faisant homme. Vn Ange vint annoncer le mysterei& vne Vierge enfanta le Saint. Vne estoille apparut pour doner advis de sa naissance, & ceux du Royaume de Pozu alleret luy offrir le tribut, conformément à ce qu'en auoient prophetisé les vingt-quatre Saints. Il publia aux hommes la tres-pure loy, il purifia les coustumes, il redressa la Foy, il nettoya le monde, il perfectionna la vertu, & fonda les trois vertus sur cette perfection. Il ouvrit le chemin de la vie, & ferma celuy de la mort. Il fit naistre la clarté du jour, & dissipa l'obscurité de la nuict. Il desit l'obscure principauté des tenebres, abbatant toutes les forces du Diable; & secourut misericordieusement le monde dans le naufrage, afin que les hommes se rangeassent sous la domination de la clarté. Enfin apres auoir ainsi acheué ses ouvrages il monta aux Cieux enuiron le midy. Il nous resta vingt-sept liures de l'Escriture sainte. La porte sut ouverte à la conversion par le moyen de l'eau, qui laue & purifie: ses Ministres se servoient de la Croix : iamais il ne sciournoient plus long-temps en vn lieu qu'en l'autre, pour pouvoir esclairer tout le monde. L'ayant ainsi reduit à l'vnion, ils mirent les hommes dans le bon chemin par leurs exemples, & leur ouvrirent l'entrée de la vie & de la gloire.

V. Ses Disciples laissoient croistre leur barbe, & en cela ils se monstroient semblables aux autres hommes pour l'exterieur: mais ils se coupoient les cheueux iusques à la racine sur le somet de la teste, pour témoigner qu'ils s'estoient dépouillez des affedions interieures. Ils n'auoient point de valets, les grands & les

petits estans parmy eux d'vne esgale condition, ne receuoient point de presens des hommes; au contraire ils distribuoient leurs biens aux pauvres. Ils ieusnoient & veilloient pour assuictir la chair à l'esprit. Ils offroient sept sois le iour des sacrifices de loüange pour le soulagement des viuans & des morts. Ils sacrificient de sept en sept iours, & se purisioient à dessein de receuoir l'innocence sainte. Il n'y a point de nom, qui conuienne à la vraye loy, & qui puisse dignement expliquer son excellence: neantmoins à faute d'autres, nous la nommons la loy de Charité. La loy ne peut pas estre appellée grande, si elle n'est Sainte, & la Sainteté est indigne de ce nom, si elle n'est entierement conforme à ce qu'enseigne la loy. Et ainsi la Sainteté est conforme à la loy, & la loy à la Sainteté.

La loy ne s'estend qu'à la faueur des Roys, & les Roys ne s'agrandissent qu'en receuant la loy, quand les Roys & la loy sont d'accord, le monde est bien-tost esclairé: Ce sut à cette occasion, qu'au temps que le Roy Tai-zum-ven-hoam, qui gouuernoit le Royaume auec vne prudence & sainteté nompareille, qu'vn homme d'vne éminente vertu nommé Olopuen, vint icy des quartiers de la Iudée, & sous la conduite des nuées apporta la vraye doctrine: & arriua à la Cour l'an de Chim-quom-Kiemfu; le Roy commanda à son Colao Fam-Kizulim, d'aller au deuant de luy, iusques à l'Occident, & de le traiter comme son hoste auec toute sorte de caresses. Il sit venir la doctrine en son Palais, & connoissant la vraye loy, commanda puissamment qu'elle sût preschée par tout son Royaume, & en suite sit publier vn escrit

de sa main Royale, contenant ce qui suit.

VI. La vraye loy n'a point de nom determiné. Ses ministres courent de tous costez pour l'enseigner au monde, & leur seule pretétion est de se rédre vtiles aux suiets de ce Royaume Tacin. Cét olopuen, personnage d'vne rare vertu, n'est venu de si loin dans nostre Royaume pour autre dessein, que pour apporter la doctrine & les images. Ayans soigneusement examiné, ce qu'il a proposé, nous l'auons trouué fort excellent, & sans beaucoup de bruit, qui a son principal sondement depuis la creation du monde. Sa doctrine est succinte, dont la verité n'est point establie sur

vne vaine apparence; mais qui porte auec soy, le salut de l'vtilité des hommes: & partant il est conuenable, qu'elle soit publiée en nostre Royaume. Il commanda donc aux Mandarins de cette Cour de Nimsam, de luy bastir vne grande Eglise auec vingt-vn Ministres, affoiblissant la Monarchie de Cheu olao-su, chef de la secte des Tauzu, qui se retira sur vn chariot noir vers l'Occident. Le grand Tam, & le Taò, estans éclairés du slambeau de la soy, le Sainst Euangile paruint à la Chine, & en peu de temps le Roy sit peindre son image sur les murailles du Temple, où il esclate, & sa memoire esclatera eternellement dedans le Monde.

VII. Conformément aux memoires des Empires de Ham & de Guej, le Royaume Tacin confine du costé du Midy à la Mer rouge, du Nort aux montagnes des perles; du couchant à la forest des feüilles par les Saints; & du leuant à ce lieu de Cham-sum, & à l'eau morte; la terre porte le baume, les perles & les escarboucles, on n'y void point de larrons, tous iouyssent d'vne prosonde paix. On ne connoist dans le Royaume que l'Euangile, & ses charges ne sont données qu'aux vertueux; les maisons sont spacieuses & tout est illustre par le bon ordre, & par les bonnes coustumes, qui s'y observent.

VIII. Le grand Empereur Caozum fils de Taizum continua glorieusement le dessein de son ayeul, augmentant & ornant les ouvrages de son pere; & à ces sins il ordonna qu'on bastiroit dans toutes les Prouinces, des Eglises, & qu'Olopüen auroit le tiltre d'Evesque de la grande, par laquelle le Royaume de la Chine sût gouuerné en paix, & les Eglises se remplirent entierement des

prosperitez de la predication.

I X. L'an xim-lie, les Bonzes de la secte des Pagodes descouvrirent leur violence, blasphemans contre cette nouvelle & Sainte loy en ce lieu de Thum-cheu. Et l'année Sien-Thien quelques particuliers de Singam s'en mocquerent auec des mespris & des risées.

X. Alors vn des chefs des Prêtres nommé Iean, auec vn autre de grande vertu appellé Kie-lie, & d'autres Prêtres de reputation du mesme païs destachez des choses de la Terre, reprirent l'ex-

Gg

cellen

cellent rets, & continuerent le filé, qui s'estoit déja rompu. Le Roy Hi-ven-zum-chi-tuo commanda à cinq petits Roys de venir en personne à l'heureuse maison, & d'eriger des autels. Alors en l'année de Tien-Pao, la colomne de la loy, qui auoit esté abbatuë pour quelque temps, commença de s'éleuer. Le Roy Thaciam-Kium commanda à Caolie sié, de mettre dans les Egliscs les portraits de cinq Roys ses Ayeuls, & de cent autres viuans pour honnorer cette solemnité. Les grandes barbes du dragon, bien qu'elles soient éloignées peuuent toucher auec la main leurs arcs & leurs espées. La clarté, qui rejaillit de ces portraits, fait paretre qu'ils sont presens. En la troisséme année de Tien-Pao, le Prestre Kicho sût aux Indes, qui vint à la Chine sous la conduite d'vne Estoille, & suiuant le Soleil vint trouuer l'Empereur. Celuy-cy commanda que lean & Pol, auec d'autres Prestres eussent à s'assembler pour exercer les saintes œuures à Kim-Kim, qui est vn lieu dans le Palais. Alors les lettres Royaux richement ornées de rouge & d'azur furent mises par ordre sur des tables dans les Eglises, & la plume du Roy remplit les vœux, vola, & rencontra le Soleil. Ses graces & ses faueurs égalerent le faiste des montagnes du midy, & l'abondance de ses liberalitez sut comparable au fond de la Mer d'Orient. La raison n'est iamais à reietter ce n'est pas vne chose que les Saints ne pratiquent,& ce qu'ils font, est digne de memoire. Pour cela le Roy Sozun-ven-Mim sit bâtir des Eglises à Limuu, & en cinq Citez, Il estoit doilé d'vn excellent naturel, qui ouurit la porte à la posterité commune du Royaume, & qui fit en sorte que les affaires de l'estat monterent à vn haut poinct.

XI. Le Roy Taizum-Venuu rappella le bon temps, faisant les choses sans trauail. Il auoit coustume d'enuoyer à toutes les festes de la natiuité de Christ, vn parfum celeste aux Eglises Royales, pour honorer les Ministres de cette Sainte loy. Ce fût lors sans mentir que le Ciel communiqua la beauté & le prosit au monde, qui produisoit toutes choses abondamment. Ce Roy imitoit le

Ciel, aussi sçauoit-il secourir ses suiets.

XII. Le Roy Kien chum xim xin-Venuu descouurit huit saçons de gouuerner pour la recompense des gens de bien, & pour le châtiment des mauuais: & neuf autres pour le restablissement de l'Euangile. Prions Dieu pour luy sans honte. Cestoit vn per-sonnage de beaucoup de vertu, humble, amateur de la paix, & soigneux de pardonner à son prochain, & d'assister tout le monde auec charité. Ce sont les marches & les degrez de nostre Sainte loy, faire que les vents & les pluyes cessent en leur temps, que le monde jouysse du repos que les hommes soient bien gouuernez, les choses establies, les viuans marchent de bonne sorte, & que les morts ayent leur contentement. Tout cela naist de nostre

foy.

XIII. Le Roy donna plusieurs tilrres honnorables en sa Cour au Prestre Y Su grand Predicateur de la loy, & luy sit present d'vn habit rouge, pour ce qu'il estoit paisible, & qu'il se plaisoit à faire du bien à tous. Il vint de loin à la Chine du lieu Vam-xe, Chi-chim. Sa vertusurpassa nos trois familles, & amplifia parfaitement les autres sciences. Il seruit le Roy dans son Palais, & puis il fut couché sur le liure Royal. Le Roytelet de Fuen yam, qui se qualificit Chum-xulim, & se nommoit Cozuy, s'en seruit au commencement dans la guerre qu'il eut en ces contrées de Sofam. Le Roy Sozum commanda à Y Su d'aisister auantageusement Cozuy par dessus les autres; & neantmoins il ne changea rien pour cela de sa façon de faire. Il estoit les ongles & les dents de la Republique; les yeux & les oreilles de l'Armée. Il scauoir distribuer ses reuenus, & n'espargnoit rien. Il sit present d'vn Poli à l'Eglise de Lintiguen, & a'vn tapis d'or à celle Cieki. Il repara les anciennes Eglises, & restablist la maison de la loy, parant les chambres, & rendant les curritoires resplendissans comme des flambeaux volans. Il s'affectionna de tout son pouuoir aux actions de charité; & particulierement auoit - il coustume d'assembler tous les ans, les Prêtres des quatres Fglises, & les servir de cœur, auec vn honneste entretien durant cinquante iours. Il donnoit à manger aux pauures trauaillez de la faim, il vestissoit les nuds, il traitoit les malades, & enseuelissoit les morts.

XIV. Au temps de Taso, nonobstant son espargne, l'on ne vid point de pareille bonté: ce n'est qu'au temps de cette loy qu'on G g 2 void void de tels hommes portez à ces bonnes œuvres : Et c'est aussi

pour cela, que i'ay graué cette pierre, qui le témoigne.

Ie dis donc que le vray Dieu n'a point de commencements mais qu'il a toûjours esté le mesme sans trouble & sans alteration. Il a esté le premier ouvrier de la creation, qui a descouvert la terre, & élevé les Cieux: vne des trois Personnes s'est faite homme pour le salut eternel. Il est monté en haut comme le Soleil, & a chassé les tenebres, & en toutes choses a descouvert la prosonde verité.

X V. L'illustre Roy, esse chiuement se premier des premiers Roys se seruant de l'opportunité, a empesché l'inuention: le Ciels s'est dilaté, & la terre s'est estenduë; tres-claire est nostre loy, qui, au temps que Tam paruint à la Couronne, restablist la doctrine, & sit bastir des Eglises, luy seruit de nasselle pour les viuans, & pour les morts, & donna le repos à tout le monde.

X V 1. Caozum imitant les exemples & l'esprit de son ayeul, fonda de nouvelles Eglises; les riches temples couvrirent toute la terre, & la vraye loy sut esclairée. Il donna vn tiltre à l'Evesque,

& les hommes trouverent le repos.

XVII. Le sage Roy Hi-vin-zum suiuit le vray chemin: les tables du Roy estoient splendides par l'esclat des lettres Royales, qu'on y voyoit sleuries; les portraits des Roys estoient éleuez en haut, tout le peuple les avoit en veneration, & tous estoient en allegresse.

X V I I I. Sozum regnant vint en personne à l'Eglise, le saint Soleil ietta sa lumière, & les heureuses nuées chasserent l'obscurité de la nuiet; la prosperité s'assembla dans la maison Royale, les miseres cesserent, le seu des troubles s'esteignit, la paix arresta

Les bruits, & nostre Empire reprit vne nouvelle face.

XIX. Le Taj-zun fut obeissant, & par ses vertus égala le Ciel & la terre, donnant la vie au peuple, & l'auancement aux affaires: il pratiqua les œuvres de charité, & presenta des parsums à l'Eglise, le Soleil & la Lune s'vnirent en sa personne.

XX. Le Roy Kiem-cum illustra la vertu pendant son regne, & rendit la paix auec les armes aux quatre Mers: & auec les lettres à dix mille confins. Comme vn flambeau; il esclaira le secret

des

des hommes : & vid toutes choses comme dans vn miroir. Il re-

suscita les Barbares, qui prirent la regle de sa main.

XXI. Comme la loy est grande & parfaite, elle s'estend à toures choses: pour luy former vn nom, ie veux la nommer loy diuine; les Roys sçauront faire leur mestier. Moy, qui suis leur vassal en fais vn recit sur cette pierre precieuse pour recomman-

der leur grande felicité.

XXII. Sous l'Empire du grand Tam, en la seconde année de Kien-chum, le septiéme iour du mois d'Automne, cette pierre sut dressée, estant Euesque Nin-ciu, qui gouvernoit l'Eglise de la Chine. Et le Mandarin nommé Liu-si-cuyen qualisé Chaovalam, qui auant cette charge estoit Taj-Cheu-su-sic-kan-kiun, l'a grauée de sa propre main.

Telle est l'interpretation de cette inscription traduite le plus-

fidelement, qu'on a peu de la phrase Chinoise.

Il ne sera pas maintenant hors de propos de saire quelques remarques sur le contenu, ayant differé tout exprés de les saire en ce lieu, pour ne pas interrompre le sil du discours: & partant nous irons par ordre des nombres, remarquans certains mots, sur lesquels nous donnerons yn auertissement.

I. La Iudée. C'est iustement le mot, qu'on lit sans autre disserence que des characteres, qui sont Chinois; le mesme se void en d'autres mots & en d'autres noms, à sçavoir de Satan, & du

Meßie, qui sont au nombre 111. & 1v.

II. Olooyu. Cette parole est escrite distinctement en cette sorte de lettres, & il est clair qu'elle signifie Eloi, le nom de Dieu; les deux principes, dont il fait mention consecutiuement, sont la ma-

tiere & la forme conformément à leur Philosophie.

III. Le Royaume de Pozu. Il est marqué dans les Cartes de la Chine à l'Orient, de la Iudée. Il se peut faire que les vingt quatre Saints, sont les quatre grands Prophetes, & les douze petits, auec Abraham, Isaac, Iacob, Iob, Moyse, Iosuë, Dauid & Zacharie le Pere de S. Iean Baptiste, qui composent ce nombre, & qui ont parlé plus clairement de la venuë de Iesus-Christ.

I V. Il dessit l'obscure principauté. Il est facile à voir qu'il parle de la descente du Redempteur aux Ensers. Les vingt-sept liures

Gg 3 font

sont peut-estre le nouveau Testament, qui contient les quatre Euangiles, les Actes des Apostres, les quatorze Epistres de S. Paul, vne de S. lacques, deux de S. Pierre, trois de S. Iean, vne de S. Thadée auec l'Apocalypse.

V. Sept sois ils offroient. Il entend parler sans doute de sept heures canoniques, & de sept en sept iours. Il veut signifier le Sacrifice de la Messe, qu'on celebroit rous les Dimanches.

VI. L'année de Chim-quon,&c.Par la supputation du temps do

leurs histoires, c'est l'an 636. de nostre Redemption.

VII. Affoiblissant la Monarchie, c'est vn Eloge que l'Auteur de cette inscription donne à ce Prince. Il s'en alla sur un chariot noir iusques à l'Occident. Il veut dire par là qu'il sortit de la Chine.

VIII. CaoZum. Il appert par leurs liures, qu'il regnoit l'an

de Iesus Christ 651.

IX. Xim-lie, à nostre compte viuoit l'an 699. Tam-cheu au iugement du Traducteur est vn lieu particulier de la Prouince de Honam. Sien-Thien c'est l'an 712. Sicam, auiourd'huy dite Si-

gam est l'ancienne Cour de la Prouince de Xensi.

X. Le Roy Hi ven-zun commença de regner l'an 714. Thien-pao viuoit l'an 745. Cao-lie-sic est le nom d'vn Eunuque puissant aupres du Roy. Les barbes du Dragon. Cette clause est vn autre Eloge que l'Auteur donne au Roy, & ce Dragon, suiuant le même Interprete, est vne vieille fable de ce Royaume, qui porte qu'vn de leurs Roys courut par l'air monté sur cette beste, que ses sujets qui l'accompagnoient auoient chargé de leurs armes. Ceux de sa suite arracherent des poils de la barbe de ce Dragon, & en sirent quelques peintures sur leurs armes pour conseruer la memoire de leur Prince, qu'ils s'imaginoient present en ces illustres marques. Cette sable peut bien venir de la coustume qu'ont les Roys de peindre des Dragons sur leur habits, & sur les autres matieres qui les concernent. La troisième année de Thien-pao suiuant nostre calcul tombe en l'an 757.

XI. Taizum-vemvu commença son regne l'an 764.

XII. Kien-chum-xim prit le Sceptre l'an 781.

XIII. Vam-xe-chi-chim; est vn endroit de la Terre des Pagodes godes qui signifie Terre éloignée. Le mot de Pole, dit l'interprete est vn meuble de verre.

X I V. Toso, estoit vn Bonze de l'Ordre des Pagodes, qui pour traiter des affaires communes, conuoqua vne grande assemblée de Bonzes, qu'il eut soin de loger & de pouruoir de toutes leurs commoditez.

X I X. Le Soleil & la Lune. Il veut dire par là que tout obeissoit à ce Roy.

XXII. Kien-chum, peut bien estre environ l'an 782. Touchant les autres nombres, sur lesquels nous n'auons point fait de remarques, il ne s'est rien trouvé, qui meritat vn auertissement,

Il paroit donc euidemment par le témoignage de cette venerable antiquité, que la Religion Chrestienne est entrée en la Chine, par les voyes que nous auons rapportées, dés l'an 631. apres la naissance du Fils de Dieu. Il ne faut pas neantmoins presumer de là, qu'elle n'y ait point esté plantée par la predication des Apostrés, respandus par tout les endroits de la Terre, comme parle la Sainte Fscriture: mais plûtost qu'ayant esté une fois publiée par tous ces pais, elle se perdit, & puis elle sut restablie pat de nouveaux soins. Le mesme est arrivé aux Indes, où l'Apostre S. Thomas auoit porté le flambeau de la foy, qui s'estant esteint, fut rallumé enuiron l'an 800. dans la Cité de Mogodouen, ou Patana, par yn Chrestien Armenien nommé Thomas Chananeen, lequel ayant renouvellé l'ancienne Religion, repara les Eglises basties par le S. Apostre, & dressa des Autels: ce qui a donné sujet de croire sur la conformité des noms, que tous les bastimens, qu'on y void, sont des ouvrages du premier S. Thomas.

Le mesme peut estre arriué dans la Chine; & qu'apres auoir receu la loy de l'Euangile des aussi-tost qu'elle commença d'estre annoncée au monde elle en perdit tout a fait la memoire, iusques à la seconde sois, qui est celle dont parle l'inscriptions de dereches iusques à la troisséme, de laquelle nous traiterons en la seconde partie. Il crois qu'il faut ainsi raisonner pour ne pas decrediter entierement ces témoignages, que nous auons rapporté, qui preu-uent comme l'Apostre S. Thomas prescha dans le Royaume de

la Chine, & le conuertit à la Foy.

Histoire de la Chine,

240

Le temps, auquel se perdit la memoire des Predications du S. Apostre, n'est pas beaucoup inégal & différent pour le regard des Indes & de la Chiné. Car nous tirons de diuerses coniectures, que Thomas le Chananéen restablist la Foy aux Indes, enuiron l'an 800. de nostre salut; & de cette pierre on void clairement, qu'il y a sept cens ans, qu'elle sut preschée en la Chine, & de-là l'on peut conclurre sans difficulté, que ce n'est pas le premier establissement de la Religion Chrestienne: mais plustost son restablissement.

Fin de la premiere Partie.



HISTOIRE DE LA CHINE.

CONTENANT L'ESTAT SPIRITVEL de ce Royaume.

SECONDE PARTIE.

BAIOTELE.



DE LESTAT SPIRITVEL DV ROYAVME DE LA CHINE.

CHAPITRE I.

Des premiers commencemens de la Predication de l'Euangile en ce Royaume.



V iugement de Socrate, celuy qui parle contre le Soleil, est coupable du mesme crime, & merite la mesme peine, que celuy qui luy voudroit rauir la beauté de sa lumiere, auec laquelle il fait le iour; puisque l'vn est son fruit, & l'autre sa fleur, comme dit gentiment Tertullien. Ce ne seroit pas vne

moindre faute; au contraire plus lourde & plus enorme, traitant de la conuersion des peuples de la Chine, de nier que S. François Xauier ait esté comme la fleur du beau iour de la grace, qui ayant esté cachée & obscurcie durant plusieurs siecles, commença de Hh.

se leuer apres vne si longue nuit, & d'esclairer de nouueau les Gentils de cette illustre Monarchie. Car ne fut-ce pas luy, qui donna le premier iufqu'aux portes, ayant aucc luy le sacré Threfor de l'Euangile, qu'il auoit déja distribué à vn nombre presque infiny de Royaumes & de Prouinces. Le glorieux Pape S. Leon parlant de l'Apostre S. Pierre, dit ces paroles: il auoit déja instruit les peuples, qui croyoient dans la Circoncisson: il auoit de ja ietré les premiers fondemens de l'Eglise d'Angleterre: il auoit déja presché la loy de l'Euangile aux Habitans du Pont, de la Galatie, de la Cappadoce, de l'Asie & de la Bithynie, lors que ne doutant non plus de l'avancement de ses travaux, qu'il estoit incertain du cours & de la fin de ses années, il se preparoit encore à planter les estendars, & éleuer les Trophées de la Croix sur les tours du Capitole. Toute l'Inde proteste la mesme chose de son grand Apostre, & rémoigne hautement, que les contrées de l'Orient si vastes & si estenduës, furent rrop petites & estroites pour la capacité de son courage, & pour la grandeur de son zele. Puis qu'ayant instruit les deux principales villes, Goa& Cochin; estably la lov sur les costes de la Pescherie; conquisà lesus-Christ le Royaume de Trauancor; communiqué la lumiere de l'Euangile à ceux de Cambaia; presché la verité du salut à Malaca; répandu la doctrine du Ciel à Macazar & aux Moluques; & enfin ayant soûmis le Roy de Bongo dans le Iapon, & la pluspart de ses sujets à la puissance, & aux loix du fils de Dieu. fon desir le portoit encore à rechercher vne plus riche moisson,& le zele du salut des ames, luy estoit le repos, & comme dit l'Abbé Robert, à propos d'vn autre ouurier Euangelique, le soing qu'il auoit de profiter aux autres, luy rendoit le repos insupportable: de sorte, que sçachant bien le fruit de ses illustres trauaux, mais ne sçachant pas la fin de sa glorieuse vie, il se preparoit d'entrer en la Chine, & d'éleuer les Trophées de la Croix sur les murailles de la ville Capitale du Royaume.

Ces desseins, ces desirs, & ces esperances luy sirent entreprendre le voyage de la Chine iusques à Sancian, où la Prouidence diuine l'attendoit au trespas, estant hors de doute, comme dit Tertullien, que le Createur de nos estres, pour uoit, dispose, & or-

donne

donne de toutes choses auec tres-grande raison. Ce fut en ce lieu, où apres que nostre Seigneur ayant resolu de recompenser les volontez de, son fidele seruiteur, & les desirs ardens, qu'il auoit de sacrifier sa propre vie, en la poursuite de cette haute entreprise, comme Abraham celle de son fils Isaac; l'eut fait monter sur la motagne de Sancian, comme vn autre Moyse sur celle de Nabor, & luy eut monstré la terre qu'il souhaitoit auec des passions si iustes de pouvoir conquerir par les armes de l'esprit & de la parole, ce grand homme rendit son ame entre les mains de celuy qui l'auoit creé pour l'auancement de sa gloire. Le Saint mourut par l'ordonnance du Ciel, en faisant voir à l'œil, & toucher au doigt à ses enfans, comme le venerable vieillard Iacob à son fils Ioseph, la terre qu'il avoit déja gaignée avec l'arc de sa volonté, & les fleches de ses desirs, leur en laissant la conqueste pour heritage, qu'ils furent soigneux de recueillir promptement, & d'en prendre possession, en laquelle ils se sont maintenus constamment depuis cinquante ans & dauantage qu'ils y entrerent, & laquelle ils ont defendu courageusement auec des trauaux, des persecutions, des emprisonnemens, des bastonnades, des angoisses & des afflictions d'ailleurs insurmontables, qui sont les armes propres pour arborer les estendars de la foy Chrestienne sur les murailles des Royaumes de la Gentilité, & qui fortifiées de la grace divine ont déja remporté tant de saintes dépouilles, & accrû le Christianisme dans cette vaste Monarchie, auec les succez admirables, que nous allons auoir en la seconde partie de cette histoire.

Apres ma venuë en Europe, à peine a-t'on sceu le sujet de mon voyage, qui est principalement d'amasser du monde, & de trouuer des ouuriers, qui veuillent trauailler en cette vigne, qu'il s'en est presenté vn si grand nombre de tous les endroits, qu'il n'y a presque point de Prouince de nostre compagnie, d'où ie n'aye receu quantité de lettres de plusieurs de nos Peres, qui non seulement s'offrent, mais encore sont des instantes prieres, pour estre admis à la participation de nostre gloire, comme si la peine d'vn si long & si fascheux voyage; & les persecutions, qui sont inéuitables en semblables rencontres, estoient à ces emplois ce que sont les espines aux roses, que S. Ambroise nomme, de

Hh 3

certain

Amatoria quadam illectamenta. certains allechemens amoureux. Dans la Prouince de Portugal, comme plus voisine, & plus propre au voyage des nouueaux mondes, i'ay receu seulement de deux Colleges, Conimbre & Eboia, les noms de plus de nonante Religieux de nostre compagnie, qui m'ont donné des témoignages si sensibles du desir, qui les poussa de trauailler en cette Mission, que la pluspart d'entre eux ne se sont entez de declarer leurs volontez par de simples paroles, & par des lettres escrites auec de l'encre, mais encore ils m'en ont enuoyé d'assez longues escrites, & signées de leur propre sang; faisans paroître par ces courageux essais, qu'ils ne trembleront iamais aux menaces des bourreaux, ny à la presence des tourmens, dans le Martyre; & que ces gouttes de sang sont des preuues du desir, qu'ils ont de le répandre tout, pour l'amour de Iesus. Christ leur Maître.

Qui est-ce maintenant, qui doutera, que ce ne soient des effets merueilleux de l'esprit & du zele, que leur communique S.François Xauier, qui opere interieurement dans la poitrine d'vn chacun d'eux, ce que depuis peu il a produit exterieurement en la personne du vaillant Champion Marcel Spinelle, qu'il a luymesme enuoyé au Iapon, pour couronner glorieusement sa vie, &

sestrauaux de son sang, & de sa mort.

Sancian est vne de ce grand nombre d'Isles, qui d'vn costé donne commencement au Royaume de la Chine, & vne haute montagne toute couverte d'arbres sauvages, qui en rendent le sejour agreable, quoy que le lieu ne soit pas habité. Au commencement que les Portugais ouurirent le commerce auec les Marchands de la Chine, cette Isle deserte leur servoit de port. C'est là qu'ils iettoient l'ancre, & qu'ils bâtissoient à la haste des maisons en forme de cabanes, dont ils se servoient seulement pendant le temps de leur negociation, attendant la venuë des Marchands, & dés aussi-tost que leurs vaisseaux estoient chargez, ils abandonnoient leurs petites maisons, & mettoient les voiles au vent, pour prendre la route des Indes. A cinquante-quatre milles de là, entrant plus auant dans le Royaume, on rencontre vne autre Isle, que les Chinois nomment Gauxan, & les Portugais Macao, qui est fort petite & pleine de rochers, ce qui la rend de facile

facile defense, & commode aux courses des larrons & des Pirates, qui apres auoir rauagé toutes les Isles voisines, auoient là vne retraite assurée. Les Chinois s'estoient resolus de remedier à ce mal public, & d'arrester ses courses; mais soit qu'ils eussent faute de courage, ou qu'ils aymassent mieux le faire sans danger de leur costé, & aux despens d'autruy, ils donnerent cette Isle aux Portugais pour l'habiter, dont ils connoissoient sussissamment la valeur & les benedictions, en cas qu'ils voulussent entreprendre d'en chasser les voleurs, & ainsi de nettoyer la coste de Pirates.

Ils accepterent l'offre tres-volontiers; & quoy qu'ils fussent en petit nombre, & beaucoup moins que n'estoient les voleurs : toutesfois comme ils estoient plus experimentez qu'eux, & mieux versez au fait des armes, s'estans rangez en ordre de bataille, ils sceurent si bien les renfermer, que sans perdre vn seul homme, ils entuerent vne bonne partie, chasserent le reste,& se rendirent bien-tost les maistres du champ du combat, & de la possession de l'Isse mirent aussi-tost à bastir, chacun prenant la place & l'espace de terre qu'il vouloit; mais ce qui ne coustoit rien au commencement, vint peu à peu à s'encherir beaucoup: & à peine pourroit-on croire, combien maintenant les moindres places, pour bastir dans la ville, se vendent cherement, dautant qu'au lieu que le trafic diminuë par tout ailleurs, & que l'Inde se dépeuple de tous costez, cette Isle se rend plus nombreuse & plus riche, de sorte que l'auarice des Hollandois l'a souuent muguetée, & vne fois a tâché de la prendre.

Au mois de luin l'an 1622. quatorze vaisseaux d'Hollande entrerent dans le port de Macao, auec tant de resolution, & si certains de prendre la ville, qu'ils auoient déja partagé entr'eux les principaux endroits: & force Capitaines, & vieux soldats ne s'estoient iettez dans cette armée, que sur l'esperance qu'ils auoient de s'enrichir, & de receuoir en ce lieu, la recompense de tous leurs seruices passez. Le soir de la S. lean, sept cens hommes descendirent en terre, trois cens demeurerent au port auec le canon, les autres quatre cens rangez en sorme d'escadron, prirent le haut de la montagne de nostre Dame de la Guide, marchans droit vers la ville auec vn si bel ordre, & si allegrement, qu'on eust dit,

qu'ils auoient déja la victoire en la main.

Ils ne furent pas plûtost descouuerts de la montagne de Saint Pol, qu'ils furent incontinent repoussez, à la faueur de deux ou trois volées de canon si bien prises & pointées, qu'ayans entierement abbatuë leur premiere furie, ils abandonnerent le droit chemin de la Cité pour prendre à main gauche celuy de Nostre-Dame: où ils s'attacherent particulierement à coups de mousquets contre les soldats, qui estoient en garnison dans l'Eglise de la Sainte Vierge: mais les Portugais sceurent si bien prendre leur temps, & donnerent si à propos & si vigoureusement fur leurs ennemis, qu'ils les mirent en fuite, & les firent descendre plus viste que le pas du haut de la montagne iusqu'au bord de la mer, où les autres soldats auoient esté laissez à la garde des vaisseaux. Cette déroute se fit auec tant de desordre & de confusion, que quoy qu'ils eussent trois cens hommes tous fraiz pour les soustenir, qui les pressoient de retourner au combat, il ne sut iamais possible de les y engager, pour vne seconde fois : de sorte que les vns & les autres furent contrains de s'embarquer auec tant de precipitation que la pluspart entrans dans l'eau iusqu'au menton, quelques-vns allerent iusques au fond, & se noyerent; vne barque mesme pour estre trop chargée, s'enfonça, & se perdit à l'embarquement; cette entreprise cousta la vie à plus de quatre cens hommes du costé des ennemis, outre le nombre des blessez, qui fut tres-grand, à cause que nos mousquetaires s'estans mis à cheual les poursuiuirent iusques au pied de la montagne, & les chargerent rudement en queuë, sans auoir perdu que trois ou quatre de nos hommes, & quelques valets. Les Holandois ayans esté receus tout autrement qu'ils n'esperoient, leuerent incontinent l'ancre, & mirent le voile au vent, sans auoir depuis osé s hazarder à vne semblable entreprise.

Cette attaque inopinée fut vne occasion pour fortisier la ville de Macao d'vne enceinte de murailles, & de six bouleuars: à sça-uoir le bouleuard de S Pol, qui est comme vne citadelle tout au haut de la ville garny de quinze grosses pieces de canon, auec vn corps de-garde: celuy du port soûtenu pareillemet d'vn corps de-

garde,

garde, & chargé de huit petites pieces de baterie, & de six gros canons de cinquante liures de balle, le troisséme qu'on nomme-de Nostre-Dame de bon port a huit canons: le quatrième de S.François, qui domine sur la montagne, en a autant: le cinquiéme de S.Pierre en a cinq, & le sixiéme, qui porte le nom de Saint Iean, en atrois. Et pource que la montagne de Nostre-Dame de la Guide, sert de place d'armes à la Caualerie du Chasteau de S.Pol, on la fortissa l'an 1637, en la mesme forme que l'escuëil de Charil, & on y plaça dix grosses pieces de bronze.

La Ville n'est passort grade; elle est peuplée en partie de Portugais, qui ne sont pas plus de mille, tous gens riches, & bien accomodez: & en partie de Chinois naturels, qui peuuent monter au nombre de cinq ou six mille: les vns sont Chrestiens, qui sont vestus & viuent à la façon des Portugais; les autres sont Payens, presque tous artisans, gens de boutique, reuendeurs & Mar-

chands, qui sont vestus & viuent à la Chinoise.

Il y a vn Auditeur resident de la part du Roy, qui a l'intendance generale du commerce & des assaires de l'Isle. La seule nauigation du Iapon, sans parler du trasse de Manila, qui vaut encore mieux, rend tous les ans plusieurs milliers d'escus à sa Majesté, pour le droit des marchandises, qui est de dix pour cent: ie sçay bien que la levée de l'année 1635, sut de cent quatorze mille Tausi, c'est vne espece de monnoye, qui vaut plus que des escus.

La despense, que fait la Ville tous les ans, l'vn portant l'autre, comme on le peut voir aysément de leurs Registres, se monte à plus de quarante mille escus, pour l'artillerie, les poudres, l'entretien des murailles, & autres choses concernantes le fait de la milice.

La foire de Canton donne au Roy prés de cinquante mille escus, pour ses droits ordinaires, qui sont de six & sept pour cent. Les seuls preparatifs pour la nauigation du lapon, & pour les presens qu'on enuoye au Roy & aux Tonis de l'Isle coustent vingt-cinq mille escus. Les despenses de la maison de la misericorde sont de huit à neuf mille chaque année. Outre cela il faut entretenir deux Hospitaux, trois Paroisses, cinq Monasteres,

quatres d'hommes, & vn de filles Religieuses, sans comptet les aumosnes continuelles, qui se distribuent aux pauvres Chrestiens, & particulierement à ceux de la Chine, qu'on leue sur les Habitans de Macao, par l'ordre du Roy, y ayant plus de dixneus ans, que ceux de Goa ne payent plus rien, comme ils auoient accoustumé: & ie ne doute aucunement que nostre Seigneur ne fauorise cherement cette Ville, pour les grandes aumosnes qu'elle fait, & pour les soins particuliers qu'elle a de la Religion, & de ce qui concerne le service de Dieu.

Énfin on peut dire auec verité, que l'Isle de Macao est vn seminaire institué pour l'education d'vn grand nombre de bons ouvriers qui s'employent soigneusement à cultiuer non seulement les terres de la Chine & du Iapon; mais encore de toute la Chrestienté des Royaumes circonvoisins; & que la Ville est vne Cité de resuge, & vn lieu de seureté, au temps de la persecution, pour receuoir les Chrestiens, qui s'y retirent de tous les endroits, comme dans vn autre Moab, suïant la face du persecuteur.

Vn des plus considerables Convents de la Ville, est le Collège de nostre compagnie, qui a pour l'ordinaire soixante ou quatre-vingts personnes, plus ou moins selon qu'on en reçoit, ou qu'on en enuoye des autres lieux, pour estre par apres dispersez par toutes les Missions de ce nouveau monde, ce qui fait que le nombre change diuersement, à mesure que les occupations sont diuerses. Il y a deux lecteurs de Theologie, qui prosessent publiquement, vn des cas de conscience, vn de Philosophie, & deux Regens pour la langue latine, auec vne petite Escole pour les enfans, qui est toûjours si nombreuse, qu'il n'y a iamais moins de nonante escoliers, tant Portugais que naturels du pays.

C'est de cette maison, qui estoit fort petite en ses premiers commencemens, & ses ouvriers en sort petit nombre, d'où sont sortis, comme d'vne place d'armes, ces valeureux soldats, qui entreprirent la conqueste du Royaume de la Chine. Le P. Alexandre Valignan d'heureuse memoire, qui estoit alors Visiteur des Indes, se resolut de saire entrer dans ce vaste Royaume quelques-vns de nos Peres, pour le gaigner à lesus-Christ, & le soumetre à ses loix: les premieres dissicultez nasquirent dans ce mémetre à ses loix: les premieres dissicultez nasquirent dans ce mé-

me College, comme des presages asseurez de plusieurs autres plus redoutables, qui s'éleuerent dans les progrez & dans l'execution d'vne telle entreprise; que la plus-part des Peres les plus experimentez & les mieux entendus aux loix & aux coustumes de ce Royaume, ne iugeoient pas seulement difficile; mais temeraire, & sur cette connoissance faisoient tout leur possible de détourner l'esprit du P. Visiteur de cette pensée. Mais nostre Seigneur, qui tire des essets extraordinaires des plus soibles principes, & qui fait sortir ses plus admirables productions de ce que les hommes iugent impossible, voulut que ce dessein s'executast.

Le P. Michel Roggier fut le premier nommé pour trauailler à cette glorieuse conqueste d'ames : qui fut suiuy & soûtenu courageusement par les Peres François Passius, Matthieu Ricci, Antonin d'Almeida Duarte, & par quelques autres, qui vindrent en suite, & auancerent cét ouvrage, estans comme les premieres pierres d'vn si superbe bastiment, qui porterent le plus grand poids, & essuyerent les premieres & les plus estranges difficultez, que nostre compagnie ait iamais experimentées dans les Missions. Car, comme il est hors de doute, que les difficultez & contradictions, qui se rencontrent en toutes les nouvelles Missions des Royaumes si reculez, & separez de nostre Europe, de langage, de façons de faire, de vestemens, de viures, de climats, d'air, & de terre, ne sont pas petites ny communes: aussi est-il certain que celles de la Chine sont extraordinaires Quand il n'y auroit que la langue, c'est la plus difficile qui soit au monde, pour estre toute composée de mots monosyllabes, courts, & la pluspart équiuoques : les Peres experimenterent cette difficulté, se trouvans sans Maistre, qui leur enseignast: & sans truchement, qui leur interpretast : de façon qu'ils ne pouvoient se faire entendre ny entendre les autres; si est-ce qu'à force d'estude & de travail ils firent vn tel progrez, qu'encore bien qu'ils ne peussent iamais paruenir à la perfection du langage, ny à la naïfveré de la prononciation, ils en découvrirent neantmoins les mysteres cachez, & leur donnerent vne nouvelle forme, auec tant de clarté, qu'ils en ont rendu l'vsage facile, à ceux qui les ont voulu suivre. Il faut ajoûter à l'estude de la langue, l'estude des lettres & des characte

characteres, qui est d'une peine incroyable, à cause de leur grand nombre & de leur diversité; ausquelles, contre la coustume des autres pays, les Peres ont deu s'estudier auec tant d'application & d'assiduité, que non seulement ils les ont apprises parfaitement, les escriuent nettement, les lisent distinctement; mais encore composent eux-mesmes des livres, & en ont déja mis plusieurs en lumiere, au profit des Chrestiens, & à l'auancement de la Religion. Et en verité les Peres, qui s'employent à la conversion des Chinois, meritent cette louange que la langue estant si fascheuse, & les lettres qui ont leur difficulté, qui n'est pas petite, demandans vn estude particulier, ils parlent beaucoup mieux, que ceux des autres Missions, n'ayans besoin ny d'ayde ny d'interprete, pour eatechiler, prescher, conuerser auec les plus grands Mandatins du Royaume, & pour porter mesme vne parole au Roy, s'il en estoit besoin : ce qu'on doit attribuer à leur estude, & à leur diligence du tout extraordinaire, qui ne se pratique point ailleurs: outre que nostre Seigneur par sa providence addoucit ces travaux, & remplit ces difficultez, qu'on souffre & qu'on souhaite pour son amour, de toutes sortes de consolations Puis il est besoin de faire vn changement vniversel par tout son corps, à la barbe & au poil de la teste, qu'on laisse croistre fort long à la mode du pays, en la -façon des habits; en la maniere de conuerser, aux mœurs & aux coustumes, & en toutes les autres choses, qui sont d'autant plus sacheuses, qu'elles sont plus estranges, & plus éloignées de nos coûtumes & de nos façons de faire.

Outre ces difficultez ordinaires, qui se rencontrent plus ou moins dans toutes les Missions, on ne sçauroit croire les cruelles guerres, que le Prince des tenebres a suscitées en particulier contre les ouvriers de la Chine. Il semble, à voir les difficultez & les persecutions que nous avons surmontées, qu'il ait employé toutes ses forces, pour empescher cette entreprise: la chose en vint iusques-là: que le P. Valignan Visiteur, voyant les grandes oppositions, qui se presentoient de tous costez: les dissicultez presque insurmontables, qui rendoient les portes de ce Royaume sermées, & les ports inaccessibles aux estragers; le danger qu'il falloit encourir pour y faire que sque demeure, le peu de prosit qu'on re-

tiroit

tiroit de tant de travaux, avoit resolu de rappelet les Peres à Macao, pour les employer en d'autres Missions avec moins de peine, & plus de prosit pour les ames, & avoit mesme escrit quelques lettres pour cét esset; quand le Sauveur des hommes, qui avoit bien d'autres desseins en saveur de ses Esseus, empescha que ces braves ouvriers, qui avoient déja forcé le premieres barrieres, ne laissassement l'œuvre de Dieu dans ce Royaume, où il devoit vn iour avoit vn succez avantageux.

CHAPITRE II.

Des premiers progrez & des persecutions, que soufrirent les Peres, auant que d'arriuer à Nanquim.

Es Peres perseverans auec non moins de courage que d'esperace dans leur genereux dessein, d'entrer au Royaume de la Chine, & de s'y establir, se presenterent la mesme année trois fois aux portes avec addresses, & en furent trois fois repoussez

avec les iustes ressentimens & les regrets, qu'on se peut imaginer en cette rencontre, voyans iusqu'à la moindre blüette de ce diuin seu, qui les embrasoit, & de cette douce esperance, qui les animoit à cette entreprise, quasi esteinte par le grand nombre des oppositions qui se presentoient à leurs yeux, & par les incroyables difficultez, que les Chinois sont de recevoir les Estrangers en leur pays.

On m'a raconté qu'au mesme temps le P. Valignan estant à vne des senestres du Collège de Macao, qui regardent la Terreferme, ce Venerable vieillard crioit à haute voix, & du plus profond de son cœur, adressant ces paroles à la Chine, Ah rocher rocher! quand t'ouvriras-tu rocher! Mais comme il n'est rien de si fort, ny de si puissant, qui puisse empécher ou arrester les desseins de Dieu, qui void & connoit les temps, & les momens de ces divins conseils ; lors que l'entrée dans les Estats de la Chine sem-

Ii 3 bloit

bloit estre plus fermée, & plus environnée de difficultez que iamais, apres que tous les efforts des hommes, leurs pratiques, & leurs intelligences auoient esté renduës vaines & invtiles, que les Peres, qui auoient essayé de forcer les barrieres des gardes & des loix du Royaume, auoient esté repris aigrement par le Vice-Roy de Canton, & renuoyez par ordonnance publique à Macao; Dieu qui tient les cœurs des Roys, & les cless des Royaumes en sa main, nous ouvrit les portes de la Chine, par des voyes extraordinaires, & par des moyens qu'on n'eust iamais pensé.

Il n'y auoit pas encore sept iours depuis le retour des Peres à Macao, tenans l'affaire entierement desesperée, qu'on vid arriver vn homme envoyé exprés par le Gouverneur de Canton, nommé Chifu, auec des lettres de la part du Vice-Roy, pour rappeller les mesmes Peres, les asseurer qu'ils seroient les bienreceus à Xaokim, qui est la principale Ville de Canton, & leur offrir vne place pour bastir vne Eglise auec vne maison dans la mesme Ville, où le Vice-Roy des Provinces de Canton & de

Quamsi fait sa residence ordinaire.

Il ne faut point demander auec quelle diligence nos Peres se mirent en chemin, & auec quelle allegresse ils firent leur premiere entrée à Xaokim, qui fut au mois de Septembre l'an 1583, voyans dans vn moment leur establissement asseuré, où iamais auec tant de soins & de travaux ils n'avoient peu seulement mettre le pied. Ils bastirent une maison & une Eglise, & se mirent au plustost à travailler pour l'auancement de la doctrine de l'Evangile, qui estoit leur vnique pretention, traduisans le mieux qu'ils peurent en langue Chinoise, les dix commandemens du Decalogue, & faisans voir la necessité de les garder. La vertu de ces nouveaux hostes estoit admirée par tous les habitans de la Ville, plustost pour la saincteré de leur vie, que pour la beauté de leurs paroles: car ils sçavoient beaucoup mieux faire que dire; encore ne manquerent-ils pas d'espreuves & de persecutions presque continuel. les parmy ces applaudissemens. L'insolence du peuple vint iusqu'à ce poinct, que de rompre le toict de nostre maison à coups de pierres, qu'ils iettoient du haut d'vne Tour voisine, auec vn euident danger de nostre vie. Et dautant qu'vn de nos seruiteurs prist

prist yn enfant, & le menaça de l'accuser en iustice; on informa sur l'heure mesme contre nous, d'avoir mal-traité le fils d'vn Citoven; mais nous en fûmes quittes, ayans prouvé la fausseté de cette calomnie. Apres laquelle, on en inuenta d'autres beaucoup plus atroces, particulierement contre le Pere Ruger: mais qui fut presque aussi-tost reconnu & declaré innocent, qu'accusé d'adultere, apres qu'on eut fait voir qu'il estoit éloigné de plus de deux mois de chemin du lieu où l'on pretendoit que le crime auoit esté commis. Comme le peuple de Xaokim vid qu'il ne gaignoit rien par les paroles, au prejudice de nostre innocence, il reprit en main les cailloux, & derechef batit en ruïne nostre maison, semblable à vn pauvre vaisseau accueilli des vents & des tempestes das vne mer orageuse: de sorte qu'il ne s'en fallut rien, que nos Peres ne fussent assommez. Neantmoins Dieu nous sit toûjours paroistre quelque beau iour, à travers ces horribles nuagesi& iouyr de la douceur du calme, parmy tant de tempestes, & recuëillir quelques roses parmy ces fascheuses épines; comme le fruict de nos travaux, qui les rendoient plus supportables par l'abondance des consolations presentes, & par l'esperance des progrez à venir, qu'ils tenoient déja comme certains, la tempeste appaisée. Cependant les nostres ne perdoient point de temps ny d'occasion de mettre en credit les choses de l'Europe, & de gaigner la faveur des grands, ce que sçauoit tres-bien particulierement le Pere Matthieu Ricci, par le moyen des Mathematiques, & de ses Cartes Geographiques. Mais la venuë d'vn nouveau Vice-Roy, excita vne tempeste si furieuse, que nonobstant toute la diligence que nous apportâmes de nostre costé, & tous les efforts que firent nos amis pour la surmonter, il ne fut pas possible de resister à la sentence lancée contre nous, comme vn' foudre, par l'authorité du Vice-Roy, qui nous condamna de vuider au plustost le Royaume, & de retourner precisément à Macao, sans qu'il nous fut possible de seiourner dauantage, ny de nous retirer en aucun autre pays. Il fallut sur le champ obeyr aux commandemens des puissances de la terre, & laisser entre les mains & à la garde de nos amis, quelques meubles de nostre maison, ne pouvans pas emporter tout; apres auoir fait vne courte

courte priere à nostre Seigneur, & luy avoit recommandé le petit troupeau, que nous laissions parmy les loups destitué de Pasteur, & apres avoir excité les Chrestiens à estre courageux & tenir serme en la foy qu'on leur auoit enseignée, durant sept ans entiers. Nos Peres s'embarquerent sur la riuiere, & les nouveaux Chrestiens demeurerent sur le riuages les vns & les autres pleurans leur separation, & tous se remettans, & la conduite de leurs assaires, à

la providence Divine.

Estans arrivez en la Capitale de la Province de Canton, ils ne trouverent point l'Haïtao general de la Mer, qui avoit charge de les faire conduire iusques à Macao; de sorte qu'ils surent contraints de s'arrester, & de se tenir cachez deux ou trois iours par l'ordre du Vice-Roy, attendans qu'ils eussient réponce du Visiteur de Macao, auquel ils avoient escrit sur ce suiet. A peine vn iour fut-il passé dans cette triste attente, qu'ils virent aborder vne Barque, que le Vice-Roy leur avoit dépechée à la haste expressémet pour les ramener à Xaokim. Quoy qu'ils ne doutassét point qu'ils s'alloient derechef engager à des travaux & à des dangers aussi grands que les premiers, qu'ils aucient échapez, ils prirent neantmoins cette revocation pour la voix de Dieu, qui les appelloit de la mort à la vie. Retournez qu'ils furent à Xaokim, ils s'allerent presenter au Vice-Roy, qui ne les avoit contre-mandé, qu'à dessein de les rembourser des frais qu'ils avoient sait au bastiment de leur Eglise & de leur maison. Ils le remercierent, & nonobstant toutes ses instances, ne voulurent iamais prendre vn denier: ce qu'ils gaignerent, apres plusieurs contestations, sut la permission qu'ils obtindrent de pouvoir se retirer dans vne autre Ville de son gouvernement, nommée Xaocheu.

Avec ces provisions, les Peres partirent de Xaokim le quinziéme iour d'Aoust, l'an 1589. & arriverent en peu de iours à Xaocheu. A leur arrivée ils eurent beaucoup de peine de s'exempter du logement qu'on leur offroit dans vn Monastere de Bonzes, & firent tant avec le secours de Dieu, qu'ils furent receus das la Ville, & entrerent si puissamment dans les bonnes graces des Magistrats, qu'ils bâtirent vne maison & vne Eglise, & commengerent à exercer les son dions de predicateurs de l'Evangile, té-

moignans

moignans autant d'ardeur à l'imprimer dans les cœurs des Chinois, que de patience à supporter les persecutions, les outrages & les calomnies, qui accompagnoient par tout leurs predications, comme l'ombre fait les corps à la lumiere. C'est vne chose presque incroyable du grand nombre, des persecutions qu'ils ont soussers. Pour satisfaire à ma curiosité, i'ay fait vn recuëil tant de celles que le P. Trigaud raporte en son histoire, que des autres dont il n'a point parlé iusques à celle de Nanchim. I'en ay conté cinquante quatre la pluspart suscitées dans les premiers commécemens, & dans la Province de Canton, laquelle estant comme vn passage public, & comme vne grande porte ouverte, pour aller par tous les endroits du Royaume, peut à bon droit estre nommée vn autre Cap de bonne esperance, & le Promontoire des tempestes; aussi n'en parlerons-nous iamais qu'au suiet de quelque nouvelle persecution suscitée contre les Chrestiens.

Nos seruiteurs & Domestiques ont esté souvent pris & bâtonnez sans autre occasion, que pour s'estre mis en desense centre les violences d'vn peuple insolent: & nostre frere Sebastien Fernandez receut vne sois le mesme traitement avec d'autres outrages, pour avoir voulu secourir ces pauvres innocens, & arrester le peuple par ses raisons & par ses prieres. La persecution esmeile contre le frere François Martinez sut bien plus cruelle, sur vn simple soupçon qu'on eut, qu'il brassoit quelque trahison contre l'Estat, & qu'il estoit Magicié. Il sut battu & tourmenté à diverses reprises, & apres les travaux d'vne longue priso, ayat ensin receu le dernier supplice des violétes bâtonades, il sinit ses iours par vne mort autat glorieuse, qu'il la suporta patièment pour vne cause si auguste & si sainte, come est de procurer le salut des Gentils.

Pareillement nostre frere François Mendez, rendit son courage & sa patience illustre dans les tourmens qu'il endura en la Capitale de la Province de Canton, où il estoit allé à l'occasion de quelques affaires qu'il avoit à traiter, & à dessein de secourir vn de nos serviteurs, qu'on tenoit en prison. Le Geolier luy mit la main sur le collet, & croyant qu'il sût Prestre, luy osta le bonnet, & considera diligemment s'il n'avoit point vne courone sur la teste: mais n'en ayant point trouvé, ny mesme aucun vestige, qui peût

Kk

appuve

appuyer vn soupçon raisonnable, il ne laissa pas de l'arrester prisonnier pour ce seul suiet qu'il estoit Chrestien, Domestique des Peres, & ne sortit point de prison, qu'apres force coups de baston. De la mesme saçon deux Peres, qui sortoient de Canton, & gaignoient plus avant vers le milieu du Royaume, à sçavoir le P. Iules Alessi, avec vn autre Pere, surent pris & arrestez, & delivrez,

enfin apres avoir bien enduré.

Les affaires de la Religion Chrestienne faisoient déja quelque progrez dans la residence de Xaocheu, & dans vn autre lieu voisin nommé Nanchim, où le P. Matthieu Ricci faisoit souvent des courses, gaignant toûjours quelque ame à lesus-Christ, & augmentant par ce moyen le nombre de ses suiets: neantmoins c'estoit si peu de chose, en comparaison de la peine qu'il y prenoit, & le fruict correspondoit si peu à la semence qu'il viettoit, que le Frere Sebastien Fernandez son compagnon, quoy que Chinois de naissance & d'origine; mais qui avoit esté nourry & éleué par ses parens Chrestiens, & qui estoit entré dans nostre compagnie estant déja homme fait, & riche marchand, laquelle il servit vtilement iusqu'à la mort durant plusieurs années par ses travaux continuels, & par le bon exemple qu'il donnoit aux nouveaux Chrestiens, luy dit vn iour: mon Pere, nous devrions abandonner la Chine, & aller au Iapon; que nostre Seigneur fauorise éuidemment par la conuersion de tant de peuples, & par les Baptesmes de tant de personnes, & là finir glorieusement nostre vie chargée du fruit de nos travaux, & couronnée de nos victoires. Mais le Pere, qui possedoit vne foy bien plus vive, & vne esperance mieux fondée, luy répondit avec vn esprit & vne voix de Prophete, & l'asseura de ce qui est arriué depuis, à sçauoir des grands fruicts que nous devions recuëillir de la culture de cette vigne, quatre ans apres sa prediction; bien que cette cuëillette ait esté traversee de plusieurs cruelles persecutions, qui ont attaqué les meilleurs, & les plus considerables Chrestiens de cette nouvelle Eglise, qui est encore vne naïfve representation de la premiere, où le sang des Martyrs faisoit lever la semence des Chrestiens, & la multiplioit par vne merveilleuse fecondité semblable à celle, que nous avons veuë & admirée au Royaume de la Chine. Deux

Deux suiets de nostre compagnie en cette residence passerent à vne meilleure vie, enuiron l'an 1594. Que si les habitans de cette Province ne valent pas beaucoup, on peut dire que la temperature de l'air y vaut encore moins. Nos Peres; qui demeurent là, ont conserué iusqu'à cette heure, l'habit qu'ils avoient, quand ils entrerent dans le Royaume, qui est la barbe rase, la couronne sur la teste, le chapeau plat, semblable à celuy que nous portons, & tel que le portent les Bonzes, qui sont les Prestres des Idoles. autant mesprisez à la Chine, qu'ils sont respectez ailleurs. Neantmoins l'experience particuliere, que nous avons faite depuis des mœurs & des coustumes de cét Estat, nous a fait enfin connoistre qu'il estoit expedient pour donner du credit à l'Evangile, & de l'authorité aux predicateurs qui l'annoncent, de prendre vn autre habit que celuy des Bonzes, & d'estre aussi differens de leur exterieur, qu'on l'est de leur interieur. Car cét habit des Bonzes estant méprisé des Chinois nous ferme l'entrée de la maison des grands, nous priue de la conuersation des Magistrats & des Officies du Royaume, & nous empesche de traiter familierement avec les personnes de condition, qui ne reçoiuent iamais aucun dans leur compagnie sans la robe de ciuilité, comme ils la nomment, qui est la robe des personnes lettrées. Cette consideration plus que toute autre nous a obligé de changer d'habit, & de nous vestir à la façon des lettrez, au grand contentement des Chrestiens, & de nos meilleurs amis, qui sont des plus ancies Officiers du Royaume : & dautant que nous ne pouvons pas estre receus aux degrez de leurs sciences, nous passons dans leur opinion pour les lettrez de l'Europe, ce qui nous donne vne haute reputation, & produit de bons effets pour l'avancement de la Religion.

Au mois de May de l'année suivante, le P. Matthieu entreprit de passer à Nanchim, à la faveur d'vn Mandarin, son amy, personnage d'authorité, qui sut obligé d'y aller comme Lieutenant General des armées en la guerre, que les Iaponois avoient declarée au Royaume de Corea. Ils eurent dequoy souffrir par les chemins dans vn dangereux naufrage, leur bateau s'estant renversé, & le Pere se trouvant au milieu de la riviere dans l'eau par dessus la teste sans sçavoir aucunement nager, & sans esperance de vie.

Kk 2 N

Mais nostre Seigneur le secourut miraculeusement, par vn moyen caché à tout autre qu'à la Providence Divine; qui luy sit trouver en main la corde d'vn vaisseau, avec laquelle se guindant en haut il se tira du danger, que son compagnon ne peut pas échaper, ayant esté entraisné par la violence des slots, sans avoir ia-

mais depuis paru sur l'eau.

Le Pere estant arriué à Nanchim, trouva que l'heure du salut de cette sameuse Cité, n'estoit pas encore venuë: & quoy que plusieurs de ses amis souhaitassent de luy faire connoistre en cette conionêture, la sincerité de leurs assections, & le desir qu'ils avoient, de luy rendre service: il n'en fallut qu'vn, pour arrester toute l'assaire, & rendre leurs desirs invtiles. C'estoit de celuy-là que le Pere esperoit plus de faveur & d'assistance, ayant contracté vne estroite amitié avec luy, à Canton; mais comme la volonté des hommes est suiette au changement, le Chinois de crainte qu'il eut qu'on l'accusast d'auoir introduit vn Estranger contre les loix sondamentales du Royaume, sut le premier à poursuivre le Pere, & à procurer qu'il sust chassé honteusement de la Ville.

Le P. Matthieu au sortir de Nanchim, s'arresta dans la Province de Kiamsi qui est au milieu des Provinces de Nanchim & de Canton; où il fut receu dans la Ville Capitale, qu'on nomme Namkum, avec des témoignages d'une affection particuliere de tous les Ordres, & traité tres-honnorablement par les personnes les plus considerées; entre autres par vn des grands Seigneurs du pays, nommé Kiem-gam-vam, proche parent du Roy; & par le Vice Roy méme, qui luy rendit tant d'honneur & de civilité, que ce ne fût pas vne des moindres occasions que Dieu nous fit naître pour y establir vne residence. Le Pere ne donnant aucun repos à son esprit, alloit cherchant les moyens d'avoir vne maison, quand la providence de nostre Seigneur luy amena fort à propos vn compagnon de Macao nommé lacques Socire, pour l'affister en ce dessein. Il achepta des aussi tost un logis dans la Ville fort estroit; mais qui ne laissa pas neantmoins de couster beaucoup, & de recevoir force oppositions tant du costé des voisins, que d'autres personnes mal affectionnées; qui s'accreurent avec le cemps

effet

temps en telle façon, qu'à bon droit on peut comparer cette pauvre maison, à celle de Xaochu pour le regard des persecutions, que l'yne & l'autre ont endurées, des habitans, qui ne valent pas beaucoup dans vne de ces deux Villes, & valent encore moins dans l'autre. Il est vray que les attaques, qui nous ont esté livrées, n'ont pas procedé toutes de la méchanceté du peuple; vne partie est venile des lettrez, & des Gentils-hommes, qui sont en grand nombre; les faux freres mesmes nous ont persecutez, l'Eglise naissante de la Chine ne maquant non plus d'vn Iudas pour affliger les bons Chrestiens, que l'ancienne de Ierusalem pour trahir Iesus-Christ. Neantmoins comme les nuages n'offensent point le visage du Soleil, & ne luy ostent rien de sa lumiere, ces traverses & ces persecutions suscitées contre cette maison, n'ont peu empescher la conversion de plusieurs payens au Christianisme, & particulierement des personnes de qualité, & de ce proche parent du Roy, dont i'ay déja parlé, qui a embrassé la do-Arine de l'Evangile avec toute sa famille, & se rend autant recommandable par ses vertus, qu'il est illustre par sa noblesse. Il n'avoit peu avoir d'enfans estant payen, Dieu duquel procede toute paternité & au Ciel & en Terre, luy en a donné depuis qu'il s'est fait Chrestien. Plusieurs autres familles ont suiuy son exemple, lesquelles quoy qu'inferieures de beaucoup en grandeur & en noblesse, ont cette louable ambition de ne luy point ceder en pieté.

Apres que le P. Matthieu se vit pourveu d'vn compagnon, qui peût en son absence demeurer à Namchum, il reprit le premier dessein qu'il avoit plûtost interrompu qu'abandonné touchant les affaires de Nanchim. Vn des puissans Mandarins son amy, qui le prit & le mena en sa compagnie, luy en ouvrit vne belle occasion. Par ce moyen il rentra dans cette grande Ville l'an 1598. Et bien qu'il trouvast de la peine au commencement à cause de la guerre, que les saponois faisoient au Royaume de Corea, menaçans celuy de la Chine, ces difficultez surent neantmoins ostées ou amoindries heureusement, par l'authorité des personnes de marque, & mesme du Vice-Roy, qui nous témoignerent en cette occasion la bonne volonté qu'ils avoient pour noussqui sut vn

effet particulier de la providence Divine, nous ouvrant le chemin qu'elle sçavoit estre le plus seur.

CHAPITRE III.

Des choses suruenuës iusqu'à l'entrée des Peres à Pequim.

E P. Matthieu Ricci ne cessoit cependant de procurer vn entier affermissement de la Religion Chrestienne en ce Royaume; ce qui dependoit absolument de l'entrée des nostres, dans la Ville Royale de Pequim, qui est le seiour ordinaire du Roy & de la Cour, & apres auoir essayé diuers moyens, il se resolut ensin de se mettre en la compagnie du mesme Mandarin son intime amy qui l'avoit introduit à Nanchim, sans parler aucunement pour cette sois de s'establir en cette Ville. Ayant avec soy le P. Lazare Catanée & deux Freres Chinois, il se mit sur la riviere; le chemin par eau estant plus long d'un mois, que l'autre par terre, qu'avoit pris le Mandarin, pour estre

plustost arriué, & pour leur preparer le logis.

Leur voyage fut fort heureux, & les portes de Pechim leur furent ouvertes, sans trouver aucun empeschement. La premiere chose qu'ils firent, fut d'aller saluër seur bon amy, qui les receut avec de grandes caresses, & leur promist d'employer tout son credit, & celuy d'vn Eunuque de sa connoissance, en toutes les occasions, qui se presenteroient de les pouvoir servir. Ils avoient porté quelques pieces curieuses de l'Europe, pour en faire vn present au Roy, à sçavoir deux excellens tableaux peints sur la toile, l'vn de nostre Sauveur, & l'autre de sa Mere, la Saincte Vierge; vne grosse cloche, qu'on n'avoit point encore veile ny ouye dans la Chine, vne monstre, & quelques triangles de verre. Ces choses pleurent extremement à l'Eunuque; mais comme il connut, que nos Peres n'estoient pas fort chargez d'argent, qui est l'vnique chose, que ces Messieurs recherchent, il s'excusa le plus adroitement qu'il pût, de les introduire dans le Palais Royal, & de les presenter à sa Majesté, à cause des troubles de la guerre entre les Iaponois,

Iaponois, & les peuples de Corea, qui touchent à la Chine, adjoustant, que ce n'estoit aucunement le temps de traiter avec le Roy, des assaires des Estrangers. Le Mandarin sit le mesme iugement, qui estant obligé de retourner à Nanchim, où il estoit pourveu d'vne charge, voulut y reconduire les Peres. Mais eux ne iugeans pas à propos, d'abandonner si proptement tant de riches esperances; & de perdre tout d'vn coup le fruit de tant de peines & de despenses, demeurerent à Pechim plus d'vn mois apres le départ du Mandarin, faisans tous leurs essorts, & recherchans toutes les occasions d'arriver au but qu'ils s'estoient proposé. Tous leurs essorts surent vains, & toutes leurs poursuittes inviles: dautant que le Mandarin s'en estant vne sois allé, tous les autres se retirerent; & il n'y eut pas vn seul courtisan, qui voulût les recevoir en sa maison.

Ces difficultez estans insurmontables, c'eust esté vne singuliere temerité de seiourner plus long-temps dans vn lieu, où ils ne pouvoient rien esperer, pour l'avancement des affaires de Dieu. Il valoit beaucoup mieux se retirer dans quelque autre païs, où ils sussent mieux connus, & plus sauorablement receus. Ils prirent donc la resolution de retourner à Nanchim; mais la saison de l'hyver sascheuse aux voyageurs, & la riviere glacée par la violence du froid, les obligerent d'atendre le printemps pour se mettre tous en chemin.

Cependant le P. Mathieu Ricci, qui ne vouloit pas laisser perdre l'occasion, ayant fait embarquer ses compagnons, prit son chemin par terre, addoucissant vn peu par ce moyen les rigueurs de l'hyver, n'empeschant pas neantmoins tout à fait les froids de la saison, qui sont si violens, qu'ils arrestent vn homme sur les chemins. Il sit tant, qu'il surmonta les difficultez de la terre & de l'air, & arriua ensin à la Ville de Sucheu: qui est sans aucun contredit, la plus agreable & la plus delicieuse de toutes les Villes de la Chine, d'où vient qu'on dit communément en Proverbe: Que la cité de Sucheu & de Hancheu, sont sur la terre, ce qu'est au Ciel le seiour des Bien heureux. Elle est assis & bastie au milieu d'vn canal d'eau douce, comme Venise, au milieu de la mer; & pareillement elle est l'abord de tous les marchands du Royaume, à cause des Marchandises qui viennent là, de Macao, pour estre

par apres transportées dans les autres Provinces.

Le Pere y fit rencontre de Quitaizo, son ancien amy, qu'il avoit connu & pratiqué autrefois dans la Province de Canton. qui l'accueillit auec tous les témoignages d'vne fincere amitié, & luy donna la connoissance, & le mit en credit aupres des principaux Citoyens de cette bonne Ville. Et comme il estoit fils d'vn des plus considerables Mandarins du Royaume, il luy seruit beaucoup, pour luy gaigner la faveur de quelques autres Mandarins de grande authorité; ce qui nous fait confesser auec plusieurs autres bons offices, qu'il nous a rédus tant à Canton, qu'en d'autres endroits, & sur tout à Nanchim, que nous sommes bien fort ses obligez, & qu'il a merité beaucoup de nostre compagnie. Le Pere luy sit present d'un triangle de verre, qui fut pris & prisé par vn de ses amis, pour vne pierre precieuse; aussi le sit-il enchasser en de l'argent avec de petits tuyaux d'or aux deux extremitez, & puis il le vendit plus de cinq cens escus. Cét honneste homme avoit vne ardente passion, que le Pere se voulût arrester en cette Ville, & y fonder vne maison, luy promettant d'vn costé de l'assister de son credit, & de ses moyens, & de l'autre luy proposant toutes les difficultez qui pouvoient empescher l'establissement des Peres à Nanchim. Neantmoins apres avoir bien balancé toutes les raisons de part & d'autre, & apres avoir mieux pris le temps, & l'occasion, ils s'en allerent tous deux ensemble à Nanchim l'an 1599. où ils trouverent les affaires changées, & l'estat de la Ville bien different de l'autre fois.

La Ville estoit en repos, & iouyssoit d'vne prosonde paix, les Iaponois ayans esté repoussez & chassez dans leur pays. Le Mandarin le bon amy des Peres sut tres-content de leur venuë, & leur sit des faveurs particulieres, comme firent plusieurs, tant Mandarins, qu'autres personnes de condition & d'authorité en cette Ville, & particulierement vn Coli, qui est vne espece de censeur, ou de Syndic Royal, qu'on nomme Coxelim. Ce qui sit que les Peres à la persuasion de tant de braves gens, se resolurent de traitter tout de bon de leur establissement stable & permanent en cette Ville, qui est la seconde du Royaume, & de la sondation d'vne maison.

Ce que fit le Pere, fut de mettre en vne haute reputation, sa doctrine & les sciences de l'Europe, principalement les Mathematiques; & de tracer vne nouvelle carte de Cosmographie, auec les explications en langage & en characteres Chinois: ce qui donna force credit non seulement à l'Autheur, qui l'avoit composée; mais encore à toute l'Europe, par l'expression de tant de grandes Villes, & de florissans R oyaumes: si bien que le mesme Quitaïzo, & plusieurs autres à son exemple, voulurent estre receus auec de grandes ceremonies au nombre des Disciples du Pere Ricci. Le mesme Pere ne s'acquit pas moins d'honneur & de reputation en ses disputes publiques touchant les matieres de la Religion, d'où il sortoit toûjours victorieux & triomphant au iugement du Conseil; & l'opinion, qu'on eut de sa rare science, crût de telle sorte, que c'estoit vn suiet ordinaire d'Eloges & d'E-

pigrammes que prenoient les lettrez.

Les compagnons du Pere Ricci, se ioignirent enfin à luy, apres auoir passé l'hyver par les chemins, & quoy qu'ils eussent enduré de tres grandes incommoditez, neantmoins quand ils virent le Pere si honnoré, si chery, & si fauorisé dans vne Ville, en laquelle non seulement il n'avoit peu estre receu vn peu auparauant; mais de laquelle il auoit esté chasse auec ignominie, ils oublierent tous les travaux passez, & ne penserent plus qu'à remercier Nostre Seigneur pour les prosperitez presentes. Ils parlerent incontinent d'achepter vne maison. Il s'en trouvoit assez; mais fort peu de commodes: il y en auoit vne entre les autres capable & spacieuse, qui pour estre infectée de lutins, n'estoit point habitée, n'y ayant personne, qui sût si osé de vouloir demeurer auec de si mauvais hostes. Semblables accidens ont de coustume de nous estre auantageux, dautant que comme nous ne craignons point ces esprits de tenebres, qui s'enfuyent devant nous, & ne peuvent supporter nostre abord, nous auons ces maisons quasi pour rien. C'est iustement ce qui auint fort à propos au P. Ricci : de sorte qu'ayant arresté le marché, & passé le contract de vente, nos Peres se logerent incontinent dans cette maison deserte, sans recevoir aucune incommodité, ny estre troublez en façon quelconque de ces esprits.

Les Peres n'eurent pas plustost une maison arrestée & une Eglise ouverte, qu'ils surent visitez de quantité de personnes ; le premier de cette Ville, qui receut le Sacrement de Baptesme, sut yn Venerable vieillard de soixante dix ans, considerable pour sa noblesse, & puissant pour la charge de Chi-hoci qu'il exerçoit, de laquelle nous auons die vn mot en parlant de la noblesse, qui vient du sang & de l'extraction. Son fils homme lettré, & qui sut depuis vn des premiers Mandarins, suiuit bien-tost son exemples & puis toute la famille, les nepveux & les niepces embrasserent la mesme Religion. le les ay veu & frequenté familierement durant plusieurs années, & les ay reconnu autant auancez en la vertu & pieté Chrestienne; qu'illustres pour la noblesse de leurs ancestres, & qui meritent vne memoire eternelle, pour auoir fait des actions remarquables, dont nous parlerons en quelque autre lieu. Ceste maison estoit trop esclatante pour n'en attirer pas d'autres, qui marchans sur ses pas entrerent dans l'Eglise, & accreurent le nombre des Chrestiens, qui firent preuue de leur courage dans les persecutions, que nous raconterons cy-apres. De sorte que nous pouvons dire avec verité, que c'est la plus sainte & la plus parfaite partie du Christianisme de la Chine, comme c'est aussi la plus persecutée, & la plus espurée par le feu des tribulations.

Les affaires de Nanchim marchans d'vn si bon pied, & des commencemens si heureux nous faisans esperer, que cette maison estoit pour durer, & pour prositer de plus en plus; le P. Ricci crût estre obligé d'enuoyer vn de ses compagnons, à sçauoir le P. Lazare Catanée, à Macao, en partie pour rendre conte aux Superieurs de tout ce qui s'estoit passé en cette negotiation, & en partie pour chercher quelques pieces de l'Europe riches & curieuses, dignes d'estre presentées à des personnes de qualité, & aussi pour trouuer de nouueaux ouuriers, qui voulussent trauailler à vne si riche moisson.

Le Pere estant arriué à Macao, & portant de si bonnes nouvelles, sut receu auec toute sorte de bon accueil; & ayant bientost trouué ce qu'il estoit venu chercher, des presens pour le Roy, & des compagnons pour les aider à vn si noble employ; il s'en

retourna

retourna à Nanchim, où le P.Ricci l'attendoit auec impatience. Apres auoir receu ce nouueau renfort & ces presens, comme tous ses desirs ne visoient qu'à Pechim, il entreprit d'y aller pour la deuxième sois, & se mit en chemin à la faueur des principaux Mandarins, qui luy sirent parestre la bonne volonté qu'ils auoient de le seruir en cette occasion.

Le P.Ricci partit donc le siziéme de May l'an 1600. & s'embarqua pour la deuxiéme fois sur la riviere auec le P.Diego Pantoïa dans le vaisseau d'vn Eunuque, qui les affectionna d'autant plus, qu'il jouyst plus long-temps de leur conuersation, les ayant pris en sa compagnie, pour les conduire à la Cour, & les presen-

ter au Roy.

Ils trauerserent la Province de Nanchim, & puis passerent en celle de Xantum, & arriverent à la Ville principale, où le Vice-Roy sait d'ordinaire sa residence, qui receut nostre Pere auec des honneurs extraordinaires, le visita dans son vaisseau, luy sit des presens, & luy témoigna de grandes caresses; & mesme il reforma la Requeste qu'il devoit presenter au Roy, & la mit en meilleur ordre, & luy donna de plus, des lettres de faveur & de recommandation aux Mandarins de Pechim. Ce Vice-Roy auoit eu connoissance du P. Matthieu par le moyen d'vn sien sils, qui auoit conversé familierement auec les nostres à Nanchim, & les auoit ouy souvent parler des veritez de nostre Sainte soy; ce qui fut la premiere origine de l'affection particuliere, que le Vice-Roy nous témoigna, sur les depositions de son sils.

Apres vn si doux accuëil, la navigation ne peust qu'estre tresheureuse sans aucun mauvais rencontre, iusqu'à ce qu'ils aborderent à vne Ville, où estoit vn certain Eunuque nommé Mathan commis pour exiger les droits du Roy, ou plustost le tort & les concussions qu'il exerçoit sur tous les passans, estant au reste tenu pour vn homme cruel & inhumain. L'Eunuque qui conduisoit nos Peres, le visita souvent auec les mains chargées de beaux presens, sans pouvoir iamais rien gaigner sur son esprit, les presens qu'on luy portoit, n'estans pas proportionnez à l'avarice insatiable de cette Harpie. Et dautant que le temps pressoit nostre conducteur d'arriver bien-tost à la Cour, ou autrement de courir risque de ses biens & de sa vie, il se resolut de trahir nos Peres pour se dégager, & de les exposer au danger, pour se mettre en liberté. A cét effect il sit entendre à l'autre Eunuque que ces Estrangers pottoient de riches presens au Roy, qu'il auoit veu, & que probablement ils auoient bien d'autres choses cachées & de grand prix, dont Mathan pouvoit beaucoup prositer. Il n'en falloit pas dauantage pour allumer les desirs de cét homme auaricieux & cruel, & pour mettre nos Peres en vn danger cuident de perdre non seulement ce qu'ils auoients mais encore la vie, afin de satisfaire egalement à son auarice & à sa cruauté. Car bien, qu'au commencement il semblast estre facile, & qu'il témoignast assez d'honnesteré, si est-ce que sur la sin, il sit bien voir ce qu'il auoit dans l'ame.

Premierement il demanda qu'on luy fist voir les presens que nos Peres portoient, ce qu'ils firent tres-volontiers auec beaucoup de franchise & de soûmission: puis il voulut luy-mesme s'en charger pour les faire tenir Roy: vne autrefois il desira les transporter en son Palais, iusqu'à ce que le Roy eust respondu au memoire qu'il enuoyoit en Cour, auec vn denombrement des choses qu'on vouloit luy offrir. Ce fut enfin nostre homme, qui força nostre logis auec plus de deux cens hommes tous voleurs. & Capitaines des voleurs, & qui sans consideration aucune, d'vn visage sier & insolent renversa tous nos meubles, mettant à part ce qui luy agreoit le plus; & comme il n'en trouva pas davantage, que ce qu'il auoit veu, il se mit à crier & se plaindre, qu'on l'auoit volé. Il fit principalement des exclamations horribles à la veile d'vn Crucifix, disant que sans doute e'estoit vn charme, que nous auions preparé pour ensorceler, ou pour faire mourir le Roy. Nos Peres luy répondirent le plus modestement, qu'ils pûrent, & tâcherent de luy exposer les mysteres de cette Sainte Image. Mais l'Eunuque sans vouloir recevoir ny entendre ancune raison, crioit comme vn desesperé, qu'il falloit chastier seuerement ces Enchanteurs: en vn mot il prit ce qu'il voulut, & en fit vn memoire, & des autres presens destinez pour le Roy, & les fit tous conduire, & les peres qui les auoient apportez, dans vne forteresse souz bonne & seure garde: lamais les nostres ne furent si estonnez qu'en cette conion ture d'affaires, où ils se voyoient en danger de perdre en vn moment, ce qui leur auoit cousté si cher, & d'estre frustrez tout à la sois du frui et de seurs travaux &

de leurs esperances.

Ils ne perdirent pas neantmoins la confiance qu'ils avoient au secours de Dieu, qui les avoit si souvent assistez dans les plus pressantes necessitez; au contraire, comme ils se virent entierement abandonnez de la protection des hommes, ils se ietterent avec plus d'asseurance entre les bras de la providence Divine: & presserent avec vne Sainte violence la misericorde de Dieu, qu'elle se laissat fléchir à leurs prieres & mortifications, & qu'elle voulût ietter les yeux de sa bonté, sur le salut de tant de pauvres ames racheptées du precieux Sang de son Fils vnique, qui sembloit dependre absolument du succez de ce voyage. Ils enuoyerent vn de leurs serviteurs à la Ville, avec des lettres addressantes à vn autre Eunuque, pour implorer sa faveur, & faire en sorte qu'ils peussent aller en Cour, faire la reverence au Roy, & luy offrir leurs presens, s'imaginans qu'estant vn affaire, où il pouvoit acquerir les bonnes graces du Roy son Maistre, il seroit bien-ayse de l'entreprendre. Mais soit qu'il eust peur de Mathan, ou que déja il fust prevenu, la réponce qu'il donna, fut de mal-traiter de paroles & de coups le messager.

Ils chercherent vn autre expedient pour sortir de cette captivité, & se mettre hors de peine; qui sut décrire à vn Mandarin, lequel s'étoit declaré leur amy, vn peu auparavant cette disgrace, & en effet les avoit seruy avec affection dans quelque autre rencontre; mais cettuy-cy sit comme les autres, & resusa de recevoir les lettres, que les nostres luy écrivoient, & encore plus d'y répondre: il est vray neantmoins qu'il parla en secret à nostre homme, & l'avertit de l'Estat de nos affaires, qui estoit sur le poinct d'écrire en Cour, & de presenter vne Requeste contre nos Peres, pour avoir machiné de faire mourir le Roy par leurs charmes & ensorcelemens, ajoustant beaucoup de choses de son inuention, pour decrediter nostre innocence, & authoriser sa calomnie. Sur cela le Mandarin estoit d'avis que nos Peres se retiras-

L1 3.

fent au plussost à Canton par quelque voye que ce fust, & qu'ils trouvassent le moyen de se sauver des mains de ce demi-homme, cruel & inhumain, & que ce seroit vn grand coup, s'ils pouvoient racheter leur vie par la perte de leurs biens: que s'ils ne pouvoient pas, ou qu'ils ne iugeassent pas à propos de suivre ses Conseils, qu'ils vissent aumoins de faire presenter vne requeste au Roy par

vn Mandarin de la Cour leur amy.

Il est avsé de comprendre combien nos Peres furent surpris à cette nouvelle, & combien ils apprehenderent le danger, où ils se voyoient engagez. Neantmoins ils ne furent pas du premier advis du Mandarin, & ne iugerent aucunement à propos de se retirer à Canton, de peur que leur fuite ne les rendit coulpables, estans d'ailleurs innocens. Aussi estoit - il beaucoup plus expedient de souffrir pour la justice, que de former quelque mauvais soupçon dans l'esprit des personnes, qui ne connoissans pas leur innocence eussent esté persuadez par cette honteuse retraire de croire les crimes, dont ils estoient chargez par ce chetif Eunuque. Le second advis leur sembla plus raisonnable, & pour ce dessein ils despecherent promptement en Cour, le frere Sebastien Fernandez, & firent sçauoir par lettres à leurs meilleurs amis, l'estat où ils estoient. Mais comme il arrive ordinairement que les amis manquent en semblables besoins, il n'y eut personne, qui voulût les assister en cette conionature : de façon que le frere fut contraint de retourner sans rien faire. Ce qui fit rentrer les Peres en eux-mesmes, & leur ouvrit les yeux pour voir & connoistre, qu'ils ne devoient plus rien attendre de leur propre industrie, ny de la faveur de leurs amis, ny de la prudence des hommes; & qu'il ne falloit plus recourir qu'à la providence du Ciel, & se rapporter entierement du succez de cette affaire aux volontez de Dieu; qui fut l'vnique consolation; mais tresgrande & bien sensible qu'ils eurent dans leur detention, de ne dependre que du Conseil & des iugemens de nostre Sei-

Les Peres auoient demeuré six mois en prison, attendans l'assistance de Dieu, leur seule esperance, quand il vint vn mandement du Roy, lors qu'ils y pensoient le moins, qui les appelloit à la Cour auec leurs presens. Disons aussi qu'vn iour le mesme Roy se souvenant du memoire que l'Eunuque Mathan luy auoit addressé, dit sans qu'aucun luy eust parlé: D'où vient que cette cloche sonne d'elle-mesme, qui m'aduettit qu'vn Estranger me vient voir, & m'apporte quelque chose. Il n'est pas encore arrivé à la Cour, respondit l'Eunuque à ses costez, pour ce que vostre Majesté n'a pas donné ses ordres pour le faire venir. Les ordres furent incontinent donnés, par le commandement du Roy, & Mathan fut contraint à sa courte honte de mettre les Peres en liberté, & de les renvoyer auec leurs presens, & leurs hardes. Ces illustres Captifs commencerent à respirer, & mettans en oubly tous les travaux passez, se mirent aussi-tost en chemin. La riviere estant pour lors glacée, ils furent obligez de prendre la terre. Les Mandarins leur fournirent toutes les choses necessaires au voyage, & les defrayerent aux despens du Roy, pour l'entretien de leurs personnes, & pour la conduite de leur bagage.

CHAPITRE IV.

L'entrée des Peres, et leur estalissement à Pequim.

E fut iustement le quatrième iour de Ianvier de l'an 1601, que nos Peres entrerent heureusement à Pechim, où ils furent receus & regalez par vn Eunuque, qui leur presta son Palais. La premiere chose qu'ils firent dés aussi-tost qu'ils furent arrivez, sut de ranger par ordre les presens pour le Roy: & puis le iour suivant, les Eunuques les potterent au Palais Royal en grande magnificence, & les presenterent au Roy, qui prisa iusqu'à la moindre chose.

de la Saince Vierge, & de l'admiration pour vn horloge & pour vne grosse cloche. Il commanda à ses Eunuques de faire sonner la cloche; pour l'horloge, qui estoit vne piece curieuse, & travaillée

vaillée auec beaucoup d'artifice; dont iamais on n'avoit veu de pareille à la Chine, ils sçauoient bien qu'elle devoit sonner les heures; mais pource qu'elle n'estoit pas montée, & qu'il n'y auoit personne qui sçeust la façon de la monter, il commanda qu'on sist venir nos Peres en son Palais pour la mettre en estat. On les appella promptement, & mesine ils surent introduits dans l'enceinte du second mur par vn privilege sort extraordinaire, n'y ayant que les Eunuques, qui puissent y entrer, & les soldats quand ils sont garde la nuit; & là traitez splendidement par vn des principaux Eunuques, suivant le commandement qu'il en auoit receu du Roy.

Ils y demeurerent trois iours, en partie pour ajuster les roües de l'horloge, & le faire sonner; commeaussi pour dresser vne tour de bois d'vn grand travail, & d'vne prodigieuse dépense, où elle peust estre élevée: en partie pour monstrer à quatre Eunuques la façon de la gouverner, & pour satisfaire aux demandes qu'ils leur faisoient touchant les choses de l'Europe, les Royaumes, les peuples, les coustumes, & dix mille particularitez, qu'ils rapportoient puis apres au Roy, qui témoignoit d'y prendre plaisser, & d'en estre pleinement satisfait. Tout son desir estoit de voir nos Peres; mais comme il ne vouloit pas violer la coustume de ses Ancestres, qui est de ne point se laisser voir aux Estrangers, il les sit peindre au naturel de leur grandeur, se contentant de voir en peinture, ceux ausquels il ne pouvoit se faire voir en personne.

Toutes choses nous rioient: & nous promettoient vne parsaite prosperité, tant pour l'edification vniverselle que les domestiques du Palais recevoient de nos Peres, que pour la satisfaction particuliere que le Roy tiroit de toutes ces choses, & qu'il témoignoit auoir sur tout de nos presens: de sorte qu'il sembloit que nos affaires sussent en seureté, & que nous ne devions rien craindre à l'avenir. Mais certes nos Peres surent bien-tost accueillis de nouvelles tempestes, & experimenterent que le calme de la mer de ce monde, n'est pas de longue durée. Celuy qui excita ces troubles sur un Mandarin du Tribunal Lipu, qui se sentant offencé de nos Peres, de ce qu'ils s'estoient adressez à des Eunu-

ques,

ques, pour faire tenir leurs presens au Roy, contre la coûtume ordinaire & reçeuë dans le Royaume: que nos Peres ne pouuoient pas sçauoir, & contre l'authorité de sa charge qui estoit d'accompagner & d'introduire les Ambassadeurs dans le Palais, & de presenter au Roy leurs presens, sans autre forme de procez, il se prit à la partie la plus soible, sit prendre & arrester nos Peres, & les renserma dans la maison des Estrangers, entourée de murailles d'vne maniere beaucoup plus fâcheuse qu'il ne se pratique en pareille occasion, pour l'insolence des Sergens, qui sirent peutestre ce que le Magistrat ne leur auoit point commandé. En suite de cet emprisonnement ils surent presentez en iustice, & interrogez publiquement en pleine audience, quoy que leurs réponses addoucirent vn peu l'esprit des luges, & sirent paroître leur innocence.

Il n'y auoit que trois iours, que les Peres auoient esté rensermez, quand on les sit venir pour la deuxième sois au Palais, asin de rendre les deuoits ordinaires, & de faire les ciuilitez accoutûmées dans la Sale des complimens. Le mesme iour ils surent dereches interrogez de plusieurs chess deuant des Notaires publics par l'ordre du mesme President. Le principal point de leur interrogation, & sur lequel ils faisoient plus d'instance, estoit, à quelle sin ils estoient venus à la Chine; quel dessein ils auoient & quelle estoit leur pretention en faisant tous ces presens au Rov.

Nos Peres iugerent à propos en cette occasion de répondre nettement & en forme à tous les Chefs des interrogations, qu'on leur faisoit. Et premierement ils confesserent qu'ils estoient venus en la Chine à dessein d'y publier la Loy du vray Dieu, gouuerneur & Seigneur absolu du Ciel & de la Terre. Puis ils protesterent qu'ils n'auoient aucun mauuais dessein, faisans des presens au Roy, & qu'ils n'esperoient de Sa Majesté, ny charge, ny dignité, ny recompense aucune, que toute leur pretention n'étoit que de luy rendre des témoignages de leur obeissance, puisqu'ils auoient l'hôneur de viure ses suiets, & habitans de son Royaume depuis plusieurs années, & qu'ils ne demandoient qu'vne seule chose, à sçauoir qu'il leur sust permis de viure & de mourir en cet-

te Cour, ou en autre endroit du Royaume, qu'il plairoit au Roy leur assigner, comme ils auoient deja vecu ailleurs assez

long-temps.

Les Notaires ayans pris & reçeu ces depositions, les allerent comuniquer au President, qui les ayant veuës & considerées, dressa vn memoire qu'il presenta au Roy en partie sauorable aux Peres, en partie aussi contraire & des-auantageux. Mais comme le Roy nous aymoit, il ne répondit rien à ce qui étoit contre nous, qui est tout le mesme à la Chine, que de reietter vne Requeste: & nos Peres apprirent des Eunuques, que le Roy auoit témoigné du déplaisir, quand il sceut qu'on les auoit constituez

prisonniers dans la maison des étrangers.

De façon que le Mandarin iugea par ce silence du Roy, & par le refus qu'il faisoit de répondre à son memoire, qu'ils étoient agreables & bien-venus à la Cour, & qu'il deuoit les traiter d'vne autre façon : ce qu'il fit, changeant les rigueurs en courtoisse, leur rendant tous les témoignages d'vne parfaite amitié, & commandant qu'ils fussent mieux & plus honorablement traitez, que les autres étrangers qui étoient sous sa dependance, jusques-là mesme, que contre les loix & coûtumes de ce détroit, il leur donna permission de sortir quand ils voudroient, & d'aller librement par la Ville, pour vacquer à leurs affaires & visiter leurs amis. Et puis il dressa vn autre memoire, qu'il presenta au Roy, conceu auec des termes honorables, pour les Peres, & auec des loilanges particulieres de leurs mœurs & façon de faire:tout-ce qu'il y auoit de mal, étoit, qu'il pressoit instamment, qu'on les renuoyât de Pequim; puisque c'étoit vne chose extraordinaire, & tout à fait contraire aux loix du Royaume, que des étrangers vécussent à la Cour. Mais comme les Eunuques, qui auoient le soin de l'Horloge apprehendoient l'éloignement des Peres, dont la presence étoit comme l'ame, qui donnoit le mouuement & l'ordre aux ressorts de cette machine; & d'ailleurs comme le Roy le plaisoit de les auoir & de les conseruer aupres de sa personne, cette seconde Requeste ne fut non plus réponduë que la premiere.

Auec cette liberté qu'auoient nos Peres de sortir quand ils vou-

loient de cette enceinte de murailles, ils visitoient les Mandarins, se faisoient des nouueaux amis, & sollicitoient le Conseil des vs & coûtumes, qu'ils appellent Lipù, par deuant qui se traitoient leurs affaires, & prioiet ces Messieurs d'auoir pour agreable d'exposer en leur Requeste, qu'ils approuuoient leur demeure & leur établissement à Pequim: estant fort probable qu'il n'y auoit que cette seule consideration qui empéchât le Roy de répondre aux memoires qu'on luy presentoit. Mais il estoit impossible de les faire démordre de la resolutio qu'ils auoient prise de moyenner le congé de nos Peres; & dans tous les autres memoires qu'ils dresserent depuis, vn des principaux poincts estoit, que ces estrangers, qu'ils traitoient d'ailleurs ciuilement, & auec beaucoup de respect, sussent congediez de la Cour. Mais comme ils s'opiniàtroient en leurs demandes, le Roy persistoit en son silence, & ne répondoit rien, ny pour, ny contre.

Les Peres s'ennuyans de ces longues remises, & desirans sortir de cette honorable prison destinée aux estrangers, s'auiserent d'vn expedient propre pour estre tout à fait libres, qui sut de procurer par le Moyen des Mandarins leurs amis, de pouvoir se rere dans vne maison de loüage, attendant que le Roy eût donné quelque réponse aux memoires, qu'on luy avoit presenté. C'étoit vne chose nouvelle, & entierement contraire aux coûtumes de cét Estat, & d'autant plus difficile, qu'on ne pouvoit rien conclurre, sans vn ordre exprés du Roy. Maistout est facile aux volontez de Dieu. On obtint cette permission, plûtost par la providence du Ciel, que par la prudence des hommes de la terre. Ainsi nos Peres quitterent cette maison, ou plûtost cette prison des estrangers, & loüerent vne maison en ville, où ils com-

mencerent à viure comme les naturels du païs.

Se voyans en cét estat, qui estoit le plus auantageux, qu'ils pouuoient souhaiter pour le present, ils rechercherent essicacement tous les moyens de s'anchrer si puissamment en cette Cour, & d'arrester si bien leur établissement, qu'il sut impossible de les troubler. Car ils sçauoient de qu'elle importance estoit leur presence à Pequim aupres du Roy pour la seureté des autres maisons qu'ils auoient déja, ou qu'ils esperoient M m 2 cy

cy-apres dans les autres Villes du Royaume. Nonobstant la diligence, qu'ils apporterent de leur côté, & les soins que contribuerent les Mandarins leurs amis, ils ne pûrent iamais tirer aucune réponse: ils eurent seulement quelque asseurance des Eunuques, que le Roy estoit fort content qu'ils demeurassent à la Cour en toute seureté, & qu'il seroit fâche, s'ils parloient de re-

rourner aux Provinces du midi.

Cette réponse estoit plus que suffisante, & valoit autant qu'vir mandement du Roy, puisqu'elle estoit authorisée de son nom, pour appuver les Peres, & pour les maintenir en leur maison: particulietement si vous y adioûtez vne faueur extraordinaire que le Roy leur faisoit, de leur fournir des deniers de son épargne, les dépenses necessaires pour l'entretien de leurs personnes, & de quatre serviteurs, qu'ils touchoient de trois en trois mois par la main des Thresoriers. Ces graces Royales auec la familiarité des Eunuques du Palais, & l'affection des principaux Mandarins, mirent nostre maison non seulement en seureté, mais en yne si haute reputation, que le nombre des personnes, qui faisoient profession de nous vouloir aymer, croissoit de jour en jour, & le peuple accouroit de tous côtez à nous auec vne foule qui n'estoit pas petite, les vns par curiosité de voir des estrangers, les autres pour apprendre quelque secret de nos sciences; & les autres pour entendre les veritez de nostre Religion, qui estoit l'exercice le plus agreable à nos Peres, & le plus profitable aux Chinois.

Parmy vn grand nombre de Mandarins, qui contracterent vne estroite amitié auec les nostres, dans ces premiers commancemens, vn des plus qualifiez sut vn nommé Ligo zun. Il estoit natif de Ham-cheu, personnage orné de bellez qualitez, & doüé d'vn excellent esprit, & reconnu pour tel par tout le Royaume, depuis qu'en l'examen des Docteus, il auoit esté le cinquiéme entre trois cens licentiez, ou enuiron qui prirent leur degré, ce qui luy acquit beaucoup de reputation. Il estoit naturellement curieux, ce qui sit qu'auec son bel esprit, & auec l'ayde du P. Matthieu Riccj, il apprit force beaux secrets de la Mathematique. Il sur soigneux de traduire en langue Chinoise quantité de liures,

que le Pere auoit composé, & mesme estant encore Gentil, il mit vn Catechilme en beau style. On raconte que comme il le composoit, voyant & pesant la force de nos raisons qui preuuent la saincteté de nostre Religion, qu'il nauoit pas encore embrassée, il s'écrioit : certes il faut auoîter, que ces ouurages sont merueilleux, & bien raisonnez. Enfin Dieu luy avant ouuert les yeux, pour penetrer plus viuement les veritez de nostre Foy, & ne pouuant plus estoufer tant de lumieres qui l'accabloient, il se resolut d'estre Chrestien: mais comme il vouloit executer son dessein, il se trouua vn empéchement commun & ordinaire aux hommes de condition dans la Chine, qui est la brutalité des femmes; de sorte qu'il fit baptiser toute sa famille, attendant qu'il eût mis ordre à les affaires, & qu'il pût estre capable des mesmes graces que ses Domestiques, qu'il receut peu detemps apres, & fut nommé Leon sur les fonds de Baptesme. C'est ce Leon si celebre dans nos Annales pour son zele, pour sa vertu, & pour estre vne des plus importantes colomnes de certe nouvelle Eglise, qu'il a soûtenuë par son authorité, & accreuë merucilleusement par la force de ses exemples & de ses paroles; attirant ainsi plusieurs autres personnes de condition, à suiure le chemin qu'il leur monstroit; du nombre desquels sut ce Michel, dont le nom & les vertus sont assez connues par le recit, qu'en font aussi nos histoires, & duquel nous parlerons en son lieu.

Quand il fut vne fois Chrestien il sceut si bien marier les interêts de l'Estat & de la Religion, qu'en toutes les charges & gouuernemens qu'il exerça depuis, en diuers endroits du Royaume, il ne sit iamais rien qui sût contraire à la Loy qu'il professoit. Vne des plus importantes charges, où l'éleua son merite, sut celle de Tault dans la Ville de Caoyeu, en la Province de Nanquim, qui est vne des plus honorables & des plus lucratiues du Royaume. comme il eut pris possession de son Palais, il trouua vne Chapelle pleine d'Idoles, que la superstition de ses ancestres auoit conseruez, reuestus & enrichis auec des soins & des dépenses extraordinarres. Le bon Leon ne iugeant pas à propos de sousserve suite vne si méchante compagnie en sa maison, sit venir ses seruiteurs auec des coignées, & leur commanda d'abbatre ces Autels, &

de

de mettre en pieces ces Idoles, & de les porter à la cuisine pour les brûler, & purisier dauantage l'or dont ils estoient parez. Les gens de Iustice, les Escriuains, les Sergens & les autres Officiers étonnez de la nouveauté de cette procedure, se regardans les vns & les autres, disoient: il semble que nostre Caloyé, c'est ainsi qu'ils appellent leur Mandarin, a perdu la ceruelle: ne considerans pas qu'en cela mesme il en faisoit plus paroître, qu'en toute autre occasion.

Ayant passé le meilleur de ses années au service du Roy de la Terre, il voulut se retirer pour donner le reste au Roy du Ciel. Pour cet effet, il choisit sa maison dans la ville de Han-cheu, où toutes ses occupations furent de s'employer de tout son cœur aux affaires de son salut. Il fit bâtir vne nouuelle Eglise, & vne nouuelle maison, pour les Peres, qui estoit absolument necessaire dans une Ville si vaste & si peuplée; celle que nous auions déja n'estant pas suffisante pour vn si grand monde de Chrestiens. Il voulut qu'elle fust iointe à la sienne, pour auoir plus de commodité de traiter quand il voudroit auec nos Peres, qui estoit toute sa consolation. Et pour profiter dauantage au seruice des Chrestiens, il se mit à traduire nos liures, d'vne methode excellente, & tres-propre, tant pour l'intelligence de nos sciences, que pour la declaration des veritez de nostre Loy. A ce dessein il voulut auoir vn Pere aupres de luy qui ne fist autre chose. On luy donna le P, François Furtade, auec lequel il composa les liures des Cieux, & les fit imprimer à ses dépens, qui furent reçeus auec des applaudissemens merueilleux de tous les Chinois. Puis il entreprit la Logique, qui estoit acheuée, reueuë & preste d'estre mise sous lapresse, quand Nostre Seigneur voulant luy donner la recompense deuë à son zele & à ses trauaux, l'appella de cette vie à vne meilleure, apres auoir reçeu tous les Sacremens de l'Eglise, & rendu des témoignages illustres des hauts sentimens qu'il auoit de son Dieu, & des marques certaines de sa predestination.

Il nous faut maintenant retourner à nos Peres, que nous auons laissé à la Cour, où toutes leurs affaires alloient tosijours de mieux en mieux, & Dieu les consoloit abondammant, leur faisant voir à l'œil & toucher au doigt, les fruits de leur trauaux

passez;

passez; dans les progrez de la Religion, qui auoit déja gaigné l'esprit & le cœur de plusieurs gentils, dont les vns auoient quitté leurs erreurs, pour suiure la verité, & les autres auoient diminué de beaucoup l'opinion des faux-Dieux, en suite des frequentes disputes & conferences que les nostres eurent auec les Maistres de leurs Sectes, où ceux-cy demeurerent toûjours, & vaincus & confus.

CHAPITRE V.

Des progrez, & de la ruïne de la maison de Xaocheu.

V mesme temps que les affaires de la Religion s'auançoient de la sorte à la Cour, & que les Peres employoient tous leurs soins pour leur maison: les autres residans dans les autres Prouinces ne

perdoient pas la moindre occasion d'annoncer l'Euangile, & d'amplifier le Royaume de Dieu, & l'ennemy commun des hommes ne cessoit pas aussi de faire éclater sa rage contre nous & detémoigner le dépit qu'il auoit, que tant d'ames sortissent de fes mains.

La residence que nous auions en la Ville de Xaocheu dans la Province de Canton, groffissoit tous les iours en nombre de Chrestiens, & se rendoit illustre par les conuersions de plusieurs personnes de qualité, parmy lesquelles, estoient trois Mandarins, qui donnoient des exemples de vertu surpassans la portée des Neophytes, vne grande porte s'ouurit enfin à l'Euangile, & ensemble à plusieurs aduerfaires.

Le P. Nicolas Lombard s'occupoit à ces conversions: & lors qu'auec plus de ferueur il s'efforçoit d'exterminer les Idoles des maisons de gentils; en voicy vn qui entre dans sa chambre porté sur les épaules de quelques hommes, & suiuy d'vne grande Procession, qui auec vn bruit insupportable demandoient l'aumône pour la structure d'vn Temple, qu'ils faisoient faire. Vn

châcun

châcun s'apperçeut aysément du danger. Mais la valeur Chrestienne, qui est à l'épreuue de toutes les disgraces de la fortune, rabatit courageusement ces coups; & bien que le bruit sût extraordinaire, la demande pressante, & que la voix perçât les nuës, & montât iusqu'au Ciel, nostre Seigneur ne permit pas neantmoins qu'ils sissent d'autre violence, & ainsi ils se retirerent sans auoir rien obtenu.

Dans les villages de cette prouince les lettrez enrageoient contre les Chrestiens. Le bruit courut par la ville que les Peres de Pequim qui alloient à la Cour, auoient esté pris sur les chemins par l'Eunuque Mathan, & qu'il leur estoir impossible de pouvoir échaper de ses mains sans perdre la vie, ou à tout le moins sans estre griefuement punis Et comme le Diable se sert de toutes les occasions, pour nous trauerser, il fit courir vn autre bruit plus dangereux pour renforcer cetuy-cy, à sçauoir, que les nostres auoient esté chassez de la ville de Xaochim, & qu'on s'estoit sais de tous les Chrestiens pour les chastier, comme infracteurs des loix du Royaume. On ne sçauroit croire la consternation que ce bruit causa parmy tous les sideles, & l'apprehension qu'eurent nos Peres, d'autant plus grande, que ces discours n'estoient pas sans quelque fondement. Mais dés aussi tost que la verité fut reconnuë, ces craintes cesserent pour faire place à d'autres persecutions, qui se formoient contre nous.

L'année fut affligée d'vne grande seicheresse: Les gentils n'auoient épargné ny leurs sacrifices ny leurs prieres aux Pagodes
pour auoir de la pluye, sans rien gaigner: & ne sçachans plus quel
moyen prendre, ils s'auiserent de consulter vne vieille, qui faisoit
la deuineuse, & de luy demander les raisons, pourquoy il ne pleuuoit point, & qui est-ce qui fermoit l'oreille aux Pagodes pour ne
pas écouter leurs iustes demandes en vne si pressante necessité.
D'autant répondit-elle, qu'on a brûlé ses costes à Conhim, qui
est le nom de l'Idole d'vne Dame: donnant à entendre, que ceux
qui se convertissoient au Christianisme, auoient de coustume
de brûler les Idoles, qu'ils auoient auparauant adoré. Il m'est
impossible de vous exprimer la fureur que conceurent les gentils
de cette réponse, qui sur receuë comme la voix d'vn Oracle: il n'y

eut que la crainte des Mandarins, qui les empéchat de mettre le feu aux maisons des Chrestiens: & si aueccela ils sirent serment de tuër les Peres, si iamais ils reuenoient.

Les Bonzes demeurans dans la Ville, ne pouuans plus souffrir ny cacher la rage qu'ils auoient conceuë contre les Peres, ny voir la fumée de leurs Idoles, que les nouveaux convertis faisoient tous les iours brûler, se liguerent auec plusieurs mutins du peuple & se resolurent de terminer l'affaire pour vne bonne sois. Il dresserent contre nous vn memoire diabolique, & toucherent certains chefs capables de faire trembler les plus hardis Magistrats; & d'autant plus, qu'il y en auoit beaucoup de veritables, qu'on ne pouuoit nier: comme d'estre Estrangers, de faire vn monde nouueau, de vivre à nostre mode, & de suiure nos loix, de faire des assemblées, qui est une chose dangereuse à la Chine pour les revoltes. Ils adioûtoient d'autres choses pour confirmer leur opinion. Ce memoire fut presenté aux Magistrats, qui le receurent assez volontiers. Mais Nostre Seigneur qui fauorise les siens, & la prouidence diuine qui fait paroître son secours aux grands besoins, eleverent vn petit vent fort à propos, pour dissiper tous ces nuages.

Vn puissant Mandarin, qui exerçoit la charge de Tauli en cette Ville, entreprit nostre desense: & auec vn discours, qu'il sit aux Mandarins & au peuple touchant la probité des Peres, leurs mœurs, leur vie, & la scureté qu'on deuoit prendre de leurs intentions, appaisa cét orage. Tant est puissant en toutes sortes de rencontres, l'authorité d'vn homme de gouuernement: & sur tout en cette cy, où il sembloit que le Tauli nous deût estre le plus contraire, suiuant les loix de l'estat. Mais Nostre Seigneur se voulut seruir de luy pour abbatre cette tempeste, & nous faire cuëillir

les fruicts de cette rude tentation

Ainsi alloient nos affaires entremélées de tempestes, & de calmes, & pour conclure ce qui concerne cette maison, ie me contenteray de raconter deux choses plus remarquables.

Au temps que les Hollandois rauageoint les Indes; & qu'ils estoient déja paruenus à la Chine, à dessein de prendre terre en ce Royaume, & d'enleuer Macao, ce qu'ils ont essayé depuis,

Nn

comme

comme l'ay, dit cy dessus. Les Portugais parlerent en cette occasson de sortifier la ville, comme ils ont fait depuis: & quov qu'ils n'executerent pas pour lors le dessein qu'ils auoient priss neantmoins ces projets & ces menaces de guerre suffirent pour faire croire aux Chinois, qui sont apprehensifs naturellement, que les Portugais machinoient quelque chose, & qu'ils faisoient des apprêts contr'eux. Cette opinion s'accreut, sur ce que le P. Lazare Catance, estoit pour lors arriué de la Chine à Macao. homme bien fait & puissant de corps, actif de bonne mine, & venerable, auec sa longue barbe, & tel que ceux qui ne le connois. soient pas, le iugeoient beaucoup plus propre à porter vne pique, qu'à lire vn Breuiaire. De sorte que les Chinois se persuaderent avsément que ce Pere auoit dessein de s'emparer de leur Royaume, & que les Portugais l'auoient choisi pour chef de cette entreprise, tant à cause de sa personne, que de son experience; scachant les chemins du pays, & ayant frequenté les deux Cours. Ils adioustoient à cela, que deux armées devoient bien-tost paroître, l'vne des Portugais de l'Inde, & l'autre des Iaponois leurs ennemis iurez: & que les autres Peres, compagnons du P. Lazare estoient entres dans le Royaume en qualité d'espions & de perturbateurs du repos de l'Estat, pour remarquer les places, & souleuer les peuples. Malicieuse, mais ridicule invention du Diable, comme si quatre pauures Religieux auec vne poignée de Chrestiens pouvoient emporter & conquerir vn si puissant Royaume.

Ce bruit commença peu à peu, & puis s'accreut de telle sorte parmy les Chinois, comme c'est l'ordinaïre, que tous ceux qui demeuroient à Macao, marchands & autres s'ensuïrent à Canton. Et ceux de la Prouince de Canton tenans la chose pour faite, prirent vne telle épouuante qu'ils pensoient estre déja demy perdus. La nouuelle en vint aux oreilles du Vice-Roy, qui sit toutes les diligences pour leuer promptement des soldats par mer, & par terre. On renuersa dans la ville capitale vn grand nombre de maisons qui estoient le long des murailles sur les sosset du costé de Macao surent bouchées, & on mit des sentinelles sur

les murailles qui faisoient garde le long du jour, & de la nuiêt. On fit desense par les carresours publics sous de griefues peines d'auoir aucun commerce auec ceux de Macao, & de receuoir les estrangers, particulierement le P. Catanée, qui estoit celuy; qu'on deuoit couronner Roy de la Chine. De cette saçon la ville, le ches de la Prouince se preparoit à receuoir l'ennemy, tan-

dis que les voisins mouroient de peur.

Qui n'eût creu, qu'vn tel embrasement si viuement enslammé n'eût deu gaigner iusques à nostre residence de Xaocheu, située dans la mesme Prouince, & assez voisine de la ville capitale; & consumer tout ce qui estoit dedans, & en suitte reduire en cendres toutes les autres du Royaume? Ils se ietterent comme des furieux dans nostre maison, souillerent exactement tous les endroits du Royaume, & renuerserent tous nos meubles de haut en bas, pour voir si nous n'auions point caché des armes: mais n'ayans rien trouué de ce qu'ils cherchoient, s'estans persuadez que c'estoit vn arsenal, ils sortirent de nostre maison, & le bruit commença peu à peu à s'appaiser, & ce grand seu qui sembloit deuoir enueloper tout le Royaume, commença à s'esteindre; ils ne laisserent pas neantmoins de faire bonne garde pour estre plus en seureté.

Déja le Vice-Roy auoit estably Tum-pim Lieutenant General de la Prouince, & luy auoit donné toute la milice du païs, pour assieger & ruiner la Cité de Macao. Mais Tum-pim, qui estoit homme prudent, & qui sçauoit que les Portugais ne se laissoient pas battre si aysément, comme ils le firent paroître depuis contre les Holandois, qui sont bien d'autres gens qu'eux, ne voulut point s'engager mal à propos dans vne entreprise si hazardeuse, sans estre auparauant bien informé de l'affaire. Il enuoya à ce dessein des espions à Macao, qui pouuoient librement aller par tout, dautant que la ville estant en paix, ne songeant à rien moins qu'à enuahir la Chine, tous les passages estoient ouuerts. Les espions furent quelque temps à Macao en toute sorte de liberté, puis s'en retournerent pour asseurer le Lieutenant, qui les auoit enuoyez, qu'on ne parloit ny de guerre ny de soldats à Macao, qu'on n'y faisoit aucun apprêt, & qu'il n'y auoit rien de sem-

Nn

blable aux faux bruits qu'on auoit fait courir; qu'au contraire toutes choses y estoient paissibles, si ce n'est que la Ville estoit diuisée en deux factions pour les quereles particulieres de quelques

Bourgeois.

Auec ces aduis, qui furent promptement donnez au Vice-Roy, le temps fit bien-tost paroître la verite, & dissipa ces fausses tenebres: si bien que la Ville de Canton ouurir ses portes, & se mir en repos. Ce qui seruit encore de beaucoup pour arrester cet orage, fut la venuë d'vn Mandarin, duquel nous auons déja parlé vn autre fois, à l'occasion d'vn semblable tumulte excité contre nos Peres en la Ville de Xaocheu, qu'il appaisa par sa prudence & par son authorité. Il estoit allé à la Cour, d'où il reuint pourueu de belles charges, & comme nous regrettions extremement son absence, parmy toutes ces brouilleries nous-nous réjouismes éga. lement de sa presence, qui ferma la boubhe à la calomnie. Il auoit connu nos Peres depuis long-temps, & nouuellement il auoit contracté une estroite familiarité auec ceux de Pequim: de sorte que nous n'eûmes rien à craindre pour ce coup; mais comme cette Province peut iustement estre comparée à vne Mer orageuse, elle n'est iamais sans tempestes, les vnes succedans aux autres, iusques à la totale destruction de nostre residence de Xaocheu-

L'an 1613. soit que Nostre Seigneur vous punir les Habitans de cette Ville, s'estans rendus indignes des graces, qu'il leur auoit preparées; ou qu'il voulut mettre nos Peres en vn autre lieu plus commode, auec plus de seureté & de repos pour leurs ministeres; les Lettrez, les Bonzes, & tout le menu peuple se banderent eontre nous, crians aux estrangers, auec tant de violence & de surie, que les Mandarins ne pouuans leur resister surent eontraints de porter sentence de bannissement contre nous: il est vray que le ban ne sur pas hors du Royaume, qui estoit le principal suiet de nos apprehensions.

En consequence de ce iugement, ils pillerent nostre maison, & commirent les autres insolences, qui sont ordinaires à cette sorte de personnes, en semblables rencontres: & puis ils mirent vn Marbre sur nostre porte, comme vne marque de leur victoire,

auec vne grande inscription contre l'honneur de nos Peres & de nostre saincte Foy. Mais comme l'ardeur du peuple se fut vn peu moderée, les Chrestiens effacerent vne nuit, cette écriture.

Nos Peres estans ainsi chassez de cette Ville, au grand contentement des Payens, & auec vn regret sensible de tous les Chrestiens, qui ne pouuoient arrester leurs larmes en cette triste separation, ils se mirent sur la Riuiere, & montans contre le cours de l'eau, vers le Septentrion, ils arriuerent en peu de iours à la montaigne Muilin où est la source de ce grand fleuue, & au pied de laquelle est assisse la Cité de Namhium, qui sert de bornes à la Province. Ce fut sur cette montagne que s'arresta nostre vaisseau, sous la conduite du Ciel, comme l'Arche de Noë sur les montaignes d'Armenie. Nos Peres, sans auoir demandé permission, ny parlé à aucun des Mandarins, mettans toute leur confiance en Nostre Seigneur, chercherent vne maison à louer en Ville, qu'ils trouuerent aysément, sans que personne s'y opposât. Quand Dieu, qui dispose de toutes choses & qui tient les cœurs des hommes en sa main, se méle d'yn affaire, le succez en est heureux, sans beaucoup de peine. Ils s'establirent là, auec le peu de meubles, qu'ils pûrent sauuer du naufrage de Xaocheu: & dresserent vne chapelle dans leur maison. Le bruit de la venuë de cesestrangers ne se fut pas si tost répandu, que la curiosité des habitans & leur concours ouurit la porte à la Predication de l'Euangile.

De façon que le Pere Gaspar Ferrera, qui s'occupoit en ce trauail, commança de baptiser quelques Neophytes. Et ie me souuiens, que passant par là, l'année apres pour aller à Nanquim, i'y treuua des Chrestiens, non pas en grand nombre à la verité, mais bien instruits, qui joüissoient d'vne prosonde paix, iusqu'à

la persecution de Nanquim, qui s'éleua l'an 1616.

CHAPITRE VI.

Des progrez de la Religion, aux residences de Nancham & de Nanquim, & de la mort du P. Matthieu Ricci.



Es Peres Emanuël Dias, & Ican Soarez trauailloient fructueusement dans la residence de Nankam, Capitale de la Prouince de Kiamsi: & bien que la plus grande partie de ces nouueaux

Chrestiens sût du menu peuple: il y auoit neantmoins parmy eux, quelques Gentils-hommes, & mesme des
Parens du Roy, qui auoient esté lauez des eaux du Baptesme,
& qui seruoient d'exemple & de modele à cette nouuelle Eglise, pour leurs rares vertus. l'ay connu depuis quelques-vns de
ceux-là, qui viuoient exemplairement, & quand ie partis de
la Chine, Dom Pierre estoit encore en vie. C'est ce personnage si renommé dans nos Annales, pour auoir fait parêtre
l'esprit & la deuotion d'vn vray Chrestien en toutes sortes de
rencontres, & le courage, & la constance d'vn genereux Martyr au plus sort des tourmens: sa maison a toûjours seruy de
resuge à nos Peres, & d'Eglise aux Chrestiens; où ils trouuent
encore à present vne retraite asseurée parmy les persecutions,
qui ne manquent iamais dans les nouuelles conquestes, que sait
lesus-Christ, par l'entremise de ses Predicateurs.

Plusieurs des Parens du Roy ont leur demeure arrestée & ordinaire en cette ville, la pluspart siers & insolens, tant à cause de leur noblesse, que de leur faineantisse. On ne sçauroit croire les maux qu'ils nous ont fait : iusques là, qu'ils auoient vn iour resolu de surprendre nostre maison, & de nous chasser, ce qu'ils eussent executé, sans l'arriuée d'vn nouueau Gouuerueur, qui nous ayant déja connu ailleurs, empescha ce coup, & noue

prit sous sa protection.

Les lettrez, qui n'ont receu que le premier degré, & qui ne

sont au plus que Bacheliers, sont vne autre espece de gens sâcheux & impudens. Ceux-cy auoient aussi pris à tâche de controoller la Loy Chrestienne, & de persecuter les Predicateurs qui l'annonçoient, comme ils ont fait souuent, & vne sois entr'autres, que plusieurs d'entre eux conspirerent d'arracher cette mauuaise temence (c'est ainsi qu'ils parlent) & dresserent vne requeste contre quelques-vns de nos Peres, qu'ils nommoient, les accusans d'estre traîtres au Roy, & sur ce pernicieux dessein de s'estre dispersez par cinq diuerses Prouinces du Royaume, auec vne merueilleuse correspondance des vns aux autres : de roder le long des riuieres comme des voleurs, qui remplissent toutes les costes de brigandages & de meurtres : d'empécher qu'on ne reuere les Images des Anciens, & qu'on n'ado. re les Pagodes, qu'ils mettent en pieces, & reduisent en cendres; d'enchanter le peuple rouge, & de luy faire adorer & reconnoistre pour le vray Dieu la statue d'vn More, c'est ainsi qu'on nomme les Europeans en cette Prouince : de faire des assemblées, & détourner le peuple de ses affaires : d'auoir attiré toute la ville à leur party, & de s'estre tellement multipliez, qu'ils montoient iusques au nombre de vingt mille. Ils inuenterent tant d'autres choses & si épouuantables, qu'il n'y eut personne, qui ne iugeât que nos Peres estoient entierement perdus, veu principalement le prodigieux nombre des ennemis, qu'ils auoient à combatre; & la qualité des lettrez, qui leur faisoient vne cruelle guerre auec leur plume, dont-ils sçauent bien se seruir, quand il en est besoin.

Le memoire fut presenté aux Magistrats, & les Peres citez en iugement, & interrogez de leur vie, de leurs mœurs, & de la doctrine qu'ils enseignoient. Ils rendirent raison de ce qui concernoit, leurs personnes auec vne audience fauorable: & pour le fait de la doctrine qu'ils preschoient, ils presenterent aux Mandarins, au lieu de memoire, vn Catechisme composé & imprimé en Chinois. On ne sçauroit dire comme ce petit liure su bien reçeu des luges, qui surent rauis à la lecture des sondemens de nostre soy, & des principes de toutes les vertus qui composent le corps du Christianisme: mais sur tout ils loüerent & approuuerent les dix commandemens de nostre Decalogue. Ensin l'affaire eut tout vn autre succez que ne pensoient & n'attendoient nos ennemis: & les peres receurent vne sentence si fauorable de cette auguste compagnie, que la loy diuine fut louée, & approuuée publiquement par la bouche des gentils; & nostre residence dans cette Ville constrmée par vn Arrest desinitif qu'ils n'auoient encore peu obtenir. Ainsi la Croix de Iesus-Christ éleua ses trophées sur les ruïnes de l'enser; ceux qui estoient déja Chrestiens, marcherent par tout auec liberté; & les autres qui voulurent embrasser nostre religion, le sirent sans crainte & la teste leuée. Et certes il y en eut de ce nombre, vne grande quantité, qui firent des actions dignes de l'esprit du Christianisme, & qui donnerent des exemples d'vne rare vertu, que i'obmets à dessein, de peur d'estre trop long, me contentant d'vn seul, que i'ay ouy raconter vn peu deuant mon depart de la Chine, de la propre bou-

che du mesme Chrestien, à qui la chose est arriuce.

l'étois à l'Eglise en cette Ville, la Capitale de la Province, quand ie vis entrer vn homme que ie ne connoissois point pour prier Dieu: l'attendis qu'il eût fait sa priere, & qu'il sortit pour sçauoir qui il estoit. Mon Pere, me dit-il, ie suis Chrestien, natif de cette Ville, mais ma demeure ordinaire est à Nanchim, où ie suis marchand: ie viens de temps en temps voir mes parens, & la premiere visite que ie rends est à Dieu dans cette Eglise. Qui vous a baptizé, luy demanda-ie? C'est le P. Iean de la Rocque en la façon, que ie vais dire. l'étois malade, il y auoit quelques années, & auois dépensé le meilleur de mon bien aupres des Medecins, sans trouuer aucun soulagement. Mes amis me visitoient, ayans compassion de moy, & entre autres deux Chrestiens, qui me conseillerent de faire comme eux, & d'embrasser la vraye Religion, & m'asseurerent que Nostre Seigneur feroit ce que les medecins n'auoient peu faire, & me rendroit la fanté. le répondis:si vostre Dieu me veut guerir, ie luy promets de me faire Chrestien. Ce fut assez: ils allerent vîtement trouuer le Pere, & luy demander de l'eau beniste pour me la faire boire, esperans qu'elle auroit plus d'effet que toutes les drogues des Medecins. Le Pere neantmoins n'en fut pas d'advis. S'il veut se faire Chrestien, à la bonne heure

heure, dit-il, peut-estre que nostre Seigneur luy rendra la santé. s'il le juge à propos pour son service : au moins luy donnera-il la santé de l'ame, qui est toûjours plus certaine & plus necessaire que celle du corps. Le bras de Dieu n'est pas affoibly, ny sa main racourcie; il ne fait pourtant des miracles, que quand il veut: & s'il ne luy plaisoit pas en cette occasion de faire paroître sa puissance, faudroit-il pour cela que le gentil desistast d'estre Chrestien? Ils retournerent pour me consoler, mais ie de meurai peu satisfait de leur response. A deux jours de là, les mesmes me reuindrent voir, auec vn autre Chrestien nommé Pierre, homme feruent & zelé, à qui les deux autres raconterent ce qui s'estoit passé auec le Pere. Qu'estoit-il besoin d'aller trouver le Pere, repliqua-il,n'y a-il pas de l'eau beniste dans ma maison? Faisonsen boire au malade, & nostre Seigneur le guerira. Il alla dans sa maison, m'en apporta dans vn petit vaisseau, & m'en fit prendre, & tout d'vn coup ie recouuraj la santé, que ie n'auois peu trouuer parmy les Medecins durant plusieurs années. Me trouuant guery, i e me leue de mon list, ie m'en va promptement à l'Eglise, pour remercier nostre Seigneur; ie me fais instuire en la Foy, & estant suffisamment instruit ie reçois le Baptesme.

Plusieurs esfets semblables arriuent tous les iours, que la vertu de Dieu opere pour fauoriser cette Eglisé naissante, confirmer les Chrestiens, & consoler ses Predicateurs, mais i'ay particulierement voulu raconter cestuy-cy, pour l'auoir seeu de la person-

ne mesme, à qui la chose est auenuë.

La residence de Nankim iouyssoit cependant d'une prosonde paix; les Peres s'acqueroient du credit, & gaignoient de plus en plus la faueur des Magistrats & les bonnes graces des Mandarins: les sideles croissoient de iour en iour en nombre & en deuotion; & pour s'auancer dauantage au seruice de Dieu, ils auoient erigé une Congregation à l'honneur de la S. Vierge sa mere, auec les fruits, qu'on reçoit ordinairement de la protection de cette grande Reyne.

Des personnes de grande consideration, se presenterent au S.Baptesme; entre lesquelles sut Ku-taiso, digne d'une louange immortelle, pour les grandes choses qu'il a faites ou procurées

en cette ville par son trauail, ou par son authorité, en faueur des Peres. Ce grand homme encore Payen estoit le meilleur de nos amis, qui loüoit & approuuoit extremement la loy Chrestienne, la tenoit pour la plus veritable, & la plus seure: mais il estoit trauaillé du mesme mal, que plusieurs autres; les dissioultez, qu'il faut surmonter en la pratique des vertus qu'elle commande, l'en détournoient. Il vint ensin à surmonter toutes ces considerations, & à se vaincre luy-mesme. Il se fit baptiser, & voulut estre nommé Ignace, apres vne profession publique si resoluë & courageuse, qu'elle consola nos Peres, & rensorça tous les Chrestiens. Il ne se contenta pas de la reciter, il voulut encore l'écrire, & la donner au public, comme vn témoignage de sa constance. l'ay ingé à propos pour le bien de plusieurs de la raporter en cét endroit. Elle dit ainsi.

Kui Ignace, qui suis né l'an cieu, à la deuxiémelune, (c'està peu pres au mois de Mars l'an 1549.) en la ville de Ciancieu, au Pays de Sucieu, de la Prouince de Nanquim, dans le Royaume Tamin, ainsi nomment-ils le Royaume de la Chine: porté d'une profonde reuerence, & poussé d'vne viue douleur de mes pechez, ie veux implorer la misericorde de Dieu, & luy demander pardon, afin qu'il m'accorde les eaux salutaires du Baptesme, pour estre enrollé au nombre de ses enfans; & qu'il me communique les graces abondantes pour entrer dans la saincte Eglise. Considerant à part moy les années que i'ay vescu, & me voyant âgé de cinquante-sept ans, sans auoir iamais jetté les yeux sur la loy de Dieu, ny ouuert les oreilles, pour entendre les grandeurs de son nom: mais plûtost ayant suiny la secte & les superstitions de Scechia, (l'vn des plus fameux Idoles de la Chine) quoy que ie sceusse tres bien qu'elles choquoient la raison, & qu'elles étoient contraires à la verité; i'ay vn extreme regret de mon peché, qui me semble infiny, & qui sans doute ne merite pas moins que les peines d'Enfer, Le bon-heur a voulu pour moy; disons mieux la Prouidence diuine, qui dispose du temps & de l'Eternité, sit que ie me rencontro ces dernieres années auec les Maistres de la verité venus de l'Occident, à sçauoir Matthieu Ricci & Lazare Catanée auec Sebastien Fernandez leur compagnon. Ceux-cy

furent

furent les premiers qui m'expliquerent les mysteres de Dieu, & depuis peu m'estant trouvé auec Iean de la Rocque & François Martinez, i'ay esté confirmé par leurs discours dans la creance que i'ay, que le Ciel, la Terre, les hommes, & toutes choses sont des ouurages de Dieu, qui dependent de luy, & releuent de son authorité. Qu'entre toutes les loix & Sectes, il n'en est point d'autre, que celle qu'ils professent, qui soit conforme à la verité: Que Dieu seul pardonne les pechez par l'entremise de ses Ministres: Que luy seul pareillement confere la gloire du Paradis à ceux qui ont vne veritable & sincere douleur de leurs pechez. Et pource que ie croy, que l'homme peut par les moyens, qui sont instituez, obtenir la grace de Dieu, & iouyr de ses bienfaits, ie le supplie de me remplir de ses veritez, afin que ie puisse executer ses volontez, adorer & seruir sa Majesté d'vn courage ferme & constant, & me conformer entierement à ses commandemens & sainctes coûtumes. Dés le jour que j'auray reçeu les eaux du Baptesme, qui lauent & nettoyent toutes les tâches de l'ame, ie promets à l'auenir, de déraciner de mon esprit toutes les Sectes des faux-Dieux, & toutes leurs vaines maximes contraires à la raison : & de renoncer à tous les desirs superflus des richesses, aux vanitez du monde, à toutes les faussetez & sottises du Siecle pour terminer tous mes desirs & toutes mes pensées aux volontez de Dieu. l'obeïray au Pere souuerain, & suiuray le droit chemin de sa Loy: & tascheray le plus soigneusement qu'il me sera possible par la mortification de mes sens, de remettre la lumiere de la raison, que Dieu m'a donnée, dans son premier esclat, ie commenceray par moy-mesme, & puis tascheray de communiquer aux autres les graces que ie receuray de sa main liberale.

Pour ce qui concerne les articles de la foy, quoy que ie ne puisse pas dignement comprendre la grandeur de chacun des mysteres; ie m'y soûmets neant moins de tout mon cœur, & crois fermement tous les poincts qu'ils contiennent, suppliant le Saint Esprit qu'il me veuille esclairer de ses lumieres, pour les mieux penetrer. Maintenant donc que ie commence à ressentir les premieres impressions de la Foy, mon cœur est comme vn tendre espy, qui n'est pas encore en sa maturité: c'est pour quoy ie prie

la Reyne Mere de Dieu de me vouloir donner le courage & la force, intercedant pour moy, aupres de son sils, asin que iamais ma volonté ne vienne à chanceler dans les resolutions qu'elle a prises, de perfectionner les facultez de mon ame, & de m'obtenir vn cœur pur & net: de m'ouurir la bouche pour annoncer sa diuine Loy par tout nostre Royaume, & faire en sorte qu'il n'y ait aucun Chinois, qui ne connoisse la Loy du vray Dieu, & n'obeisse à ses Commandemens.

Telle sut la profession d'Ignace. Apres luy, le P. Jean de la Roque, superieur de la residence de Nankim baptisa de sa main le Docteur Pol, dont nous descrirons la vie sur la fin de cette histoire; que ie peux nommer à iuste tiltre la Colomne de la Chrêtienté de la Chine, si celebre dans les Annales de nostre compagnie; si consideré dans le Royaume, pour auoir exercé la charge de Colao, qui est la premiere sans aucune difficulté: si zelé pour la Religion, si diligent observateur de la Loy de Dieu; si humble, si vertueux, & si saint, qu'on pourroit escrire de luy, de rares merueilles, si nous voulions donner la liberté à nostre plume de met-

tre sur le papier, ce que nous en sçauons.

La ville de Nankim n'estoit pas assez grande, pour contenir la semence de l'Euangile, il y en auoit suffisamment pour remplir toute la Prouince du mesme nom: mais il faloit vne occasion pareille, à celle que trouua le P. Lazare Catanée, qui estant allé visiter le Docteur Pol déja Chrestien en la ville de Scianhaj; où il estoit, pour rendre les derniers deuoirs, & celebrer les funerailles de son desunt Pere, trouua tant de bonnes dispositions aux habitans du païs, à receuoir la parole de Dieu, qu'incontinent apres la Messe cinquante personnes surent lauées des caux du Baptesme, & en moins de deux ans, le nombre des Chrestiens crût iusques à deux cens, la pluspart gaignez à lesus-Christ par les bons exemples du Docteur Pol.

Il est vray qu'ils surent puissamment es meus à la veuë de quelques miracles, que Dieu opera par le ministere de ses Predicateurs; comme l'expulsion des Diables des corps possedez, la guerison des malades, & plusieurs autres essets prodigieux, qui surent comme vne douce pluye versée sur cette nouvelle Chre-

fliente,

stienté, qui arrousa la terre; & luy donna cette admirable secondité, qui a produit tant de beaux fruits, que nous auons recueillis, & que nous recueillons tous les iours dans la maison, qui sut dés lors sondée en cette ville; & nous pouvons dire, sans mentir, que c'est la partie la plus saine, & la plus sainte des Chrestiens de la Chine.

Tandis que les Peres s'employoient auec tant de trauaux vers le midy dans trois residences : le P. Matthieu Ricci ne demeuroit pas oiseux à Pekim; au contraire il estoit si occupé qu'à peine auoit-il le temps, & le loisir de respirer, en partie pour les frequentes visites qu'il estoit obligé par bien-seance, & par ciuilité de rendre aux Chinois, qui se tiennent offensez contre ceux, qui leur refusent cette sorte de complimens: en partie aussi pour les excellens liures qu'il composoit, & qui non seulement le mettoient en reputation parmy les hommes doctes; mais encore donnoient du credit à nostre Religion, & gaignoient plusieurs Gentils par la force de ses raisons, autant que par la nouveauté de quelques euenemens miraculeux que Dieu sit éclater à leurs yeux, comme d'vn ieune Neophyte, iniustement condamné à la mort, qui en fut deliuré par vne faueur extraordinaire de nostre Seigneur, qui s'apparut la nuit au Iuge, & luy commanda de sauuer cét innocent. Deux autres, dont la santé estoit desesperée, furent gueris par le secours de la S. Vierge, qui se monstra visiblement à eux, leur parla, & les consola.

Nonobstant ces grands emplois, le P. Matthieu n'abandonnoit point les autres fonctions de sa charge, estant Superieur de la
residence, & de la Mission, qu'il gouvernoit auec beaucoup de
soin, de prudence & de charité. Mais enfin les travaux continuels l'accablerent, & nostre Seigneur, qui le vouloit conduire
au port, apres tant de tempestes, rendit tous les remedes des Medecins inutiles contre la maladie, qui l'enleua de ce monde. Il
demanda & receut tous les Sacremens auec vne grande devotion,
& auec des sentimens proportionnez à la pieté qu'il avoit fait paroistre durant toute sa vie. Les autres Peres luy demanderent
auant que de mourir, sa benediction, & l'éclair cissement de plusieurs dissicultez. Entr'autres vn se plaignant à luy, de ce qu'il

00 3

les abandonnoit en vn temps, qu'ils auoient plus de besoin de sa conduite, il répondit : ie vous laisse la porte ouuerte à des grandes conquestes : mais sachez, qu'il vous faudra donner de grands combats. Et ainsi s'entretenant tantost auec les Peres, tantost auec les autres Chrestiens, & le plus souuent éleuant son cœur & sa voix vers le Ciel auec des colloques amoureux, estant estendu sur son liet, sans se remuër, il ferma les yeux comme s'il eût esté surpris de quelque doux sommeil, & rendit son ame entre les mains de Nostre Seigneur, au grand regret de tous les Chrestiens, & mesme des Gentils, qui ne le nommoient point autrement que l'homme parfait, le Saint, & l'Apostre Ie n'en diray pas dauantage, veu que sa vie est couchée au long dans l'histoire du P. Trigaut.

CHAPITRE VII.

De la Sepuliure qui nous fut accordée par le Roy, & des progrez de la Religion Chrestienne iusqu'au temps de la persecution de Nanquim.



O v s auons déja dit, que cest la coûtume parmy les Chinois d'auoir vn lieu destiné pour la Sepulture des morts. Les nostres, qui n'auoient pas bonnement assez de place, pour se loger durant leur vie, n'en auoient point du tout pour

estre mis apres leur mort. C'est ce qui leur donna de la peine à trouuer vn lieu commode pour enterrer le P. Ricci, mais Nostre Seigneur, qui ayme les siens, & qui honore ses seruiteurs, les sit penser à vne chose bien difficile, & comme ie crois tout à fait impossible, sans vne assistance particuliere du Ciel, veu les coûtumes de la Chine. Qui sur de demander vne saueur au Roy, & de supplier sa Majesté qu'il accordât vne place pour la sepulture du defunct. Ce qu'ils sirent par vne requeste qu'ils presenterent, anec les raisons de leur demande, sans considerer

d'ailleurs

d'ailleurs l'importance de cette affaire, & les difficultez qui en pouuoient naistre.

Le Colao mesme qui estoit de leurs amis, iugea qu'il estoit impossible de faire passer cette requeste, sous les formes ordinaires, qu'on obserue à la Cour. Neantmoins apres auoir recommandé l'affaire à Nostre Seigneur, on ne laissa pas de la mettre entre les mains du Mandarin, qui avoit charge de la presenter; & Dieu nous fit la grace qu'elle passa dans la Chancelerie, sans aucune opposition, qui estoit la plus grande difficulté de toutes. & presque insurmontable, au jugement des hommes. Puis elle fut presentée au Roy, qui fut sans doute poussé à nous fauoriser par la main toute puissante de celuy qui tient les cœurs des Roys; outre les presens qu'il auoît receu de nos Peres, & principalement l'horloge qu'il auoit deuant les yeux : de sorte qu'il remit la chose à son Colao, suiuant la pratique ordinaire, & le Colao la renuoya au Conseil des coûtumes, qui connoissent des affaires des estrangers. Ce Conseil l'ayant veuë & considerée iugerent, que comme c'estoit vne grace du Roy, c'estoit aussi au Conseil du Domaine du Roy d'en prendre connoissance. Nos Peres en ayans eu le vent, firent si bien qu'ils tirerent la cause de cette deuxiéme Chambre, où ils n'auoient aucun amy, qui peût les assister, & la remirent dans le Conseil des coûtumes, où par le moyen de leurs amis, elle fut iugée en leur faueur de la façon qui s'enfuit.

Vostre Majesté ayant sait commandement que le Conseil, auquel il appartiendroit, iugeât de cette affaire: & estant tombée entre nos mains, nous auons recherché les Ordonnances, & les loix du Royaume, parmy lesquelles il y en a vne qui dit ainsi: Si quelque estranger de ceux qui ont coûtume de venir dans le Royaume, meurt sur les chemins, sût-ce mesme vn Vassal, c'est à dire vn de ces anciens Roys & Princes, qui releuoient de cette couronne, & venoient rendre leurs hommages à la Cour, le Thresorier de la Province, où sera mort le desfunct, luy assignera vn lieu pour sa sepulture, & luy fera eleuer vn Tombeau de pierre auec vne inscription, qui marquent ses qualitez, & le sujet de son voyage.

De

De plus vne autre loy porte; que si l'estranger qui entre dans le Royaume, meurt apres son entrée à la Cour, auant que d'auoir esté recompensé du Roy, suiuant les anciennes coûtumes, le Gouuerneur de la ville fera les frais des sunerailles; mais s'il auoit

esté recompensé, elles se feront à ses despens.

Conformément à ces deux Loix (dont ie ne vois pas bien comment on peut tirer aucune raison pour appuyer nostre demande, veu que les Peres auoient esté déja recompensez du Roy) le Mandarin sceut si bien ajûter toutes choses, & trouua tant de raisons de bien-seance & d'equité, pour faire accorder au P. lacques Pantoya, la grace qu'il demandoit au Roy pour la sepulture de son compagnon; que dés aussi-tost que le Roy eut leu la requeste, il l'agrea, & commanda au Colao d'y respondre en la forme ordinaire. Le Colao escriuit, qu'il trouuoit bon qu'on accordât aux Estrangers, la faueur qu'ils demandoient: Et puis le Roy la signa de sa propre main.

Cette expedition termina tout d'vn coup nos peines presentes, & nos apprehensions pour l'auenir; aussi nos Peres en remercierent nostre Seigneur, comme d'vn double bien-sait; qui ne s'arrestoit pas à la seule maison de Pekim, mais s'estendoit à toutes les residences du Royaume, & ne seruoit pas seulement pour la sepulture des morts, mais encore pour la seureté des viuanss estant sort probable que le Roy, qui nous donnoit vne place dans son Royaume apres nostre mort, nous accordoit ensemble vne maison, où nous pússions loger en liberté durant nostre vie. Aussi le don portoit ces paroles exprés; pour enseulir le P Ricci, auec ses compagnons, & de vray tous ceux des nostres, qui meurent

à la Cour, n'ont point d'autre sepulture.

La premiere partie de cette affaire, qui sembloit estre la plus fâcheuse, consistant en l'obtention, ayant reussi si heureusement sans aucune difficulté; l'autre qui regardoit l'execution, ne pouuoit pas manquer de trauerses. Mais nous en vinsmes aussi à bout auec l'ayde des Mandarins nos amis, & par l'adresse du P. Pantoya, qui sit present à tous les autres luges de ce que nostre pauureté nous permettoit de posseder, & de ce que les Chinois prisent beaucoup, qui sont des cadrans d'yvoire, que ce Pere saisoit
à la

à la perfection. Nous auions de plus le Colao, c'est à dire tout pour nous : lequel nous témoigna tant de bonne volonté en cette occasion, que le Pere Pantoya sur la crainte qu'il cut, que ce grand nombre d'affaires de consequence, qui passent tous les iours par son esprit, ne luy fit perdre la memoire des Estrangers, l'estant allé visiter à dessein de luy en toucher vn mot : dés aussitost qu'il eut ouvert la bouche, le Colao, le prenant par la main, luy dit: Ie me suis souuenu de vous, & me doutant que l'affaire pourroit tirer en longueur, ie l'ay fait venir à moy : & puis l'ay mise entre les mains du Gouverneur, le priant d'en avoir vn grand soin, bien qu'il n'eûr pas besoin de mes prieres, ny de ma recommandation, estant assez porté de luy-mesme à vous seruir: & ie m'asseure, qu'il en priera de mesme tous les autres Mandarins, à qui vostre affaire doit estre communiquée. A la recommandation de tant de personnes d'vne si eminente qualité, le don que le Roy nous faisoit, fut non seulement enregistré, mais réceu auec honneur: & les moindres officiers, qui doiuent tenir la main à l'execution de pareils mandemens, eurent incontinent ordre de nous chercher yn lieu: ce qu'ils firent au plûtost, & auantageusement, émeus par l'estime qu'ils voyoient que les Magistrats, desquels ils dependent absolument, faisoient de nos personnes, & par l'honneur qu'ils nous rendoient. Il nous trouuerent quatre differentes places; & d'autant qu'elles estoient toutes également commodes, ils nous vindrent prier de voir & de choisir celle qui nous plairoit dauantage, & qui seroit plus à nostre bien-seance pour en faire le rapport au Roy.

Il y en auoit vne de ces quatre prés les murailles de la ville, auec vne grande & riche maison, accompagnée d'vn beau jardin, qui autresois auoit esté le jardin d'vn des premiers Eunuques du Palais, qui estoit en prison, condamné à la mort pour ses crimes. Cetuy cy auant que d'estre condamné par sentence des luges, voyant ses affaires desesperées, & que tout son bien deuoit estre confisqué au Roy, s'auisa d'vn bon expedient pour conseruer sa maison. Il sit changer l'entrée, comme si c'eust esté vn Monastere de Bonzes, & conuertit sa sale en vn Temple d'Idoles, auec cette auguste inscription. Le Temple de

la science de bonté. Ce lieu estoit commode, & comme il n'y auoit qu'vn seul Bonze dedans, il sembloit qu'il sur abandonné, & qu'il n'y auroit pas grande peine à l'obtenir: Nos Peres ne sçauoient pas que l'Eunuque sût encore en vie: mais aussi-tost, qu'ils en surent asseurez, ils ne voulurent point perdre d'auantage de temps à chercher vn autre lieu. Nous choisismes celuy-là, comme le

plus commode.

Vn Mandarin, qui pretendoit tirer de nous quelque somme d'argent, proposa qu'on sist priser la place, mais on luy respondit tres à propos, que les presens du Roy estoient sans prix, & qu'ils ne deuoient point estre mis à l'enchere. Apres qu'on eut donné aduis au Gouverneur de nos poursuittes, du lieu & du proprietaire: il expedia nos prouisions en cette forme. Le Temple de la science de la bonté, ne doit point estre achepté, puisqu'il est au Roy, en consequence de la sentence de mort portée contre l'Eunuque qui le possedoit. Que le Bonze; qui est dedans, soit congedié, & que le Pere Iacques Pantoya & ses compagnons

soient mis en possession.

Ce mandement sut executé de mesme que si c'eût esté vne sentence: car nos Peres craignans que le Bonze ne fist quelque difficulté d'obeir, & ne leur donnât de la peine, prierent le Gouuerneur qu'il l'enuoyât chercher, & qu'ille fist sortir de son Temple. Le Gouverneur qui ne demandoit que des nouvelles occasions de les obliger, dépescha deux hommes, qui l'emmenerent tremblant de peur, & ne sçachant que penser de ce message; à cause que telles visites sont toûjours à craindre, & pleines de danger. Il reçeut commandement de vuider au plûtost la place, sans mot dire & de chercher vn autre logis. Il obeit volontiers, se voyant quitte à meilleur marché qu'il ne croyoit, & dés le mesme iour, nos Peres accompagnez de quelques Chrestiens prirent possession du Temple de la maison, & du jardin, & rendirent graces à Dieu d'vn si heureux succez, comme si la chose eût esté faite, ne preuoyans pas ce qui denoit leur arriuer par apres, & les oppositions qui se deuoient former contr'eux.

La diligence qu'on apporta pour terminer au plûtost l'affaire, & pour la tenir secrete, sut cause que l'Eunuque qui estoit en pri-

son, ne peût rien sçauoir de ce qui se passoir au Temple, qu'il pensoit encore estre à luy. Mais apres qu'il eut appris qu'on l'auoit donné à des Estrangers, on ne sçauroit s'imaginer les plaintes & les murmures que formerent ses parens, ses amis, & ses Escoliers contre cette possession secrette, & les efforts qu'ils firent les vns d'une façon & les autres de l'autre pour faire rompre le don du Roy, & reuoquer la sentence du Conseil.

Premierement une troupe d'Eunuques les moins considerables s'en alla dans ce Temple, où il n'y auoit pour lors qu'vn Frere. Apres plusieurs discours, ils luy monstrerent qu'il y auoit dans la maison, quantité de meubles, qui n'estoient point compris dans le don du Roy: & puis comme ils virent qu'ils ne pouuoient rien gaigner, ils changerent de langage, & s'addresserent à l'Idole. Les vns disans, à Dieu, à Dieu pour iamais, car ie ne pourray iamais entrer librement en cette sale. Vn autre vomissant sa cholere, masse de fange, disoit-il à son Idole qui estoit paîtrie de terre cuite, quel secours peux-ie esperer de toy, si tu n'a pas eu la force de te defendre toy-mesme en ta maison ? tu es indigne qu'on te regarde, tu ne merite aucun honneur, aussi ne te rendrayie jamais aucun seruice, & iamais tu ne me verras à tes pieds. Vn autre, disoit asseurément cette statuë auoit le nom d'vne autre Idole: elle a esté changée, & ie me doute qu'elle n'ayt vendu son droit à celuy, qui la possede.

Les autres Eunuques, qui estoient plus en considerarion, n'oublierent rien pour empécher l'alienation de ce Temple; ils se fortifierent du credit des principaux Eunuques du Palais, & de l'authorité des Mandarins du dehors, & de plusieurs personnes puissantes pour venir à bout de leur dessein. Peu s'en fallut qu'ils ne gaignassent le Culikien, qui est celuy qu'on nomme le Secretaire de la Pureté, qui a l'Intendance sur tous les Eunuques, & qui approche de plus prés la personne du Roy. Neantmoins comme il eut sçeu, que tout ce qui s'estoit passé, estoit par les ordres du

Roy, il ne voulut point s'en méler.

Mais ll y eut bien d'autres personnes de plus grande authorité que luy; la Reyne mesme Mere du Roy addonnée plus que nul autre au culte des Idoles, fut sollicitée par vn Eunuque son

fauory, qui comme vn premier mobile donnoit le bransle à toute la faction d'interposer son authorité aupres du Roy son fils, & d'empécher qu'vn Temple consacré à leurs Dieux, qui auoit tant cousté, ne fût donné à des Estrangers, qui non seulement ne leur rendoient aucune adoration, mais qui les mettoient en pieces & les faisoient brûler. Ce qu'il prononçoit la larme à l'œil. Mais tant s'en faut qu'elle voulût écouter leur demande, qu'au contraire elle répondit, comme on a sçeu depuis, que tant plus le Temple estoit magnifique, dautant plus faisoit-il paroître la magnificence du Roy; & que si les estrangers sçachans qu'on eût parlé d'eux, à leur des auantage, venoient à en faire leurs plaintes il n'en faudroit pas d'auantage pour faire perdre la vie à l'Eunuque prisonnier & condamné. Enfin malgré tous les efforts des puissans, & malgré toutes leurs ruses, la Providence divine sit triompher de pauures estrangers de la prudence humaine, & les conduisit au Palais comme des victorieux chargez des dépouilles de leurs ennemis, pour remercier le Roy, à la façon accoustumée.

Cette maison est éloignée d'vne des portes de la ville, enuiron d'vn demy-quart de lieuë. Le bastiment est neuf n'y ayant pas plus de trente ans qu'il est paracheué, tout sait de briques, qui a cousté, à ce qu'on dit, plus de quatorze mille escus, qui est vne somme excessiue à la Chine. Le corps du Pere Matthieu y sut porté vn matin dans vne caisse bien sermée, & vernie par dehors à la façon du païs, auec la croix richement parée, & vn grand nombre de Chrestiens qui accompagnoient le conuoy. Il sut mis dans vne chambre au costé de la Chapelle, iusqu'à ce qu'on cût sait les ceremonies qui s'obseruent à la Chine pour les desunts, & puis il sut transporté dans le Cimetiere, qu'on auoit preparé tout exprés au bout du jardin; qui est vne Chapelle saite en exagone bastie de briques, voutée par en haut, & reuestuë par le dehors de deux murailles tirées en demy-cercle.

Au milieu de ces espaces estoient quatre Cyprez, arbres sunestes aussi bien parmy les Chinois, que parmy nous, qui sembloient auoir esté plantez pour ombrager le Tombeau du Pere Matthieu, qui sut pareillement construit de briques, comme les

autres

autres bastimens; & au lieu de chaux, on se seruit des pieces de l'Idole, qu'on auoit brisé, pour faire triompher le Pere mesme apres son trépas, & luv eleuer vn trophée sur son sepulchre, de la ruine des faux Dieux. La Chapelle sur purifiée, & consacrée à Iesus Christ le Sauueur des hommes. On y trouua vn Autel superbe, & au dessus vn Idole doré depuis la teste insqu'aux pieds d'vne grandeur prodigeuse, que les Chinois nomment Ticam, & qui a son Empire, à ce qu'ils pensent, sur la Terre & sur les Threfors: vn vray Pluton, auec le Sceptre en main & la couronne en teste, comme nos Princes. Il auoit à ses costez quatre Ministres de la mesme matiere; & deux grandes tables par le milieu, sur chacune desquelles estoient cinq petits Roys de l'Enfer. Ces mesmes Roys estoient aussi peints deça & delà sur les murailles, assis dans leurs Thrônes, condamnans les coupables aux peines d'Enfer; & tout au tour des figures de Diables épouuantables anec les mesmes instrumens que nos peintres leur donnent, & les mesmes supplices qu'ils font souffrir aux damnez dans leurs cauernes pleines de flammes & de Dragons. Il y auoit outre cela vne grande balance, & dans vn des bassins vn homme chargé de crimes, & dans l'autre le liure de leurs prieres, qui emportoit tous les pechez & mettoit en seureté ceux qui les auoient recitées. Il y auoit encore vn grand sleuue de seu, qui engloutissoit vn grand nombre de miserables; il estoit couuert de deux ponts, l'vn d'or, l'autre d'argent, par où passoient des hommes que les prestres des Idoles conduisoient en vn lieu de delices. On y voyoit encore des Bonzes, qui retiroient leurs Peres des flammes & des tourmens, malgré les Diables, & plusieurs autres choses, qui donnent du credit à leurs Prestres. D'où vient qu'à châque sorte de supplice, il y auoit vne inscription conceuë en ces termes: Quiconque inuoquera mille fois le nom d'vn tel Idole, s'exemptera de ce tourment. Toutes ces choses furent trauersées & destruites par nos seruiteurs faisans à l'enuy, à cause que les Chinois ont de coûtume de mettre dans la composition de leurs Idoles des pieces de monnoye, des medailles d'or & d'argent, & quelquefois des pierres precieuses. Les murailles furent couvertes & enduites de chaux, & l'Image du Sauueur fut éleuée sur vn nouuel Autel.

Pp 3 I

La premiere Messe y sut celebrée le jour de tous les Saints auce vne grande solemnité, au son des Orgues & des autres instrumens de Musique: où assistement tous les Chrestiens, dont les plus qualifiez apres vne courte exhortation, porterent le corps du P. Matthieu en terre, les autres marchans apres, le Docteur Pol à la teste de tous, qui aymoit le desunt comme son propre Pere, & le mirent auec les ceremonies de l'Eglise, dans la Chapelle destinée pour le lieu de sa sepulture, & consacrée à la memoire du Sauueur. Il n'estoit pas raisonnable que le sils sût separé de la Mere. Les Peres pour s'acquiter d'vn vœu qu'ils auoient sait, quand ils commencerent à traiter de cette affaire, bâtirent tout aupres vne autre Chapelle, à l'honneur de la S. Vierge.

Sur la premiere porte on graua cette inscription en deux characteres Chinois. Par la liberalité du Roy; qui leur est le plus grand honneur, qu'on puisse pretendre à la Chine. La curiosité porta le peuple & les plus grands à voir nostre nouvelle maison; qui s'en retournerent tous fort satisfaits, loüans & admiarns nos procedures, & nostre accommodement. Aussi estoit-ce vne chose bien estrange & inoüie, qu'à la face de la Cour & du Roy mesme, & qui plus est, auec l'approbation des principaux Officiers de la Couronne, de pauures estrangers eussent eu le courage & le pouvoir de renuerser les Autels, & briser les Dieux de leurs Ancestres. Cette grace extraordinare que le Roy nous auoit fait à Pequim, stut bien-tost répanduë par toutes les Prouinces, & servit de beaucoup à nos affaires. Car nos maisons surent de là en auant frequentées auec plus de liberté, nos Peres regardez de meilleur œil, & les fruits de l'Euangile plus abondans.

Nous n'auions en ce temps-là, qui estoit l'an 1610. que quatre residences, d'vne extremité du Royaume à l'autre, sur le grand chemin de Canton à Pequim, allant du midy tout droit au Nord. Mais nos Peres ne se contentans pas d'aller d'vn Pole à l'autre, desirans encore suiure les routes du Soleil, & porter la lumiere de l'Euangile de l'Orient au couchant, où sont les plus celebres villes de ce sameux Royaume, le Docteur Leon leur en sit naîrre vne belle occasion, lors qu'il sut obligé de quitter son Gouuernement, & de retourner en son païs pour honorer de sa presence les

fune

funerailles de son Pere, & obserner les ceremonies du ducil, qu'on pratique inuiolablement à la Chine. Il emmena des Peres auec luy, en partie pour sa consolation particuliere, & pour instruire les Chrestiens de sa famille, & baptizer les autres qui ne l'étoient pas encore; en partie aussi pour essayer de fonder vne maison en sa ville de Hamcheu. Le premier rencontre heureux fut du Docteur Yam, nommé depuis en son Baptesme Michel. dont le nom est assez connu dans nos histoires. Il estoit parent de Leon, & Mandarin d'une grande reputation, ayant exercé durant sept ans la charge de Chancelier de toute la Prouince de Nanquim, qui n'est pas vne petite dignité. Outre qu'il estoit grandement riche, forty d'vne illustre famille, & d'vne des premieres maisons de la ville, & plus addonné que tout autre, au culte des Pagodes. Car il auoit vn Temple dans son Palais auec des Bonzes pour le seruir, qu'il nourrissoit & entretenoit à ses dépens. Il est vray qu'il pechoit en cela plûtost par ignorance que par malice; aussi Dieu luy sit-il misericorde. Il sut l'vn des premiers, qui visita nos Peres, & comme il estoit extremement porté aux choses de la Religion, il accrocha tout aussi-tost une dispute au suiet de sa secte, auec plus de chaleur, que de coustume: laquelle il continua le iour suiuant, le troisième, & pendant neufiours entiers, se presentant toûjours au combat auec de nouuelles difficultez, & de nouuelles armes, non pas qu'il eût dessein d'impugner la verité, mais de la produire en euidence, & luy deferer l'honneur de la victoire. Il se rendit enfin le neufuiéme iour, & se confessa vaincu par ces paroles : vn seul & vray Dieu, vne vraye Loy, & vne veritable doctrine. Et apres qu'il fut suffisamment instruit en nos mysteres, il se presenta sur les fonds du Baptesme comme vn Trophée à Iesus-Christ, causant autant de ioye & de consolation à nos Peres & au Docteur Leon son parent, que de honte & de rage aux Bonzes, qui furent chassez de sa maison, & leur Temple conuerty en vne Eglise sous le nom du Sauueur.

A voir ces deux Heros, on eût iugé qu'ils devoient estre deux colomnes inébranlables pour soûtenir l'édifice spirituel de cette Eglise naissante: & leur conversion nous faisoir esperer que plu-

sieurs attirez par leurs exemples à suiure la loy du Fils de Dieu, luy formeroient vne Gent Sainte, vne race choisie, & vn peuple nombreux en cette Capitale ville, la mieux peuplée, la plus riche, la plus delicieuse, & la plus magnifique en Temples & autres b.3timens de tout le Royaume de la Chine. Mais soit que ce sut pour cette consideration, ou pour ce que les iours de sa visite, qui demandoient vne plus grande disposition, ne sussencore venus, il s'y faisoit si peu de fruit, que les Peres iugerent plus à propos de ceder au temps, & d'abandonner leur maison pour aller en d'autres terres mieux disposées à receuoir les semeces de l'Euangile. Mais comme ils n'oserent pas se fier à eux-mesmes, sans consulter l'oracle en une affaire de telle consequence; ils communiquerent leur dessein au P. Nicolas Lombard superieur de la Mission, qui ne l'approuua par tout à fait, aussi ne le rejetta-il pas; mais s'en remit au jugement des Peres de Nanquim, où i'estois pour lors auec huit Religieux de nostre compagnie. La chose fut mise en deliberation, & tous d'vne commune voix conclumes, ce que l'experience nous auoit enseigné, qu'il ne falloit qu'vn peu de courage & de constance pour faire des merueilles, & que c'estoit auec ces armes, qu'on auoit surmonté des difficultez beaucoup plus étonnantes. Les Peres acquiescerent à nostre aduis, & sans plus parler de changer de demeure, s'arrêterent en cette ville, ne sçachans pas encore les grands biens que nostre Seigneur leur preparoit, & que le temps a depuis découuert, par la fondation d'une Eglise la mieux instruite, & la plus nombreuse de toute la Chine, qui nous a seruy comme d'vn port asseuré dans les tempestes, & comme d'vn lieu de refuge au milieu des persecutions.

Les Chrestiens se multiplioient pareillement en grand nombre à Xauhoi, qui est vne Terre qui releue du Dosteur Paul, où son Pere, ses Domestiques & quelques autres personnes du lieu surent lauées des eaux du Baptesme, & quoy que nous n'y eussions point de maison arrestée, il y auoit vne Eglise qu'on visitoit tous les ans pour confirmer les anciens Chrestiens, & pour

en faire de nouueaux.

On trauailloit vtilement, on celebroit la Messe, on preschoit,

on administroit les Sacremens, on pratiquoit les ceremonies de la Religion, sans aucun empéchement en quatre maisons des plus anciennes. Les Chrestiens vacquoient aux exercices de la deuotion, & la pluspart des Gentils tâchoient de trouuer le chemin de leur salut. La Foy de Iesus-Christ prenoit de iour en iour, de plus fortes racines, & produisoit continuellement des sleurs & des fruits nouueaux par les frequentes conuersions. Les ouuriers nous venoient de Macao tous frais, & tous instruits aux coûtumes du païs, pour nous ayder à recüeillir tât de riches moissons. C'estoit à qui nous auroit, on nous appelloit de tous les endroits de la Chine, & les Seigneurs ambitionoient de nous posseder dans leurs terres pour annoncer l'Euagile à leurs sujets.

La ville d'Varncheu voisine de Nanquim témoigna vn si ardent desir de nous entendre, & de receuoir de nos bouches, la science du salut, que les lettrez écriuirent vne lettre au P. Alfonse Vagnon Superieur de la residence de Nanquim, où plus de quarante auoient signé de leur main, le priant humblement de venir au plûtost, & de ne les pas priuer, par son retardement du bien qu'ils esperoient de sa presence. On nous témoignoit les mesmes sentimens en plusieurs autres lieux, soit que les habitans nous connûssent par nos liures imprimez en leur langue, & par le recit que les Gentils faisoient de nous & de nos qualitez, qui servoient en cela de guide à leurs compatriotes, & mesme i'en auois vn auprés de moy, qui m'aydoit à faire le catechisme : ou bien qu'ils se fussent affectionnez à nostre Religion par la hantise familiere des Chrestiens. Tant y a que leurs bons desirs & leurs instantes prieres nous faisoient croire, que l'hyuer des tempêtes & des persecutions estoit passé, & que le Printemps poussoit des fleurs dignes du Paradis de Dieu: ou pour mieux dire, il sembloit que la moisson fût meure, & qu'elle n'attendit plus que la faucille. Les Peres encouragés par ces heureux succez, & satisfaits de ces belles occasions, qui se presentoient de toutes parts à eux, n'en laissoient perdre aucune, esperans que les choses iroient toûjours en se perfectionnant. Mais qui est-ce qui peut comprendre les lugemens de Dieu, & qui iamais luy a seruy de Conseiller? Au milieu de nos plus grandes :5,615/6

grandes prosperitez, la persecution, dont nous parlerons au Chapitre suiuant, s'éleua contre nous à Nanquim, où il sembloit que nos affaires sussent les mieux affermis, & que nostre maison sût la mieux appuyée, pour auoir esté bastie & sondée auec plus de repos, & moins d'oppositions que les autres. Mais soit que Dieu voulût punir les pechez de ce Royaume, & les nostres mesmes en particulier, ou qu'il eût resolu d'éprouuer ses serviteurs, la guerre sut declarée contre les Chrestiens.

CHAPITRE VIII.

La cruelle persecution suscitée contre les Chrestiens à Nanquim.

ETTE persecution qui est la plus épouuantable que nous ayons souffert jusqu'à cette heure, commença l'an 1615, au sujet que je diray.

Vn Mandarin, nommé Quiox in, fut enuoyé

metroient

cette meline année de Pequim à Nanquim, pour estre Assesseur au troisseme Tribunal, Lipu, qui connoît des courûmes, des Séctes, des Estrangers & de choses semblables Cetuy cy, outre l'auersion qu'il auoit de nostre Religion, & de nos Peres; l'inclination extreme qu'il auoit à seruit les Idoles, auoit plusieurs raisons particulieres pour nous vouloir du mal. Premiérement, vn Bonze de ses meilleurs amis auoit mis en lumiere vn liure contre les veritez de nostre Foy, auquel le Docteur Pol, auoit si viuement répondu, que le Bonze en mourut de regret. De plus les Bonzes de Nanquim luy auoient fait vn present de dix mille escus, afin qu'il nous chassat, & qu'il éteignît tout d'vn coup, le seu qui s'étoit pris à leurs Temples, & qui s'en alloit bien-tost consumer leurs Idoles. Adioutez à cela les picques qu'il auoit euës à Pequim contre le Posteur Pol & à Cechian contre le Docteur Michel, qui dans leurs conferences pour le fait de la Religion, l'auvient si mal-traité & ses Idoles, que ne scachant plus que répondre aux raisens qu'ils

mettoient en auant, il conuertit son silence en rage, & sa honte en venin. Son despit s'accreut, quand il ouyt dire que deux des principaux Mandarins auoient presente deux Requestes au Roy, pour le prier, que nos Peres traduisssent en langue Chinoise les liures de l'Europe pour enrichit leurs sciences; & qu'ils reformassent leur Calendrier. Le Xin ne pouvoit supporter qu'on sist tant de cas des Estrangers contraires à ses Sectes, à la ruine totale du culte des Idoles Ce qui l'animoit plus fortement, estoit l'ambition qu'il avoit d'estre vn iour Colao, ce qu'il esperoit obtenir en se monstrant zelé à la Religion de ses Ancestres, & de tenir la main à l'observation des anciennes coûtumes & des premieres corrementes du Paragrasse.

ceremonies du Royaume.

Outre les autres choses, qui concernoient sa charge, il pratiqua contre nous vne maudite information, & mit en auant des raisons seintes & apparentes, pour nous faire chasser: alleguant que les Peres s'estoient introduits dans la Chine sans la permission du Roy, & se servant pour authoriser son dire, d'yn memoire composé par les Escoliers de Nanquim qui prioient les Mandarins que les nostres fussent chassez du Royaume, comme des personnes pernicieuses au bien public, & capables de machiner contre l'Estat. Autrement, disoient ils, qui les eût obligez d'abandonner leurs maisons & leurs biens : & de venir chercher vn nouveau monde ? Ils se servoient encore du témoignage, ou plûtost de l'imposture d'vn de nos voisins, que plusieurs fois pendant l'année, il se faisoit en nostre maison sous pretexte de quelques solemnitez & de Religion, des Assemblées de plusieurs milliers d'hommes & de femmes, qui se teritoient chez eux auant le iour. Qu'on donnoit à tous ceux qui se faisoient nouuellement Chrestiens eing ducats d'Alquemie; qu'on les couchoit sur vn roole fous des noms estrangers & inconnus, qu'on leur enseignoit à faire le signe de la Croix sur le front, comme vne marque de party, & comme vn mot de guerre, pour se discerner les vns des autres dans les revoltes. Que nos maisons estoient pleines d'armes, & semblables mensonges assez bien colorez.

De toutes ces pieces ramassées ensemble, il en dressa vn memoire, qu'il presenta au Roy, au mois de May, l'an 1616. dont la

Qq 2

substan

substance estoit nostre entrée secrete & à la destrobée dans le Royaume, la promulgation d'une loy contraire à leurs Idoles, & à la religion de leurs ancestres; le raport qui se trouue entre les tiltres & qualitez que nous donnons à nostre Dieu, & celles que prend leur Roy, de nostre Occident auec leur Orient: nostre sinesse pour corrompre & gaigner des amis; la destruction & le renuersement des principes de leur astrologie comme faux & erronés, causés par la lecture des liures de l'Europe. Enfin il concluoit, que pour le bien commun il estoit necessaire de mettre à mort les Peres, & generalement tous les Chrestiens, auant qu'ils eussent pris plus de pied & plus de force dans le Royaume.

Ce memoire, qui fut presenté au Roy fort secretement, n'eut aucune response dans le temps qu'on deuoit la receuoir. Le Seigneur Michel en fut auerty par vn Mandarin, qui estoit son amy & du Xin: & ne manqua pas d'en donner auis au plustost à nos Peres, & de ce qu'ils devoient faire, pour parer à ce coup. Il écriuit luy-mesme en nostre faueur, à plusieurs Mandarins, & entre autres au Xin, renuersant toutes les fausses raisons qu'il pouuoit alleguer contre nous, & contre la loy que nous preschions, neantmoins sans faire aucun semblant de sçauoir rien de ses mauuais desseins. Enfin comme il vid que l'orage estoit pour se creuer, il conuia nos Peres de se retirer dans sa maison à Nancheu, iusqu'à ce que la tempeste fût appaisée, & la mer calme: Nous taschions ce pendant d'attirer Dieu à nostre party, & d'obtenir son secours par le redoublement de nos prieres & mortifications, sans oublier la faueur de nos amis. On alla trouuerà deux iournées de là le Docteur Leon, pour luy communiquer l'Apologie que le Docteur Michel auoit composé pour nostre defense; auquel il voulut adiouster vn discours qu'il auoit preparé à la louange de la loy Chrestienne, & de ses Predicateurs; & le fit courir de main en main par la viille auec des conseils vtiles & propres pour le temps : tandis que les Peres faisoient l'office de bons pasteurs, & qu'ils encourageoient par leurs exhortations les nouueaux Chrestiens à souffrir pour la querelle de Iesus-Christ, & pour la conservation de la foy: & qu'ils les disposoient par la frequentation des Sacremens à suporter la tempeste; & particurement

rement par l'vsage du Saint Sacrement de l'Autel, qui est le pain des forts à se roidir contre la persecution, qui menaçoit l'Eglise. Comme si la guerre cust esté declarée, il y eut vn Chrestien nommé lean Vao personnage docte, prudent & auisé, qui sit faire quatre Estendars portans son nom, son surnom, son païs, & sa profession, pour s'en seruir au temps de la persecution comme d'vne liurée, qui le distinguast des insideles, & comme d'vn

fignal pour animer les fideles au combat.

Trois mois s'estoient escoulez, sans auoir peu tirer de response au premier memoire que le Xin auoit presenté au Roy, ce qui l'obligea d'en presenter vn autre sur le mesme sujer, par les mains de Ximxu, Lipu du troisiéme Tribunal de Pequim; auquel il persuada d'en composer pareillement vn troisséme, & le ioindre auec le sien. Le Mathematicien, qui auoit porté les nostres à la corre-Aion du calendrier, découurit leur complot, & tira vne copie de leurs Requestes, qu'il enuoya promptement à nos Peres & au Docteur Pol. Ce bon Seigneur composa en vne nuict vne Apologie pour nostre iustification, & la tint toute preste pour estre presentée au Roy, quand il en seroit besoin, & depescha vn Mandarin son Disciple, homme d'intrigues dans les affaires de la Cour, vers le President du Conseil de Lipu; pour l'informer de ce qui se passoit, le rendre capable & susceptible de la verité, & empescher par ce moyen qu'il ne fauorisast le Xin. Ce President cacha le venin de son cœur, sous de belles parolés; & puis il dressa vn pernicieux memoire, remonstrant que les demandes du Xin estoient si justes, & si necessaires à la conservation de l'Estat, qu'il auroit pensé bien faire, & s'estre acquité des devoirs de sa charge, si sans attendre vn commandement exprés de sa majesté; il auoit ordonné par toutes les Prouinces, que les Peres fussent chassez du Royaume, excepté ceux de Pequim, qu'il voyoit trop fortement appuyez: en quoy il taxoit assez ouuertement & le Roy & les Mandarins qui nous protegoient. Au reste sa remonstrance estoit si bien concertée, & auce des paroles si'ambigues, qu'au besoin il pouuoit leur donner telle interpretation, qu'il voudroit.

Ces deux memoires l'vn du Xin, & l'autre du President, auec

vn autre troisses furent presentez le quinzies me d'Aoust, si se-crettement, qu'on n'en peust rien sçauoir: & en suite ils surent portez par toutes les Prouinces, le vingties me du mesme mois, par des courriers exprés, comme il se pratique communément à la Chine, auec vn Mandement particulier, de la part du President, que les Peres sussent apprehendez, & mis en prison. Qui ne s'estonnera du changement de ce peuple estourdy, & qui pourra conceuoir, comme trois des premiers Mandarins ayent concerté la ruine de ceux, que tout le Royaume a eu en admiration, & que la plus part des doctes auoient honoré de leurs visites, & de leurs recommandations: sçachans tres - bien d'ailleurs que les accusations formées contre eux, n'estoient que pures calomnies, qui ne pouvoient proceder que d'vn esprit mal fait?

Sur la minui du trentiesme du mesme mois, vn courrier depesché par le Quoi de Pequin, nous vint annoncer à Nanquim, ce qui se passoit à la Cour. Nos Peres ayans receu cette nouvelle, s'en allerent incontinent à l'Eglife, s'offrir à Iesus-Christ en qualité de victimes, & puis ils retirerent les images, les vases, & les meubles sacrez, & les porterent dans la maison d'vn Chrestien pour estre en seureré. Au poinct du jour, les Peres Nicolas Lombard superieur de la Mission, & Jules Leni partirent pour Pequim, afin de voir quel remede on pourroit apporter à des affaires, qui sembloient desesperés. Les Peres Alfonfe Vagon & Aluarez Semedo demeurerent à garder la maison, attendansa tous momens que les sergens ou les bourreaux se presentassent, pour executer la sentence du Roy. Mais nous eûmes l'honneur d'estre visitez par de plus honnestes gens, qui furent trois Mandarins enuovez par le President du Conseil de guerre, pour nous tignifier qu'il auoit charge auec le Xin, de nous chasser du Royaume. Ils nous tesmoignerent le regret qu'ils auoient de nostre affliction, connoissans tres - bien nostre innocence, & nostre capacité: & nous conseillerent de ceder doucement à la force, & de nous retirer, sans faire aucune resistance, auant qu'esprouuer les mauuais traitemens d'vn Barbare, nous donnans des asseurances certaines que le President servit en sorte que nous ne receurions point de desplaisir en nostre voyage. Vn de ces trois adjoust2

adiousta qu'en peu de temps nostre innocence & la reputation où ceux de Pequim s'estoient mis, nous rameneroient au port apres

la tempeste.

Sur le soit nous entendismes le bruit d'vne troupe de soldats, enuoyés par le Xin, pour entourer nostre maison, & se saisir des aduenuës: & le lendemain au leuer du Soleil, trois sergens parurent à nostre porte, pour se saisir de nos personnes, & visiter tous les endroits de nostre logis: & quoy qu'ils eussent commandement du Xin, de nous mal-traiter, neantmoins ils se porterent auec tant de moderation, que leur courtoisse ne seruit pas de peu pour nous faire supporter nostre disgrace auec plus de patience, iusques là mesme, qu'ils escriuirent au Pere Vagnon, vne lettre remplie de toutes les ciuilités Chinoises. Ils poserent des gardes à nos portes, & sirent l'inuentaire de tous les meubles, qui se trouuerent à la maison.

Le Pere Vagnon dépecha vistement vn Chrestien nommé Donat au Pere Lombard, pour l'aduertir de ce qui se passoit, & qu'il prît garde de ne pas tomber dans les filets de nostre ennemy. Ce bon Crestien pour tromper plus aysément nos gardes, sit semblant d'estre le dépensier du logis; & s'estant acquité de sa commission, s'en reuint, & nous apporta à souper, aymant mieux estre captifen nostre compagnie, que iouir des douceurs de la vie & de la liberté hors de nostre maison, comme il pouvoit aysément le faire; & comme les foldats mesme luy reprochoient, en se mocquans, & luy disans qu'il estoit oyseau de cage. Mais ce courage fait à l'espreuue de ces broquars, s'estoit rangé auprés de nous au premier bruit de la persecution, resolu de viure & de mourir auec nous pour la defense de la Foy; dont il estoit si zelé, qu'encore qu'il ne fust qu'vn noutieau conuerty, son exemple & ses instructions en auoient attiré plusieurs autres: & en esse ch Dieu luy donna la grace d'estre compagnon de nos souffrances, & d'endurer patiemment les prisons, & les gesnes pour l'amour de

Les Sergens ayans fait l'Inuentaire de nostre pauureté; seelé nos cosses, & tout ce qui pouvoit se sermer, laisserent le P. Semedo malade dans une chambre bien sermée, & sirent porter

le P. Vagnon dans vne chaire, pour comparoir deuant le Xin. Au fortir de la maison, l'air retentit des outrages, dont la populace accompagna nostre captif, le long des ruës, auec vne si grande foule qu'il fut besoin de se faire faire place à coups de bastons. Ceux qui le portoient, s'arresterent deuant la maison du Tauli parent du Xin, pour luy rendre compte de ce qu'ils auoient sait : le Pere demeurant cependant au milieu d'vne place publique exposé aux iniures, brocards & insolences d'vn peuple licencieux durant deux heures, que les Sergens furent auec le Tauli. Il est vray qu'ils surent assez ciuils à leur retour, pour luy faire leurs excuses de ce qu'ils auoient si long-temps tardé, & pour le recommander aux Geoliers dans la prison, comme estant innocent.

Il fut accompagné de deux Domestiques, l'vn desquels se nommoit Ciam Matthieu, feruent au possible, qui s'estoit retiré depuis trois ans en nostre maison, pour seruir plus librement Dieu & nos Peres, sans autre recompense que celle de l'autre vie, qu'il accreut d'vne riche couronne en cette persecution, ayant luymesme preuenu ses persecuteurs, & leur ayant donné son nom, pour estre inseparablement auec le Pere dans la prison, comme il auoit eu le bien de viure si long-temps auec luy en liberté. Pour le Pere Semedo, il sur aussi toûjours en bonne compagnie, auec vn de ces trois Sergens qui le gardoient, chacun à son tour, sai-

sans bonne vie & bon feu.

La nouvelle de l'emprisonnement du P. Vagnon ne sur pas plûtost sçuë, que les Chrestiens enslammez de ce seu, qui embrase les Saintes ames, coururent à nostre maison, sans que les gardes pûssent leur en empécher l'entrée, leur courage estant plus sort que les barrieres. Celuy qui sit plus éclater sa ferueur & son zele en cette action, sur sean Yao, qui mettant sur sa teste vne de ces bannieres, dont i'ay déja parlé, & tenant en sa main vn papier, où estoit couchée la Loy de Dieu, & la necessité de l'observer, étonna les soldats par cette nouveauté; qui ensin luy demanderent, ce qu'il vousoit, & ce qu'il pretendoit faire? De mourir en Chrestien, répondit-il, & de verser mon sang auec celuy des Peres pour la Foy de les soldats à cette réponse, qui lierent incontinent

continent cet illustre Confesseur, luy mirent la corde au col, & le menerent deuant les Mandarins. Estant interrogé qui il estoit; ie suis, respondit-il, sans s'estonner, ie suis Chrestien; & viens icy pour rendre raison de la loy de Iesus-Christ, s'il vous plaist de m'entendre. Ils surent autant estonnez que les soldats d'vne constance, qu'on n'auoit iamais veuë à la Chine; & luy sirent oster la corde, qu'il auoit au col, & luy donner vn siege pour se reposèr.

Le Xin ayant sceu, que les Sergens auoient laissé vn Pereà nostre maison, & traité l'autre humainement, il se fascha contre eux, & leur commanda d'aller le lendemain matin à vn iardin, que nous auions hors de la ville, pour nostre diuertissement, & qu'ils y trouueroient des armes cachées, & de tirer l'autre Pere de la chambre, où ils l'auoient laissé, pour le conduire à la prifon. Ils ne trouuerent rien de ce qu'ils pensoient en nostre iardin; & traisserent le malade dans la prison, auec le Frere Sebastien Fernandez, vn Escolier natif de Macao, quatre serviteurs, & quatre Chrestiens, qui se trouuerent pour lors en nostre maison.

Les Chrestiens de Nanquim escriuirent toute cette funesse histoire au Pere Lombard, qui estoit sur les chemins pour Pequim, le Messager le trouua à Cauxeu fort à propos, pour communiquer auec le Docteur Leon, Gouverneur de deux iurisdictions. Il fut resolu que le Pere iroit tout seul à Pequim, & qu'il laisseroit son compagnon, pour auoir plus de liberté. Ce bon Seigneur luy fournist cent escus pour les frais de son voyage: & l'accompagna de quelques lettres addressantes à plusieurs Mandarins, & au Vice-Roy; & ne se contentant pas d'employer son credit, il employa encore celuy de ses amis pour escrire aux Courtisans, en faueur des prisonniers, qu'il assista luy-mesme d'argent, d'habits, & de commodités contre les rigueurs de l'hyuer, qui estoient extraordinaires cette année-là. Il ne fit pas moins paroistre son courage & sa constance que sa charité, resistant valeureusement à ses parens & amis, qui luy donnoient tous les iours des attaques, pour le retirer de la profession qu'il faisoit publiquement de nous defendre, & proteger auec vn danger euident de perdre sa fortune,

leur donnant de si fortes raisons qu'il les rendit muets, & continua auec tous ceux de sa famille, comme il auoit commencé,

dans la pratique des bonnes œuures.

Le Docteur Michel, ne tesmoigna pas moins de serueur & de courage à la nouvelle que les sideles de Nanham receurent de Nanquim, priant le Pere de se trouver à Hamcheu, pour visiter les Chrestiens d'alentour, & se retirer en vne sienne maison, qu'il auoit aux champs: ce qu'il sit sort à propos, suiuy des Chrestiens & des Catechumenes, qui l'accompagnerent de leurs larmes & de leurs souspirs insqu'au bateau, auec le Docteut Michel & deux de ses sils, vn sien frere Payen, & trois Lettrez, qui sirent vn assez long chemin à pied, au plus fort de l'hyuer. Le mesme enuoya encore cent escus par nostre frere, au Pere Lombard à Cauxeu pour subuenir aux frais de son voyage; & le pria de reuenir à Nanquim, pour assister nos prisonniers.

Nostre P. Lombard arriua à Pequim, où il trouua les Peres Iacques Pantoya, & Sebastien d'Orsi, qui negotioient à la Cour suivant les addresses du Docteur Paul pour l'accommodement de nos affaires. Il n'est pas croyable combien ce braue Seigneur s'employoit vtilement par ses escrits, & par ses doctes apologies, & par toutes sortes de voyes, tant en cachete, qu'a descouuert, pour la desense de la verité & de la Religion Chrestienne, comme nous dirons en sa vie. Nonobstant toutes ses diligences, il ne sut pas en son pouvoir de faire tenir aucun memoire au Roy, le Xin ayant si bien sermé les auenuës, que rien ne pouvoit passer sans son consentement. Tout ce qu'on peust gaigner, sut de faire courir ces Apologies par le Royaume & de publier la malice de

nos aduersaires, & leurs iniuses procedures.

Les Chrestiens de leur costé faisoient leurs efforts de faire voir nostre innocence aux yeux de tout le monde, & de defendre nostre cause contre les accusations de nos persecuteurs : ce qui enflamma dauantage l'esprit du Xin, & le rendit plus cruel contre nos prisonniers : ausquels il osta mesme la consolation qu'ils auoient d'estre ensemble, & le cinquies me iour il les sit mettre en cinq prisons separées, desendant estroitement qu'ils n'eussent aucune communication, & faisant doubler leurs gardes, iusques

à dire, que ces hommes se rendoient inuisibles, quand ils vouloient, & se destroboient à la veuë des regardans. Deux choses le faschoient extremement, de ce qu'il ne pouvoit si bien couurir son iniustice, qu'on ne la vist ouvertement; & de ce que les Mandarins conservoient dans nos disgraces les mesmes volontez qu'ils avoient euës, pour nous au milieu de nos prosperitez: mais ce qui le faisoit creuer de despit, estoit la ioye que tesmoignoient nos prisonniers, se ioiians des persecutions qu'ils soussiroient pour l'amour de Iesus-Christ, sans donner aucun signe de mescontentement en toutes leurs soussirances.

Le Xin ne pouuant esbranler la constance des hommes, veulut esprouuer s'il pourroit abbatre le courage des enfans. Il y en auoit cinq en nostre maison, qu'on auoit espargné à cause de leur bas âge, il les sit prendre par des Sergens, & conduire en prison. Action barbare & inhumaine au iugement de tous. Il priua du degré de Bachelier, Philippe Sin, le Maistre de nos Peres en la langue Chinoise; qui preuit bien le coup, & se retira pour vn temps en sa maison, iusqu'à ce qu'on luy eust fait sçauoir le suiet de sa degradation, qui estoit pour auoir enseigné la langue du païs aux estrangers. Ce sut alors qu'il parut en public glorieux & triomphant, d'auoir acquis vn degré beaucoup plus noble que celuy qu'il perdoit, d'endurer pour la Foy, & d'estre compagnon de Iesus-Christ en ses combats.

La rage du Xin n'estant pas pleinement assouile, que ne sit-il point pour surprendre des lettres des Docteurs Paul & Leon, & de nos Peres, asin d'en tirer quelque suiet de les calomnier? Et comme il vid que ce dessein ne pouuvoit reüssir, il se services, que son mauvais esprit second en semblables productions, luy suggera. Il escrivoit au Docteur Leon sous le nom du Pere Vagnon, asin de tirer quelque réponse qu'il peût pointiller, & censurer, ce qui n'est pas difficile à la Chine, veu la pratique qu'ils ont d'écrire & cacheter leurs lettres de la main & du cachet d'autruy: mais cette sourbe estoit trop grossiere pour vn de-lié, comme le Docteur Leon, qui n'eut pas beaucoup de peine à reconnoître au style & à la façon d'écrire, que c'estoit vne supposition, & ne sit que s'en mocquer.

Rr 2 Ce

Ce Frere, duquel i'ay parlé, que le Pere Lombard auoit enuoyé à Nanquim, pour assister les prisonniers, & les Chrestiens. ayant trouué Ignace Hya, personnage pareillement versé aux lettres humaines & en la science des saints, & parent de Leon. qui estoit venu expressément de Cauxeu, pour saire imprimer vne Apologie en faueur de nos Peres, & la faire voir à la Cour, se chargea de l'Impression; & chercha pour cét effet, six Imprimeurs Chrestiens, qui choisirent vn iardin escarté hors de la ville, pour y trauailler en seureté. L'oncle du Chrestien, chez qui se faisoit l'Impression du liure, ayant aduerty par diuerses fois, les ouuriers de quitter leur ouurage, pour n'en estre pas recherchés, & voyant qu'il ne gaignoit rien ny par prieres ny par menaces, se resolut enfin de se tirer hors du danger, & de les denoncer au Xin, qui l'en recompensa. Les sergens vindrent la nuict les prendre, & les conduire deuant le Xin, bien ioyeux d'auoir rencontré cette nouuelle occasion pour trauerser nos Peres; il les sie tirer hors de prison, & les enuoya par deuant le Tauli son parent, qui apres auoir leu leur Apologie, & conceu leurs raisons, trouua qu'il n'y auoit point de raison de les attaquer pour vn sujet si raisonnable; & les renuoya deuant vn autre Tauli, qui pour s'en descharger remit pareillement leur cause deuant vn Mandarin plus puissant que luy. Cettuy-cy l'ayant examinée, prononça que ces prisonniers n'estoient aucunement coupables, mais pour terminer tout d'vn coup l'affaire qui trainoit en longueur, il donna sa sentence par escrit, que ces hommes devoient estre mis en liberté: & que s'ils meritoient aucune peine, il pensoit que quinze coups de baston estoit plus qu'il ne falloit, & qu'auec cela, ils deuoient estre quittes sans estre promenez par tous les Tribunaux: que neantmoins il consentoit, qu'on les fit voir pour la derniere fois au Xin, à cause de l'eminence de sa charge, qui confirmeroit sa sentence, & les mettroit hors de Cour.

Le Xin pensa creuer de cholere au raport de cette sentence plus equitable qu'il ne vouloit: neantmoins estant contraint par les loix de l'honneur de saire semblant de l'approuuer, il enuoya querir les prisonniers auec le Pere Vagnon, & sit donner quinze coups de baston à nostre frere strudement, qu'il en sut sort incom-

modé.

modé. Ie ne m'arresteray point dauantage à raconter par le menu les indignitez, les affronts, & les outrages, que nous soussimes en ces passades d'vn Tribunal à l'autre; les vns nous chargeoient de coups de pieds, les autres de coups de poing: icy les soussilets voloient sur nos ioües, comme des tempestes, là nous estions poussez comme des ondes; on nous couuroit le visage de fange & de crachats, ceux-cy nous arrachoient la barbe, ceux-là nous tiroient par le poil, auec mille autres insolences, qui sont ineuitables aux criminels, s'ils n'ont la bourse bien ferrée pour se redimer de ces vexations, & achepter vn peu d'humanité des Ministres de iustice, ce que les Chrestiens ne pûrent saire, à cause de leur prauureté. Ie laisse toutes ces choses à la pieuse consideration du Lecteur.

Le Xin n'estant pas satisfait de ce jugement, sit comparoistre les Peres à peu de temps de là, deuant les Mandarins de son Tribunal, pour estre examinez de nouueau. L'examen dura six heures, sur les poincts suivans. Quelle est la loy que vous professez ? Comment estes-vous entrez à la Chine ! Comment viuent les vostres? Qui vous nourrit? comment vous gouuernezvous? Quel commerce ont les Peres de la Chine auec ceux de Macao? L'examen s'acheua sans aucun supplice par le moyen d'vn Mandarin compatriote des Docteurs Pol & Iean, qui luy auoient escrit des lettres de faueur en nostre consideration. Le Xin enrageant de cela, en fit ses plaintes au Mandarin, & tous les Officiers de ce Tribunal suivans son inclination, prierent les Tauli d'euoquer la cause à vne chambre superieure, & de se monstrer seuere en cette occasion. Ils furent interrogez en peu de mots, & absoûs; excepté Vu Pol, qui eut vingt coups de baston, pour auoir presté son iardin aux Imprimeurs de nostre Apologie; & nostre frere autant, pour s'estre chargé de l'impression, dont les playes n'estoient pas encore bien gueries : le Xin n'estant pas plus content de ces iuges, que des autres, fit assembler pour la seconde fois, les Mandarins de son tribunal; qui recommencerent les interrogations de nos innocens criminels, & leur firent donner la gesne, auec ces cordes dont nous auons parlé en la premiere partie de cette histoire, pour leur faire auouer ce qu'ils ne sçauoient pas. Ces vaillans Chrestiens si rudement traitez ne sçachans que confesser aux iuges, furent chargez d'auoir induit les Dames à se faire Chrestiennes, & d'auoir assisté le Pere Vagnon en ce mesme dessein. Par vne nouvelle sentence ils surent tous bastonnez, excepté vn vieillard & deux Imprimeurs payens: & nostre siere auec Vu Pol, estans tous brisez des coups, qu'on leur auoit donnez,

furent reconduits en prison.

Le P. Vagnon les medicamenta le mieux qu'il pût selon sa pauureté: mais ce ne fut que pour estre plus mal traitez à quinze iours de là, que le Xin les sit venir en sa presence. Quelle espece de loy, dist-il à nostre frere, est-ce que vous preschez, qui nous veut faire adorer pour vn Dieu, vn homme criminel, condamné par acte de iustice? Nostre frere prist cette occasion de luy expliquer le mystere de l'Incarnation, auec vn esprit ressentant le martyr. Le Tyran ne pût souffrir cette genereuse liberté, & commanda qu'on luy deschargeast encore vingt coups de baston, pour amortir ce feu, qui l'animoit : Comme ses playes n'estoient pas bien fermées, elles se renouvellerent toutes auec des douleurs incroyables, & le sang qui en sortit, comme l'eau des tuyaux, reiaillit iusques au pieds du Xin. La couleur & l'ardeur de ce sang l'enflamma plus puissamment contre vn ieune homme, accusé faussement d'auoir esté le porteur de l'Apologie que le Docteur Pol, auoit composé pour nostre innocence. Ce ieune Chrestien ayma mieux estre batu pour l'amour de lesus-Christ, & de la Saincte Foy, que de descouurir celuy qui l'auoit apportée de Pequim. Et puis ils surent conduits en prison passans par le milieu de la ville, & nostre frere sur porté sur vne table, pour ne pouuoir pas se soustenir à cause de ses blessûres.

Le courage & le desir de ces vaillans Confesseurs se rensorçoit d'autant plus dans les tourments, que leur corps s'affoiblissoit dauantage: ils n'auoient qu'vn seul regret de n'auoir pas perdu la vie, en perdant leur sang, & quand leurs blessûres gelées par l'aspreté du froid se rengregeoient sous la main de ces ignorans, qui seruent dans les prisons, plus dignes du nom de bourreaux que de Chirurgiens, ils ressentoient vn plaisir tout nouueau dans leurs ames, au renouuellement de leurs douleurs, qui acheuoient le

rond

rond de leur couronne. Celuy qui souffroit dauantage, estoit le Xin, qui les saisoit souffrir: Tant plus il versoit de sang Chrestien, d'autant plus estoit-il alteré. Rien ne pouuoit le contenter que la mort des innocens dont la vie luy reprochoit ses crimes: Ensin n'en pouuant plus, il remit la cause de nos prisonniers par deuant le suge criminel: mais le iugement sut autre qu'il n'esperoit; par ce que l'affaire ayant esté communiquée au Xon-xu, President de la Chambre, ils surent declarez innocens & absoûs, iusqu'à ce qu'on eust sçeu la volonté du Roy, & à cinq iours de là renuoyez dans leurs maisons en pleine liberté pour se guerir des playes, qu'ils auoient receuës par la cruauté d'vn Tyran inhumain.

CHAPITRE IX.

Continuation de la mesme persecution contre les Chrestiens, & le bannissement des Peres.

> E Xin ayant ouy le iugement de la Chambre criminelle, fit de nouuelles poursuittes, & inuenta de nouuelles instances, pour ne sembler pas, qu'il eust persecuté des innocens.

Premierement il fit courir des manifestes contre la verité, & contre l'honneur des Chrestiens, les chargeant d'auoir imprimé vne Apologie outrageuse à la reputation des plus nobles Mandarins, en faueur des Peres, traistres au Roy, & perturbateurs du Royaume. Puis il sit sousseure les censures du peuple, qui eurent recours à luy, comme à leur superieur, pour apprendre la maniere de bien viure. La response qu'il leur donna, sut qu'ils se prissent garde du Pere Vagnon, & de ses compagnons, ennemis de la paix, & du repos public, & seducteurs du peuple, qui enseignoient vne Loy contraire à la sidelité, que les suiets doiuent au Prince, à l'honneur des anciens, au seruice des Dieux, & à l'exercice des vertus pratiquées de tout temps à la Chine: & puis il deploroit la misere du siecle, en ce qu'il se trouvoit

trouuoit des personnes foibles, qui se laissoient gaigner par ces

tromperies.

Ces discours porterent vn Mandarin de son tribunal auec deux Docteurs décheus de leur credit, à escrire contre les nostres. 11 y en cut vn particulierement, qui auoit esté aux Philippines, qui publia que les Chrestiens adoroient vn homme crucifié, qu'ils faisoient le signe de la Croix sur le front, qu'ils l'eleuoient sur leurs maisons, & sur la pointe de leurs clochers, qu'ils la portoient suspenduë au col, comme vn precieux ioyau: que par leurs predications ils s'estoient rendus les Maistres des Philippines, de Malaca, & des Indes: qu'ils auoient fait mourir en cachette & fans suiet plusieurs Chinois: que leurs Religieux commettoient des sacrileges horribles auec les femmes, qui frequentoient leurs Eglises, & qu'ils leur faisoient descouurir tous leurs secrets sous pretexte de pieté, que toutes leurs pretentions ne visoient à autre chose qu'à s'emparer de la Chine par leurs finesses: & que pour ces raisons ils deuoient estre chassez, sans tarder dauantage, comme des pestes du bien public.

Outre ces libelles qui furent publiez par le Xin, & enuoyez à la Cour de Pequim, il pratiqua si puissamment les Tribunaux de la ville Royale, qu'il leur persuada de dresser vne requeste contre nos Percs & contre la loy que nous preschions, & de la presenter au Roy, sellée du cachet de l'Eunuque, qui est au lieu de Vice-

Roy.

Cette requeste ou remonstrance sut presentée le dernier de Septembre; & le iour suiuant ils en composerent vne autre, supplians sa Majesté de vouloir au plustost respondre à tous les memoires, qui luy auoient esté presentez à diuerses sois pour la mesme occasion. Le huictiesme d'Octobre, le Xin en sit passer vne troissesme, & à cinq iours de là, vne quatriesme par la main d'vn Tauli, & puis vne cinquiesme par le moyen d'vn certain. Coly de Nanquim, qui auoit la charge d'vn des Admoniteurs & Conseillers du Roy.

Tous ces memoires entroient dans le Palais Royal, sans qu'il en sortit aucune response; & ce pendant le Docteur Paul composa vne seconde Apologie, pour respondre aux calomnies, que nos ennemis nous imposoient : & de cette piece, & de celle du Docteur Michel, auec d'autres traitez & remonstrances, il s'en fit vn juste volume. C'est ainsi que cette primitiue Eglise faisoit gloire de defendre sans craindre & sans rougir, par sa plume & auec l'effusion de son sang, l'honneur de nostre sainte Foy. Les écrits de nos Docteurs estoient authorisez par la patience de nos prisonniers; qui supportoient ioyeusement & d'vn courage inébranlable, tous les mauuais traitemens qu'on leur faisoit; partie pour contenter le Xin, & partie aussi pour manquer d'argent ; la cruauté du Tyran estant venuë à cet excez de ne pas permettre, qu'on leur portat mesme vne paille de nostre maison. Ils furent trois mois les fers aux mains, dans le lieu le plus hideux de la prison: leur viure estoit du riz mal cuit, & vn peu d'herbes sans assaisonnement; l'yn & l'autre tout froid, à cause qu'on en faisoit cuire à la fois pour trois ou quatre iours. Si les Chrestiens leur portoient quelque aumône, les autres prisonniers auec les gardes, qui sont comme des guespes autour des ruches, en déroboient vne bonne partie, & le plus souuent tout.

Le Pere Semedo, & le Frere Sebastien Fernandez qui estoient seuls dans vne prison, par vne saueur extraordinaire, au lieu d'herbes auoient la moitié d'vn œuf de cane dur & salé; deux de ces œus coûtoient vn double, & puis pour tout sestin on en partageoit vn entre deux hommes. Le Pere auoit esté au commancement malade neuf mois entiers dans vne belle infirmerie, assisté de ces charitables infirmiers; de sorte qu'il sut deux sois en en danger de mort; & sa grande soiblesse luy épargna vne de ces deux soix les bastonnades, qu'il eust deu receuoir, suiuant l'ordre

& la pratique des prisons.

Les autres Chrestiens tomberent aussi malades: d'où vient qu'on presenta plusieurs requestes au Xin, pour permettre qu'ils se fissent porter & traiter dans leur maison, soûs bonne & seure garde, comme c'est la coûtume à la Chine; mais iamais il n'y en eut que deux ou trois, qui pûrent obtenir de ce barbare, seulement quatre iours de congé: de sorte que deux de ces illustres confesseurs finirent heureusement leur vie, au milieu de ces soufrances. L'vn de ceux-là auoit nom Pierre Hya, natif de Nan-

quim, âgé de vingt - deux ans, dont il en auoit passé cinq en la Foy Chrestienne, auec des exemples d'vne rare vertu, & particulierement de la chasteté qu'il auoit voiiée à Dieu, & qu'il taschoit de consetuer, comme la fleur de son corps & de son ame. par des penitences rigoureuses, par vne seuere mortification de ses sens, & sur tout de ses veux, qu'il détournoit mesme de ses plus proches parentes, & par les feruentes prieres qu'il faisoit iour & nuit si longuement, qu'il en auoit des cals aux genoux. Il ne manquoit iamais d'assister à la Messe, bien qu'il fust éloigné de l'Eglise de quatre milles, c'est à dire prés de deux lieuës. Il estoit doux & affable en ses paroles : il ne pouuoit supporter la moindre faute, tant il auoit la conscience tendre, & l'ame nette: il distribuoit à ses parens & aux Chrestiens pauures ce qu'il gaignoit de son mestier: il soufroit patiemment les iniures, & disoit que pour imiter Iesus-Christ, il falloit estre Agneau: & il sit paroître cette patience, ou plustost triompher en sa derniere maladie. Dautant que les loix du Royaume ne permettent pas aysément qu'vn prisonnier meure en prison, le Xin sachant l'estat du malade sit commandement à son Pere de le prendre, insqu'à ce qu'il fût guery: mais le Pere, qui estoit Idolatre, & qui haifsoit son fils, n'en voulut rien faire: de sorte que les Sergens par l'ordre du mesme Xin contraignirent la Mere de s'en charger:elle estoit Idolatre aussi bien que son mary, & l'assection qu'elle auoit pour ses faux Dieux, auoit estoufé en elle les sentimens de la nature pour son fils, qu'elle traita presque aussi mal, que les Officiers de la prison, sans qu'il tesmoignast jamais aucun signe d'impatience & de mescontentement. Comme il sut prés d'expirer, ses parens le ramenerent en prison, d'où la mort le deliura bien - tost pour le mettre dans vne vie, & dans vne liberté perpetuelle. Il est le premier des seculiers, qui soit mort dans les prisons pour la Foy: son corps fut rendu à son Pere pour estre enterré sans aucune ceremonie.

Le second s'appelloir Guillaume Vem, qui fut pris en nostre maison & à nostre service, & mourut de misere en prison. Sa semme, car il estoit marié presenta diverses requestes aux Mandarins, pour l'auoir chez elle pendant sa maladie, sans pouvoir rien obtenir.

obtenir. Elle eut recours au Xin, qui entendant qu'il estoit Chrestien, ne luy donna pour toute consolation que ces mauuaises paroles: Quel bien esperez-vous de la loy que professe vostre mary? De sorte qu'il mourut bien tost auec tant de gloire, qu'il auoit receu moins d'assistance des hommes durant sa maladie, laquelle il endura courageusement, pour l'amour de Iesus-Christ, & pour la desense de sa Religion.

On ne sçauroit dire combien ces morts precieuses embraserent d'une sainte ialousie, les Chrestiens prisonniers à soufrir constamment pour le mesme suiet: & combien fortement elles encouragerent ceux de dehors, à professer aux yeux des hommes, vne Loy persecutée, & assister ceux qui la desendoient, au peril de la vie. Ils distribuerent entre eux les prisons, en sorte qu'ils visitoient tous les iours les prisonniers, & les soulageoient dans leurs necessitez à la veuë du Xin & des autres Mandarins: & leur charité ne se renserma pas dans la prison, elle s'estendit auec liberté, aux semmes & aux ensans des prisonniers, & quelques - vns engagerentius ques aux meubles de leurs maisons, pour subuenir à

la necessité des pauures.

Le Capitaine Ignace Cin, bien que nouueau converty se signala plus que tout autre, par ses actions de charités & trois autres familles qui furent en danger de perdre l'honneur auec les biens, à sçauoir celle de Luc Ciam Capitaine d'Armes, d'André Hiam Mareschal, & de François Brunisseur d'or. Certes la charité de cet André Hiam est admirable, en ce qu'ayantreceu quelques escus du P. Vagnon, pour l'assistance des prisonniers, il n'y voulut point toucher; mais fit si bien par son trauail, & par celuy de son fils, l'amour leur redoublant les forces, qu'il pourueut entierement aux necessitez de deux prisons; & puis restitua la somme, que le Pere luy auoit mise en main. Il y eut aussi des femmes deuotes, qui firent vne bourse commune, du fruit de leurs trauaux, & l'employerent dans les prisons au soulagement des plus necessiteux, sans qu'il se soit passé aucun iour que les prisonniers n'ayent ressent abondamment les esfets de cette liberalité, qui estoit d'autant plus admirable, qu'elle estoit plus subtile & plus industrieuse.

Apres

Apres l'emprisonnement des nostres, certains coquins se fourrerent dans les maisons, faisans les ministres de iustice, molestans
les Chrestiens, & les menaçans de les deferer au Xin, dés-lors
qu'ils auoient trouué quelque Image, n'y ayant coin, qu'ils ne visitassent, à dessein de tirer d'eux quelque piece d'argent. Cette
pratique dura quelque temps, iusqu'à ce qu'vn Mandarin, qui
fut aduerty de cette fourberie, sit prendre & bâtonner comme il
falloit, quelques-vns de ces brigands, & vn entre autres, pour auoir
denoncé vn Chrestien au Tauli. Cette action de iustice n'empécha pas neantmoins que plusieurs Chrestiens ne fussent accusez
deuant le Xin: qui reçeut volontiers l'accusation, & sit mettre la
cause en la chambre criminelle, où l'on ne connoist que des crimes les plus enormes. Les Chrestiens apres vn examen rigoureux, furent renuoyez comme innocens, & le Xin taxé, pour vn

homme iniuste & ignorant.

Il ne fut pas mieux traité de deux graues Mandarins; dont l'vn nommé Hò, luy demanda dans vne compagnie des Lettrez, pourquoy il auoit fait emprisonner les Peres; & comme il eût répondu, que c'estoit à cause qu'ils préchoient vne loy contraire à la leur: il luy repartit fort à propos, pour quoy est-ce donc, que vous ne faites pas emprisonner quantité d'autres, qui suiuent & enseignent des loix qui sont plus differentes de la nostre, que celle que ces Peres professent? C'est, dit le Xin, que ceux-là n'ont point d'accusateurs, qui leur fussent partie. Et les Peres, replique le Hò, qui est-ce qui les a accusez & denoncez à vostre seigneurie? Comme il se vid confus, ne sachant que répondre, il sut contraint de quitter l'assemblée & de se retirer, de peur de bruit. L'autre sut vn President du Tribunal de guerre, qui le reprit aigrement de ce que contre les loix de la raison, il auoit si mal traitté nos Peres, qui n'auoient commis aucune faute, & ne l'auoient iamais desobligé: & nonobstant toutes les choses que le Xin pût alleguer pour sa iustification, le President suy declara qu'il estoit sur le poinct de le deferer au Roy, comme vn perturbateur de son Estat, & de vray il depécha vn Courrier à la Cour auec vn memoire, qu'il rappella depuis, se contentant de n'auoir doresnauant n'y amitié ny communication auec vn si méchant homme.

La charité d'vn nouueau Chrestien de Pequim, & Bachelier dans l'uniuersité se sit voir en mesmetemps, & admirer dans la Ville de Nanquim, où il estoit accouru des aussi-tost qu'il eut appris les tristes nouvelles de l'emprisonnement de nos Peres; qu'il visita dans leur captiuité, & assista dans leurs necessitez, quoy qu'il ne les eustiamais veus: & attira plusieurs de ses amis dans les prisons, par son induction & par ses exemples, pour soulager de leurs liberalitez, la pauureté des Chrestiens prisonniers pour la foy. Il passa plusieurs mois dans ces heroïques occupations, accompagnant les Chrestiens aux Tribunaux des iuges; pensant leurs playes; & les consolant dans leurs miseres: à quoy ne seruoit pas peu la qualité d'vn tel personnage, renommé pour sa science, & pour ses belles perfections, Il osa mesme attaquer yn Mandarin, qui pour complaire au Xin, auoit écrit & publié vn manifeste contre nos Peres; & luy parla si fortement, qu'il luy sit changer d'opinion, & le rendit protecteur & admirateur de ceux qu'il auoit vn peu auparauant persecuté par sa langue & par sa plume-

Vne Dame Chrestienne, femme d'vn prisonnier Chrestien, qui àuoit esté battu par sentence des iuges, en la compagnie de nostre frere, fut aussi en mesme temps miraculeusemet consolée, comme il raconta à son beau-pere, vn des pilliers de cette nouuelle Eglise, qui l'exhortoit à estre serme & constante en la Foy. Il luy sembla vne nuict, à ce qu'elle disoit, de voir Nostre Seigneur, qui luy demandoit, où elle auoit mis ses Images. Les sergens, répondit-elle, m'en ont pris vne en prenant mon mari: pour l'autre ie l'ay cachée au fond de mon coffre, de peur qu'elle ne fut outragée par l'insolence des infidelles. Tu dis vray, repartit Iesus-Christ; neantmoins ie veus que tu mettes l'image qui te reste au lieu de la premiere; & ne crains point: Ton mary estant prisonnier pour l'amour de moy, ie vous assisteray tous deux. Elle racontoit sa vison, dont elle estoit si consolée, & si fortement affermie en la Religion, qu'elle consoloit & encourageoit les autres chrestiens par cette narration accompagnée de ses exem-

ples.

Enfin comme nostre ennemy vit qu'il ne pouvoit tirer aucune S f 3 réponse response du Roy, il employa toutes ses sorces, & sit ses derniers efforts auec le Colao qui d'ailleurs ne nous estoit point contraire & l'obligea de dresser vn memoire, & de le faire passer par les mains d'vn Eunuque, qu'il auoit dessa remplies d'vne bonne somme d'argent, afin d'en auancer les expeditions, les Eunuques sçeurent si bien mesnager cette affaire, & sirent couler ce memoire entre eux de main en main, si secrettement qu'ils le rendirent au Colao, comme de la part du Roy pour le séller; & pour conclure

nostre bannissement. Ce qu'il fit en ces termes.

Ayans esté pleinement informez par le Lipu assesseur du troisiesme Tribunal de Pequim, que certains estrangers pratiquoient en cette Cour, leur establissement dans ce Royaume: sur les humbles prieres & remonstrances que nous ont fait nos Mandarins, que nous fissions vn commandement par toutes les Prouinces, que les Peres Vagnon, & Iacques Pantoïa, auec leurs compagnons fussent renuoyés dans leur pays, pour auoir presché vne Loy inconnuë: & sous pretexte de religion d'auoir troublé le repos de nostre peuple, & machiné sourdement vne reuolte parmy nos suiets, & vn souleuement general dans nostre Estat. Pour ces considerations, nous auons ordonné au Lipu de Nanquim d'auertir les Mandarins de nos Prouinces, qu'en quelque lieu, qu'on trouue ces Estrangers, on les face conduire & escorter sous bonne garde en la Prouince & Cité de Canton, & que de là ils s'en retournent puis apres en leur pais, laissans la Chine en repos. Et dautant que l'année derniere, sur l'aduis qu'on nous donna, que ces Estrangers n'estoient entrez dans nostre Royaume, que pour nostre service, & que le Pere Jacques Pantoïa & ses compagnons estoient tres-capables de trauailler à la correction de nostre calendrier, nous les auions aggregez au nombre des Mandarins; nous voulons & ordonnons que nonobstant cette aggregation, ils soient congediez, & renuoyez en leurs Prouinces. Car tel est nostre plaisir. Cette sentence soit renduë au Lipu, & au Ciayan, le 28. de la douziesme Lune.

Cette ordonnance ayant esté minutée au pied de la Requeste, le Colao la renuoya au Palays Royal, pour estre approuée & confirmée du Roy, comme c'est l'ordinaire. Les Eunuques gai-

gncz

gnez par les presens du Xin, la sirent incontinent signer au Roy, par vne tromperie maniseste, l'ayans sait couler sinement, à ce que disent quelques-vns parmy plusieurs autres memoites, qui auoient esté leus, auec lesquels le Roy signa cette sentence, sans l'auoir veuë: ou comme pensent les autres, la Reyne elle-messur qui le Roy se descharge d'vne bonne partie de ces constrmations, l'ayant signée de sa propre main. Et ærtes il n'y a point d'apparence, que le Roy qui auoit sait iusques alors la sourde oreille, à tant de remonstrances, & d'importunitez, cust si tost changé de resolution: veu que d'ailleurs la pratique de la Chine n'est pas de renuoyer en leurs maisons des Estrangers pleinement instruits des affaires du Royaume, mais plustost en quelque pro-uince eloignée. Quoy que c'en soit la sentence sut publiée le quatorziesme de Feburier; au renouueau de leur année.

La nouvelle fut portée en moins de rien par tout le Royaume. Les Mandarins de Nanchium en la Prouince de Canton, firent sçauoir honnestement au P. Gaspar Ferrera, qui estoit là pour lors, les volontez du Roy, & luy permirent d'attendre ses compagnons. Neantmoins le Pere iugea plus à propos de vendre la maison, & de se retirer en d'autres missions suiuant le commandement, qu'il en auoit eu du Pere Lombard. Les Mandarins de Hamlen où estoient deux Peres, ne leur firent aucune significa. tion pour le respect qu'ils portoient au Docteur Michel nostre Protecteur, qui voulant se roidir cotre le torrent de la persecution, & redoubler ses forces, contre les puissances d'enfer, escriuit au Pere Superieur de luy enuoyer deux autres Peres, ce qu'il fit fort à propos pour le bien de cette Eglise. Le Pere Iean de la Roque ayant laissé le frere Paschal Mendez, à Nanquium pour la consolation des Chrestiens, se retira auec deux autres à Chien-chiam dans la Prouince de Chiamsi, ne conuersant cependant que sort discretement & en cachette dans les maisons des Chrestiens, iusqu'à ce que Dieu les remit dans vne pleine liberté.

A Pequim le Colao fit ses excuses à nos Peres, de ce qu'il estoit obligé par les deuoirs de sa charge, d'executer les ordres du Roy, & leur promit de les ayder de son credit, pour empescher leur sortie, s'ils vouloient presenter une requeste. Mais les portes de la Cour estoient si bien sermées, qu'il n'y eut iamais moyen de faire passer vne seule seuille de papier pour nostre iustification: il falut ceder au temps & à la violence. Le Dimanche des Rameaux les Chrestiens encouragez par la distribution des palmes benistes, qu'ils prirent comme des marques de leur victoire, partirent pour Canton; les Mandarins ayans donné ordre, que le peuple ne leur sit aucun outrage par les chemins. La maison, que nous possedions par la liberalité du Roy, sut laisse à la garde d'vn bon Chrestien, sous le bon plaisir des mesmes Mandarins.

Le plus fort de l'orage se creua sur Nanquim : où le Courrier voulut luy-mesme porter la nouuelle aux Peres de leur bannissement, croyant les obliger beaucoup, d'empécher qu'ils ne fusfent taillez en pieces, par la populace; & les Mandarins leur firent l'honneur de les visiter en leur maison auec de grandes ciuilitez. Neautmoins ils furent conduis le sixième jour de Mars au Tribunal de six Mandarins, la corde au col, pour estre interrogez, & confrontez devant le Xin, & le Pere Semedo, qui ne pouvoit se tenir sur ses pieds, à cause de sa grande foiblesse, y sur portésur vne table. Ce luge autant cruël qu'iniuste apres vn second examen prononça contr'eux sa sentence qui portoit, qu'encore bien qu'ils meritassent la mort pour auoir préché vne Loy nouuelle à la Chine, neantmoins la bonté du Roy leur accordoit la vie, & se contentoit de leur faire appliquer à châcun dix coups de bâto, & de les renuoyer en leur païs. La maladie extreme du Pere Semedo l'exempta de ces coups; mais le Pere Vagnon les reçeut si rudement, qu'il en fut plus d'yn mois incommodé, sans pouuoir guerir de ses playes. En suite de la mesme sentéce, on executa nostre maison, nos meubles, & particulierement nos liures, les exem cuteurs crians que nous étions indignes de porter le nom de Let. trez. Puis on nous mit dans vne cage de bois fort estroite, dont on se sert pour transporter les criminels condamnez à mort, d'vn lieu à l'autre; auec vne chaîne au col, les fers aux mains, les cheueux longs, les habits mal adiustez, en rémoignage que nous étions des estrangers & des barbares: & ainsi renfermez comme des bêtes, on nous porta le trentième jour d'Avril de la prison à vn Tribunal, pour faire séller nos cages du Seau du Roy, & donner l'ordre. l'ordre aux Mandarins de la garde qu'ils devoient observer à nous faire sortir pour le repas du iour, & pour le repos de la nuit.

Ie ne sçaurois dire le bruit que faisoient auec leurs chaisnes de ser, les Sergens & les autres Officiers qui nous conduisoient; il me suffit de vous representer qu'on portoit deuant nous trois grandes tables, auec la sentence du Roy escrite en grosses lettres, qui desendoit à tous les Chinois d'auoir aucun commerce auec nous: & qu'en cét équipage nous sortimes de Nanquim, rensermez dans nos cages, l'espace de trente iours, iusqu'à ce qu'estans arriuez à la premiere ville de la Prouince de Canton, nous sûmes presentez au Turan, qui apres nous auoir aigrement repris de ce que nous auions esté si osez que de prescher vne nouuelle loy à la Chine, nous mit entre les mains des Mandarins, qui nous traisnerent par tous les Tribunaux auec vn concours de peuple, qui à peine est croyable, & nous ietterent hors de leur ville, pour prendre la route de Macao, où nous arriuames, apres quel-

ques iournées de chemin.

Les Chrestiens detenus en prison apres nostre sortie, vsez & demy-morts des miseres qu'ils auoient enduré, furent enfin condamnez par les sollicitations importunes du Xin, à soixante-dix coups de baston chacun. Les deux Freres, pour ce qu'ils estoient naturels de la Chine, apres auoir esté cruellement battus, furent condamnez l'yn à seruir les massons aux murailles des Tartares, & l'autre à tirer à la corde, les vaisseaux du Roy, comme font les cheuaux & les bœufs. On ne peut dire autre chose de tous les Chrestiens, si ce n'est qu'ils tesmoignerent vniuersellement vne grande constance, & firent paroistre sur leur visage au grand estonnement des Payens, le plaisir qu'ils sentoient dans leurs ames de souffrir pour Iesus-Christ. Ie veux finir ce Chapitre, & tout ensemble cette triste narration par une chose rare. Une Dame ayant ouy dire, que nostre Sebastien Fernandez auoit sousert à la torture, le serrement des mains, pria nostre Seigneur de luy faire vn iour la mesme grace. Elle sut exaucée en vne partie de ses souhaits. Pour ce que comme elle estoit à l'oraison, il luy sembla que le Xin, assis sur son Tribunal, la vouloit contraindre de renier la

Fov, & qu'au refus qu'elle luy fit d'obeir à ses commandemens, il luy fit donner la gehenne & serrer les mains. Et certes cette vision ne fut pas purement imaginaire, veu que les marques des cordes. & les cicatrices des playes, luy demeurerent imprimées sur ses mains tout le temps de sa vie; & cét agreable spectacle qu'elle auoit continuellement deuant les yeux, remplissoit son cœur d'vne merueilleuse consolation.

CHAPITRE X.

Comment les choses s'addoucirent apres la persecution, & de la fondation de plusieurs residences.



Es autres persecutions, qui precederent celle de Nanquim estoient particulieres, & le seu pour l'ordinaire ne gaignoit point plus auant que les lieux, où il s'estoit allumé; pour ce que les Magistrats des Prouinces se contenoient dans les bornes

de leur ressort, sans prendre connoissance des affaires d'autruy, & des personnes & des maisons exemptes de leur iurisdiction. Maisen cette-cy, comme le Tyran s'estoit attaché vniuersellement à la ruine de tous les Chrestiens de la Chine, estimant que c'estoit peu de chose de perdre ceux de Nanquim, il porta l'affaire deuant le Roy pour la terminer auec plus de rigueur & d'authorité, & pour couper d'vn seul coup tant de riches moissons, & estoufer tant de belles semences, qui commençoient à germer dans les cœurs des Chinois. Apres cette sanglante Tragedie, les Peres ayans esté chassez de leurs residences, comme nous auons dit, leurs maisons confisquées, leurs biens engagez, leurs Eglises violées, & celle de Nanquim renuersée par terre, & les materiaux vendus par sentence du Xin, enfin les Peres, qui estoient au mesme lieu de Nanquim, estans sortis auec vn si grand bruit, & vne siestrange confusion, que le iour du dernier iugement sembloit estre venu, on ne sçauroit croire les dommages qu'apporta leur absence, les biens qu'elle arresta, & les diuers changemens, changemens, qu'elle causa dans les ames. Les maistres de cette nouvelle Eglise surent cachez, les Chrestiens intimidés, les Gentils encouragez, le tyran victorieux, & ceux de sa suite si libres & insolens, qu'il leur estoit permis indisferemment de poursuiure les Chrestiens, & de les accuser deuant les Iuges, particulierement ceux de Nanquim.

Mais puisque nostre Seigneur auoit iugé plus à propos, suiuant les dispositions secrettes de sa providence eternelle, de tirer le bien du mal, que d'empescher vniuersellement le mal; on peut dire que plusieurs bons esfets sortirent d'vne meschante cause. Car quoy qu'on n'eust pas pour lors cette douce liberté de faire de nouveaux Chrestiens, & de gaigner de nouveaux suiers à Iesus-Christ, toutesois la constance & le courage des anciens parut dans la haute opinion qu'ils temoignerent auoir de nostre saincte Loy, & dans les feruens desirs de retenir les Peres dans le Royaume, pour se perfectionner de plus en plus, en la doctrine qui leur auoit esté preschée. Car la plus-part de ceux qui demeuroient en d'autres villes, enuoyerent ou vindrent eux-mesmes en personne chercher les Peres, & les conduire en leurs maisons. Ce qui sit, que hors des deux Cours de Pequim, & de Nanquim, nous fusmes par tout les bien-venus, les Chrestiens furent consolez de leurs pertes, & confirmez en leur foy; & les Eglises, (ie ne parle point des materielles qui sont les ouurages des hommes,) maintenuës, & mesme augmentées de nouneaux fideles.

A la Cour de Pequim deux fretes demeurerent au lieu que le Roy nous auoit assigné pour nostre sepulture, à cause qu'estans Chinois & naturels du pays, ils n'estoient pas compris dans la sentence du bannissement. De sorte, que sous vn pretexte de pieté, que les Chinois prisent beaucoup, ils demeurerent pour garder la maison: mais ce sut auec de grandes incommoditez, & de fortes attaques que les Eunuques leur liurerent. Car dessors qu'ils virent les Peres hors de la Cour, ils creurent que la maison estant suns chef, ils n'auroient pas beaucoup de peine à chasser les freres, qui n'auoient ny la force ny le courage de resister à leurs batteries. Aussi ne sçauroit - on croire, ce qu'ils ne sirent

Tt 2

point pour paruenir à leur dessein, & combien de fois ils sirent vernir ces pauures freres en iugement, & de quelles accusations ils les chargerent, pour les chasser de leur maison; mais en vain. D'autant que nostre Seigneur, qui auoit donné cette place aux Peres pour leur sepulture apres leur mort, voulut la conseruer pour leur seruir de retraite durant leur vie : se seruant de la prudence du Docteur Paul, qui residoit à la Cour, desaisant par son authorité toutes les trames que nos ennemis nous ourdissoient

par leur malice.

Vne fois entr'autres les Eunuques auoient disposé les affaires de telle sorte, qu'il sembloit impossible, que leur dessein ne reiissît, pour auoir corrompu quelques-vns des Magistrats par leurs presens; & sur tout pour auoir gaigné à leur party, le Chifu, ou Gouverneur de la Chine, qui leur promit sa faueur. Le pis sur, qu'il estoit si tard, quand ils appellerent nos freres en iugement, qu'à peine euret-ils le temps d'en aduertir le Docteur Paul, & luy d'écrire au Gouverneur de la ville : ce qu'il fit auec tant de presse, qu'il donna ordre au laquais, qui portoit la lettre, de la donner en quelque lieu qu'il trouuât le Gouverneur, fût-ce mesme en la ruë. Et de vray il le rencontra, comme il estoit prest d'entrer au Conseil, qui se tient à Pequim hors du Palais, accompagné d'yn grand nombre d'Eunuques, qui se tenoient assurez du bon succez de leur affaire, à cause des diligences, qu'ils auoient faites. Le Gouverneur, ayant leu sa lettre, fit appeller la cause: & les Eunuques auec plus de paroles que de raisons gaignerent le deuant iusques à ce que nostre Frere sut cité pour répondre, qui ne sit autre chose que de produire l'acte de la donation que le Roy nous auoit faite de la maison, & du jardin pour la sepulture du Pere Mathieu Ricci, & de ses compagnons, passé deuant les Officiers, & verifié en plein Conseil. Le Gouuerneur le prit, & l'ayant leus pour vn témoignage de la faueur qu'il vouloit faire aux Eunuques, il y appliqua derechef le sceau de son Office, voulant dire, qu'il n'estoit pas raisonnable de defaire mal à propos ce qui auoit esté bien fait. Ainsi termina il ce grand affaire au contentement. des Peres, & ferma la bouche aux parens de l'Eunuque prisonnier, qui n'auoient cessé iusques alors de faire leurs poursuittes,

afin

afin de tirer au moins quelque chose par leurs importunitez, s'ils

ne pouuoient tout gaigner par la iuslice.

Les Freres, qui gardoient la maison prirent cette occasion, & s'en seruirent sort à propos, pour visiter de temps en temps les Chrestiens de cette ville; & apres que la tempeste commença de s'appaiser & que le plus fort de l'orage eut creué, vn Pere passa par là en habit desguisé, qui sit de nouvelles conquestes à l'Eglise, sous ombre de conserver les anciennes.

La maison que nous auions à Canton, qui est vne Prouince plus meridionale, sut ruinée totalement. Car bien qu'au commencement on en eust pris vne petite, pour y tenir vn frere, qui receust les Peres de Nanchium quand ils passoient; le temps nous sit connoistre qu'il estoit plus à propos de l'abandonner entierement, pour euiter les tempestes, & se mettre en seureté. Le Pere, qui gouvernoit la residence, alla plus avant; & le Frere apres luy; auec promesse neantmoins de visiter tous les ans, les Chrestiens

du pais.

Le Pere de la Roque, qui auoit quitté la ville de Nanquiam en la Prouince de Kiamfi, auec deux autres Peres se retira dans la Cité de Kiencham de la mesme Prouince, par l'aduis d'vn Chrestien nommé Estienne, sorty d'vne noble famille, la premiere du lieu, & filleul d'vn Mandarin, qui depuis se convertit, luymesme à nostre sainte Foy. Les Peres fureut receus auec toute sorte de charité Chrestienne, & logez dans vne maison, qu'ils appelloient l'Estude, prés des murailles de la ville, composée de quatre belles chambres, d'vne cuisine, & d'vne grande sale pour seruir de Chapelle. Nous n'estions visitez du commencement que par les Domestiques de nostre hoste, qui estoient tous Chrestiens; les Parens Gentils, & les amis du voisinage vindrent apres, ces visites qui n'estoient que de ciuilité, ne laissoient pas de nous donner le temps & la commodité d'attirer quelques Payens au Christianisme; ceux-cy en faisoient venir d'autres: de façon que peu à peu le nombre des Chrestiens s'accreut de telle sorte, que deux ans apres, la Messe s'y chantoit en Musique, auec vn grand concours de peuple, dequoy ie suis tesmoin. Les principaux Musiciens qui iouoient des instrumens, estoient fils de Chrestiens: &

quatre des plus fameux Lettrez servoient à la Messe auec leurs liurées, comme i'ay veu. C'est maintenant une de nos meilleures residences, auec un grand nombre de Chrestiens parsaitement instruits en nos mysteres, & deux Eglises annexes en la Province de Chinceo, qui pour estre assez proches de Kiencham, sont visi-

tées tous les ans par vn de nos Peres.

La residence de Hamcheu sous la protection du Docteur Michel, est encore plus sorissante. Les Peres pour tesmoigner à tout le monde, qu'ils obeissoient aux volontez du Prince, & à la sentence de leur bannissement, sortirent en plein iour accompagnez du mesme Docteur, & des premiers Chrestiens. Mais ce digne Protecteur de cette nouvelle Eglise, qui nous auoit preparé depuis long-temps dans son Palais, vn appartement assez logeable, des chambres, des Offices, vne Eglise, vne sale, le tout à nos vsages, pour nous y retirer au besoin, nous rappella secretement, & nous receut dans sa maison, sans qu'aucun s'en apperceust. Il ne s'en cachoit point pourtant, & trois ans apres, quand le Xin natif de cette ville, se sur retiré dans sa maison, nostre Michel le visita, & luy dist qu'il auoit chez luy, les Peres, qu'il luy conseilloit de les venir voir, & de conferer auec eux, & qu'afseurément il les trouueroit tous autres, qu'il ne pensoit.

Cette maison sut le port le plus commode, que les Peres pûrent trouuer parmy ces orages & le plus asseuré resuge pour se mettre à couvert de la persecution. Elle avoit son superieur, auquel s'addressoient toutes les affaires, & que les nostres venoient trouver, en divers endroits, de temps en temps, pour luy rendre compte de leurs emplois, ou pour le consulter dans leurs dissicultez. Et quoy qu'on prît bien garde de ne laisser entrer aucun Gentil, s'il n'estoit de nostre connoissance, neantmoins on celebroit la Messe toutes les Festes, & on preschoit auec vn grand concours de tous les Chrestiens, dont le nombre s'augmentoit

peu à peu, par les conversions assez frequentes.

La tempeste ne sut pas si tost appaisée en l'Eglise de Nanquime dautant que la longue detention des Peres dans la prison, la cruel-le sentence qui sut executée contre eux, & leur sortie ignominieuse dans ces cages de bois à la veuë d'vne infinité de peuple,

qui

qui estoit venu de tous les endroits, pour se trouuer à ce spectacle, sit vne telle impression dans l'esprit des Gentils, qu'ils haissoient les Chrestiens à mort, & à la moindre occasion, les accusoient deuant les luges. De sorte qu'il se passoit peu d'années; qu'il ny eût toûjours quelque persecution particuliere d'vn Chrestien deseré en iustice, outragé, condamné, & battu cruellement. Ce qu'ils supportoient auec vne constance & vn courage des premiers Disciples du Fils de Dieu, qui triomphoient en la presence des Iuges, & s'estimoient bien-heureux d'estre trouuez dignes de soussir pour le nom de leur Maistre. Pour ne mentir point, i'estime que nostre Seigneur qui auoit destiné cette petite Eglise, pour estre l'objet de la plus cruelle persecution des Gentils de la Chine, l'auoit aussi doüée d'vne vertu particuliere, pour estre le sujet & le modele de la plus illustre patience des Chrestiens de ce Royaume.

Tous ces dangers n'empéchoient point vn Pere de les visiter de temps en temps, & ces visites estoient ordinairement accompagnées d'vn grand nombre de confessions & de communions, & des Baptesmes de quelques nouueaux Chrestiens. Ils auoient diuisé la ville en Parroisses & en Chapelles, tant pour leur commodité, que pour leur seureté; ayans par ce moyen les lieux de la priere plus proches de leurs maisons, qu'ils frequentoient plus souuent, sans que les Payens s'en prissent garde. Ils s'assembloient aussi les iours de Festes en l'absence du Pere, & apres auoir fait leurs deuotions, ils conferoient ensemble, & s'exhortoient mutuëllement à la vertu. Et outre ces conferences, ils en auoient choisi entr'eux huict des plus approuuez, & des plus vertueux, pour visiter les autres en leurs maisons, consoler les malades, encourager les soibles, & pratiquer semblables œuures de charité

& de pieré.

Ces huict, qui estoient comme les Maistres de ces nouueaux Disciples du Fils de Dieu, prirent le roolle des maisons, & du nombre des Chrestiens, qu'ils distribuerent comme en bandes, & confrairies, dont les plus anciens & les plus zelez estoient comme les chefs, qui veilloient sur les autres. Et puis en certain temps les Peres venoient les voir, pour receuoir leurs confessions, &leur administrer le Saint Sacrement de l'Autel. Mais comme il n'estoit pas possible aux Peres de satisfaire abondamment aux bons desirs d'un si grand nombre de sideles, & que leur presence estant necessaire également à plusieurs, ils ne pouvoient pas sejourner long-temps dans un mesme lieu, cela sut cause, qu'on establist de nouvelles residences en divers endroits, petites dans leurs commencemens, mais qui depuis se sont persectionnées, auec des maisons & des Eglises bien reglées, telles qu'on les void à present.

La premiere residence, que nous eûmes incontinent apres nostre bannissement, sur sondée en la ville de Kiencham, en la

Prouince de Chiamsi, dont i'ay parlé cy-dessus.

La deuxiesme sut en la Prouince de Nanquim, en la ville de Kiatim, où estoit la demeure du Docteur Ignace, Chrestien d'une grande authorité, qui a esté depuis Vice-Roy de la Prouince de Xantum. Cét illustre personnage ayant receu les nouuelles de la sentence donnée contre les Peres, depescha promptement vn Messager au Pere Lazare Catanée residant à Hamcheu, pour luy porter vne lettre, qui ne contenoit que ces paroles, apres les complimens ordinaires. l'ay vne affaire de consequence à traiter necessairemet auec vostre Reuerence, ie souhaite passionnément que nous nous voyons en ma maison, auant que vous sortiez du Royaume. Quand la lettre luy fut renduë, les Peres estoient prests à sortir de la ville, pour se retirer à Xanhaj sur les terres du Docteur Paul: mais vne priere si ciuile, & si importante les fit changer en partie de dessein : de façon que pour contenter ces deux Docteurs, ils se diuiserent en deux troupes; & le P. François Sanbiasi fut destiné pour Kiatim, où iltrouua vne maison garnie, que le Docteur Ignace auoit fait preparer dans vn appartement de son Palais, qui luy servoit d'estude, auec des chambres, vne Chapelle pour dire la Messe, & toutes les commoditez d'vn logement. La Chapelle n'estoit que pour tenir les Domestiques; il en fallut faire vne autre vn peu apres, au mesme lieu plus grande & plus splendide, pour les externes, qui se laissoient aysément persuader par les raisons, & par la predication de nos Peres, de se ioindre à ceux de la maison. I'y fus quatre ans apres, 28 & ie peux dire auec verité que i'y trouuay vn bon nombre de Chrestiens aussi feruens en la Foy tant les hommes & les semmes que les ensans, aussi soigneux d'assister à la Messe, d'entendre la parole de Dieu, & de se presenter à la confession, & de frequenter l'Auguste Sacrement de l'Autel, que les plus deuotieux Chrestiens nourris & saçonnez en Europe. Ic ne veux pas charger cette histoire de plusieurs exemples particuliers d'edification, les reservant à nos Annales.

Cette maison nous servit encore d'Academie pour élever nos ieunes gens aux estudes, pource que la ville estant à vne des extremitez de la Province, & de peu de commerce; les maisons capables & commodes, il nous estoit aisé d'y assembler nos estudians pour les former à la langue & aux lettres Chinoises: de sorte que le nombre des Peres & des autres estudians, qui sont de ieunes Chinois de Macao, que nous élevons à la vertu, & instruisons aux lettres du païs, asin qu'ils servent puis apres à instruire les autres pour le bien de l'Eglise, montoit insques à onze & dou-

ze, qui estoit beaucoup, veu le temps & le lieu.

Le P. Catanée eut son departement à Xanhaj, où il trauailla également à faire de nouueaux Chrestiens, & à conseruer les anciens. Le Docteur Paul reuint cependant de la Cour en sa maison, & par sa presence donna la liberté aux predicateurs, d'annoncer l'Euangile au peuple, auec moins de danger, & plus de fruit; si bien que le Pere ne pouuant pas suffire à baptizer les nouueaux conuertis, sut contraint de faire signe à ses compagnons, & de les inuiter à la recolte d'une moisson si abondante: & le Docteur Paul, voyant que l'Eglise estoit trop petite pour tant de sideles, se sentit obligé de l'agrandir, ou plustost d'en sonder une nouuelle, qui florit encore à present & se perfectionne de iour en iour en nombre & en vertu.

La residence de Chiamsi prit son origine, au mesme temps, & commença de ietter les sondemens de ce merueilleux edifice, que nous y admirons aujourd'huy, le plus beau & le plus saint de la Chine. Le premier sondateur de cette nouvelle Eglise, sut vn Chrestien nommé Pierre, qui allant en cette Province, en qualité de Mandarin, prit en sa compagnie le P. Iules Alesse, pour le tenir

fous sa protection, & pour voir les dispositions de ce peuple à receuoir la predication de l'Euangile; où les predicateurs n'auoient iamais esté, & quoy que les commencemens sussent petits, les progrez en ont esté admirables, comme nous dirons ailleurs.

On ressentit particulierement à Maco, les coups de la persecution; lors que quatre Peres furent portez par la violence de la tempeste, des prisons de la Cour au College de cette ville. Mais tant s'en faut que le sentiment de ces douleurs estoufast le desir qu'ils auoient de soulager leurs freres, qui demeuroient exposez aux dangers, & chargez du faix de la predication, qu'au contraire il embrasa leurs cœurs d'vn nouueau seu, pour rentrer dans la Chine, & rallumer le flambeau de l'Euangile, s'il estoit esteint en quelque endroit par les vents & par l'orage. Toute la difficulté estoit à trouver vn chemin par où ces quatre bannis peussent aller sans estre reconnus: on iugea plus à propos de surseoir leur retour, iusqu'à ce que leur absence eust effacé leurs Images des esprits; & que le temps en eust fait perdre la memoire Mais durant cette attente nostre Seigneur retira de cette vie deux Peres de Pequim, à scauoir le P. Iacques Pantoïa, & le Pere Sebastien des Ours; estant raisonnable que ceux qui estoient les plus âgez, marchasfent les premiers, & que ceux qui auoient plus long temps combatu, fussent couronnez les premiers. Restoient donc les deux autres venus de Nanquim; pour qui le danger estoit plus grand, de rentrer dans vn Royaume, où ils auoient esté promenez de ville en ville, & conduis deuant tous les Tribunaux, & puis chassez honteusement à la veuë de toutes les Prouinces. Toutesois le P. Aluarez Semedo, qui auoit demeuré moins de temps que les autres à la Chine, & qui par consequent y estoit moins connusayant changé le nom & le surnom qu'il portoit auparauant dans le mesme Royaume, y rentra trois ans apres qu'il en fut sorti: & le Pere Vagnon le suiuit à deux ans de là, qui est encore viuant à la Cour de Xansi; vieillard venerable chargé d'années, & de merites, mais plein de force & de courage, pour trauailler comme vn ieune homme.

Voila le train des affaires de cette nouvelle Chrestienté, qui se remettoient doucement en leur premier estat, & mesme s'auançoient uançoient de beaucoup à la faueur de quelques Chrestiens d'authorité, & soubs la protection de quelques gentils de nos amis: quand la seconde tempeste s'eleua contre l'Eglise à Nanquim, qui ne sut pas à la verité si violente que la premiere, pour n'auoir pas esté formée du mesme sousle, & pour ne venir pas du costé de la Cour; mais qui sut plus dangereuse, & qui nous mit également en peine, tant pour la crainte de l'auenir, que pour se mal present

CHAPITRE XI.

De la seconde persecution de Nanquim, & du martyre d'un Chrestien nommé André.

L sembloit donc que l'Eglise eust recouuré sa li-

bertéà la Chine, & que l'Euangile fust hors des

fers: les apparences d'une riche moisson nous faifoient oublier le passé, & releuoient nos esperances. La seule ville de Nanquim n'estoit pas pleinement satisfaite, & le sang des Chrestiens qu'elle auoit persecutez, n'auoit pas tellement esteint son feu, qu'elle n'en eust toussours quelque bluëtte, qu'elle allumoit de temps en temps dans les occasions contre les fideles, mais fort peu en estoient endommagez. L'an 1662. les supposts de la secte, qu'ils nomment à la Chine Pelien - Kiao dont nous auons parlé en la premiere partie de cette histoire, se souleuerent en la Prouince de Xantum, & furent si osez que d'arrester les liures qui venoient à la Cour de Pequim par la riuiere, & de se saisse vaisseaux, qui passoient par la Province: & mesme leurs forces s'augmentans auec leur in olence, ils attaquerent quelques places, & entre autres vne ville, & s'en rendirent les Maistres, auec vn sanglant carnage des citoyens. Ces choses donnerent à penser aux Prouinces voisines, & mirent l'alarme jusqu'à la Cour; Les Mandarins firent commandement par tous les endroits du Royaume, qu'on apportast toutes les diligences, pour prendre & chastier les person-

nes, qui suivoient cette profession. Les Provinces les plus

Vu

eloignées

éloignées ne s'émeurent point à ces nouvelles : mais à Nanquim. qui confronte à celle de Xantum, promit de grandes recompen-

ses, à quiconque découuriroit quelqu'vn de cette secte.

Sur ces entrefaites il arriua qu'vn Chrestien voulant secoutir vn sien voisin, que les Sergens traitoient fort mal sans raison, attira sur luy la colere de ces canailles, qui le poursuiuirent, comme des enragez; iusques dans la maison; & y ayans trouué la Croix auec l'Image du Sauueur, la prirent & la porterent au Mandarin. accusans le Chrestien d'estre vn des sectateurs de la Loy du Seigneur du Ciel, qui est la mesme que celle de Pelien - Kiao. Le Mandarin le fait prendre, appliquer à la torture, pour luy faire confesser ses complices. Il declara seulement le Peintre, qui auoit peint l'Image, & qui estoit aussi Chrestien. Il sut pris pareillement par l'ordre du mesme Madarin, & mis à la gehenne, come l'autre: soit par ignorance, ou qu'il creût donner plus d'anthorité à la loy qu'il tenoit, il nomma iusques à quarante Chrestiens, parmy lesquels il y en auoit quelques-vns, qui estoient comme les chefs des autres, & qui en l'absence des Peres auoient le soin de les assembler dans des Chapelles, & de les exhorter à la vertu conforme à leur vocation.

Ie veux croire que la declaration de ce pauure Chrestien proceda plûtost de simplicité que de malice: mais neantmoins le Mandarin ne perdit point le temps ny l'occasion de se saisir de ceux qu'il auoit nommez; à voir ce qui se passoit, on eût iugé que les furies de l'Enfer estoient dechaînées, & qu'elles couroient, par les ruës de Nanquim. On n'entendoit par les ruës que le bruit des chaisnes de fer, les cris & la voix des Sergens, qui demandoient où est la maison : ou est-il allé, où le trouvera-on? quand viendra-il? s'echaufans ainsi d'autant plus à la poursuitte des Chrestiens, qu'ils voyoient les Mandarins plus acharnez à leur ruïne. S'ils en découuroient quelqu'vn, ils se iettoient dans sa maison, & enleuoient les Chapelets, les Croix, les Images, & les liures, & les autres marques de deuotion, qu'vn Chrestien a de coustume d'auoir chez luy, & de garder cherement : & puis ils se saississoient de sa personne, le tiroient par la teste, la corde au col, & les fers aux mains, & les traînoient par les ruës, portans deuant eux en signe de triomphe les enseignes de pieté & de religion qu'ils auoient enleuées, & excitans le peuple à crier apres eux, qu'ils estoient de la secte de Pelien-Kiao. Il y en eut de pris insques à trente-quatre, sans compter les deux premiers, qui surrent incontinent appliquez à la torture, & serrez aux pieds & aux mains, pour leur faire découurir le reste de leurs complices. Mais eux plus auisez que les precedens, & instruits par leur ignorance pernicieuse, ne répondoient autre chose dans leurs tourmens, sinon qu'ils estoient Chrestiens, eux, leurs semmes, & leurs ensans: qu'ils suiuoient la Loy du vray Dieu, qui seul peut punir & châtier en cette vie & en l'autre; conseruer & tuer les corps & les ames: qu'ils n'estoient point de la secte de Pelien-Kiao, & qu'ils n'auoient ny rapport ny commerce auec elle, & puis ne disoient autre chose.

Parmy les prisonniers il y eut vn Chrestien nommé Ican Yao: qui ayant esté pris auec les autres, comme nous auons dit, en la premiere persecution du Xin, receut des coups de bastons par la sentence des luges, & fur condamné à seruir le Roy durant quelques années en ses vaisseaux, qui sont comme ses galeres. Ayant fait son temps, il fut mis en liberté, & s'en reuint à sa maison, edifiant toute la ville par ses exemples, & par sa saincte vie. Comme Il sceut, qu'on auoit encore pris des Chrestiens, & qu'on le cherchoit, sans attendre vne plus expresse iussion, s'en alla lug-mesme fo presenter aux Mandarins, & s'estant mis à genoux, en la presence des Chrestiens, qu'on tenoit à la torture, leur dît qu'il estoit Chrestien, que la Loy, qu'il professoit, estoit la vraye, & plusieurs choses semblables, que le Saint Esprit luy suggera. Le Mandarin l'ayant écouté, & ne sçachant point qu'elle pouvoit estre sons intention, luy répondit: vous n'auez ny la mine, ny les apparences d'vn Predicateur de la Loy, retirez-vous, & ne venez plus vous monstrer icy. Le ieune homme sé leua, & se retira aussi tost dans sa maison, laissant les Chrestiens confirmez par vn si glorieux témoignage de leur Religion, & les Chinois également épouuantez d'vn si noble courage.

Le Mandarin sit vne semblable chose, sans auoir aucun dessein particulier, ny sans seçauoir la raison qui le poussoit. De trente-

six prisonniers, qu'on auoit apprehendez & tourmentez cruellement, il en sit mettre vingt-quatre en liberté; & les autres, qui estoient comme les Maistres des autres, & qui auoient la charge de les assembler aux prieres, & de les exhorter, surent renuoyez pardeuant les six grands Tribunaux, où ils surent tous seuerement traitez, les vns deça, & les autres delà; mais le plus rigoureux de tous les Tribunaux, sut celuy d'vn Eunuque, qui n'ayant rien d'humain que le visage, sans considerer que les prisonniers auoient esté battus par le commandement des autres Mandarins, leur en sit encore décharger vingt coups à chacun, qui affoiblirent si sort ces bons Chrestiens, qu'on sut contraint de les ramener en prison portez sur vne table.

Le Quecum, qui est comme vn de nos Ducs, ne les traita pas de la sorte: pource que les voyant si rompus de coups & de tourmens; non seulement il ne les sit point battre de nouueau, mais leur portant compassion, dit tout haut qu'il estoit bien informé de cette Loy, & qu'elle estoit la bonne & la veritable; & les congedia auec ces belles paroles, qui consirmoient dans la bouche d'vn Gentil, la Foy que les Chrestiens desendoient par l'essusion

de leur sang deuant les Iuges.

Pendant ces differens, le premier Mandarin des six Tribunaux, qui auoient examiné l'affaire, porta la sentence suiuante contre les Chrestiens, que i'ay traduite sidelement du Chinois: La loy du Seigneur est fausse, qui aueugle les hommes, & leur fait tenir des assemblées. Les années precedentes, on auoit déja presenté au Roy quelque memoire contre les hommes de cette seste, qui en auoit desendu seuerement l'exercice. Auiourd'huy ceux qui la professent, sont conuaincus de n'auoir pas obey aux volontez du Prince. D'où vient que suiuant les loix de cét Estar, il seroit necessaire de faire vne exacte perquisition de cette sorte de gens, & les punir seuerement. Mais ayans consideré que ce sont des hommes de peu, nous auons condamné les Estranges à sortir du Royaume, sous bonne & seure garde, & pour cét effet leur sera fourny des coffres du Roy, l'argent necessaire aux frais de leur voyage. Pour les naturels de cette Cour, ils tiendront prison vn mois entier auec vne table au col (qui est vn supplice ordinaire

ordinaire à la Chine) & apres, ils seront conduits deuant le Tribunal, qui les a interrogez, pour estre exhortez d'obseruer entierement les ordres du Roy, & de ne plus suiure cette loy. Les liures des Chrestiens, leurs images & choses semblables seront portés dans le Thresor du Roy, pour y estre gardés. Tel estoit le contenu de la sentence.

Les Peres n'en auoient encore rien appris, quand vn Chrestien vint en poste à Hamcheu distant de la Cour de Nanquim, six iournées par terre, qui fut enuoyé exprés pour leur apporter cette nouvelle, & les aduertir du danger euident où se trouvoient les Chrestiens. Par vn bon-heur particulier le Pere de la Roque Superieur de la Mission, se trouua pour lors à Hamcheu, qui songea promptement aux remedes, confera auec le Docteur Michel, & écriuit au Docteur Paul, afin que l'vn & l'autre par leurs lettres de recommandation obligeassent les Mandarins de Nankim de fauoriser les Chrestiens en cette cause. Ils le firent adroitement, & sur tout le Docteur Paul, qui cotta dans ses lettres quatorze poincts principaux, qui rendoient nostre sainte Foy bien différente de la secte de Pelien-Kiao. Les lettres, quoy que fort obligeantes n'eurent pas l'effet qu'on esperoit, à cause que la pluspart des Mandarins furent gaignez par le Xin, qui estoit pour lors Colao, & par confequent en vne si haute consideration, qu'vn chacun tâchoit de gaigner ses bonnes graces, en suiuant ses inclinations. Ce qui se vit aysément par les réponses, telles qu'on n'a pas accoustumé de les rendre à des Mandarins de merite, & de l'authorité de ces deux Chrestiens. Car la response à la lettre du Docteur Paul, soustenoit que la loy qu'il disoit estre différente de la secte de Pelien-Kiao, estoit absolument la mesme, & que les deux faisoient profession de ne point obeir au Prince, ny à ses Ordonnances, ny aux Ministres de son Estat; ce qui se prouuoit facilement, en ce que les Peresayans eu ordre de sa Majesté, de vüider le Royaume, ils ne laissoient pas neantmoins d'y demeurer, & plusieurs autres raisons: qui tesmoignoient assez la veine, d'où sortoient ces responses.

Adioustez vne autre chose plus dangereuse, comme il est necessaire en tout temps à la Chine, mesme dans le calme, d'estre fort reserué: de laquelle on donna incontinent aduis au Docteur Paul: à sçauoir que deux Mandarins de la mesme cité de Nanquim, peu de iours auparauant auoient presenté au Roy leur memoire contre la loy de Iesus-Christ, & contre les Chinois, qui la suivoient, accusans en particulier les Peres qui la preschoient, & le Docteur Michel, qui non seulement estoit Chrestien, mais encore logeoit les Peres en sa maison. Ils en chargeoient d'autres, sans les nommer, quoy qu'ils donnassent suffisamment à entendre, qu'ils vouloient parler du Docteur Paul.

La nouuelle n'estoit point à mespriser; dautant que les affaires qui vont deuant le Roy sont extremement chatoüilleuses; & il est

bien difficile, qu'on n'y perde ou le poil ou la peau.

Le Docteur Paul escriuit aux Peres, que sans plus deliberer, ils songeassent promptement à se retirer, & retrancher toute sorte de commerce auecquelque personne que ce sust, pour sidelle & asseurée qu'elle semblast estre, & ceder au temps & à la necessité. Le Docteur Michel estoit d'aduis contraire; & ne vouloit pas, mesme que ceux de sa maison se cachassent. Le sils du Docteur Ignace trouuoit bon, que les Peres de la Cité de Kiatim se tinssent cachez en la façon qu'ils iugeroient; d'autant qu'au cas qu'il sur-uinst quelque chose de pire, il ne seroit pas mal-aysé d'y remedier,

ayans la plus-part des Mandarins de la ville pour amis.

C'estoit vn ieune homme peu âgé, dont le Pere estoit pour lors en Cour, qui loüa grandement la resolution de son sils. On trouua neantmoins plus à propos de preuenir ou d'euiter les soudres de la iustice; & que ceux qui ne pourroient pas se cacher, se retirassent, auant que d'estre apprehendez. Toute la dissiculté estoit de trouuer vn lieu eloigné de nostre demeure ordinaire; à cause que les lieux voisins appartenoient à nos amis, & estoient si peuplez qu'on ne pouvoit pas y estre en seureté: de sorte que pour se mettre à couvert, il en falloit trouver vn écarté, dont il y en a peu à la Chine, qui est si peuplée, que les maisons de la campagne se touchent les vnes les autres. Ensin apres plusieurs deliberations, il sut conclud que nous sortirions tous des lieux, où estoit nostre demeure; & que les vns iroient aux villages & Metairies des Chrestiens; les autres se retireroient dans leurs sepultures,

rable, on tiendroit des barques toutes prestes sur les rivieres, pour chercher d'autres lieux plus asseurez, insqu'à ce que Dieu nous ap-

planist les voyes, & nous ouurît les grands chemins.

Le Docteur Paul auoit vn homme aposté dans la ville de Suoheu, où le Vice-Roy de la Prouince de Nanquim fait sa demeure, à cause qu'il ne peut pas estre en la Cité de Nanquim, qui est vne Cour Royale, aussi bien que Pequim: afin que s'il venoit quelque nouueau mandement de la part du Roy, il luy en donnast aduis. Deux mois se passerent en cette attente; auec vn extreme incommodité des Peres, qui se tenans cachez aux champs, ne pouuoient receuoir que fort tard les nouuelles, qu'on sçauoir aussi-tost dans les villes. Enfin apres auoir attendu long-temps, nostre Docteur ne receut point de response, dequoy on apportoit plusieurs raisons, mais la meilleure & la plus pertinente estoit, que les memoires qu'on auoit dressé contre les Chrestiens, auant que d'estre presentez au Roy, deuoient estre enregistrez par le Xin, qui en mesme temps perdit sa charge : de saçon que ne pouuant plus rien, & n'ayant aucune authorité pour fauoriser les desseins de nos persecuteurs, dont il estoit le premier mobile, tous ces memoires demeurerent sans estre presentez; ce qui sut la cause, qu'on attendit si long temps, l'euenement decette affaire, auec les responces du Roy. Ainsi l'orage, qui sembloit nous menacer d'vn danger euident, fut appaisé, à l'occasion des disgraces du Xin, que le Roy priua de la charge de Colao, au mesme temps qu'il auoit resolu de ruiner les Chrestiens. Les memoires de la Cour du midy qui est à Nanquim, marchoient tous les iours contre la foy de l'Eglise; & d'autres se formoient continuëllement par les Mandarins de la Cour du Nord, qui est Pequim, contre les iniustices du Xin, sans auoir peu reiissir, l'espace de six mois. En quoy se iustifient les conseils admirables de la prouidence de Dieu, qui reserva la cheute de ce Tyran, à vn temps & en vne occasion, qu'il pouvoit nous causer plus de mal; & qui voulur nous enseigner, que nous deuons nous appuyer sur luy en pareilles rencontres.

Quand nos Docteurs squerent certainement, que les memoi-

Cét illustre martyr, André, estoit natif de la Prouince de Kiamsi; laquelle il quitta apres plusieurs années, pour venir en celle de Nanquim: où il prit vne seconde naissance, & vne nouuelle vie, en la connoissance de nostre Saince Foy, & dans les instructions, qu'il receut de nos Peres; qui l'engendrerent à lesus-Christ par la predication de l'Euangile, & par les eaux du Baptesme, & le nommerent André. Toute la famille suivit dans quelques iours son chef, & fut baptisée par les mains du Perede la Roque, Superieur. Nostre André apres son Baptesme seruit d'exemple & de modele aux autres fideles, & tascha de teur communiquer le bien qu'il auoit receu du Ciel, ne laissant perdre aucune occasion d'enseigner les ignorans, & de conduire leserrans dans le chemin de la verité. Plusieurs profiterent de ses enseignemens, & se firent Chrestiens à sa persuasion. Il estoit fort deuot à la S. Vierge, & passoit pour le plus feruent de la Congregation de nostre Dame, que nous auions erigée en nostre Eglise auant la persecution, suscitée à Nanquim : & apres le bannissement des Peres, il dressa vn Oratoire en sa maison, à l'hon-

neur de cette saincte Mere du fils de Dieu, où il appelloit les autres Chrestiens, & les excitoit par ses feruentes paroles à la pieté, à la vertu, & à l'observation de nostre sain ête loy. Quand les Peres furent mis en prison, & les autres Chrestiens distribuez par les conciergeries de cette grande ville, luy sans se soucier aucunement de s'exposer aux dangers, entreprit de les seruir, de les visiter, de les consoler, & de les assister de ses aumosnes; Et ne se contentant pas de pratiquer luy seul ces œuures de charité, il forma vn sien petit fils aux mesmes exercices, & le donna à nos Peres pour l'employer dans les moindres besoins. Il continua dans le mesme esprit apres nostre retour, & nous presta sa maison pour nous seruir de retraitte, lors que nous allions visiter les Chrestiens du pays: & d'infirmerie, quand quelqu'vn estoit malade, qu'il seruoit luy-mesme auec beaucoup de charité. Nostre Seigneur voulant recompenser ces belles & bonnes actions le couronna du Martyre en la seconde persecution: & le fit mourir, comme il auoit vescu, pour son amour. Ce venerable vieillard presque autant chargé d'années que de merites, endura patiemment les coups & les tourmens, que nous auons dessa raporté cy-deuant : mais comme les derniers, outre qu'ils estoient les plus cruels, estoient encore imposez sur les playes toutes fresches qu'il auoit receuës en diuers Tribunaux, il ne faut pas s'estonner si vn vieux homme, fort de courage, mais foible de corps, rendit bien-tost l'esprit par la violence des douleurs, puisque mesme les plus ieunes & les plus robustes Chrestiens n'y pouuoient resister. L'Eglise perdit & gaigna beaucoup à sa mort; elle gaigna vn martyr, qui les encourageapar ses exemples, & les assista de ses prieres: mais elle perdit vn pere commun, & vn bon maistre, qui suppleoit au defaut de nos Peres. On l'enterra fort honorablement dans vn sepulchre particulier, pour luy rendre yn iour auec solemnité les honneurs qui luy sont deus.

CHAPITRE XII.

Comment les choses s'addoucirent derechef, & les Peres furent rappelleZ en Cour par l'Ordre des Mandarins.

OICY de meilleures nouvelles, que nos Peres receurent de Nanquim, par vn homme, qu'eux & nos Docteurs auoient enuoyé exprés, auec des lettres de leur part aux Chrestiens pour les consoler en leurs afflictions : quoy que nostre Seigneur les remplist d'une telle abondance de courage & de iove, qu'ils n'auoient pas besoin des consolations humaines pour addoucir leurs peines. Cét homme estant de retour confirma le bruit qui couroit, & nous assura que toutes les choses estoient pacifiées, comme les Chrestiens l'auoient écrit; d'autant que les Mandarins voyans que leurs desseins n'auoient pû reüssir, que leurs memoires n'auoient esté receus ny presentez à la Cour de Pequim, & que le Xin estoit priué de sa charge; ils changerent tout aussi-tost d'aduis & de langage, mirent les Chrestiens en liberté, & modererent les peines qui leur auoient esté imposées. Il ne restoit plus que trois prisonniers de Chincheo, qui attendoient de iour en iour d'estre deliurez & renuoyez en leur Prouince, ce qui sut executé. Semblablement le Pere, qui estoit caché à Pequim nous écriuit, que toutes les esperances de nos ennemis de Nanquim estoient fonduës à la Cour, & que les choses auoient tellement changé de face par le changement de la fortune du Xin, que ses amis luy conseilloient de traiter auec les Mandarins Chrestiens, & auec les Gentils qui nous estoient affectionnez, & de chercher les moyens de sortir en public, & de reprendre

Il y auoit déja six ou sept ans depuis la premiere persecution de Nanquim. Les Tartares saisoient une cruelle guerre aux Chinois, & leur auoient desait des armées, & enleué plusieurs pla-

les fonctions de l'Euangile.

ces de la Prouince de Leaotum, sans qu'on pût aysément arrester le progrez de leurs armes. Les Peres cherchoient le moven de se pouvoir manisester par le Royaume, & de paroître en public, comme on leur auoit écrit de Pequim. Ils y trouvoient vne difficulté qui n'estoit pas petite, c'est qu'ayans esté bannis par sentence du Roy, ils ne pouvoient pas rompre leur ban, sans son authorité. Nos Chrestiens & nos Docteurs se resolurent de dresser vn memoire à l'occasion de la guerre des Tartares, & de l'extreme necessité où les Chinois estoient reduits, & de le presenter au Roy. Premierement ils mettoient en auant les maux, que leur causoit la guerre, la desolation des terres, le carnage des hommes, le sac des villes, la ruine des Prouinces, sans qu'on eût iamais peu durant plusieurs années, détouruer ou arrester le cours de ces calamitez, apres tant de despenses, & tant de pertes. Puis ils remonstroient la faute qu'on auoit faite de chasser les Peres venus d'Europe; qui outre qu'ils estoient vertueux, sçauans & capables de manier de grands affaires, estoient de plus excellens Mathematiciens, qui sans doute auoient des secrets particuliers, & des inventions extraordinaires, dont on se serviroit auec auantage dans les necessitez presentes, & qui mettoient les affaires du Royaume en vn autre estat, s'ils estoient encore à la Cour, comme autresfois. Enfin ils adioustoient que probablement ils n'estoient pas tous partis, & qu'il n'estoit pas poisible que tant de personnes eussent en si peu de temps trauerse vn si grand Royaume, & se sussent déja retirées par des chemins si estroits & dissiciles. Que sa Majesté deuoit commander qu'on cherchat soigneusement par tout, si l'on ne pourroit point en recontrer quelqu'vn, & le faire venir à la Cour, pour rendre service à l'Estat.

Nos Peres firent de grandes oppositions aux moyens, qu'on prenoit pour leur restablissement, veu qu'ils estoient ignorans aux choses de la guerre, des armes & de l'art militaire, & qu'il estoit plus à propos de trouuer vn autre pretexte. Le Docteur Leon, qui estoit vn des principaux Acteurs de cette Comedie, répondit à cette obiection, comme il l'entendoit. Mess Peres dit il, ne vous fachez point, s'il yous plaît, si l'on vous propose pour des guerriers; vous vous seruirez de ce titre, comme le

(...

X x 3 coû

coûturier de son aiguille; qui ne luy sert, qu'à passer son filet; & quand l'étoffe est cousuë, & l'habit acheué, il la quitte, n'en ayant plus besoin. Faites seulement, que vous puissiez rentrer dans le Royaume par l'ordre du Roy, & puis il sera fort aisé de changer les armes du combat à des plumes d'estude, & au lieu de combatre, d'écrire pour la defense de la Religion de Iesus-Christ contre la superstition des infideles. Enfin le memoire se fit, comme il falloit, & commele Docteur en scauoitl'Art & la perfection: il fut presenté à la Chancelerie des memoires, où il passa à la faueur de nos amis; & vint entre les mains du Roy, si heureusement, qu'il sut répondu comme nous souhaitions, & remis au Conseil de guerre, qui non seulement le verifia, mais adioûta de plus, qu'ils croyoient certainement que les Peres pourroient si bien enchanter les Tartares par les secrets de leurs mathematiques, qu'il leur seroit impossible de manier les armes, & de les endommager, & en suitte il sut ordonné qu'au plûtost on les chercheroit: mais il ne falut pas beaucoup courir pour les trouuer, & ceux qui auoient cette charge, sçauoient bien où ils estoient.

Le P. de la Roque qui estoit pour lors dans les Prouinces du midy, sut incontinent aduerty de l'ordonnance du Roy & du Conseil de guerre; & prié d'enuoyer deux Peres à la Cour. On ne sçauroit dire ny penser l'allegresse de nos Peres, & de tous les Chrestiens à cette nouvelle; sçachans que cette voye estoit la plus courte & la plus asseurée pour rentrer ouvertement dans le Royaume, & prescher l'Euangile auec la mesme liberté, qu'ils

auoient auparauant.

Le P. Nicolas Lombard, & le P. Emanuel Dias furent nommez pour cette expedition, qui mirent incontinant ordre à leurs affaires, & partirent pour Pequim, où ils entrerent à la veue de tous les habitans. Et d'autant que tous les Chinois n'auoient point veu de barbes à la façon d'Europe, depuis quelques années, le concours du peuple, qui venoit pour les voir, estoit si grand, que les passages en estoient empéchez. La premiere chose qu'ils sirent à leur entrée, sut de s'aller presenter au Conseil de guerre, dont les Mandarins auoient eu la charge de les faire venir, qui les reçeurent auec beaucoup d'affection & de courtoisse, & leur offrirent leur logis,

logis, auec toutes les commoditez possibles. Les Peres firent refus de les accepter, & s'en excuserent le mieux qu'ils purent, alleguans qu'ils n'auoient encore rendu aucun seruice à l'Estat, qui meritalt ces reconnoissances, & qu'il se pourroit faire auec le temps, qu'ils se rendroient dignes de ces faucurs. La veritable cause, qui les émeut à ne point receuoir des offtes si obligeantes, fut en partie pour n'estre à charge à personne, & aussi pour auoir plus de liberté de trauailler pour la Religion, & pour estre moins employez aux affaires de la guerre, qui estoit le pretexte qu'on auoit pris de les rappeller. Les Chrestiens furent d'auis qu'ils reprissent leur premiere maison, où ils auoient demeuré si longtemps auant que d'estre chassez, & où ils auoient leurs connoissances & leurs habitudes encore recentes. Par ce moyen ils faisoient connoître euidemment le peu de raison qu'on auoit eu de les bannir, & épargnoient les frais d'vne nouuelle Eglise, l'ancienne estant encor en son entier par les soins d'vn Chrestien, qui l'auoit acheptée à ce dessein, laquelle n'auoit besoin que de reparations, qui sont inéuitables aux bâtimens de la Chine, pour estre faits de bois, & par vne consequence, pour n'estre pas de durée comme les nostres, & ne pouvoir pas si long-temps resister aux iniures de l'air. Le Docteur Ignace, qui estoit pour lors à la Cour, se chargea de fournir aux frais necessaires pour les reparations du logis, & de l'Eglise, l'accommoda proprement, & la mit en l'estat, où elle est, & où nos Peres habitent encore à present, en paix & en honneur, sans que iamais depuis on leur ait ouuert la bouche ny d'armes, ny de guerres, ny de Tartares.

Les affaires de la Cour estans terminées si heureusement, & les Peres agissans auec liberté dans leur maison, ils commencerent à reprendre leurs premiers exercices, à perfectionner les Chrestiens, prescher aux Gentils, & receuoir les visites que les Mandarins, & leurs amis leur rendoient auec la mesme familiarité qu'auparauant, sans aucune différence du passé, & sans autres precautios, que celles qui sont en tout téps necessaires à la Chine. Cette franchise & cette seureté, que nous trouuions à la Cour, auec cette approbation publique, se communiqua tout aussi-tost aux autres maisons & residences du Royaume. De sorte que peus

à peur

à peu la predication & les exercices de la Foy s'accreurent & s'eflendirent auec tant de succez, qu'en l'année 1628. & 29. que
nous sûmes tous paisibles aux lieux de nostre demeure; la porte
fut ouuerte à l'Euangile, & les chemins libres à la conuersion des
Gentils, sans trouuer de trauerse ny de resistance aux desseins de
Dieu, quoy qu'il sût necessaire d'auoir tousiours pour amy quelque Magistrat des lieux de nos emplois, dont nous taschions de

gagner & de consetuer les bonnes graces.

A mesure que croissoit la liberté de la predication; la Foy croissoit aussi, & prenoit de nouvelles racines en divers endroits par les fondations de plusieurs Eglises, maisons, & residences où nos Peres s'establissoient. On en sit deux dans la Province de Fokien, l'vne & l'autre remplie d'vn grand nombre de Chrestiens, sans conter plusieurs Chapelles erigées dans la mesme Province. On en bastist vne en celle de Xansi, & vne autre en celle de Xunsi, & vne troissesme en la Province de Honan, qui florissent auiou-d'huy à l'honneur de Iesus-Christ, & à la gloire du Christianisme. Quand ie partis de là pour venir en Europe, il s'en commençoit vne autre, qui est maintenant acheuée, auec vne Eglise & force Chrestiens, si bien qu'on parle d'y restablir des Peres, pour cultiuer ces nouvelles plantes. Ie ne m'arresteray pas plus longtemps sur ce suiet, pour ce que i'en ay traitté cy-deuant par le menu.

Nous retournasmes en nos anciennes maisons, que nous possedions auant le temps de la persecution, les ayans reparées & mises en meilleur estat. Celle de Pequim, auec les accommodemens, dont i'ay parlé, est tenuë par trois peres, & vn Frere, qui trauaillent fructueus ement à l'augmentation du Christianisme. On a basty de neuf vne maison & vne Eglise à Hamcheu, plus grande & plus capable que la premiere, à cause des nouveaux convertis, qui accroissent toussours le nombre des sidelles. Il a esté necessaire d'en faire autant à Kiamsi, dans la ruë la plus belle & la plus frequentée de la ville. On a laissé celle de Canton de la mesme façon qu'elle estoit, partie par necessité, partie par consideration; dautant qu'on n'a peu saire autrement, & qu'on a iugé d'ailleurs plus à propos d'abandonner ce lieu si suiet aux tempestess Res, & d'en choisir vn autre, où l'on trouuât plus de seureté, & plus de profit. On ne laisse pas neantmoins de visiter tous les ans les Chrestiens de la Prouince.

Il y eut bien des affaires à Nanquim. Les Chrestiens de cette Eglise ne peurent souffrir, qu'eux estans les premiers & les plus illustres Confesseurs de la Foy, signalez par leur constance dans les persecutions; sussent les derniers & les plus mal partagez des faueurs spirituelles, & les moins considerezde tous les sideles, en ce que les autres ayans des Peres pour les gouuerner, eux seuls s'en voyoient priuez par vne disgrace. Quoy que les Peres souhaitassent ardemment de satisfaire à leurs iustes desirs, & que mesme ils tâchassent de les visiter plus souuent, neantmoins c'étoit vne chose trop hazardeuse, pour ne dire dangereuse, à cause des dernieres persecutions, dont le feu n'estoit pas si bien esteint, qu'il ne peût facilement se rallumer, d'auoir vne maison ouuerte & exposée indifferemment à la veuë & aux visites de toutes sortes de personnes. Les difficultez furent enfin surmontées, & la residence établie par les liberalitez du Docteur Paul, qui ayant toujours si bien fait pendant le cours de sa vie, voulut mesme

continuer apres sa mort.

Les Peres n'esperoient rien pour l'auancement de cette affaire qu'en quelque Mandarin Chrestien, qui fût Gouverneur de la ville, & qui nous prenant, & l'Eglise sous sa protection, leuât ces difficultez, & nous y établit par son authorité. Au mesme temps on sit President du Conseil de guerre à Nanquim, vn Disciple du Docteur Paul, qui comme il estoit adroit & vigilant, ne manqua pas dés aussi-tost d'écrire à nos Peres, que cette occasion étoit tres fauorable pour l'execution de leur dessein, à cause que ce Mandarin estoit fort considere, & auoit grand credit: & qu'ayant esté son disciple; il feroit pour nous tout ce qu'il voudroit. Cette ouuerture contenta fort nos Peres; mais comme la ville estoit importante & dangereuse, il estoit besoin d'y enuoyer vne personne d'experience: ce qui retarda quelque temps l'execution, tandis qu'on cherchoit vn homme tel qu'on le demandoit, sans neantmoins dégarnir les autres lieux. Et cependant le Docteur Paul, qui estoit à la Cour Colao, tomba malade, & quoy que sa maladie ne l'empeschast pas d'escrire au Mandarin en nostre faueur; si est-ce qu'il fut plustost hors du monde, que sa lettre ne sut portée à Nanchim: laquelle nos Peres rendirent au Mandarin, de la part non d'vn de nos amis trepassé, mais de son maistre encore viuant: Ce qui sit qu'il receut les Porteurs auec toutes les courtoisses du monde, & leur tesmoigna l'estime qu'il faisoit de cette recommandation, par la faueur qu'il leur fit de leur trouuer vn logis & de les mettre en possession. Les autres Mandarins considerans de quelle façon cettuy - cy traitoit nos Peres, pour gaigner ses bonnes graces, comme c'est l'ordinaire de s'attacher aux interests des grands, & de suiure en toutes choses leurs inclinations, ne se contenterent pas de nous fauoriser de leur authorité, & de leurs frequentes visites, mais nous firent encore toucher quelque somme d'argent, pour l'achapt de la maison. Si bien que les Chrestien eurent leur compte, & Nanquim vne Eglise, qui s'auance & se persectionne de iour en iour.

Tel estoit l'estat, des affaires de la Chrestienté enuiron l'an 1632 tels ses heureux succez: bien disserens des precedentes années, qui faisoient assez connoistre que le vaisseau de l'Eglise n'auoit esté offensé par les orages, que pour estre porté plus hauts & n'auoit esté secoüé des tempestes que pour arriuer plustost au port. La predication de l'Euangile estoit libre par tout, les gentils se presentoient au Baptesme, en plus grand nombre, & nostre Saincte Foy estoit vniuersellement connüe, par la lecture des liures composez sur nos mysteres, ou par la frequentation des Chrestiens, ou par le raport des gentils mesmes; & non seulement au cœur du Royaume, où les Peres s'occupoient, mais encore aux plus reculées extremitez, i'en rapporteray quelques exemples, qui feront voir clairement la verité de ce que ie viens.

de dire.

Des Mandarins Chrestiens sont souvent venus pour les affaires publiques à Macao, qui est vne ville habitée des Portugais sur les confins de la Chine, où ils ont bien fait paroistre qu'ils estoient non seulement Chresties, mais des mieux instruits: & se sont comportez auec tant de vertu & d'integrité dans les sonctions de leur charge, qu'ils ont tres-bien edisié le peuple, & ont servy d'exemple aux plus vieux Chrestiens.

L'année

L'année 1631. les nauires des Portugais faisans voile de Mai cao au Iapon, comme ils font tous les ans, vn s'échoua, & se brisa à la hauteur de la Province de Foquien en la Chine; tous ceux qui estoient dedans, furent noyez; douze personnes seulement se sauuerent dans vn esquif, par vne espece de miracle, la chose estant arriuée de nuit, le Ciel chargé de tenebres, & la Mer agitée de vents & de tempestes, comme ils cherchoient de prendre terre en quelque lieu sans aiguille, & sans carte marine, ils aborderent aux costes de la Prouince, que ie viens de nommer. Le monde s'assembla incontinent à l'entour de ces pauures naufragans, qui auoient plus de besoin d'estre assistez & vestus, que d'estre interrogez : mais les courses frequentes que les Hollandois faisoient le long de ces costes, & la hayne que les Chinois leur portoient, furent cause qu'on les mit en prison, pour estre estrangers, & pour l'opinion qu'on eut que c'estoient des ennemis; & ainsi les innocens soufrirent pour les coupables. Plusieurs personnes alloient les voir, comme un spectacle assez rare à la Chine, qui ne void pas souvent des hommes d'vn autre païs. Il y eust parmy ce nombre des Chrestiens touchez de la mesme curiosité que les autres, de voir des estrangers, qui allerent à la prison. & s'estans apperceus, que ces prisonniers auoient en leurs mains des Chapelets, qu'ils parcouroient en priant Dieu, iugerent incontinent qu'ils estoient d'vne mesme profession qu'eux. Ils voulurent en sçauoir la verité; ils les interrogerent, & scachans asseurément qu'ils estoient Chrestiens, nonobstant les desenses expresses de traiter auec eux, autrement qu'auec des ennemis, la charité toussours industrieuse inuenta les moyens de les affister, & de les pouruoir abondamment de leurs necessitez. On nescauoit comment leur porter des habits: mais l'esprit de Dieu plus inuentif, que celuy des hommes, leur en ouurit les chemins. Ils alloient à la prison auec deux habits l'vn sur l'autre, & puis estans entrez dans la chambre des prisonniers, faisoient couler adroitement celuy de dessous sans que les gardes s'en apperceussent, & s'en retournoient auec celuy de dessus.

Comme ie demeurois à Nankam, qui est la Capitale de la Prouince de Kiam, où nous auons vne maison & vne Eglise, vn

Chrestien d'vne autre ville venoit à dessein de conferer des choses de Dieu, & de sa conscience; & dautant que la distance des lieux l'empeschoit de pouuoir sougent faire le voyage, il auoit coustume de seiourner plus long-temps, qu'il n'eust fait, & de s'en retourner apres sa confession generale, & sa penitence acheuée. Je le pria de voir auec ses parens & amis, s'il ny auoit point quelque moyen de s'establir en son païs, & qu'au cas qu'il trouuast des dispositions dans les esprits de ses concitoyens à embrasser la do-Etrine de lesus - Christ, il m'en donnast aduis. Ce qu'il fit apres vn mois, & m'escriuit pour ce suiet, que i'allasse vistement ietter les rets, & que la pesche seroit heureuse. le me mis promptement en chemin; & comme ie fus arriue, à cause que sa maison n'estoit pas assez grande, ny assez promptement accommodée, il me logea dans vne de ces maisons, que les Chinois nomment Zuthen, qui appartiennent à toute la famille en commun; où ils s'assemblent quelquesfois l'année, pour traiter de leurs affaires, & des mœurs & comportemens de quelques - vns de leurs parens, qui ne viuent pas selon les regles de la vertu & de la bien-seance, pour y donner remede, les reprendre, & s'il est besoin, les chastier. Ces maisons sont ordinairement vuides, il n'ya qu'yn homme pour les garder. Vn Mandarin, qui logeoit aupres, ayant sceu mon arriuée, & que l'estois estranger, fut curieux de me venir voir. le voulus profiter de l'occasion, & luy ouurir le discours des mysteres. de nostre Foy: il me fit sur ce suiet des demandes extrauagantes; & mes responses ne luy agréans pas, il se retira ciuilement, & s'en alla de ce pas me deferer au second gouverneur de la ville, luy remonstrant que i'estois estranger, & que veu le temps, mon seiour en cette ville estoit d'une dangereuse consequence : de plus que i'enscignois, vne loy contraire à leur creance, & dommageable à l'Estat: & partant que c'estoit du denoir de sa charge d'y prendre garde, & d'y meure ordre au plustost, sans attendre que Je mal se sustaccreu. Il n'en falloit point tant, pour me faire prendre, & conduire en prison, si le Gouverneur n'eust esté discret & aussé ? Je sus bien estonné de voir entrer en ma chambre sur l'heure mesme, trente ou quarante hommes, les vns enuoyez de sa part, les autres qui suiuoient par curiosité, auec le Tisam, ou Commissair Commissaire du quartier, qui est obligé de rendre compte de tout ce qui se passe dans l'estenduë de sa commission, lequel me sit commandement de marcher, & de comparoître deuant le Gouuerneur. Le Chrestien qui m'auoit fait venir, étoit auec luy, homme de lettres & de reputation en sa ville. Il me prit par la main, & voulut luy-mesme aller respondre au Gouuerneur de

ma personne.

Nous trouuasmes le Mandarin, qui m'auoit deferé, auquel le Chrestien sit entendre, comme i auois ma demeure ordinaire en la Capitale de la Prouince, que i'étois amy du Vice-Roy, & que i'estois bien-venu aupres des autres Mandarins, qui me vouloient du bien : ce qui estoit ve itable. Que pour la loy que i'enseignois, ce n'estoit pas vn secret, que le la preschois ouvertement, mesme à la Cour, que mes compagnons saisoient le mesme ouuertement, à la veuë de tout le monde, & au sçeu des principaux Mandarins du Royaume. Le Gouuerneur ayant ouy ces paroles de la bouche d'vn homme de tel merite, ne voulut pas entrer plus auant en la connoissance de cette affaire, & nous renuoya par deuant le premier Gouverneur du lieu, que nous trouuâmes en son Tribunal. Le Tisam nous deuança pour luy rendre compte de ce qui se passoitsmais comme il n'en estoit pas instruit, il ne peust pas bien le luy faire entendre. Le Chrestien entra pour lors, & luy deduisit l'affaire, comme elle étoit, en la presence d'vne infinité de personnes, qui estoient au Tribunal: entre lesquelles, il s'en trouna deux, qui ayans parlé de la loy de Dieu, firent aussi le signe de la Croix au nom de la Trinité, en langage Chinois. Vn ieune homme leur voisin leur demanda là dessus s'ils estoient Chrestiens; non respondirent - ils, mais nous auons vn Chrestien de nos amis, qui nous a enseigné cette ceremonie auec plusieurs autres prieres. Le Gouuerneur dés-lors qu'il entendit nommer Thien-chu-Kiao, c'est à dire la loy du Seigneur du Ciel. Il y en a plusieurs, dit-il, en mes terres, qui suiuent cette loy : elle n'est point du tout mauuaise. Que demande le Pere? Rien plus, Monseigneur, luy respondit le Chrestien, que de se instifier de ce qui luy est imposé par Hioquon son voisin; c'étoit le nom de son accusateur. Dites au Pere, repartit le Gouverneur, Yy 3.

qu'il n'est pas bien en voisin, & qu'il en cherche vn autre, s'il me croit. Le Chrestien prenant cette occasion au poil, luy repliqua: Que vostre seigneurie le fasse donc déloger, s'il luy plaît, & qu'elle commande qu'on luy trouue vn autre logis pour quelques iours, qu'il doit demeurer en cette ville. Il agrea cét aduis, & commanda dés aussi-tost, qu'on me rangeât quelques chambres dans vn Palais, où ie pourrois demeurer, en payant tant qu'il me plairoit, sans qu'on m'en peût chasser, si ce n'est pour me mettre mieux.

Une Patache de Portugais sortie du port de Macao, pour tirer vers Manila, alla donner mal-heureusement contre les rochers de Pulos, sans qu'il se pût sauuer plus de quarante personnes dans vn esquif: qui tournerent incontinent leur pointe vers la terre plus proche, & apres auoir vogué quelques jours prirent port en l'Isle de Haïnam, qui n'est pas beaucoup éloignée de la Terre-ferme de la Chine du costé du Ponant, qui regarde la Prouince de Canton; & n'est distante de Macao que de deux journées quand le vent est bon. A peine estoient ils descendus, qu'on les constitua prisonniers, suiuant les coustumes de cette Isle, auec des paroles, qui n'estoient pas beaucoup diuertissantes pour ces pauures infortunez. Neantmoins il se trouua là mesme quelques Chrestiens pour les secourir, & entre autres vn Mandarin nommé Ignace, Chrestien depuis plusieurs années, & toute sa famille, homme de bien, & fort deuot, comme ie l'ay connu particulierement à Nanquim. Dieu permit pour le soulagement de ces Portugais, qu'il fût alors Gouverneur de cette Isle. Ayant ouy ce qui se passoit, & se doutant à peu pres de ce qui en pouvoit estre, sit venir la cause deuant soy, en son Tribunal. Voyant ces prisonniers, & connoissant qu'ils estoient Chrestiens, non seulement il en eut pitié, mais encore les sit mettre en liberté, & les retint en son Palais. On ne sçauroit bonnement expliquer le soin qu'il eut de les bien traiter, la charité qu'il leur témoigna, la courtoisse & la familiarité, dont il traita auec eux, & les exemp es d'une vertu vrayement Chrestienne, qu'il leur donna, qui furent de l'en auant les entretiens ordinaires de ces Por agais, qui ne pounoient se lasser de raconter à Macao, & ailleurs ses eminentes vertus, ses saçons de proceder, & le bon ordre de sa maison; & particulierement le soin qu'il auoit de saire entendre à ses domestiques, les ses ses les jeunes de l'Eglise, leur servant en cela de Curé.

Il celebra la Feste de Sainct Agnes, premierement en sa Chapelle pour le spirituel, où il voulut que tous se trouuassent pour saire leurs deuotions, & leurs prieres à Dieu; & puis en son Palais, pour le corporel, leur donnant vn festin somptueux: à cause que sa femme auoit esté baptisée ce iour-là, & qu'elle auoit le nom de cette saincte. Les ayant tenu long-temps dans le bon traitement de sa maison, iusqu'à ce qu'ils se sussent parfaitement remis des incommoditez du nausrage, il leur sit équiper vn vaisseau, & leuer du monde pour les conduire à Macao. Il pourrois raconter vn million de semblables exemples, que i'obmets à dessein, pour n'estre pas trop long: me persuadant que ceux que i'ay rapporté, suffiront pour prouuer ce que ie m'estois proposé, que nostre saincte Loy par vne voye, ou par l'autre, s'est étenduë par tous les endroits du Royaume de la Chine.

CHAPITRE XIII.

La vie & la mort du Docteur Leon, Conclusion de cette Histoire.

A Chrestienté de la Chine est si redeuable à la pieté singuliere, & aux soins charitables du Docteur Leon, que ie serois coûpable d'ingratitude si auant que de finir cette Histoire, ie ne donnois au public vn abbregé de sa vie, qui seruira

non seulement de modele, mais encor de testament aux nouueaux Chrestiens, que cét illustre personnage a laissé en mourant les heritiers de sa vertu & de ses exemples? Ie me contenteray d'en rapporter sommairement les choses principales, renuoyant le Lecteur à nos Annales, où sont descriptes par le menu les particularitez de sa vie, les graces extraordinaires que Dieu luy a communiquées, & les autres euenemens, qui ont rendu sa vie non moins admirable, qu'imitable à tous les gens de bien.

Le Docteur Leon prit naissance en la Prouince de Chekiam, en la cité de Hamchu. Ayant glorieusement acheué le cours de ses études, il se transporta à la Cour de Pequim, où il receut le degré de Docteur, & exerça la premiere charge qui luy sut conferée en consequence de son degré. Ce sut là qu'il connut, & traita familierement auec le Pere Matthieu Ricci, comme faisoient encor la pluspart des Lettrés, & des principaux Officiers du Royaume, poussés de la curiosité de voir des hommes de l'Europe en leur pays. Nostre Leon outre qu'il auoit l'esprit vis & ardent, estoit tres-desireux d'apprendre, & ce desir l'engagea plus auant dans la conuersation & familiarité de nos Peres, qu'il ne pouuoit quitter, apres qu'il eut gousté l'ordre & la beauté de nos sciences, & particulierement les plaisirs curieux & innocens de

la Geographie.

Il traittoit de la science de Dieu conioinctement à la science humaine, & mariant le Ciel auec la Terre, il apprenoit ensemble la situation des Royaumes du monde, & les loix du Royaume de Iesus-Christ. En quoy il s'estoit rendu si versé, qu'il aydoit nos Peres à la correction, & mesme à l'augmentation d'vn Catechisme composé depuis quelques années, qu'on voulut reimprimer. Il ne pouuoit assez admirer la conformité de nos mysteres auec les principes de la raison, leur conuenance, l'ordre & la suitte admirable das poincts de nostre Foy. Et quoy qu'il n'y donnât pas vn entier consentement, il ne laissoit pas neantmoins de les approuuer, & de s'y plaire, ayant coustume de dire, que si ces choses n'estoient veritables, elles estoient sagement inuentées, & fort conformes à la lumiere de la nature. Cette affection envers nos Peres dura quelques années, pendant lesquelles, il les ayda de son conseil, & de son authorité pour la fondation de la residence que nous auons en cette ville; & luy-mesme sut le premier, qui nous encouragea d'entreprendre le bâtiment de l'Eglise, & qui nous achepta de ses propres deniers, la place.

Toutes ces bonnes œuures ioinctes aux jeusnes & penitences

qu'il

qu'il faisoit, estant encor payen, furent comme autant de dispositions, pour receuoir la derniere forme des graces & des lumieres, qui luy manquoient, & que Dieu l'autheur de tous les dons luy departit abondamment. Ce renfort de lumiere luy sit connoître la verité, & voir les splendeurs de la Foy, pour arriuer au Bapresme; qu'il demanda tres-ardemment, quoy que le Pere Matthieu ne iugeast pas à propos de luy conferer encore si tost, à cause de certains empeschemens, qui le rendoient peut - estre incapable de receuoir les effects du Sacrement, iusques à ce qu'estant tombé malade, & en danger de mort, le Pere fut contraint de luy accorder ce qu'il ne pouvoit plus luy refuser sans iniustice. Les eaux du Baptesme le deliurerent de la contagion du peché, & l'huile de l'extreme-Onction luy rendit la santé du corps, dont les Medecins avoient desesperé : si bien que par la force de ces deux Sacremens il se trouua changé en l'vn & en l'autre homme, comme il disoit souvent, le reste de sa vie, auec des ressentimens amoureux du bien-fait, qu'il auoit receu de la main liberale de Dieu.

Vn peu apres qu'il fut retourné à sa maison, le Docteur Michel son ancien amy qui estoit encor Gentil fort addonné au culte des Idoles, & l'vn des plus superstitieux observateurs de leurs ceremonies, le trouua comme il mettoit en pieces, & brussoit les Idoles de sa maison. Iamais homme ne fut plus estonné que luy à la veuë de ce spectacle, qu'il ne pouvoit asses blasmer, l'action luy semblant impie, iusques à ce que les responces de nostre Chrestien luy donnerent l'enuie d'entendre les principes de la loy Chrestienne, & de se faire instruire aux mysteres de nostre foy, qu'il embrassa receuant le Baptesme de la main des Peres Lazare Catanée, & Nicolas Trigault, qui vindrent expressément en la maison de Leon, où il voulut estre baptisé, & l'auoir pour son parram, comme il l'auoit èu pour son premier Catechiste, qui luy avoit donné les premieres lumieres de l'Evangile, dont il receut la plenitude de la bouche des mesmes Peres, qui venoient de temps en temps le voir, & luy expliquer tous les points de nostre creance.

Certes c'est à bon droit que l'Eglise de la Chine se confesse re-Zz deuable deuable au Docteur Leon des faueurs qu'elle a receuës pendant le cours de plusieurs années, & au plus fort des plus sanglantes persecutions, de la liberalité du Docteur Michel, puis qu'il a planté de sa main cet arbre fructueux, qui a porté de si bons fruicts.

Depuis céte heureuse iournée ces deux Docteurs liés ensemble d'vne étroite amitié surent comme les chefs du peuple Chrestien, & comme les bouleuarts de la soy dans le Royaume de la Chine: durant les persecutions suscitées contre cette nouvelle Eglise leur maison servit de retraitte & de port asseuré aux peres bannis du Royaume, qu'ils desendirent & protegerent auec vn tel succez, qu'au lieu de trois Eglises, que nous auions seulement pour lors gaignées par le trauail de dix ans, nous en possedons auiourd'huy plusieurs dans huict Prouinces, & douze residences, tant le nombre des sideles s'ét accrû & multiplié par tous les endroits de cét Etat.

Les affaires de la Religion Chrestienne s'auançans ainsi de iour en iour par les soins du Docteur Leon, qui ne laissoit perdre aucune occasion de produire au dehors le zele de la gloire de Dieu, qui l'embrasoit au dedans, il sut pourueu d'vne nouuelle charge; & comme c'ét la coûtume des nouveaux Magistrats de rendre leurs adorations, & de préter le serment aux faux dieux, les Officiers le pressans de rendre les mesmes deuoirs aux Idoles rangés dans une salle du Palais, où il deuoit loger: luy sans faire semblant de rien, entra dans ce Temple, & pour toute ceremonie, commanda à ses sergens de renuerser ces statuës par terre & de les mettre en pieces; ce qu'ils firent plus par contrainte, que d'vne franche volonté. Et dautant qu'il leur sembloit estrange de ruiner ainsi les Dieux de leurs Ancestres, ils se disoient l'vn à l'autre: Asseurément ce Seigneur n'est pas en son bon sens, si grande étoit l'horreur qu'il s'étoit formée contre le Diable, qu'il conserva durant sa vie; ne pouuant pas s'imaginer, que ceux-là fussent hommes, qu'il voyoit à genoux deuant les Idoles, comme deuant des Dieux: & tenant de plus pour fols & sans ceruelle, ceux qui ayans entendu nos Predicateurs, on leu nos liures, ne se laissoient pas conuainere aux raisons & gaigner aux veritez de nostre

mostre foy. Il auoit aussi cette persuasion, qu'il estoit impossible, que ceux qui sçauent lire, & se plaisent à la lecture des liures, ne sussent passionnez pour les sciences de l'Europe, qu'ils n'arriuas-sent par ce moyen à la connoissance du vray Dieu, & à l'obeissance de de sa loy. Aussi ne cessoit-il d'importuner continuellement nos Peres, qu'ils s'employassent à la traduction des liures de l'Europe, se le partie le partie de l'Europe, se le partie le partie de l'Europe, se le

rope, & luy-mesme les aydoit beaucoup en ce trauail.

Delà vint pareillement, que dés aussi-tost qu'il eut connu les Peres iusqu'à la fin de sa vie, qui furent plus de trente ans, ses plus importantes occupations estoient les traductions de nos liures, ce qu'il faisoit auec tant d'application & d'assiduité, qu'à la ville, aux champs, aux visites & aux festins ordinaires, il n'estoit iamais sans auoir quelque liure en sa pochete, non pas mesmes quand il estoit seul en sa chaire porté sur les espaules de ses seruiteurs:où il lisoit & escriuoit: bien qu'il fust extremement incommodé de la veuë, ayant perdu vn œil, & ayant l'autre fort foible de sorte que pour lire & escrire, il falloit qu'il eust le visage collé sur son papier. Et pour dire vray, il sit vn tel progrez de toutes nos sciences, qu'il est fort peu de matieres, dont il ne parlast aussi pertinemment, que plusieurs qui passent pour habiles Docteurs en Europe. Il sçauoit tres - bien les six premiers liures d'Euclide, & les auoit traduicts pour ses Chinois. Il avoit appris toutes les regles de nostre Arithmetique auec toutes les subtilitez, qui suivent de cettescience, dont il auoit composé sept Tomes Il entendoit excellemment tout ce qui concerne la sphere: & auoit vne si parfaite intelligence du mouuement des Cieux, qu'il fit en partie la traduction des liures qu'Aristote en a composé, & de toutes les questions, qui sont traittées sur le mesme sujet dans le cours de Conimbre, enfin il estoit subtil Logicien, comme tesmoignent les vingt tomes qu'il alaissé pour imprimer. Au reste il parloit si pertinemment, & auec tant de facilité de toutes ces matieres, que les plus experimentez auoient bien de la peine à le suiure. Il mesprisoit neantmoins les euriositez de nostre Europe dont les autres font tant de cas; tout son contentement estoit de voir vn liure nouueau, dont la lecture luy arrachoit des soupirs du cœur, & des larmes des yeux, à cause qu'estant déja vieux, il ne

trouuoit personne, qui eust le zele qu'il destroit, & qui vousût le seconder en vn trauail si important pour la conuersion du Royaume, comme est la traduction des liures estrangers. Tous ses entretiens auec nos Pères n'estoient que de Dieu & des sciences. Les nostres estoient asseurez, que la premiere demande, qu'il leur feroit, les venant voir, (ce qu'il faisoit quasi tous les iours de la semaine,) seroit quel liure ils traduisoient: & iusques où ils en estoient venus? Ie peux dire sans mentir que de cinquante liures, que nos Pères ont dessa mis en langage Chinois, tant de la Religion que des sciences, dont il y en a quelques-vns de plusieurs volumes, à peine en est-il vn seul', qui n'ayt passé par ses mains, pour le reuoir, le corriger, & pour l'enrichir de prefaces & de quelques additions; & le plus grand present, qu'on luy pouvoit faire, estoit de luy offrir vn liure nouvellement traduit en Chinois.

De là naissoit encore cet incroyable desir, & presque insatiable, qui le consumoit de voir vne grande quantité de Peres à la Chine, & qui luy faisoit souvent former des plaintes contre nos Superieurs, de ce qu'ils ne comprenoient pas, pource qu'ils ne la voyoient pas des yeux du corps, l'importance de cette affaire, & l'extreme besoin, qu'auoit ce Royaume d'vn bon nombre d'ouuriers, qui trauaillassent à la conversion des ames. Vn iour qu'il s'échaufoit extraordinairement sur ce discours, & qu'il tesmoignoit plus de feu que de coustume; le Pere qui l'entretenoit, luy dit: Monsieur, nous vous sçauons bon gré de vôtre zele, qui ne peut estre que louable, & certes vos plaintes seroient iustes, si nos Superieurs n'auoient point d'autres pays à pouruoir que cettuy-cy. Il y en a tant d'autres, qu'il nous est impossible de satisfaire entierement à tous. Ce bon Docteur repartit sagement & de bonne grace. le vois bien, mon Pere, ce que vous voulez dire, & que c'est vn aduertissement que vous me donnez, comme si l'avois murmuré contre les dispositions des Peres, que ie reconnois pour mes Superieurs. Vous m'excuserez, s'il vous plaist, ie n'ay iamais eu cette pensée; mais tout mon desir seroit de pouuoir vn iour parler à nostre Reuerend Pere General (c'est ainsi que les Chinois nomment les Superieurs de nostre Compagnie, les appellana pellans nos Peres & nos Superieurs.) & le prier que de bonne theure qu'il songeast à enuoyer plusieurs Pere à la Chine, veu que d'vn costé la langue & les lettres sont si fascheuses à apprendre, & que de l'autre vous estes déja si vieux, tant que vous estes, que vous n'aurez ny le temps, ny les sorces d'enseignet ceux qui viendront de nouveau. Il parloit comme il iugeour le pourrois produire vne de ses lettres au Pere Nugnez Mascarenas assistant du Portugal, qui luy auoit escrit auparauant; & luy auoit sait offre des plus belles raretez de l'Europe. Sa response rest, xu'il ne demande & ne souhaite autre chose de luy, sinon qu'il fasse en serie, au Royaume de la Chine.

A la proportion du desir qu'il avoit de voir & posseder de nouueaux Peres, il augmentoit ses soins rouchant les estudes; la fanté, & la conservation des anciens eluv-metme visitoit leuis chambres, & s'informoit de leurs necessitez : il leur enseignoit la façon de conuerfer auec ceux du pais, les termes, les complimens, & les ceremonies qu'il falloit observer, pour estre bien-venus Souvent il ouuroit le devant, de leur robe stafin de voir s'ils choient suffisamment vestus, pour resister au froid:il preparoit en sa maison les medecines pour nos malades, alleguant que l'ignorance & le peu de pratique qu'auoient nos serviteurs, estoit capable defaire perdre la force aux medicamens, 180 le soulagement aux malades. Si quelqu'vn arriuoit nonunellement, il s'informoit de ses qualitez, & s'efforçoit de gaigner ses bonnes graces. Et quoy qu'il eût le cœur & l'affection pour tous generalement; si est - ce qu'il auoit plus de soin des nouueaux venus, qui ne sça-- uoient pas encore la langue; & leur portoit compassion; pour la peine qu'ils deuoient auoir à apprendre le langage & les lettres du pais; & dés lors qu'ils commençoient à begayer, il louoit toutes les paroles qu'ils prononçoient, afin de leur donner cou--rage: Et puis il leur monstroit en particulier la methode d'estudier; il leur cottoit les liures, qui leur estoient plus necessaires, & ausquels ils deuoient s'attacher; & leur enuoyoit souuent des regles escrites de sa main touchant les poinces & les virgules, qui font yne des principales sciences de la Chine.

0000001

Nous auons sujet de nous consoler, & de nous étonner, quand les deux Docteurs Leon & Michel se trouvoient ensemble en nostre maison; ce qui arrivoit assez souvent : d'autant que leurs entretiens & leurs discours n'estoient que des moyens d'amplifier le Royaume de la Foy, de recouurer, defendre & authoriser les Predicateurs, qui l'annoncent; ils consultoient ausquels de leurs amis ils pouuoient les recommander, quels liures ils deuoient traduire; à quelle Prouince ils deuoient aller la premiere; quel Pere estoit le plus propre pour vn tel endroit; Et enfin toutes leurs consultations finissoient par ces soupirs. Helas nous sommes sur le bord de nos fosses, nous mourrons demain, qui laisserons-nous, pour auancer les heureux commencemens, que nous voyons naître en nos iours? Par fois l'affection qui les transportoit, leur faisoit croire qu'ils estoient à la Cour, qu'ils presentoient des Memoires au Roy touchant la saincteté de nostre Religion, & qu'ils auoient obtenu permission de bâtir des Eglises publiques, ils cherchoient déja des places commodes, & faisoient les desseins du bâtiment : tantost ils s'imaginoient d'estre en prison, pour cette cause qu'on faisoit leur procez, & qu'on leur coupoit la teste. Ils tendoient le col pour receuoir le coup, & le plaisir qu'ils receuoient de cette simple imagination, donnoit bien à connoître l'estime qu'ils faisoient de la gloire du Martyre, & le desir, qui les brûloit de perdre le sang & la vie pour les interêts du Fils de Dieu.

Vn si grand zele n'estoit pas en paroles & en desirs seulement, il se produisoit par esses : & ie peux dire, que toutes les maisons & Eglises que nostre Compagnie possede maintenant à la Chine, il n'y en a pas vne, qui n'ait ressent les faueurs particulieres du Docteur Leon, qui n'a iamais épargné son authorité, ny les deniers de sa bourse, quoy qu'il ne sût pas riche, pour les bâtir, ou conserver.

Ce zele & cette amour de Leon, se signala, quand il sût question de restablir les nostres en la ville & à la Cour de Pequim, d'où ils auoient esté chassez, dequoy ne s'auisa-il point? de quels moyens ne se servici le point? La Chine estoit en proye aut Tartares, & la Cour de Pequim en danger: il prit cette occasson de

remon

remonstrer au Roy, qu'outre que nous estions les plus doctes hommes de la terre, nous auions encore force credit aupres des habitans de Macao; pour obtenir d'eux vn secours considerable d'armes & d'hommes: & pour le persuader plus efficacement au Roy, & à son Conseil, il se servit de tant de Rhetorique, & cita tant d'exemples de leurs liures & de leurs anciennes histoires, qu'il sçauoit parfaitement, si bien choisses, & si à propos, que le Lecteur auroit du plaisir de voir vn petit eschantillon de cette belle piece que le laisse à dessein, pour n'estre pas ennuyeux. En vn mot il dit si bien, & sit tant qu'il eut ce qu'il vousoit : dequoy il receut autant de contentement que les nostres luy ont & luy auront à iamais d'obligation, pour leur auoir procuré leur retour à la Chine, & leur restablissement à la Cour. Ce bon office fut cause qu'il perdit sa charge, par la malice de ses ennemis, qui l'accuserent au Roy, d'auoir vne estroite amitié & vne secrete intelligence auec le Pere Matthieu Ricci, qui estoit estranger: & de croire & professer vne Loy que ce Pere enseignoit, contraire aux loix de l'Estat.

Nostre Seigneur le recompensa liberalement de cette perte, le remettant en sa charge quatre ou cinq ans apres, auec plus d'honneur & de credit qu'il n'en auoit, auant cette disgrace. Le Docleur Paul luy moyenna son restablissement en consideration qu'il estoit Chrestien, homme d'esprit & de courage; & sur tout afin qu'il nous aydast, pour obtenir la commission de reformer le Calendrier. Si Leon reprit sa charge, ce ne sut pas tant pour ses interests particuliers, que pour ceux de l'Eglise, qu'il esperoit d'auancer par ce moyen auec le Docteur Paul. Il se mit donc en chemin pour aller à la Cour : mais outre les infirmitez de son âge: la longueur du voyage, & la rigueur de l'hyuer l'affoiblirent tellement, que peu de iours apres son arriuée il tomba malade, & fut reduit à l'extremité la propre feste de tous les Saincts; qui est le mesme iour, auquel quatre ans auparauant, on auoit dit la premiere Messe en la maison qu'il auoit fait bastir, expressement pour nos Peres, & qui est auiourd'huy vne des deux residences, de nostre Compagnie en la ville de Hamcheu.

Ie ne veux pas m'estendre à vous descrire auec quels mouue-

mens de douleur & de componction, il se confessa plusieurs fois durantsa maladie: la consolation, dont il estoit remply entendant la Messe, la pieté qu'il tesmoigna en la reception des Sacremens de l'Eucharistie & de l'Extreme - Onction; & auec quels sentimens il entendit les dernieres paroles que luy porterent trois de nos Peres, qui se trouverent presens à sa mort. Je laisse tou. tes ces choses, que le Lecteur se peut imaginer, & facilement croire d'vn si docte personnage, & d'vn si vertueux Chrestien. Ie diray seulement vn mot de ce qui se passa auec le Docteur Paul que le malade prit par la main vn peu auant que de mourir, & le remercia des bons offices qu'il auoit receus de luy en plusieurs rencontres, particulierement en cette derniere occasion; luy disant la larme à l'œil. Monsieur, ie meurs content, puisque ie vois de mes yeux nos Peres restablis, & fortement appuyez par vostre authorité. Ie n'oserois vous les recommander, sçachant bien la place & lerang qu'ils possedent en vostre cœur. Mes pechez m'auoient rendu indigne d'auoir aucune part en cét œuure, où vous m'auez fait l'honneur de me prendre pour vostre compagnon. Que si apres la conclusion de cette affaire, mon nom peut contribuer à quelque chose qui concerne la gloire de Dieu, & l'amplification de nostre sainte Foy, faires-moy la faueur que de vous en seruir. Le mets la Chrestienté de la Chine sur vos espaules. Auec ces cheres paroles, qui monstroient clairement le cas qu'il faisoit de la Religion Chrestienne & des Predicateurs, il finit heureusement sa vie, dont il auoit passé la meilleure partie au sernice de cette nouvelle Eglise. Sa mort sut le premier jour de Nouembre, l'an 11630. Sa memoire viura éternellement dans le cœur des ouuriers de nostre Compagnie, & les exemples de ses vertus ne mourront iamais dans les ames genereuses de la noblesse Chinoise.

Voila à plus pres l'Estat où se trouve l'Eglise de la Chine, apres cinquante-huict ans, que nos Peres travaillent pour y planter l'Euangile: qui est sans comparaison plus avancé, qu'on n'eust osé iamais esperer de si fascheux commencemens, & de si soibles moyens. Car on peut bien connoitre de la suitte de cette histoire, les satigues, les travaux, la discretion, la patience & le courage

qui ont accompagné la conduite d'vne si haute entreprise, & les troubles & persecutions qu'il a fallu soussirir pour en venir à bout. Le zele & la serueur de ces personnes, qui voudroient en vn instant conuertir tout le monde, est louable, & certes nous l'auons en estime & en veneration : si est-ce qu'aux nouuelles missions, & particulierement en celles, qui ne sont pas susceptibles d'vn si grand seu, qui s'esteint promptement, à cause qu'il demande des dispositions d'vne plus serme consistance, & d'vne plus longue durée, nous taschons de nous tenir dans les bornes de la prudence, qui sont toûjours les plus seures, & de la patience, qui sont les plus prositables pour le dessein que nous auons. Les ouuriers de nostre compagnie, qui ont trop de serueur, ne sont pas bons pour nous; il faut les employer aux chaires de l'Europe, où ce grand

feu peut auoir de l'esclat sans danger de brusler.

Pour les nouveaux Chrestiens bien que ce soit vne chose saincte & souhaitable, de les façonner tout d'vn coup aux coustumes & aux façons de faire de l'Église vuiuerselle, à ses loix, decrets & ordonnances, il faut neantmoins considerer, s'il est possible, & encore qu'il soit possible, s'il est expedient; & s'il n'y a point plus de danger d'arracher, ou d'estoufer ces ieunes plantes, que de les affermir & faire croistre. Nostre Seigneur & ses Apostres nous ont monstré si clairement ce qu'il faut faire en cette occasion, qu'il nous est impossible de nous tromper, si nous ne voulons. S. Ambroise dit fort bien à ce propos, que c'est le propre des faux Apostres d'enseigner tout à tous, sans faire la différence des personnes, que faisoit nostre Seigneur publiant sa doctrine: qui parloit d'une autre façon à ses Apostres, qu'à ses Disciples. S. Paul, le Docteur & Predicateur des gentils:le Maistre & l'Original des vrais Predicateurs escrit aux Corinthiens. Ie vous ay nourri de Laict. Lac vobis potum dedi, pource qu'il les enseignoit & les traitoit comme vne nourrice fait son enfant, dit. S. Gregoire Ils estoient nouuellement engendrez à l'Euangile, adiouste S. Ambroise. D'où vient que l'Apostre, cet homme diuin, ce medecin spirituel communiquoit sa doctrine à vn chacun, s'accommodant à sa portée.

Et n'escrit-il pas aux Galates? Scitis quia per insirmitatem car-A A a nis nis Euangelizaui vobis. Vous sçauez que ie vous ay presché l'Euangile auec quelque sorte de condescendance aux soiblesses de vostre chair. Et cette condescendance qu'il auoit pour les Galates, asin de les gaigner, l'empeschoit, dit S. Ierosme, de leur proposer des choses sublimes & difficiles. Tostat est de ce mesme senti-

ment au chapitre 7. question 9. sur S. Matthicu.

Le mesme S. Paul, quand il voulut ietter les premiers fondemens de l'Eglise d'Athenes, commença par cette inscription, Ignoto Deo. Au Dieu inconnu; ou bien plustost, comme veut S. lerosme aux Dieux d'Asie, d'Europe, & d'Afrique, aux Dieux inconnus & estrangers: & tant s'en faut qu'il blâmast ces paroles, & condemnast cette superstition, quoy que mauuaise; qu'au contraire il s'en seruit comme d'vn moven propre, pour auancer l'execution de son dessein, & choisit les tenebres pour communiquer la lumiere aux plus sages de la Grece. Les Apostres assemblez au premier Concile de l'Eglise tenu en Ierusalem, ne traitterent d'autres choses que des moyens pour faciliter la conuersion des gentils. Il a semblé bon au S. Esprit, & à nous, disentils, dene vous imposer aucune autre charge, que celles qui sont absolument necessaires, à sçauoir que vous ne mangiez point de la chair immolée aux Idoles, ny d'vn animal estoufé, ny du sang. De sorte que toutes les loix & toutes les parties du droit positif, qui pouuoient obliger ces nouueaux Chrestiens, sont reduites à trois chefs; & ce qui est fort remarquable, à trois ceremonies de la loy luifue, dont l'observation seroit à present aussi criminelle, que la transgression en estoit pour lors scandaleuse à cause des luifs. Le mesme arriua pour la Circoncisson que S. Paul ne permit pas seulement, mais qu'il appliqua luy - mesme à son disciple Timothée, pour condescendre & s'accommoder à la foiblesse & à l'ignorance des premiers Chrestiens.

Le Docteur de Panorme se sonde sur ces principes, au chap. Licet Gracos de Baptismo. Quandil conclud, qu'il est permis, & mesme à propos de supporter les nouveaux convertis dans leurs coustumes & anciennes saçons de faire: pource qu'autrement ce seroit destruire & ruiner l'edifice, plustost que de le bastir & éleuer. Ce qui se doit entendre des choses, qui ne sont pas precisé-

ment necessaires au salut eternel : car de vouloir se faire vn reprouué de Dieu, pour estre par trop condescendant aux volontez des hommes, ce seroit troubler la paix, & non pas terminer la guerre. La Glose fauorise cette interpretation, quand elle dit sur le Chap. Reus, qui de panitentia, qu'en faueur des nouveaux fideles, il faut deroger au droict. L'Eglise l'a souuent pratiqué: & particulierement au Concile de Florence, où le Pape Eugene quatriéme dissimula prudemment auec les Grecs pour le fait du mariage: faisant semblant de ne pas voir ce qu'il voyoit, ou plustost ne voulant pas condamner leur opiniastreté, de peur de les effaroucher, & de rompre la paix, qui n'estoit pas encore bien arrestée. Si cela s'est fait & pratiqué par des personnes d'une telle authorité, si anciennes & venerables; que dirons nous de nos pauures Neophytes, sinon ce que disoit S. Gregoire. Il n'y a point de doute qu'il est impossible de retrancher tout d'vn coup toutes choses à des testes dures & opiniastres: par ce que celuy qui veut monter en haut, marche par degrez, & non par sauts. Il faut donc, suiuant cette doctrine, gaigner peu à peu les esprits, & leur persuader auec douceur & prudence ce qu'il faut faire, plûtost que de leur interdire auec aigreur & violence ce qu'il ne faut pas faire. S. Pierre pour conseruer les plantes qu'il auoit entées de sa main, que ne fait-il point? Il vit en Gentil auec les Gentils, & en Iuif auec les Iuifs. Sain& Paul se fait pareillement Iuif aux Juiss pour les gaigner, & se dispense de la Loy, pour attirer semblablement à l'Euangile ceux qui viuoient sans loy. C'est ce que nous ont appris les Apostres, les Saincts, & les Conciles : c'est ce que nous ont enseigné les Peres par paroles & par exemples. Et nonobstant toutes ces instructions, on ne sçauroit dire la

Et nonobstant toutes ces instructions, on ne sçauroit dire la difficulté qu'il y a de tenir le milieu, de s'accommoder discretement aux temps, aux lieux & aux personnes; les grands biens qui s'obmettent, ou plustost les grands maux qui se commettent, pour ce qu'vn chacun veut faire, comme il l'entend, suiure son propre iugement, & s'arrester à son caprice; & Dieu sçait s'il est plus seur & plus vtile que la doctrine & pratique des Sainces.

Ie finis cette Histoire par vn mot important extrait d'vne Lettre, que Monsieur le Patriarche d'Ethiopie Alfonse Mendez

AAa 2 escric

372 Histoire de la Chine, Seconde Partie.

escrit de Goa aux Eminentissimes Cardinaux de la Congregation instituée pour la propagation de la Foy: lequel merite d'estre crû à cause de sa doctrine & suffisance, de son authorité & de sa vertu, & particulierement pour sa longue experience au fait des Missions, où il a sousert des trauaux incroyables. Voicy donc ses

paroles.

Ie pense qu'il n'est pas mal à propos sur la fin de ma lettre de representer à vos Eminences, que Dieu auoit autresois desendu de ietter diuerses semences dans vn mesme champ, & de porter vne robe tissue de laine & de lin: ie veux dire que cette agreable varieté dont la Reyne, qui est déja espousée, est vestue, & cette diuersité de regles & d'habits des ordres Religieux, ne doit point estre introduite dans les Eglises encore ieunes, & qui ne sont bonnement que tetter: mais qu'il faut attendre quelques années, qu'elles ayent creu en âge & en forces; pour ce qu'il se glisse ordinairement dans cette diuersité de professions, vne ialousse pernicieuse; les vns n'ont point assez de prudence, & les autres ont trop de zele indiscret: ce qui fait que les vns & les autres font plusieurs choses pour la ruine & non pas pour l'ediscation. Nostre Seigneur veüille benir, & conseruer en santé vos Eminences. De Goal'onziesme de Nouembre 1638.

HISTOIRE DE LA GVERRE DES TARTARES, CONTRE LA CHINE.

contenant Les Revolvtions estranges, qui sont arrivées dans ce grand Royaume, depuis quarante ans.

Traduite du Latin du P. MARTIN MARTINI.



HISTOIRE

DE LA GVERRE DES TARTARES, CONTRE LA CHINE.

ES Tartares, dont l'entreprends d'escrire les Guerres dans cette Histoire, sont des peuples sitüez au Septentrion, au delà de cette sameuse muraille, qui a plus de quatre cens lieuës de long, & qui s'estendant de l'Occident à l'Orient, seruoit autrefois d'obstacle aux entreprises que cette Nation pouuoit faire sur le Royaume de la Chine. Les Chinois parce que dans leur langue ils ne se seruent point de la lettre R, ont donné depuis long temps le nom de Tata à cette Nation. Elle habite toute l'ancienne Tartarie, laquelle est diuisée en deux parties, l'Occidentale, qui est connuë depuis long temps, & l'Orientale, dont les peuples de l'Europe n'auoiet en insques icy aucune connoissance. Ce grand pais comprend les Royaumes de Samahanie, de Tanyu, de Niuche, de Niulhan & beaucoup d'autres Prouinces, qui s'estendent depuis la petite Tartarie, & le Royaume de Cascar, iusqu'à la Mer du Leuant, au dessus du Iapon. C'est là que la Tartarie est separée de Queuira, qui est sur le riuage. riuage de l'Amerique, par le destroit d'Anian; si toutesois nous deuons croire que c'est vne mer & non pas la terre serme. Il y a déja 4000 ans que cette Nation, qui est vne des plus anciennes de l'Asie, & qui a sondé beaucoup d'autres Peuples, s'est declarée ennemie de la Chine: & dans les frequentes & cruelles guerres qu'elle a faites aux Chinois, elle a presque toûjours eû l'aduantage. Mon dessein n'est pas de raconter maintenant toutes ces guerres; mais de traitter seulement de celles que nous auons veuës, pour les autres i'en parleray dans l'Abregé de toute l'Histoire de la Chine, que i'ay dessein de donner au Public dans quelque temps. Mais afin de proceder auec ordre dans cet Ouurage, il faut reprendre de plus haut la cause de ces Guerres, & declarer comment elles ont commencé.

Les Tartares, qui habitent la partie de l'ancienne Tartarie qui tire le plus vers l'Occident, & qui sont, à mon auis, ceux dont Paul de Venise & Ayton parlent dans leurs Memoires, apres auoir conquis presque toute l'Asie, porterent la guerre dans la Chine, que ces Autheurs appellent le Catay & le Mangi. Cela se fit auant le regne du grand Tamerlan, qui n'a iamais esté maistre de la Chine, comme quelques - vns l'ont faussement auancé. Car il ne viuoit qu'enuiron l'an de Nostre Seigneur 1406. apres que les Tarrares eurent esté chassez de la Chine; & il se trouue qu'en ce temps-là Taïcham, qui fut le second Empereur de la race de Thamin, étoit paissible possesseur de ce grand Empire, c'est à dire de toutes les Prouinces, qui sont bornées de la grande muraille. Mais pour ce qui regarde la guerre dont parle Paul de Venise, elle commença des l'année 1206. comme on le peut voir clairement par l'Histoire de la Chine, & par les regles de la Chronologie, & dura 73. ans, au bout desquels les Tartares estans demeurez victorieux, & ayans esteints toute la Famille Royale de Sung, se rendirent l'an 1278. maîtres absolus de cette puissante Monarchie, & durant 70. ans la gouuernerent assez paissiblement. Car apres auoir étably vne autre Famille Royale, qu'ils appelloient luen, neuf Empereurs de cette race se succederent les vns aux autres sans interruption. Pour ce qui est du temps auquel Paul de Veniseentra dans la Chine auec les les Tartares, il est facile de iuger, par ce qu'il en a escrit luymesme, que ce sut l'an 1275, auant que la guerre, que les Tartares auoient commencée contre les Chinois l'an 1206. sût parfaitement acheuée.

Cependant la vertu des Tartares s'enerua tellement par les delices de la Paix, qu'ils deuindrent plus effeminez que les Chinois mesmes: ce qui donna la hardiesse à vn valet de quelques Prestres des Faux - Dieux, qui estoit vn homme de tres - basse condition de se reuolter scontre eux. Celuy - cy, qu'on appelloit Chu, estant touché de compassion de la misere des Chinois, & poussé du desir de regner, se mit d'abord à faire le mestier de voleur, mais comme il estoit naturellement genereux, hardy, également capable de former auec sagesse vn grand dessein, & de l'executer auec vigueur, il trouua des compagnons qui seconderent son courage. Auec tous ces aduantages le bon - heur ne luy manquant point, sa puissance prit de si grands accroissemens, qu'il sortit des montagnes, où il se retiroit, apres auoir exercé ses brigandages, & commençant à tenir la campagne auec de iustes armées, declara ouuertement la guerre aux Tartares & les défit dans plusieurs batailles rangées. Enfin, les ayant chassé de toute la Chine, il eut pour recompense de tant de victoires la Couronne de ce grand Empire. C'est luy qui établit la Famille Royale de Thamin, dont il fut le premier Empereur, sous le nom d'Hungiius, qui signifie en Chinois le grand Guerrier.

Dans toutes les Prouinces, il fut receu auec des marques d'vne ioye tout à fait extraordinaire; les grands & les petits luy tesmoignans à l'enuy qu'ils s'estimoient heureux d'estre obligez de leur liberté à vne personne de leur Nation. Car c'est le naturel des Chinois, de n'auoir pas moins d'amour & d'estime pour ceux de leur pays, que de mépris & d'auersion pour les Estrangers. Ce Prince, apres auoir esté reconnu de tous les Ordres du Royaume, comme le Liberateur de la Patrie, establit le siege de son Empire dans la grande Ville de Nankin, bastie sur les riues de Kian, que les Chinois appellent communément le sils de la mer à cause de sa grandeur extraordinaire. Ce sut là qu'il regla promptement toutes les assaires, & s'estant asseuré de la sidelité des

peuples, il se mit aussi-tost en campagne pour entrer en armes dans la Tartarie. Il crût qu'apres auoir chassé du Royaume tous ses ennemis, il deuoit poursuiure sa victoire & ruiner le pays de ceux, qui auoient si long-temps exercé leur Tyrannie sur la Chine. En effet, apres les auoir battus dans vne infinité de rencontres, & desolé toute la campagne, il les reduisit à de si grandes extremitez, qu'ils surent obligez de mettre bas les armes & de receuoir la loy du vainqueur, qui leur accorda la paix à condition qu'ils luy payeroient tribut. Ce sut principalement les peuples de la Prouince de Niuche, qui auoient donné retraitte aux Tartares, lors qu'ils furent chassez de la Chine, qui se trouuerent

obligez de demander la paix.

L'extreme pauureté, à laquelle ils estoient reduits, leur ostant le pouvoir de faire la guerre, ils s'attacherent au commerce; & afin d'auoir plus d'auantage pour trafiquer, ils trouuerent moyen, apres la conclusion du Traité, d'obtenir la permission d'entrer tous les ans dans la Chine, par la Prouince de Leaotung, qui confine auec la Tartarie. Entre les autres marchandises, ils apportoient une certaine racine, qu'ils appellent du Gins, dont les Chinois font vne merueilleuse estime, des peaux de bestes de toutes les façons, des Castors, des Renards, & des Martes Zibelines; du crin de cheual dont les Chinois ne se servent pas seulement pour faire des rets, mais encore pour nouer leurs cheueux. Car les hommes s'imaginent en ce pays - là, que c'est vn tres - bel ornement de teste. Ces miserables remirent peu à peu leurs affaires & se multiplierent tellement, qu'ils diuiserent leur pays en sept Prouinces, qui estoient comme autant de petits Royaumes. Enfin, la guerre s'estant mise parmy eux, l'an 1600. ils, s'accorderent à ne faire de toutes ces Prouinces qu'yn Royaume, qu'ils appellerent Niuche.

Pour les peuples de la Tartarie, qui est plus à l'Occident, où l'on void le Royaume de Tanyu, ils estoient bien plus heureux, puisque les Roys de la Chine leur payoient vn tribut, ou leur faisoient de magnifiques presens pour les obliger à viure en paix auec
la Chine. Les Chinois n'estiment pas que cette façon d'achepter
la paix soit honteuse; parce que les Philosophes de cette nation

laur

leur ont donné vne si grande horreur de la guerre, qu'ils sont fortement persuadez, que l'on ne doit iamais l'entreprendre, sinon lors que tous les autres moyens sont inutiles pour obtenir la

paix.

Cependant la défiance & la crainte, que les Chinois auoient des anciens ennemis de leur grandeur & de leurs richesses, les obligeant à se tenir toûjours sur leurs gardes; ils entretenoient vn million d'hommes, qui estoient toûjours en saction sur la grande muraille. De cette sorte l'Empire estant fortement estably, les Chinois ioüirent de la paix prés de deux cens cinquante années, sous la domination de la famille de Thamin. Durant que les sept petits Souuerains qui auoient partagé entre eux la Tartarie Orientale se faisoient vne cruelle guerre, toute la Chine obeissoit à Vanlié treizième Empereur de cette Famille, qui ne sur pas seulement vn des plus iustes & des plus sages Princes du monde, mais encore vn des plus heureux. Car son regne qui commença l'an 1573. ne finit qu'en 1620 si bien qu'il gouuerna cette puissante Monarchie durant 47 ans, auec vine satissaction incroyable de tous ses peuples.

Cette longue paix, dont la Chine ioüissoit, n'empescha pas les Tartares de Niuche, d'affermir de iour en iour leur puissance, qui estoit montée à vn si haut point de grandeur, depuis qu'ils auoient formé vn seul Royaume par l'vnion des sept Pro-uinces, qu'elle les rendoit formidables aux Chinois. Les Mandarins, voulans détourner le malheur, dont cette puissance excessiue menaçoit la Chine, eurent ensemble de secrettes conserences, afin de deliberer des moyens qu'on mettroit en vsage pour tenir ces peuples dans le deuoir. Il leur estoit facile d'executer ce qu'ils auoient resolu dans ces deliberations. Car leur pouuoir est si considerable, qu'encore qu'ils soient souples aux volontez du Roy; comme des esclaues; toutesois ils agissent si absolument, lors qu'ils sont employez pour le bien de l'Estat, qu'il n'y a que le Roy seul, ou le premier Ministre qui puisse arre-

ster l'execution de leurs desseins.

La premiere chose qu'ils firent, sut d'outrager les Marchands, qui trassquojent dans la Prouince de Leaotung, en les B B b 2 depoüillant depoüillant de tous leurs biens. En suite le Roy de Niuche vou? lant marier sa fille à vn autre Roy Tartare, par maxime d'Estat ils l'empescherent de faire cette alliance. Enfin ne se contentans pas de cela, ils priret ce miserable Prince qui ne se défioit aucunement d'eux, & luy ofterent la vie par la plus execrable de toutes les perfidies Son fils leue aussi-tost une puissante armée pour vanger la mort de son Pere, & conduisant ses trouppes par vne riuiere glacée, afin de les passer au delà de la grande muraille, surprend auec vne tristesse incroyable, la ville de Kaiyuen, que quelquesvns appellent Tux.in, qui est vne place tres-considerable & tresgrande sur l'extremité de la Frontiere. Ce sur l'an 1616, que ce Roy entra dans la Chine & s'empara de cette ville. Apres qu'il s'en fut rendu le maistre, il escriuit au Roy de la Chine vne lettre qui n'auoit rien de barbare que le caractere. Dans cette lettre, qu'il fit porter par vn Lama, c'est à dire vn Prestre des Faux-Dieux, Indien de nation, il l'aduertissoit en des termes pleins de respect & de soumission, qu'il auoit commencé la guerre pour repousser la violence des Mandarins, qui auoient fait mourir cruellement son Pere; mais qu'il estoit prest de mettre bas les armes de rendre la ville qu'il auoit surprise, s'il vouloit luy donner audience & luy faire iustice. Vanlié n'ysa pas dans cette rencontre de sa prudence accoustumée. Car ayant receu cette lettre, il ne voulut pas luy-mesme prendre la peine de connoistre de cette affaire, la renuoyant aux Mandarins. Ce Prince qui estoit si experimenté au maniment des affaires, commit par cette negligence, vne faute entierement irreparable. Car les Mandarins enflez de leur orgueil ordinaire, & s'estimans offencez de ce que ce Roy, qu'ils traittoient de barbare, auoit adressé ses plaintes à l'Empereur, ne daignerent pas seulement luy faire response.

Le Tartare piqué au vif du refus qu'on faisoit de luy rendre iustice sur des plaintes si raisonnables & du mespris insupportable qu'on faisoit de sa personne, changeant sa colere en vne sur reur enragée, s'engage par vn serment execrable, à ne point sinir la guerre qu'il n'eût immolé aux Manes de son Perc deux cens mille Chinois. En faisant vn vœu si suneste il estoit animé de l'esprit de sa nation. Car les Tartares, dans les sunerailles qu'ils

fonce

font aux grands Seigneurs apres leur mort, obseruent vne coustume qui est également pleine de barbarie & de superstition. Dans le bucher, où ils font brusser le corps du mort, ils iettent des Esclaues, des Femmes, des Cheuaux & des armes, comme si toutes ces choses deuoient seruir en l'autre monde aux personnes à qui ils rendent ces derniers devoirs. Mais depuis que ces peuples ont reduit la Chine en leur obeissance, les Chinois par leurs remonstrances leur ont fait quitter une façon de faire si inhumaine. Ce Prince, afin de ne point perdre de temps, se metauisi - tost aux champs, auec cinquante millecheuaux, & assiege Leaoyan, qui est la capitale de la Prouince de Leaotung. La garnison estoit grosse & bien armée. Car les assiegez auoient des mousquets, au lieu que les Tartares n'auoient que le cimeterre, l'arc & les fleches; il est vray qu'ils les décochent auec vne roideur estrange & vne adresse incomparable. La peur qu'ils auoient de ces bales de mousquets leur fit trouver vne inuention pour en empescher l'effer. Le Roy commanda aux Caualiers, qui alloient à la teste des trouppes, de prendre chacun vn grand ais & de se ioindre les vns aux autres, afin de former comme vne espece de muraille de bois, qui les mît à couverts ceux qui estoient au second rang portoient des eschelles pour monter à l'assaut; & les plus vaillans marchoient en queuë. En cet ordre il sit donner l'assaut par quatre disserens endroits. Dés que la premiere descharge des mousquers sut faite, que la muraille de planches rendit inutile; on dresse les eschelles, le soldat monte promptement sur la muraille & se rend maistre de la ville.

Les Tartares executerent auec tant de diligence les ordres du Roy, qu'ils ne donnerent pas seulement le loisir aux Chinois de recharger leurs mousquets: ce qui mit vn si grand desordre parmy ces soldats, qui n'estoient pas encore bien accoustumez à tirer, qu'ils prirent tous la fuite par où ils pûrent: mais la Caualerie ennemie, dont la principale force consiste dans la vistesse, ayant bien - tost attrapé les suyars, sit vne sanglante boucherie de cette garnison. La prise de la Capitale sut suivide de celle de plusieurs autres places de moindre importance & de la ville de Quamgnin qui est vne des plus considerables de la

BBb 3. Province...

Province. Apres quoy l'armée victorieuse, sans s'arrester dauantage, passa dans la Prouince de Pequim; mais comme elle fut arriuée à sept lieuës de la ville, où les Empereurs font leur seiour ordinaire, le Roy ne iugea pas à propos de s'engager dauantage; de peur d'estre enueloppé par les trouppes que les Chinois faisoient filer de tous costez. Au reste la marche de son armée avoit ietté vne si grande frayeur dans tous les esprits, que la pluspart des villes estans abandonnées par les habitans & les soldats qui les deuoient garder, elles demeuroient desertes. L'ennemy saccageoit & brûloit celles qui luy resistoient; & quant aux autres qui se rendoient à luy de leur plein gré il se contentoit d'en enleuer toutes les richesses. De cette façon il s'en retourna dans la Capitale de Leaotung chargé d'vne infinité de depoüilles. Lors qu'il y fut arriué les Deuins luy ayans dit que s'il ne détruisoit les anciennes murailles de cette place, il en pourroit naistre quelque funeste euenement, il fit abbattre les vieilles, & commanda qu'on en bastit de nouuelles. Ce fat dans cette ville qu'il se sit appeller Empereur de la Chine, quoy qu'il n'eust encore en son pouuoir qu'vne partie de la Prouince. Neantmoins parce que son ambition luy faisoit croire qu'il seroit bien-tost le maistre de tout ce grand Empire, il s'en declara le Souuerain & prit vn nom Chinois, se faisant appeller Thienmin dés l'an 1618, qui fut le troissesme de son regne.

Cette mesme année quelques personnes presserent l'Empereur Vanlié de chasser de la Chine les Peres de la Compagnie de Iesus, qui publicient l'Euangile dans son Royaume. L'amour qu'il auoit pour la Religion Chrestienne, & pour les Peres qui l'enseignoient, luy sit reietter plusieurs-sois cette proposition: mais ensin s'estant laissé vaincre aux demandes importunes de Xinqui, qui estoit vn des principaux Mandarins, & des plus grands ennemis de la veritable Religion, il sit vn Edit par lequel il ordonnoit à tous les Peres qui gouuernoient les Eglises de la Chine de sortir du Royaume. Il y eut quelques Gouuerneurs Chrestiens qui firent cacher les Peres, qui se trouuerent dans leurs Prouinces, & qui les retindrent par ce moyen dans la Chine: mais les autres surent ensermez dans

des cages pour estre conduits en seurcté à Macao Ilsendurerent de grandes incommoditez dans ce voyage, demourans iour & nuit dans ces cages: quelques-vns mesme furent cruellement battus par l'ordre des Mandarins infideles; mais ils furent trop heureux de souffrir quesque chose pour lesus-Christ. L'empereur ne s'arrestant pas là, defendit à tous ses suiets d'embrasser la Religion Chrestienne; & par cette defence donna le moyen aux veritables Chrestiens de faire paroistre leur constance. Mais ce n'est pas icy le lieu de raconter exactement tout ce qui arriua durant cette persecution; ie n'en ay parlé que pour monstrer combien la prouidence de Dieu est admirable en sa conduite. C'est elle qui par des ressorts cachez suscita cette cruelle guerre aux Chinois; lors qu'ils resusoient d'accepter la Paix de l'Euangile: C'est elle qui permit que les Tartares iettassent les fondemens de leur Monarchie dans vne Prouince de la Chine; l'orsque les Chinois ne pensoient qu'à ruïner la Religion du vray Dieu; C'est elle qui a tellement fauorisé les armes des Tartares, qu'ils ont esteint toute la Famille de celuy, qui a fauorisé le dessein des impies, qui vouloiet esteindre le Christianisme dans la Chine; Enfin, c'est elle qui a ménagé de telle sorte les interests de son Eglise, que les desseins que ses ennemis ont formés de l'abattre, n'ont seruy qu'à releuer sa grandeur: au lieu que les affaires de la Chine sont maintenant dans vn estatsi funeste, que sans vne faueur tres-particuliere du Ciel, cet Empire ne peut euiter la ruine entiere dont il est menacé

Mais pour reprendre le fil de l'histoire que cette digression a interrompu, les Mandarins voyans que l'ennemy s'estoit retiré sur la frontiere, commencerent à faire les preparations necessaires pour le chasser hors de la Prouince où il s'estoit fortissé. Pour cet esset, ils mirent sur pied vne armée de six cens mille hommes, qui estoient tous gens choisis, sans compter les douze mille qui furent enuoyez par le Roy de Corée. Vers le commencement du mois de Mars de l'année 1619, cette puissante armée marcha contre les Tartares, qui l'allerent genereusement receuoir. La victoire sut long-temps disputée de

part & d'autre dans vn combat general; mais enfin les Chinois furent vaincus qui laisserent sur la place plus de cinquante mille morts, & les Chefs les plus considerables de l'armée. Les Tartares qui ne manquent iamais de poursuiure la pointe de leur victoire, attaquerent le mesme iour deux places, & apres les auoir saccagées les reduisirent en cendres : quelques-vns mesme firent des courses iusques aux portes de Pekin, le siege de tout l'Empire, mais ils n'oserent l'attaquer, parce qu'il y auoit vne infinité de Canons sur les remparts & vne garnison de quatre-vingts mille hommes. Les Chinois ont auoüé depuis que la terreur & la confusion estoient si grandes dans la Cour, que si les Tartares eussent donné l'assaut à la Ville ils l'eussent infailliblement emportée. Car l'Empereur se preparoit déja à sortir de la place pour se retirer dans les Prouinces du Midy; & sans doute il eut suiuy cette pensée, si quelques-vns des Mandarins ne luy eussent puissamment representé que sa retraite donneroit de la hardiesse aux ennemis & troubleroit l'Empire: en vn mot que dans de semblables rencontres prendre la fuite, c'est donner aux victorieux tout ce que l'on quitte.

Ce conseil sagement donné sauva la place, car les Tartares ne cherchans qu'à faire du butin recommancerent leurs courses dans toute la Prouince; où ils prirent toutes les Villes, qui se rencontrerent sur leur chemin, & mirent tout à seu & à sang. Enfin, apres auoir fait d'horribles rauages & vn massacre épouvantable des Chinois, ils se retirerent dans l'extremité de la Prouince de Leaotung, où ils auoient estably leur Empire, ne l'aissans aucune garnison dans les places qu'ils auoient prises durant cette

campagne.

L'année suivante Taïchan fils de Vanlié, succeda au Royaume que son Pere luy auoit laissé en mourant; mais il n'en ioüit pas long-temps, car il mourut luy-mesme quatre mois apres son auenement à la Couronne; lors qu'il assembloit de nouvelles trouppes pour se mettre en campagne contre les Tartares. Thienki, apres auoir pris sa place, enuoya aussi-tost vne ambassade au Roy de Corée, pour le remercier du secours qu'il auoit enuoyé à son ayeul & pour luy témoigner aussi le regret qu'il auoit, de ce que

fes

sessuiets auoient esté enueloppez dans la desaite des Chinois. Il luy fit porter en mesme temps les plus magnifiques presens du monde; afin d'obtenir auec plus de facilité le fecours qu'il attendoit de ce Royaume; où les peuples sont plus aguerris que les Chinois; peut-estre à cause du voisinage du Iapon. Outre cela pour opposer aux Tarrares des forces capables d'arrester leurs progrés & de les empescher d'entrer plus auant dans le Royaume, il fit des leuces dans toutes les Prouinces, & les fit passer dans celle de Leaotung, qui deuoit estre le Theatre de la guerre. Et afin de pouruoir plus aisément cette grande armée de toutes sortes de munitions de guerre & de bouche, il sit dresser dans le port de Thiencin, vne puissante flotte; pour transporter tout ce qui seroit necessaire à l'entretenement de ses trouppes. Le port de Thiencin estoit merueilleusement commode pour l'execution de ce dessein, parce qu'il est situé de telle sorte, qu'il n'y a point d'endroit de la Chine, d'où l'on ne puisse y conduire des vaisseaux; & il arriue souuent qu'il s'y en rencontre vne multitude incroyable. De ce havre iusqu'à la Prouince de Leaotung, qui est presque toute entourée de l'Ocean, il n'y a par mer que deux iournées de chemin; si bien que le transport de toutes les prouisions se faisoit en fort peu de temps & sans peine; au lieu que par terre il eust esté sans comparaison plus long & plus difficile à faire.

Entre ceux qui amenerent des troupes pour la dessense commune du Royaume, il y eut vne Princesse qui sit paroistre dans sa conduite, qu'elle ne cedoit en rien aux Amazones. Elle signala sa valeur contre les Tartares, mais elle en donna des marques encore plus illustres dans les guerres ciuiles en combattant les rebelles. Elle n'auoit pas seulement le courage d'vn soldats mais encore elle en portoit l'habit & prenoit des qualitez qui estoient plus conuenables à vn homme qu'à vne semme. En cet equipage elle vint à la place de son sils, qu'elle laissa dans son Royaume, parce qu'il n'estoit pas encore en âge de porter les armes. Elle conduisoit vn petit corps d'armée composé de trois mil hommes, qu'elle auoit leuez dans ses Estats, qui sont enfermez dans la Prouince de Sukuen: En este til y a sur les montagnes

CCc

de cette Prouînce vn Royaume qui ne depend point de la Chine; mais le Prince; reçoit de l'Empereur le tître de Roy, seulement par honneur, car du reste ces peuples qui sont les plus belliqueux de toute la Chine, n'obe issent & ne payent les tributs qu'à leur Roy.

A l'occasion de tous ces grands preparatifs deux Docteurs Chrestiens, dont l'yn se nommoit Paul & l'autre Michel, conseillerent au Roy de faire demander aux Portugais de Macao de l'arrillerie & des Canoniers. Leur dessein estoit de faire rentrer par ce moyen les Peres de la Compagnie de lesus dans le Royaume, & d'y restablir la Foy Chrestienne. L'Empereur suivit leur conseil, & commanda qu'on fist venir les Peres, qui n'auoient assisté les Chrestiens qu'en cachette, depuis l'Edit de Vanlié. Plusieurs entrerent dans le Royaume auec les soldats Portugais; de façon que, malgré tous les effors du Diable & de tous ses Partisans, la veritable foy s'augmenta de iour en iour, le Roy permettant aux Predicateurs de publier l'Euangile dans son Royaume, Dieu le recompensa liberalement de cette amour qu'il auoit fait paroistre enuers la Religion Chrestienne. Car les Tarrares furent tout à fait chassez hors de la Chine, auant que le secours des Portugais sût arriué. Les peuples de la Prouince de Leaotung auoient conceu vne si grande horreur de la cruauté des Tartares, qu'ils ouuroient les portes de leurs Villes aux Chinois dés qu'ils les voyoient paroistre & prenoient les armes contre les garnisons. La Capitale de la Prouince serendit aussi bien que les autres & iamais le Roy des Tartares ne pût empescher la prise de cette place, à cause qu'il auoit vne autre guerre sur les bras dans la Tartarie. Apres la reduction de cette Prouince, les peuples iouirent quelque temps d'vn peu de repos: mais la fortune qui est toujours changeante, les replongea bien tost dans les miseres dont elle les auoit deliurez peu auparauant.

Le Tarrare ayant acheué la guerre qu'il auoit commencée dans son pais, sit marcher soixante mille cheuaux droit à Leaoyang pour y metre le siege, à dessein de les suiure, auec vne armée encore plus sorte, lors qu'ils seroient entrez dans la Prouince. La ville sut emportée en moins de deux iours, quoy

qu'elle

qu'elle fut tres-bien fortifiée & tres-vaillamment defenduë par les soldats de la garnison, qui firent une si opiniastre resistance. qu'il en demeura trente mille sur la place. Cette victoire cousta bien cher aux assiegeans, car ils y perdirent vingt mille hommes, & iamais ils n'eussent pris la place, si le Gouuerneur corrompu par les grandes promesses que les ennemis luy faisoient, ne leur eût ouvert la porte. C'est ce que disent les Chinois pour effacer. la honte de cette défaite. Quoy qu'il en soit les Tartares demeurerent les maistres de la Ville; le Vice-Roy s'estrangla par desespoir; de façon qu'il n'y eut que le Visiteur de la Prouince qui fut pris par les Tartares. Iamais il ne voulut rendre aucun honneur aux victorieux, ny les reconnoistre pour ses Souuerains, estimant que c'estoit une bassesse indigne d'un grand courage de se soumettre à des barbares. Cette constance luy ayant fait trouuer des admirateurs parmy ses ennemis, on le mit en liberté; mais il se fit mourir austi-tost luy-mesme, sçachant bien qu'il ne pouvoit échapper le supplice, puis qu'il avoit esté malheureux en combattant. Car c'est la coustume des Empereurs de la Chine de traitter en criminels les Generaux d'armée, à qui la fortune n'a pas esté fauorable : comme s'ils devoient respondre de l'euenement de tous les conseils & du succez de toutes les entreprises.

Les Tartares s'estans asseurez de la Ville, sirent publier vn Edit, par lequel ils promettoient de donner la vie à tous les habitans, s'ils vouloient se raser & s'habiller à la Tartare. Cet Edit m'oblige à dire en passant quelque chose des mœurs de cette nation. Ils se rasent la teste dés que leurs cheueux commencent à paroistre, & s'arrachent la barbe iusqu'à la racine, ne gardans que des grandes moustaches. Au derrière de la teste ils Jaissent croistre vne tousse de cheueux, qu'ils âiustent fort proprement, pour les iaisser pendre auec negligence sur l'espaule en forme de queuë. Leur bonnet est iustement de la grandeur de leur teste & d'vne figure plate & ronde. Il est bordé tout autour d'vne peau de Marte ou de Castor, large d'enuiron trois doigts, qui leur couurant les oreilles, le front & les temples, les garantit du froid. Le reste du bonnet qui est au dessus de cette fourrure,

elt

est semé de pluche rouge, ou de crin de cheual teint en noir ou en escarlate. Cet habillement de teste qui est tres - commode, ne laisse pas d'auoir beaucoup de grace, parce qu'ils sçauent donner à leur teinture vn lustre & vn éclat merueilleux. Leurs vestes qui descendent iusqu'aux talons, ont des manches presque toutes semblables à celles des Hongrois & des Polonois, n'estans pas tout à fait si larges que celles qu'on porte à la Chine. Le bas de la manche a la figure d'vne corne de cheual. Ils pendent à leur ceinture vn mouchoir de chaque costé pour se nettoyer les mains & le visage; vn cousteau pour les vsages ordinaires, & deux bourses où ils mettent du petun & quelques autres semblables choses. Quant à leur Cimeterre ils le portent d'vne maniere fort extraordinaire. Ils l'attachent comme nous au costé gauche; mais la pointe est deuant & la poignée derriere le dos fort eleuée; si bien qu'ils le tirent du fourreau sans toucher à la gaine en passant la main droite par derriere. Au lieu de souliers, dont ils ne se seruent presque point, ils ont vne espece de patins dont la semelle est toute vnie & haute de trois doigts. Ils ne portent point d'esperons auccleurs bottes, qui sont faites de cuir de cheual bien apresté, ou de quelque étoffe de soye. La Caualerie se sert d'estriers; les selles de leurs cheuaux sont moins hautes que les nostres; mais aussi elles ont plus de largeur. Au reste ils paroissent assez beaux, ayans le corps bien fait, la couleur blanche, les yeux & le nez moins petits que ne l'ont les Chinois, quoy qu'ils ayent comme eux le visage vn peu large. Ils ne sont pas grands parleurs; c'est pourquoy lors qu'ils vont à cheual yous les voyez tout pensifs. Pour ce qui est de leurs autres façons de faire elles ne sont pas fort éloignées de celles des Tarrares qui demeurent prés du Bosphore; excepté qu'ils ne sont pas si barbares, comme on l'a reconnu par le plaisir qu'ils tesmoignent prendre en voyant les estrangers. La grauité des Chinois est insupportable à leur humeur qui est moins serieuses c'est pour quoy ils paroisient assez humains la premiere fois qu'on les entretient.

Mais afin de reuenir à nostre suier, il y auoit dans la ville, qu'ils venoient de recouurer, grand nombre de Marchands extreme-mét riches de toutes les Proninces du Royaume, Il leur permirent

desse retirer, & d'emporter toutes leurs richesses, pourueu qu'ils sortissent au plustost. Ces infortunez, qui ne se doutoient point du dessein de l'ennemy, se mettent en chemin auec tout ce qu'ils auoient de plus precieux; mais à peine ont ils fait deux lieuës, qu'ils se voyent inuestis par les Tartares, qui leur ayans osté à tous les biens & la vie, retournerent chargez de butin. Les habitans de la ville qui n'ignoroient pas que ces barbares auoient violé la soy donné aux Marchands estrangers apprehendoient qu'ils ne sus-fenr pas plus sideles à garder les conditions de leur Edit; mais ils

n'eurent que la peur du mal.

Il semble qu'apres le recouuremet de cette ville, le Tartare deuoit poursuiure sa victoire: mais la perte qu'il auoit faite dans l'attaque de cette place ayat refroidy son ardeur, il n'osa pas aller plus auant. Estant bien instruit de l'ordre que les Gouverneurs avoient donné pour l'asseurace des villes de guerre, il apprehenda d'y trouuer vne resistance pareille à celle, que suy auoit faite la garnison de la Capitale, & d'y receuoir quelque grand eschec. Ce n'estoit pas fans raison qu'il auoit conceu cette crainte, car le Roy ayant muny les anciennes places de tout ce qui estoit nessaire pour leur defense, auoit fait construire plusieurs forts dans les postes les plus aduantageux. Le plus important de tous étoit celuy de Xanghay situé dans l'Isle de Cu, où il auoit mis vne forte armée pour tenir en bride les Tartares. Mais celuy qui mit de plus grands obstacles aux progrez de l'ennemy, fur l'incomparable Maouenlung; qui s'estant saiss d'une sse qui est à l'emboucheure du Fleuue Yalo, assez prés de la Corée, les harceloit sans cesse, & les allant prendre par derriere, les battoit souuent dans des escarmouches. Ce guerrier infatigable leur donnoit tant d'exercice, qu'ils tournerent toutes leurs forces contre luy. Il auoit appris le mestier de la guerre dans la Province de Quamgrung, laquelle n'estant pas éloigné de Macao, il luy auoit esté facile d'apprendre des Portugais la veritable façon de la faire. Il auoit amené quantité d'artillerie, qu'il auoit prise dans vn nauire Hollandois qui s'estoit eschoüé aux costes de la Chine. Il en fit braquer vne partie sur les remparts de Ningyuen où estoit le Vice-Roy auec le visiteur de la Prouince & vne grande partie des troupes : à cause que le Roy l'auoit faite la Capitale depuis la prise de Le oyang, CCC

Cet ordre, que les Chinois auoient mis à leur defense, arresta les courses des ennemis, & les obligea à ne rien entreprendre iusques à l'an 1625. Ce fut alors qu'apres auoir tenté inutilement la fidelité de Maouenlung par les propositions les plus aduantageuses du monde, ils assiegerent Ningyuen auec vne multitude de soldats presque innombrable. Pour gaigner Maouenlung, ils luy offrirent la moitié de l'Empire de la Chine, s'il vouloit se ioindre à eux, & les aider à en acheuer la conqueste; mais comme il n'estoit pas moins fidelle que genereux, ayant reietté toutes leurs promesses, il les obligea de leuer le siege, apres leur auoir fait perdre dix mille hommes deuant la place, & entre autres le Fils du Roy. La perte de ce Prince leur fut si sensible, que ne cherchans que l'occasion de la vanger, & ayans trouué que la mer estoit glacée, ils passerent dans l'Isle de Thaoyuen, où ayans surpris la garnison qui estoit composée de dix mille hommes, ils la taillerent toute en pieces, & passerent tous les habitans au fil de l'épée. Ayans assouuy leur rage, par cette sanglante boucherie, ils se retirerent dans la Tartarie, pour y faire de nouueaux preparatifs de guerre.

On iouit d'vn assez grand repos iusqu'à l'an 1627 que Thienqui mourut en la fleur de son âge, & auec luy toute la gloire de la Chine. Son Frere Zunchin luy succeda, Prince, que la persidie de se Ministres rendit le plus malheureux Empereur qui sût iamais, comme nous verrons dans la suitte de cette histoire. Au mesme temps les Tartares perdirent leur Roy Thienmin, qui ne meritoit pas de viure, apres auoir fait mourir si cruellement vne infinité de monde. Thienzung son sils & son successeur, se gouuerna d'vne maniere bien differente de celle de son Pere. Car il traitta les Chinois fort doucement, & ie ne doute point que, s'il eût vescu plus long temps, il n'eût gagné les espaits par cette moderation. Son exemple servira beaucoup à son sils, car il conquestera plus de Prouinces par l'imitation de la clemence de son Pere, que son Ayeul n'en auoit dompté par la terreur de

ses armes.

Cette année les troupes de Maouenlung, n'estans plus occupées à courir sur les ennemis, elles commencerent à piller-les alliez

ennemis,

de la Chine; principalement les habitans de la Prouince de Hienkien, qui est dans le Royaume de la Corée. Ces peuples furent tellement outrez du mauuais traitement qu'on leur faisoit, qu'ils, s'allerent ietter entre les bras des Tartares. Ces perfides trahissans leur Patrie, leur Roy, & l'Empereur de la Chine, les inuiterent à entrer dans le Royaume de Corée, leur representans que les troupes Chinoises ne se desians point des peuples de ce Royaume, il seroit tres-facile de les surprendre, & de les tailler en pieces, s'ils vouloient se déguiser, & se ioindre à eux pour executer cette éntreprise. La proposition sut tresagreable au Roy, qui donna ordre à vn de ses Lieutenans de conduire promptement vn armée au lieu destiné. Les Chinois qui auoient mis pied à terre, & qui couroient de costé & d'autre pour piller à leur ordinaire, furent estrangement surpris lors qu'ils virent qu'on les chargeoit si vertement. Les Tartares donnans d'abord auec chaleur, & ayans mis le desordre parmy les ennemis, en tuerent grand nombre; iusqu'à ce que Maouenlung reconnoissant les Tartares & ralliant ses troupes, se mit à soûtenir leur attaque auec beaucoup de generosité. Ayant long-temps opiniatré le combat, il fallut enfin songer à la retraite, laquelle il fit auec beaucoup de sagesse, en amusant l'ennemy auec vne poignée de Soldats, cependant que les troupes montoient sur les vaisseaux pour gaigner l'Isle.

Les Tartares voyans qu'is n'auoient pas eu grand aduantage dans cette rencontre, & que le General de l'armée ennemie n'estoit pas tombé entre leurs mains, quoy que ce sût le plus ardent de leurs souhaits, s'imaginerent qu'on les auoit ioüez. C'est pourquoy déchargeans leur rage sur les Rebelles, qui les auoient conduies, ils les passerent tous par le sil de l'épée. En suite dequoy ils commencerent à rauager les quatre Prouinces de ce Royaume les moins éloignées de la Frontiere de leur Païs. Cette conduite des Tartares sut des-aprouuée du Roy, lors qu'il l'eut apprise. Cependant le Roy de Corée voyant que les Tartares desoloient son Royaume, leue des troupes pour leur resister. Maouenlung de son côté ayant assemblé de nou-uelles forces reuient sur ses pas, asin de rendre la pareille à ses

ennemis, qui s'efforçoient de passer les montagnes qui ne sont qu'à sept lieuës de la capitale du Royaume: mais le Roy de Corée qui s'estoit saisi de ce passage auec vne forte armée, leur disputoit l'entrée du détroit qui conduit à cette Ville. A peine les deux armées auoient-elles attaché le combat, que Maouenlung qui venoit à grandes iournées, commença à charger en queuë les Tartares. Ceux-cy se voyans enueloppez font ferme de tous côtez, & soûtionnent l'effort des deux armées. L'euenement de cette bataille fut merueilleux. Nulle des trois armées ne vainquit, & toutes trois furent presque vaincuës. Les Tartares y perdirent cinquante mille hommes; le Roy de Corée soixante & dix mille; & les Chinois demeurerent presque tous sur la place. Car c'estoit contre eux que les Tartares combattoient auec plus de rage, sçachans que ce n'estoit qu'en leur passant sur le ventre qu'ils pourroient trouuer vn chemin pour se sauuer dans la Tartarie, où ceux qui resterent apres la bataille, se retirerent aussi tost. Durant leur absence, le Roy de Corée ayant fait promptement des recruës, pour reparer en quelque faço les debris de son armée, reprit en peu de temps tout ce que les Tartares auoient conquis.

Cette perte n'empécha pas les Tartares d'occuper la partie Orientale de la Prouince de Leaotung, & de faire des courses & des rauages dans celle qui tire vers l'Occident; mais ils ne pûrent iamais s'establir dans celle-cy, où ils surent souvent maltraittés: depuis que sept Canoniers Portugais arriuez dans cette Prouince eurent enseigné aux Chinois la maniere de faire iouer l'artillerie; & que le Vice-Roy Ignace, qui estoit vn genereux Chrestien, dont nous parlerons dans la suite de l'histoire, eut le commandement absolu sur toutes les troupes de cette Fron-

tiere.

Sur ces entresaites l'Empereur Zunchin enuoye dans cette Prouince de nouuelles forces sous la conduite du General Yuen, auquel il auoit donné vn pouuoir tres ample pour traitter de la Paix auec les Tartares, & mesme le commandement de la faite s'ils la vouloient receuoir à des conditions raisonnables. La Paix auec les estrangers luy estoit necessaire, asin de pouuoir arrestrer les desordres que faisoient des troupes de volleurs, qui com-

mençoient

mençoient à desoler les Prouinces, & qui causeront enfin la ruine totale du Royaume. Yuen estoit vn esprit de fourbes & d'intrigues, egallement eloquent dans les discours qu'il prononçoit de viue voix. & dans ceux qu'il couchoit sur le papier; en quoy il auoit vn aduantage incroyable pardessus tous les autres Ministres d'Estat. Il les embarassoit tellement par ses raisons, lors qu'il estoit question de traitter dans le Conseil de que que affaire de guerre, que le Roy & les autres Magistrats croyoient, que sans luy l'Empire ne pouvoit subsister. Et il faut confesser que, s'il eût eu autant de fidelité pour son Roy & d'amour pour sa Patrie, qu'il auoit d'adresse & de conduite; il eût pû rendre au public des seruices de grande importance. Mais son auarice insatiable luy ayant fait receuoir vne somme prodigieuse d'or & d'argent que les Tartares luy offrirent, il employa tous ses artifices pour faire reüssir leurs desseins. Le premier seruice qu'il leur rendit, fut de perdre Maouenlung, qui estoit l'homme du monde dont les ennemis de la Chine souhaittoient le plus d'estre defaits, à cause que sa valeur arrestoit le cours de toutes leurs victoires, & que sa fidelité estoit à l'épreuue de toutes leurs tentations. Il inuita donc à vn festin ce grand Capitaine, & l'empoisonna. En suite de cette trahison, il en fait vne autre à son Roy, concleant la Paix auec l'ennemy à des coditions tres des-auantageuses pour la Chine. Le Courier les ayant apportées à Zunchin, il les dechire de rage. Yuen pour l'obliger à les accepter, conseille aux Tartares l'an 1630. d'entrer dans la Prouince de Pequim par vn chemin éloigné des postes qu'il tenoit, leur promettant qu'il les laisseroit faire. Ils auoient tant de confiance en luy, depuis qu'ils auoient reconnu son auarice, qu'ils suiuent son conseil, mettent tout à seu & à sang dans la campagne, & se presentent deuant Pequim Les Grads de la Cour pressoient déja le Roy de gaigner les Prouinces qui sont plus au Midy, mais il leur respondit, qu'il aymoit mieux mourir que de fuir, & defendit que personne ne se retirast de la Ville. L'ennemy vint plusieurs fois à l'assaut; mais il fut toûjours repoussé auec perte. Le Roy qui ne sçauoit pas encore les pratiques d'Yuen, luy mande de venir à grandes iournées, pour obliger le Tartare à leuer le siege. Le traistre, obeit, ne voulant

DDd

pas se declarer ouvertement : il s'approche de Pequim, du costé qui n'estoit pas inuesty par les assiegeans; de façon que la ville qui est prodigieusement grande, separoit ces deux armées, qui estoient à la veuë de cette place : il temporise euitant auec adresse la rencontre de l'ennemy: & fait representer au Roy qu'il estoit plus à propos de se tenir au traité de Paix, que de hazarder le Royaume par vn combat incertain. Ce perfide n'auoit point d'autres pensées, que de retourner en sa maison auec les richesses que son infidelité luy auoit acquises. Mais ses longueurs ayans ouuert les veux au Roy, il vit bien qu'il estoit trahy, & ne découurant à personne ce qu'il en pensoit, il sit semblant de vouloir tenir vn Conseil de guerre pour prendre vne derniere resolution. Il mande à Yuen qu'il y vienne prendre sa place; il le fait entrer par dessus la muraille, ne voulant pas qu'on ouurît les portes ; disant qu'il y auroit danger de quelque surprise de la part de l'ennemy. Mais ce fut la peur qu'il auoit de ses propres troupes qui le ssit resoudre à ne point permettre qu'on les ouurist à ce General. Yuen entra sans crainte dans le Palais, s'imaginant que s'il y cust eu quelque danger, les Courtisans qui estoient à sa deuotion, l'en eussent aduerty. Mais cette esperance le perdit, car ny ses partisans ny les autres grands de la Cour ne sçauoient rien du dessein du Roy. Le Perfide n'est pas plustost entré dans la sale, que le Roy le fait arrester, on l'interroge en trois mots, & aussi tost on le poignarde. Les Tartares ayans appris cette mort, leuent le siege & rauageans tout le plat pais, auant que les Chinois eussent vn nouueau General, donnent iusqu'à la Prouince de Xantung, d'où ils retournerent en celle de Leaotung, chargez d'vne infinité de déposiilles. Depuis ce temps-là iusqu'à l'an 1636. la fortune partagea ses faueurs entre les deux partis, leur donnant l'aduantage tour à tour : mais iamais les Tartares ne mirent le pied dans la Chine, qu'ils n'en fussent aussi-tost chassez. Thienzung, Roy des Tartares, estant mort la mesme année, Zungté son fils luy succeda, qui est le Pere de l'Empereur, qui est maintenant le maistre de la plus grande partie de la Chine.

Zungté, auant que de monter sur le Throne, auoit fait paroistre vne prudence incroyable & donné des marques illustres de

toutes.

toutes les vertus que l'on peut souhaitter en vn Roy, & principalement de la clemence. Son Pere l'ayant enuoyé dés son bas âge pour apprendre les sciences, les coustumes & la langue de la Chine, il v reiissit admirablement, ayant demeuré long temps dans ce Royaume habillé en Chinois, sans estre reconnu pour ce qu'il estoit. Il gouverna tout autrement que ses Ancestres, à l'imitation de son Pere, duquelil surpassa la Clemence & la bonté. Car cet incomparable Prince voyant que la cruauté de ses predecesseurs, les auoit empeschez de faire des grandes conquestes dans la Chine, tempera la rigueur dont ils vsoient enuers les vaincus, afin de les gaigner par amour aussi - bien que par les armes. Il faisoit toutes sortes de caresses aux Chinois de quelque qualité qu'ils fussent, & les inuitoit humainement à prendre party dans ses troupes, lors qu'ils auoient esté faits prisonniers de guerre, ou leur donnoit la liberté, s'ils auoient de la repugnance à le faire. La renommée de cette bonté du Roy attira à son seruice grand nombre de Seigneurs Chinois, qui n'ont pas peu contribué à la conqueste de cette Monarchie. Tant il est vray que l'amour est vne machine plus puissante que les armes, pour gaigner vn Royaume; & qu'au contraire la rigueur fait perdre les Empires, que la puissance iointe au bon-heur, semble auoir establis sur des fondemens tout à fait inébranlables.

La Cour de ce Prince estoit vn azyle ouuert à tous les grands qui craignoient d'éprouuer l'iniuste colere du Roy de la Chine. Le nombre n'en estoit pas petit, à cause de la Politique de ces Empereurs, qui a quelque chose de bien cruel, quoy qu'en apparence il soit necessaire, à cause de l'auarice & de l'insidelité de quelques-vns. C'est la coustume dans cette Cour de faire mourir les Officiers qui n'ont pas bien retissi dans leurs emplois, l'Empereur s'imaginant que le succez suneste d'vne entreprise doit plustost estre imputé à la negligence ou à la trabison de celuy qui la conduit, qu'à l'inconstance de la fortune. C'est pourquoy si vn General d'armée perd vne bataille; si vn Gouuerneur ne peut empescher l'ennemy d'enuahir sa Prouince, les peuples de se re-uolter; les soldats de faire sedition; ils doiuent s'attendre qu'on leur oste la vie.

Cette maxime du gouvernement des Chinois, me donne suiet de raconter ce qui arriua au Vice - Roy Ignace, qui ne s'est pas rendu moins remarquable par l'exacte fidelité qu'il a gardée à Dieu & à son Prince, que par son incomparable valeur. Toute la Chine fut estonnée de voir qu'il aymast mieux, quoy qu'il fût tres-innocent, monrir de la main d'vn bourreau, que de trahir la fidelité qu'il devoit à son Roy. Il pouvoit se refugier dans la Cour du Roy des Tartares, où il eut esté receu auec honneur; il pouvoit, en acceptant l'offre de ses soldats, qui luy promettoient de le suiure par tout où il les conduiroit, euiter l'effet de l'iniuste arrest que le Prince deuoit prononcer contre son innocence; il pouvoit mesme occuper l'Empire avec le secours de ses soldats, mais il eut roujours moins de peur du supplice que du crime qu'il eut pensé commettre en abandonnant sa Patrie. Ayant remporté plusieurs victoires sur les ennemis, & repris grand nombre de villes, il essoit sur le point de ruiner entierement leurs forces; lors que ses troupes s'estans mutinées faute de paye, elles pillerent vne ville qui estoit sous l'obeissance du Roy. Ignace auoit adressé plusieurs requestes à l'Empereur, par lesquelles il luy remonstroit qu'il estoit impossible de faire garder la discipline dans vne armée, si les soldats ne sont payez; mais ceux qui estoient au Cabinet les supprimoient, afin de le des-obliger.

Ils ne l'aymoient point à cause qu'il ne sçauoit pas gaigner leur faueur par presens, comme faisoient les autres. De plus, agissant en veritable Chrestien, il rendoit la iustice dans sa Prouince auec vne pureté inuiolable & incorruptible. Les Officiers qui estoient sortis de charge luy recommandoient quelquessois certaines affaires de personnes amies, ou qui les auoient gaignez par argent, pour les obliger à solliciter en leur faueur; mais il n'auoit aucun égard à leurs sollicitations, lors que sa conscience y estoit interessée. Ceux cy piquez contre luy, comme s'il eût fait cela par mespris, le decrioient à la Cour, & le voulans perdre, prioient leurs amis qui estoient en faueur d'empescher qu'on ne luy enuoyast point d'argent pour le payement de la Milice. Outre cela, plusieurs Magistrats ne pouuoient soussirir qu'estant seulement Licentié, il eût vn employ qui ne deuoit, estre, à leur aduis remply

remply que par vn Docteur. Apres que la sedition fut appaisée, les Soldats reconnoissans le danger où ils auoient reduit leur General, le pressent de s'emparer dela Prouince, de se declarer Roy, & de les mener à Pekim pour exterminer les Ministres d'Estat, qui ne pensoient qu'à venger leurs iniures particulieres au lieu de seruir le Roy. Mais ayant reietté leurs propositions, il les retient dans le deuoir par son authorité, & fait punir quelques-vns des plus coupables. Cette fidelité meritoit vn autre traitement que celuy qu'on luy fit, en luy enuoyant vn succsseur & vn ordre de venir à la Cour. Il voyoit bien qu'il alloit à la mort, & ses Soldats n'en doutoient point; c'est pourquoy ils courent aux armes tous enragez, & protestent qu'ils ne souffriront point qu'il s'en aille. Mais c'est en vain, parce qu'il veut obeir aux ordres de son Prince, & qu'il prefere la mort à l'infidelité. Plusieurs de ses Soldats ne suivirent pas l'exemple qu'il leur auoit donné, de garder inuiolablement la foy au Prince & à la Patrie; car ils s'en allerent prendre party chez les Tartares, qui leur ont donné des Charges tres-importantes dans les Prouinces de la Chine; qu'ils ont occupées, & mesme à quelques-vns le tître de Souuerains.

Au reste, les Chinois commençoient à ne plus rien craindre de la part des Tartares, ayans fortifié la partie Occidentale de la Prouince de Leaotung, & mis vne puissante Armée das l'Isle du Cu, qui arrestoit tous les desseins des ennemis, qui auoi et conserué leurs conquestes dans la partie Orientale de la Prouince. C'ét pourquoy le Roy tourna tous ses soins & toutes ses forces contre les Rebelles, qui auoient allumé le feu de la guerre Ciuile au milieu de son Royaume. Iusques icy ie n'en ay parlé qu'en passants il faut maintenant que nous en traitions plus au long, afin de voir comment ces dissensions intestines ont donné moyen aux Tartares d'occuper ce florissant Empire. Les premiers qui remuërent, furent les voleurs de la Prouince de Suchuen, qui eurent tant de hardiesse & de bon-heur, qu'apres auoir pillé plusieurs Villes de moindre importance, ils mirent le siege deuant Chingtu. Cette Capitale estoit perduë si la vaillante Amazone venant à son secours ne les eût obligé à leuer le siege. Comme leur armée n'auoit pas esté entierement défaite, ils se retirerent dans les

montagnes, pour y ramasser de nouuelles troupes de voleurs. Leur exemple sit naistre de semblables mouuemens dans la Prouince de Queicheu. Vn Seigneur, à qui on auoit fait iniustice dans la decision d'vn procez, se mit à la teste des Rebelles, tua les Auteurs de cette iniuste sentence, & désit les troupes du Vice-Roy: mais on en mit incontinent sus pied de nouvelles, qui battirent à leur tour ces seditieux, sans toutesois les pouvoir entierement exterminer. La famine qui estoit grande dans les Prouinces Septentrionales, & qui auoit esté causée par vne prodigieuse quantité de sauterelles, qui auoient desolé toutes les campagnes, produisit de pareils desordres dans celles de Xensi & de Xantung. Les voleurs qui s'y assemblerent d'abord, n'estoient pas en grand nombre; c'est pourquoy ils ne s'attaquoient qu'aux villages & aux bourgs, où ils exerçoient leurs brigandages; & en suite se cachoient dans les montagnes. Plusieurs voyans aucc quelle facilité on trouuoit non seulement des viures, mais encor des sommes immenses d'or & d'argent, lors qu'on vouloit ouuertement, s'allerent ioindre à ceux qui auoient les premiers leué l'Estendart. Ces bandes croissoient de plus en plus, l'Empereur mettant les peuples au desespoir par la rigueur, auec laquelle il exigeoit les tributs ordinaires qu'on payoit durant les années les plus fertiles. Les Gouverneurs n'ayans pû étouffer le mal dans ses commencemens, il sut terrible dans son progrez. On vid dans les Prouinces huit corps d'armée, commandez par des Chefs, qui se voyans la force en main pretendoient tous à l'Empire. La ialousie qu'ils auoient les vns des autres les ayant fait battre ensemble, il ne resta que deux Chefs principaux, qui inuiterent les trouppes des Generaux qui auoient esté tuez, à suiure leur fortune. Ceux-cy voyans qu'au cas qu'ils fussent pris par les Gouverneurs, ils ne pouvoient euiter le dernier supplice, ne se firent pas beaucoup presser pour prendre party dans les troupes des Victorieux. Licungz, & Changhienchun; c'est ainsi que s'appelloient ces Capitaines de voleurs, qui estoient des espris tres - dangereux s afin de n'auoir rien à demesser ensemble, partagerent entr'eux toute la Chine; L'vn prenant le Septentrion, & l'autre le Midy pour s'y establir. Changhienchun

chun pilloit & rauageoit les Prouinces d'Huquang, & de Suhuen, cependant que Licungz, s'emparoit de celles d'Honan & de Xensi. C'est de ce dernier qu'il faut que nous racontions premierement les succez, à cause que c'est luy qui a donné l'occasion aux Tartares d'enuahir la Chine; & nous euiterons par ce moyen la consusson, qui naistroit infailliblement

du messange des aduantures de ces deux Rebelles.

L'an 1641 apres auoir pillé dans la Prouince de Xensi vne infinité de Villes & de Bourgades, ces voleurs entrerent dans celle d'Honan, qui est vne des plus delicieuses de la Chine. Ils eurent la hardiesse de mettre d'abord le siege deuant Caifung, qui est la capitale; mais ils furent si mal menez par la garnison qui estoit forte, & par l'artillerie qui fut tres-bien executée, qu'ils furent contrains de leuer le siege. Ayans manqué cette place, ils font le degast dans la compagnie; & se iettent sur les Villes d'alentour. Ils s'enrichirent par le sac de ces places, grossirent leurs troupes, & s'estans fournis de toutes sortes de prouissons, retournerent au siege de la Capitale. Ils auoient reconnu dans la premiere attaque, qu'il estoit difficile de l'emporter de force; c'est pourquoy ils se resolurent de la prendre par samine. Quoy que la place eût prés de trois lieuës de tour, ils ne laifserent par de la blocquer si estoittement, qu'on n'y pouuoit rien faire entrer. Durant deux mois qu'on auoit amusé ailleurs ces troupes des rebelles, les Magistrats auoient fait venir grande quantité de viures; & toutesfois il n'y en auoit que pour six mois; la Prouince qui est tres-fertile, n'en pouuant fournir dauantage, à cause que l'année n'auoit pas esté heureuse. La resistance des assiegez sut tres-opiniâtre, car ils attendirent le secours iusqu'à l'extremité, endurans les rigueurs d'vne faim plus cruelle que celle de Ierusalem. La livre de riz valoit vn marc d'argent; de vieux cuirs moiss du mesme poids coûtoient dix elcus; on vendoit publiquement la chair humaine, & on croyoit que c'estoit une action de pieté, de ietter dans les ruës les corps morts, afin qu'ils seruissent de nourriture à ceux qui deuo ent estre bien-tost deuorez. Cette Ville est située au Midy dans vne vaste campagne, à vne lieuë d'vne riniere grande SZ- & rapide, que les Chinois nomment Hoang: & nous l'appellons la riuiere laune, à cause de la couleur de ses eaux. Le Canal de ce Fleuue est plus haut que la Ville, c'est pourquoy on a fait de grandes leuées reuestuës de pierre de taille pour empécher les inondations. Enfin, le secours parut sur ces leuées. Celuy qui le conduisoit s'imagina qu'en couppant les digues qui retenoient le fleuue dans son lit, il noveroit tous les rebelles, sans que la Ville en sfût incommodée. Mais il arriua que la riuiere estant extraordinairement ensiée par les pluyes de l'Automne, & les bréches, qu'on fit à la chaussée, estans trop grandes, non sculement une grande partie des rebelles sur noyée, mais aussi toute la Ville sut inondée; où il y eut plus de trois cens mille personnes enueloppées dans ce deluge. Les maisons furent abbatuës par la violence des vagues, si bien qu'il ne resta plus de cette grande Ville, qui fut autrefois le seiour des Empereurs, qu'vn grand Lac au milieu d'vne campagne. L'Eglise des Chrestiens y sur renuersée, & le P. Rodrigue de Figueredo de la Compagnie de lesus y mourut, en assistant son troupeau. Il pouuoit se retirer du danger; mais il ne voulut pas abandonner les Chrestiens, lors qu'ils auoient plus de besoin de son assistance.

Ce malheur arriua le 9. d'Octobre de l'an 1642. En ce mesme temps Licungz prit la qualité de Roy, se faisant appeller Xunuang, c'est à dire, le Prince fortuné. Il rentra aussi dans la Prouince de Xensi, & s'en rendit le maistre, ayant déja reduit celle d'Honan presque toute sous son obeissance. La garnison de Sigan, qui est la capitale, luy fit quelque resistance; mais au bout de trois iours il la surprit, & l'exposa autant de temps au pillage de ses Soldats pour recompenser leur valeur. En suite, il sit amener dans la Ville tous les viures de la Prouince, afin de tenir en bride les peuples par ce moyen, & faire souffrir les troupes de l'Empereur qui ne pourroient plus y subsister. Il estoit déja si asseuré de conquester tout l'Empire, qu'il commença pour lors à prendre le tître d'Empereur, & à donner à la famille qu'il vouloit establir, en la place de celle qu'il esperoit ruïner, le nom de Thienxun, qui est yn mot Chinois, lequel signifie obeissant au Ciel. Il l'auoit choisi

choisi pour faire croire à ces peuples superstitieux, que c'estoit la volonté du Ciel qu'il fût Empereur; afin qu'il les deliurast de la cruauté des Ministres d'Estat qui les opprimoient. Cette inuention estoit excellente pour gaigner les Chinois, qui croyent qu'vn homme ne scauroit occuper vn Empire par force ou par finesse. si le Ciel ne luy en a destiné la possession. Mais pour faire voir auec combien de raison il portoit cette qualité, il commença à traitter tres-humainement les peuples, defendant à ses gens d'vser enuers eux de la moindre violence. Il deschargeoit toute sa rage sur les Magistrats, demandoit de grosses rançons aux Officiers, qui estoient sortis de charge; mais toutefois proportionnées à leur pouuoir; & donnoit aux villes conquises de nouueaux Gouuer. neurs, ausquels il faisoit des dessenses tres seueres de maltraiter ses suiets. Cette conduite luy acquit l'affection des peuples, qui estoient soûmis à sa domination; principalement quand il les eut exemptez de payer les tributs que l'on exigeoit d'eux auparauant. Deux Peres de la Compagnie de Iesus, qui estoient dans cette ville, receurent quelque déplaisir, lors que les soldats commencerent à saccager la ville; mais dés aussi-tost qu'ils eurent esté reconnus pour estrangers, on les traitta auec beaucoup de courtoisse.

En ces entrefaites, la division des Grands de la Cour, qui avoit commencé sous Thienki, donna le dernier coup à l'Empire, qui estoit déja surieusement ébranlé. La faueur de l'Eunuque Gueï, qui estoit monté à vn si haut point de grandeur, que non seulement il gouvernoit tout l'Estat; mais encore le Roy Thienkine l'appelloit que son bon Pere, fut la principale cause de tout le mal. Celuy - cy abusant de la puissance que le Prince luy auoit donnée, faisoit mourir pour des fautes tres - legeres ceux qui ne luy plaisoient point: & c'estoit assez pour estre ennemy de cet effeminé, d'auoir manqué à toutes les bassesses qu'inspire aux ames lasches la complaisance & la flatterie. A la verité, il semble qu'il fit assez bien dans le Ministere; mais il ietta les semences de tous les mal-heurs de la Chine, en irritant par cette humeur imperieuse plusieurs Grands du Royaume, & mesme le Prince Zungchin, qui estoit l'heritier presomptif de la Couronne; & qui en effet, malgré toutes les oppositions de l'Eunuque, succeda à

EEe

Thienqui,

Thienqui, qui estoit mort sans enfans. Depuis ce temps - là, les Ministres se partagerent en deux factions, & sous pretexte de vouloir reformer l'Estat, le renuerserent de fonds en comble. Car les deux partis ne songcoient qu'à se perdre l'vn l'autre, & le malheureux Zunchin en voulant apporter quelque remede à vn desordre si funeste, se rendit ennemis les principaux d'entre les Eunuques & les Mandarins. Car estant monté sur le Throne, il sit mourir l'Eunuque, auec plusieurs de sa faction, & persecura à toute outrance ceux qui l'auoient seruy durant sa faueur. Voicy en peu de mots l'inuention de laquelle ce Prince se servit pour l'éloigner de la Cour, & le perdre auec plus de facilité. Il luy donna vne commission tres - honorable, qui fut, de visiter les Tombeaux de ses Ancestres, pour voir si la dignité de l'ouuragerespondoit à celle des morts qui y estoient enfermez. L'Eunuque ne pût raisonnablement s'excuser d'vn employ si glorieux; mais lors qu'il fut sur le chemin, il reconnut bien-tost le dessein qu'auoit eu l'Empereur, en s'adressant à luy. Car comme il sut arriué en vn certain endroit ; que le Prince auoit marqué, on luy presenta vne boëte d'or, où il y auoit vn cordon de soye, auec lequel on luy fit commandement de s'estrangler.

Cette mort qui nous paroist honteuse, à cause des coustumes de l'Europe, est estimée la plus honorable parmy les Chinois. Le chastiment de cet Eunuque ayant irrité plusieurs personnes des deux partis, il y eut des traistres, qui violans la fidelité qu'ils devoient à leur Roy, commencerent à avoir des intelligences auec les Rebelles. Les secretes pratiques de ces perfides mirent vn desordre general dans toutes les affaires. Car ou l'on n'enuoyoit point d'armées pour resister aux voleurs, ou les Generaux laissoient à dessein échapper les occasions de bien faire, de peur de contribuer à la gloire des Ministres d'Estat leurs ennemis, si durant leur Ministere, & par leurs conseils, on eut remporté quelque victoire. Ces brouilleries de la Cour furent si fauorables aux entreprises des Rebelles, que leur General pût dire en se presen. tant pour entrer dans Pequim, ie suis venu, i'ay veu, & i'ay vaincu. Car cependant que les Grands de la Cour partagez en deux factions, se choquoient les vns les autres, Licungz ayant

puissamment

puissamment estably sa domination dans la Prouince de Xensi. tourne ses armes contre les Prouinces qui sont à l'Orient. Il passe le fleuue d'Hoang sans aucun danger, parce qu'encore que ses vagues soient tres - impetueuses, & son canal tres - profond, il n'y auoit personne qui luy disputast le passage. Avant trauersé cette riviere qui separe les Provinces de Xensi, & de Xansi, dont la premiere est à son Couchant, & l'autre à son Orient, il emporta facilement la premiere place qu'il rencontra. Ce fut Kiangcheu, vne des plus riches villes de la Prouince, située au Midy, & assez prés de ce grand fleuue. La prise de Kiangcheu donna le branle aux autres places, qui se rendirent, ou par la crainte qu'elles auoient de la cruauté du vainqueur, si on resistoit à ses armes; ou par l'amour de la nouueauté qui nous fait souhaitter de changer de gouvernement, comme si nous en deuions estre plus heureux. Mais il arriue souvent que dans ces changemens on trouue des maistres plus fascheux que ceux qu'on auoit auparauant. La seule Capitale sit resistance durant quelques iours, ce qui fut cause que les assiegeans tuerent tous les anciens Magistrats, & en donnerent d'autres à leur fantaisse.

Lors que l'Empereur sceut, que Licungz estoit entré dans la Prouince de Xanfi, laquelle confine à celle de Pequim, il enuova promptement le grand Colao auec vne puissante armée, pour amuser les voleurs, s'il ne pouvoit les défaire. Mais ces troupes ne seruirent qu'à renforcer l'armée des ennemis, parce que la pluspart des soldats de l'Empereur prirent party parmy ces rebelles, & le mal - heureux Lius; c'est ainsi que s'appelloit ce Colao, se voyant au desespoir s'estrangla luy-mesme. Ces nouuelles estans venuës à la Cour, l'Empereur crût que pour la seureté de sa personne, il falloit se retirer de Pequim, qui est la capitale des Prouinces du Septentrion, & gaigner Nankim, qui tient le mesme rang parmy celles qui font au Midy. Tous les Grands de la Cour luy conseillerent de tenir ferme dans Pekim: & ses amis aussi-bien que ses ennemis tomboient d'accord en cela; ceux-cypensans que s'il y demeuroit, il leur seroit plus aisé de le liurer au chef des Rebelles, auant que leurs pratiques fussent decouvertes; & ceux - là iugeans que la resistance, que le Roy seroit dans la capitale de l'Empire, donneroit de l'asseurance à ceux de son parti, & les obligeroit à venir de tous les endroits du Royaume pour seconder sa generosité. Certes, ce conseil eut esté sagement donné si la Cour n'eût

point eu de traistres.

Cependant Licungz qui n'auoit pas moins de conduite que de hardiesse, joignant dans cette rencontre les ruses à la force, sit couler secrettement dans Pekim grand nombre de ses soldats déguisez en Marchands, à qui il donna de l'argent pour louer des boutiques,& trafiquer, iufqu'à ce qu'il se presentast deuant les murailles. Ces gens de sac & de corde, garderent inuiolablement le secret de leur Maistre, en attendant qu'il parust, pour commencer à mettre le trouble dans la ville. Mais ce General ne voulant pas manquet son coup, apres auoir ainsi disposé ses soldats, gaigne le President de la Chambre, qui iuge de toutes les affaires de la milice. On dit que celuy-cy croyant que la fortune du Roy estoit dans vn estat, où il n'y auoit point de ressource, s'accommoda auec les Rebelles, & promit de leur liurer la ville, afin de se maintenir par ce seruice. Quoy qu'il en soit, Licungz fait marcher ses troupes en grande haste droit à Pequim. La garnison qui estoit tres-forte se met en deffense: on braque vne infinité de canons sur les remparts; mais on ne chargeoit, qu'auec de la poudre, l'artillerie que l'on tiroit du costé, par où l'ennemy attaquoit la ville. Ce fut au mois d'Avril de l'an 1644, que les assiegeans entrerent par vne porte, qui leur sut ouuerte auant le leuer du Soleil. Les foldats de la garnison qui estoient demeurez fidelles ne firent pas longue resistance; parce que les voleurs déguisez, qui estoient entrez long - temps auparauant, s'estans ioints aux traistres, qui auoient vendu la Places les mirent tous en desordre. Cependant Licungz passe au milieu. de la ville, attaque le Palais, & l'emporte; malgré tous les efforts des plus fideles Eunuques qui luy en disputoient l'entrée. L'ennemy estoit déja maistre de la premiere enceinte des murailles du Palais, que l'Empereur ne sçauoit seulement pas ce qui se passoit: Les plus puissans d'entre les Eunuques, qui estoient d'intelligence auec l'ennemy, differans de l'aduertir iusqu'à ce qu'il ne pust échapper. Dés que le Roy apprit que Licungz estoit dans le Palais, il demanda s'il n'y auoit point de moyen de sortir; & comme

comme on luy cut respondu que tous les chemins estoient fermez, il escriuit de son propre sang vne lettre: dans laquelle il le prioit d'auoir pitié du peuple qui estoit innocent, & de le venger de la trahison que ses Courtisans luy auoient faite, puis que le Ciel luyen donnoit la puissance, en le faisant monter sur son Throne. En suitte, voyant sa fille, qui estoit déja en âge d'estre mariée, & craignant que le victorieux ne luy oftast l'honneur, il prit vne épée, & luy en coupa la teste. Puis descendant dans les iardins du Palais, il deslia ses iartieres, & se pendit à vn prunier. Cet Empereur fut le plus mal-heureux de tous les Princes, comme il fut le dernier de la famille de Thamin. Car encore que les Chinois ayent crée des Rois apres sa mort, ainsi que nous le raconterons dans la suitte de l'histoire: Toutefois on ne les met pas entre les Empereurs, à cause qu'ils n'ont eû en leur puissance qu'vne partie de la Chine. Ainsi cette famille si puissante qui auoit esté establie par vn voleur, a esté esteinte par vn autre voleur. La Reyne, le grand Colao, & quelques Eunuques fidelles au Roy, ayans suiuy l'exemple du Prince, ces lardins si delicieux, deuindrent vn lieu d'horreur par la mort de tant de personnes. Les plus fidelles suiets du Roy qui estoient dans la ville se donnerent aussi la mort, se noyans ou s'estranglans; car ces malheureux peuples s'imaginent que le plus haut point de la fidelité, est de mourir auec leur Roy, de peur d'estre tuez par les vainqueurs, ou obligez à se soûmettre à leur puisfance.

Pendant que cette suneste Tragedie se iouoit dans les iardins du Palais, Licungz montoit sur le Throne de son Prince, où l'on dit qu'estant assis il parut fort inquiet, & que ce Throne venant à chanceler, sembla donner vn presage que sa domination ne seroit pas de longue durée. Le lendemain, il sit mettre en pieces le corps de Zunchin, disant, pour excuser vn traitement si barbare, sait à vn mort & à vn Empereur, qu'il l'auoit bien merité par la cruauté qu'il auoit exercée sur ses suiets. Ce Tyran auoit bien mauuaise grace de parlet de la sorte des violences de son Prince legitime; apres auoir luy-mesme fait mourir vne infinité d'innocens dans les iniustes & sanglantes

EEe 3

guerre

guerres' que son auarice & son ambition luy auoient fait entre? prendre. Mais c'est l'ordinaire des hommes de condamner en la personne des autres, ce qu'ils font eux-mesmes Il ne se contenta pas de traitter auec tant d'inhumanité le corps de son Prince, il fit chercher ses trois fils, & les deux ieunes ayans esté trouvez, il les fit conduire hors de la Ville, & sans estre touché par l'innocence de leur âge, commanda qu'on leur coupât la teste. Il eut fait le mesme traitement à l'aisné, s'il fût tombé entre ses mains; mais on creut que, puis qu'il ne paressoit point, il s'estoit ietté dans l'eau, ou s'estoit sauué en fuyant. Ce barbare auoit caché durant quelque temps ses mauuaises inclinations, afin de gaigner les bonnes graces des peuples par sa feinte douceur; mais pour lors il leua le masque, & se declara. Ayant fait chercher dans la Ville toutes les personnes les plus considerables, il en fit mourir plusieurs par des tourmens horribles, & condamna les autres à luy payer des sommes immenses d'argent. S'estant reserué le Palais Royal, il abandonna la Ville au pillage des Soldats, qui commirent toutes les cruautez, que l'on doit attendre dans de semblables rencontres de la rage des personnes les plus barbares. Cette inhumanité luy fera perdre l'Empire, qu'il auoit conquesté si heureusement, & qu'il auroit pû conseruer, s'il eut esté plus moderé dans la bonne fortune. Entre les Grands de la Cour qu'il fit prendre, il y auoit vn sage vieillard nommé Vs, dont le fils qui s'appelloit V sangué estoit General de toutes les troupes, que l'Empereur Zunchin auoit enuoyées dans la Prouince de Leaotung; pour s'exposer aux Tartares. Licungz menaça ce miserable Pere deluy faire souffrir vne mort tres cruelle, s'il ne commandoit à son fils, par tout le pouvoir que la qualité de Pere luy donoit, laquelle est en tres-grande veneration parmy les Chinois, d'embrasser auec son armée, le party du victorieux. Il luy protesta en mesme temps, que, s'il vouloit luy rendre ce seruice, il luy donneroit & à son fils, tout ce qu'ils pourroient souhaitter. Ce bon vieillard ayant mis la main à la plume, écriuit à son fils vne lettre conceuë en ces termes. La terre, le Ciel & les destins ont fait le changement quenous voyons. Scachez, mon fils, que l'Empereur Zunchin est mort, & que ceux de la famille Royale de Thaminne dornent

doiuent plus rien pretendre à l'Empire, puis quele Ciel l'a donné à Licungz. C'est sagesse de ceder au temps, & d'obeyr à la necessité, pour euiter la riqueur de celuy qui est maistre de l'Empire, & qui a entre ses mains nostre bonne & nostre mauuaise fortune. Il vous fera Roy, si vous voulez le reconnoistre Empereur, & engager vos troupes à sonservice; sinon, ie suis mort. Voyez, monfils, ce que vous deuez faire pour sauver la vie, à celuy qui vous l'a donné. Vsangué répondit à son Pere de cette façon. Celuy dont vous me parlez, ne nous sera pas plus fidelle, qu'il l'a esté à son Roy; & vous, mon Pere, si vous auez oublié ce que vous deuez à vostre Prince, ne trounez pas maunais que ie vous desobeisse; puis que mon obcissance seroit criminelle. l'ayme mieux mourir que d'estre esclaue d'un voleur. Ayant fermé sa lettre, il enuoya aussitost vn Ambassadeur au Roy des Tartares, pour luy demander du secours contre vn voleur qui s'estoit emparé de l'Empire de la Chine: & pour obtenir plus aysément ce qu'il pretendoit, il luy fit promettre des sommes immenses d'or & d'argent, des étoffes de soye, & sur tout vn certain nombre de Chinoises, qui estoit ce que le Tartare souhaittoit auec plus de passion, à cause qu'il n'y a presque point de femmes dans son Royaume. Le Tartare ne voulant pas laisser passer vne si belle occasion d'entrer dans la Chine, se presenta dés le mesme iour à Vsangué, auec quatre-vingts mille homme tirez des places qu'il auoit dans la Prouince de Leaotung, & luy tint ce langage. Pour rendre noetre victoire plus asseurée, ie vous conseille de faire raser vos So dats, & de les habiller comme nous; afin que le voleur les prenne tous pour des Tartares; & qu'ainsi nostre nombre paroisse plus grand. Si ie n'auois eu peur de trop tarder, ie vous aurois amené une armée plus puissante; mais la briéueté du temps ne m'a pas permis d'en ramasser une plus forte. Vsangué auoit vn si grand desir de se venger, qu'il s'accorda à tout; sans considerer que pour chasser vn Tyran, il donnoit entrée dans le Royaume à des gens qui le ruineront tout à fait. Licungz n'eut pas plûtost appris la ionction d'Vsangué & des Tartares, que n'ayant pas le courage de resister, il abandonna Pequim, & se retirant aussi viste, qu'il y estoit entré, emporta auec soy toutes les richesses de l'Empire. Il prit la route: route de Sigan, qui est la capitale de la Prouince de Xensi, pretendant establir le siege de son Empire dans cette grande villes qui auoit esté autrefois la demeure des Empereurs. On dit que durant huit iours les quatre grandes portes du Palais furent ouuertes, & qu'on vid continuellement sortir des Porte-faix, des cheuaux de charge, des chameaux, & des chariots chargez de tous les meubles les plus precieux. Ainsi tous les thresors de la Couronne, c'est à dire, tout ce que seize Empereurs auoiens pû ramasser durant deux cens quatre-vingts ans fut enleué par vn voleur. La Caualerie des Tartares le poursuiuit si chaudement qu'il pensa tomber entre leurs mains. Car ayant marché plusieurs jours sur les pistes de l'arrie-garde de son armée, & l'ayant enfin attrapeé, ils firent vn butin incroyable : mais ils ne voulurent pas passer la riuiere d'Hoang, pour courir apres le reste des troupes, à cause qu'ils vouloient s'emparer des places de la Prouince de Pequim, durant que tout estoit en desordre, & en confusion. S'estans presentez aux portes de Pequim, auec les dépouilles des vaincus. & les habitans les ayans receus dans la ville, la fortune par ce premier succez leur donna l'Empire. Cependant, il faut remarquer vne chose tres-considerable, que les Tartares ne desisterent point de leur entreprise, quoy que leur Roy fût mort. Car Zungté qui auoit vne tres - ardente paisson de conquester ce grand Empire, mourut en sortant de la Prouince de Leaotung, pour entrer dans la Chine, & laissa pour successeur son fils, qui n'estoit âgé que de six ans. En rendant l'esprit il coniura ses freres de contribuer de tout leur pouuoir à l'entreprise qu'il auoit formée, & qui ne pouuoit estre executée que par leur courage; & choisit le plus âgé pour estre le Tuteur de son fils, & pour prendre la Regence durant sa Minorité. Les dernieres paroles de ce Roy mourant eurent tant d'effet sur l'esprit de ces Princes ambitieux, qu'ils trauaillerent tous, auec vne vnion admirable, à l'establissement de la grandeur de leur Neveu.

Cependant V sangué ayant donné la chasse au voleur, & deliuré Pequim de sa tyrannie, crût que sans differer plus longtemps, il falloit appeller l'heritier de la Couronne, asin de le faire declarer Empereur de toute la Chine, & l'établir dans la Capitale.

Pour

Pour cet effet, il remercia les Tartares de la faueur qu'ils auoienc faite aux peuples, en ruïnant la Fortune du Tyran; loua hautement la generosité qu'ils auoient fait paroître, en rendant cét important seruice à la Chine; & les pria de receuoir les presens qu'il estoit obligé de leur faire. Il adioûta adroitement, que ce seroit vne inciuilité aux Chinois, s'ils pretendoient de les retenir plus long-temps hors de leur païs: c'est pourquoy il les supplioit de ne pas s'incommoder dauantage, & de conseruer toujours leur amitié à la Chine, qui esperoit, qu'ils oubliroient toutes les anciennes iniures; dont ils s'estoient vangez auec tant d'auantage dans les guerres precedentes, & que les deux couronnes viuroient en bonne intelligence. Les Tartares, qui auoient bien d'autres pensées, que ne s'imaginoit V sangué; firent à cela vne response premeditée, en luy representant : Qu'ils témoigneroient trop d'indifference pour le repos de la Chine, s'ils l'abandonnoient, auant que d'auoir appaisé tous les troubles; Que les voleurs estoient encore trop puissamment restablis, puis que Licungz tenoit sa Cour dans Sigan, qui est la Capitale de la Prouince de Xensi, & que de là il gouvernoit plusieurs Provinces, tres riches, & tres peuplées : Que la crainte qu'il auoit cue des forces de la Tartarie l'ayant fait fuir, à la premiere nouvelle de leur retraitte, il ne manqueroit pas de retourner auec de puissantes troupes, qui mettroient la Chine dans vn danger plus grand que celuy dont elle venoit d'estre sauuée: Que si cela arrivoit, peut-estre pour lors il seroit impossible aux Tartares d'enuoyer du secours. Qu'ainsi ce seroit beaucoup plus sagement fait d'exterminer entierement les voleurs, pendant qu'on le pouvoit faire avec facilité; afin qu'Vsangué ayant par sa conduite pacifié tout le Royaume, il pût le remettre entre les mains du Prince, à qui la possession en estoit deuë. Que, pour ce qui estoit des preseus qu'il leur offroit selon sa promesse, ils les estimoient en ausi grande assurance entre ses mains, que s'ils les gardoient eux - mesmes: Qu'il falloit donc se partager pour attaquer en mesme temps l'ennemy de tous costez: Qu'il devoit porter ses armes contre Licungz, auec une partie de ses troupes, & quelques Regimens de Tartares; pendant qu'ils iroient aucc le reste exterminer les Rebelles qui FFF estoient

estoient dans la Prouince de Xantung: & qu'ainsi toute la Chine iouiroit en peu de temps d'une parfaite tranquillité. V sangué ne reconnut pas leur artissee, on ne sit pas semblant de le voir,

de peur de les irriter.

Or il faut remarquer, que les Tartares, auant que de se ioindre à Vsangué, lors qu'il leur enuoya demander du secours pour la premiere fois, depescherent des courriers, pour aller dans tous les Royaumes de la Tartarie, presser qu'on enuoyât toutes les troupes qu'on pourroit leuer; afin de conquester l'Empire de la Chine. Ils n'osoient pas se declarer ouuertement, jusqu'à ce que ces armées, qu'ils attendoient, fussent arriuées; mais lors qu'ils virent cette multitude incroyable de soldats, qui estoient venus de toutes les parties de la Tattarie, ils commencerent à ne plus dissimuler. Outre les peuples qui estoient sortis de Nieuche, de Niulhan, & de l'ancienne Tartarie, qui est plus à l'Occident; il y auoit aussi des troupes venuës du Royaume d'Yupi, qui tire vers la mer du Leuant, au dessus du Iapon, On appelle Yupi les habitans de ce païs, à cause qu'ils font leurs cuirasses auec des peaux de poisson. l'ay rencontré aussi dans la Chine plusieurs soldats, qui estoient venus des riues de la Volga: & i'ay iugé en les entretenant, qu'ils auoient connoifsance de la Pologne, & de la Moscouie. Ils sont plus barbares que les peuples de la Tarrarie Orientale, qui les appellent Alga-Tartares. Lors que ce puissant secours fut ioint aux troupes, qui estoient d'abord entrées dans la Chine; les Tartares ayans estably vne nouuelle famille Royale, qu'ils appellerent Taïcing, & donné le nom de Xunchi à leur petit Prince, qui n'auoit encore que six ans, le firent proclamer Empereur de toute la Chine. Cét enfant montant sur le Throne, où ses Ancestres auoient autrefois paru auec tant d'éclat, se comporta dans cette action auec vne Majesté, qui ne ressentoit point l'enfant, & sit vne harangue à ses Oncles, & aux autres Officies de l'armée, dans laquelle il montra vne force d'esprit admirable. Vostre bon heur & vostre courage m'inspirent la hardiesse auec laquelle vous voyez que ie mante ce Sceptre. & la fermeté que: le Ciel me donné maintenant, est un augure de celle de nostre Empires

Empire, comme la crainte que Licung I fit paroître sur ce Throne, fut le presage de sa cheute. le scay bien que ce n'est icy qu'un commencement; mais i'ay conçeu de si grandes esperances de vostre courage, que ie m'estime desia maistre de la Chine, & mesme de toute la terre. Les richesses de ce grand Empire, & les Charges plus honorables du monde, seront la recompense de vostre vertu; mais la grandeur du prix cedera toûiours à celle du merite. Cependant, c'est trop parler, il est temps d'agir, alle E & acheuez genereusement, ce que vous auez si glorieusement commencé.

Cette harangue donna de l'estonnement à toute la Cour, où l'on disoit que le Ciel avoit choisi cet enfant de six ans, pour la conqueste de ce grand Empire. Le mesme iour, il honora publiquement son Tuteur, qui estoit le plus âgé de ses Oncles, par tous les devoirs & les respects que l'on peut rendre à vn Pere. C'est pourquoy les Tartares appelleret cet Oncle, Amahan, & les Chinois Amauang, c'est à dire, Pere-Roy. C'est luy qui gouvernera tout, & qui portera les affaires des Tartares à ce haut point de gradeur, où nous les verrons. Et certes, il estoit bien capable d'vn employ si difficile & si laborieux. Sa prudence estoit admirable dans le Conseilse estoit vn foudre de guerre dans les batailles s dans la conversation, il estoit le plus caressant du mondesquand il faloit rendre la justice, il estoit infiniment equitable; & lors qu'il s'agifsoit des interests de son Neveu, il auoit vne inuiolable fidelité. Il y eut aussi grand nombre de Seigneurs Chinois, qui contribuerent beaucoup à l'établissement de l'Empire des Tartares. Car, comme nous auons dit auparauant, s'étans retirez chez ces Barbares, afin d'éuiter les effets de la colere du Roy de la Chine: Ils sollicitoient les peuples par leurs paroles, & leurs exemples, à se soumettre au Conquerant, & donnoient des auis d'importance aux ennemis de leur Patrie; qui les recompensoient de leurs seruices en les admettant aux premieres Charges du Royaume.

Le mesme iour on enuoya quelques Regimens de Tartares à Vsangué, & des lettres par lesquelles le nouvel Empereur le creoit Roy, sous le nom de Pingsi; c'est à dire, Pacificateur de l'Occident, & auec dependance de l'Empereur, dont il seroit tributaire. Sa Cour devoit estre à Sign,

FFf 2

Capitale de la Prouince de Xensi. Vsangué se trouua dans d'estranges perplexitez, lors qu'on luy apporta cette nouuelle. Il ne pouuoit accepter les offres tres-auantageux que luy faisoient les Tartares, parce qu'il estoit fidelle; & il ne pouvoit les refuser, parce que c'estoit se declarer contre vn ennemy inuincible. Enfin, il receut ce qu'il ne pouvoit refuser, & reconnut le Tartare pour son Souverain; de façon que celuy qui nagueres combattoit les voleurs pour la liberté des Chinois; se voyoit reduit à cette fascheuse necessité de combattre les Chinois, pour les soûmettre à l'obeissance des Tartares. Comme il estoit grand Capitaine, il luy fut facile, auec le secours de ces nouueaux Conquerans, de chasser Licungz de la Prouince de Xensi, & d'établir son Royaume dans Sigan, où il a iusques icy conserué le titre & le pouvoir de Roy. Par cette adresse, les Tartares éloignerent des emplois de la guerre ce grand homme, dont les armes pouuoient estre fatales à leurs entreprises. Nous n'auons pû iusqu'à maintenant sçauoir ce qu'estoit deuenu Licungz, apres que ses troupes furent entierement défaites. Quelques - vns ont cru, qu'V sangué l'auoit tué dans la bataille; mais on n'en est pas assuré, à cause que son corps n'a point esté reconnu.

D'autre-part, les Tartares ayans augmenté infiniment leurs troupes, en y receuant les vaincus, qui se rasoient & s'habilloient à la mode du Vainqueur, ils occuperent sans aucune difficulté la Prouince de Pequim, & celle de Xantung. De sorte qu'en moins d'vn an, ils se rendirent maistres de quatre Prouinces, de Pequim, Xansi, Xensi & Xantung. Ie ne compte pas celle de Leaotung, parce qu'ils y auoient beaucoup de places, auant qu'ils commençassent ces dernieres conquestes. Dans toutes ces Prouinces, ils ne changerent point la forme du gouvernement des Chinois, laissans aux Docteurs & aux Mandarins les emplois les plus considerables; & mesme faisans garder toutes les ceremonies de leurs examens. Si bien que ceux qui estoient receus aux degrez, & qu'ils choisissoient pour faire diuerses charges, estans comme leurs creatures, s'attachoient fortement aux interests des Tartares. Ils ne s'estoient reserué que les Charges militaires, encore ne laissoient - ils pas d'en donner à ceux qu'ils

recon

reconnoissoient plus fidelles. Pour se conformer encore dauantage aux façons des Chinois, ils conseruerent les mesmes Magistrats, & les six Compagnies Souueraines d'Officiers, qui surent miparties de Chinois & de Tartares. Le changement le plus odieux qu'ils firent sut celuy des habits. Car ils firent publier vn Edit, par lequel ils ordonnoient à tous les suiets de l'Empire, de se raser, & de s'habiller à la Tartare. Cet Edit leur sit naistre de grandes dissicultez, par ce que les Chinois s'affligeoient plus de la perte de leurs cheueux, que de celle de leur Empire, & combattoient plus courageusement pour ce vain ornement de leurs testes, que pour la dessense de leurs Prouinces. Et la folie de quelques-vns est venuë iusqu'à ce point, qu'ils aymoient mieux perdre la teste, que leurs cheueux. Ie pourrois apporter plusieurs exemples de ce que i'escris; mais ie suis obligé de les passer, afin de venir aux euene-

mens, qui sont de plus grande consequence.

Les Gouuerneurs des Prouinces du Midy, ayans receu la nouuelle du siege que Licungz auoit mis deuant Pequim, & du danger où estoit l'Empereur Zunchin, assemblerent promptement vne armée pour l'aller secourir : mais lors que les troupes estoient en chemin, ils apprirent la mort funeste de l'Empereur, & la prise de la Capitale de l'Empire. C'est pourquoy ils contre-manderent l'armée & les vaisseaux qui auoient coustume de porter tous les ans à Pequim, les viures & les autres choses necessaires. Quelque temps apres, ils sçeurent que les Tartares ayans chassé les voleurs, s'estoient eux-mesmes rendus maistres de Pequim, & pretendoient soûmettre toutes les Prouinces à leur obeissance. l'estois pour lors à Nanquim, où ie vis vne estrange consternation dans tous les esprits; iusqu'à ce que les Mandarins les plus considerables estans reuenus de leur estonnement, eurent choisi vn Empereur de la Famille de Thamin, lequel ils appellerent Hungquang. Ce mal-heureux Prince, qui estoit petit-fils de Vanlié, & cousin de l'Empereur Zunchin, ayant n'agueres esté contraint de se retirer dans Nanquim, pour s'eschapper des mains des voleurs de la Prouince d'Honan, fut couronné auec vne magnificence & vne ioye incroyable: les pauures Chinois esperans FFF

d'estre plus heureux sous son Empire. Aussi - tost qu'il eut esté declaré Empereur, il enuoya des Ambassadeurs aux Tartares, pour les prier de luy donner la paix, s'offrant de leur ceder toutes les Prouinces qui sont au Septentrion; mais les Targares virent bien qu'on ne demandoit la paix, que pour auoir le temps de se mettre en estat de faire la guerre. C'est pourquoy ils respondirent; qu'il n'estoit pas besoin qu'on leur donnast, ce qu'ils auoient déja acquis par la voye des armes; & que, puis que les Gouverneurs des Provinces du Midy avoient choisi yn Empereur, ils feroient tres-bien de le dessendre; mais que pour eux, ils estoient resolus d'auoir tout l'Empire, ou de perdre tout ce qu'ils en auoient conquesté. Cette Ambassade n'ayant point eu d'effet, on commença de part & d'autre à se preparer à la guerre: Lors que dans Nanquim on vid paroistre vn ieune homme, qui se disoit! sils aisné de l'Empereur Zunchin; & outre qu'il en donnoit beaucoup de marques assurées, plusienrs Eunuques le reconnurent. Mais le nouuel Empereur ne pouuant se resoudre à s'arracher la Couronne, afin de la mettre sur la teste d'vn autre, ne voulut iamais le reconnoistre; & commanda, qu'on le mist dans vn cachot, pour le faire mourir comme vn imposteur. Cette action ayant irrité plusieurs Grands de la Cour, la diuisson sut si grande qu'elle pensa esclatter par vne reuolte generale; enfin, les Gouuerneurs mirent vn si estrange desordre dans les affaires, quelques - vns fauorisans secrettement les Tartares, que ces ennemis de la Chine surprirent la ville de Nanquim & toute la Prouince. Car comme leur armée parut dans le territoire de la ville d'Hoaïgan, & qu'en suite elle se fut presentée sur la riue Orientale du fleuue d'Hoang; aussi-tost qu'elle se fut mise en deuoir de passer la riuiere; vne multitude effroyable de Chinois qui estoit sur l'autre bord, sut si effrayée, qu'elle n'eût pas seulement l'assurance de soustenir la veuë de l'Ennemy. Et neantmoins le nombre de ceux qui gardoient ce costé de la riviere estoit si prodigieux, qu'en iettant leurs souliers les vns sur les autres, ils eussent fait vn rempart impenetrable à la caualerie des Tartares. Mais dans la guerre le nombre ne sert de rien sans le courage

A Sales Males

1133-

courage. Les Tartares voyans que personne ne se presentoit, pour les empescher de mettre pied à terre, descendent de leurs batteaux, entrent aussi tost dans la Prouince de Nanquim, & prennent toutes les places qui sont situées au Septentrion de la riuiere de Kian. Il sera bon de marquer icy vne chose qui est admirable dans la conduite, que gardent ces barbares, lors qu'ils entreprennent la conqueste d'vne Prouince. Auparauant que d'y porter leurs armes, ils nomment les Gouuerneurs des places les plus importantes, & determinent le nombre des soldats qu'ils y mettront en garnison; de là vient qu'ils ne sont pas plustost entrez dans vne Prouince, qu'ils en sont pleinement les maistres. La seule ville d'Yangcheu, qui estoit egalement belle & riche, resista puissamment aux troupes de l'Ennemy, & mesme le fils d'yn des Generaux Tartares perdit la vie dans vne attaque. Vn Colao, appellé Zuüs, tres - fidelle à l'Empereur, commandoit dans cette place vne puissante garnison; mais enfin il fallut se rendre à la discretion du Vainqueur, qui sit passer tous les soldats, & tous les habitans au fil de l'épée; enleua tout ce qu'on pouvoit prendre dans les maisons; & de peur que la pourriture des corps morts n'infectast l'air, & ne produissit la peste, les fit mettre sur le haut des maisons, & puis brussa la ville & les faux-bourgs.

Les Tartares dans cette conqueste, grossirent leur armée, tous les Gouverneurs des autres places se soûmettans à eux auec les garnisons qu'ils commandoient. Le Conquerant pour gaigner les Chinois, laissoit à ces Gouverneurs le commandement des places qu'ils auoient sous l'Empereur Hungquang; & mesme donnoit à quelques vns d'entre eux des Charges plus considerables, que celles qu'ils possedoient auparauant. Cette douceur auec laquelle il traittoit les personnes qui se rendoient de leur plein gré, & les cruautez qu'il exerçoit dans les villes, qui faisoient quelque resistance, surent cause que la plus part des Gouverneurs se rangerent au party des Tartares, sans attendre qu'on les sommast d'ouvrir les portes de leurs places. Pour acheuer la conqueste de la Prouince de Nanquim, il falloit passer le Fils de la mer; c'est ainsi

que les Chinois appellent la riuiere de Kian, comme nous l'avons déja marquée dans le commencement de l'Histoire. Ce Heuue qui a bien prés de deux lieuës de large, prenant son cours de l'Occident à l'Orient par le milieu de la Chine, la separe en deux parties, dont l'vne prend le nom du Septentrion, & l'autre celuy du Midy. Elle diuise aussi la Prouince de Nanquim en deux parties, quoy que la Capitale soit sur la riue qui regarde le Midy. Il falloit donc trauerser ce grand fleuue, afin d'emporter cette ville, où demeuroit l'Empereur auec toute la Cour. Pour cet effet, l'ennemy ayant assemblé grand nombre de vaisseaux, vient fondre sur la flotte Chinoise, qui l'attendoit à l'autre bord en resolution de bien faire: & comme elle estoit puissante, & animée par la valeur & la fidelité d'vn Capitaine, nom-Hoangchoang, le combat fut tres-furieux; & l'on commençoit à reconnoître que les Tarrares pouvoient estre vaincus par les Chinois: lorsque le braue Hoangchoang, fut percé du iauelot du perfide Thien, qui commandoit toute la flote Chinoise. Ce traître qui estoit de la Prouince de Leaotung, auoit esté gaigné par les Tartares, pour faire ce coup funeste, qui ruina toutes les esperances de la Chine. Pour acheuer son ieu, il se mir à fuir, scachant bien que son exemple attireroit les autres vaisseaux, se rendit dans la ville auprés de l'Empereur, comme s'ileut esté le plus sidelle de tous ses suiets; & puis voyant qu'il se retiroit, ill'accompagna dans la fuire. Aussi tost que les Tarrares furent descendus à terre, ayans appris que l'Empereur fuyoit, la Caualerie commença à courir à toute bride. L'infidelle Thien la voyant paroître, porte sa main sacrilege sur l'Empereur, l'arreste, & le liure à ses ennemis. Ce Prince fut pris au mois de luin de l'an 1645. & aussi-tost apres conduit vers Pequim, où il sut étranglé auec la corde d'vn arc, à la veuë des ramparts de cette grande ville; de façon qu'il ne ioüit pas de l'Empirevne année entiere. On fit le mesme traittement non seulement à celuy qui se dissoit le fils aisné de Zunchin, & qui estoit encore dans la prison, où il auoit esté enfermé par les ordres d'Hungquang; mais encore à tous ceux de la Famille de Thamin, que l'on put trouuer. Car c'est vne coustume bien tyrannique; mais qui est receuë

dans toute l'Asie, que les Conquerans sont mourir toutes les personnes de la race des Princes, dont ils ont conquesté les Royaumes. Ainsi Nanquin, & toutes les autres places qui estoient situées au Midy du sleuue Kian, se rendirent sans aucune ressistance.

Apres cela, les troupes ayans esté divisées, vne partie s'embarqua sur le fils de la mer, pour aller dans la Prouince de Kanton, & puis dans celles de Kiansi & d'Huquang, qui ont vne prodigieuse estenduë, & qui sont au milieu du Royaume; l'autre courut vîtement à Hancheu, qui est la Capitale de la Prouince de Chekiang. Les Gouverneurs, les Ministres d'Estat, & les Capitaines qui s'estoient sauuez de Nanquin, & qui estoient à Hangcheu, choisirent vn Empereur de la famille de Thamin; mais Louang, qui fut celuy qu'ils nommerent, ne voulut pas prendre le titre d'Empereur, se contentant de celuy de Roy; afin peutestre que sa cheute, dont il auoit déja des pressentimens, luy sût moins rude; en tombant d'vn lieu moins éleué. Toutefois il promit qu'il prendroit ce tître; lors qu'il auroit recouuré vne des deux villes, où les Empereurs ont accoûtumé de tenir leur Cour; & encouragea les Chefs & les Soldats, à témoigner plus de courage, afin de venir à bout de cette entreprise. A peine ce Prince auoit-il regné trois iours; c'est à dire, moins de temps qu'vn Comedien ne fait le personnage de Roy sur le Theatre, dans les actions qui se representent à la Chine, que le Tartare se presente aux portes. Les troupes qui s'estoient refugiées dans cette place, sous la conduite de diuers Chefs, promirent de combatre, si l'on vouloit payer les monstres qui leur estoient deues. Le dessein de ses soldats, également lâches & infidelles, estoit de contraindre le Roy & les habitans à leur donner de l'argent, en vn temps où il sembloit qu'ils estoient absolument necessaires, & apres qu'ils l'auroient receu, de ne rien executer de leurs promesses. Louang qui estoit vn bon Prince, ne pouuant soustrir la perte d'une si grande ville, eut compassion de la misere du peuple, & sit voir par vne action, à laquelle l'Europe n'a iamais rien entendu de semblable, combien il auoit de tendresse pour ses sujets. Il monte sur la muraille, se

iette à genoux, & dans cette posture suppliante, demande au General des Tartares, qu'il pardonne à ses sujets, luy promettant de se mettre entre ses mains, pour estre immolé à ses ressenrimens, comme la victime de son peuple. En disant cela, il s'alla rendre au Camp des ennemis, où vne vertu si extraordinaire n'auroit iamais receu le traitement qu'on luy fit, s'il y eut eu parmy eux quelque Cesar, ou quelque Alexandre. Les Tartares ayant commandé aux habitans de fermer les portes de la ville, de peur que leurs foldats ou les Chinois n'y entrassent, ils commencerent à charger les troupes ennemies qui estoient hors des murailles; mais leurs fleches & leurs cimeterres n'en firent pas tant perir, que les eaux en etoufferent. Car il y a'vne gande riuiere nommée Cienthang, large de plus d'vne lieuë, qui passe deuant la porte qui regarde le Midy. Les Chinois fuyant auec defordre, & en confusion, & se pressant pour la trauerser, monterent en si grand nombre sur les batteaux, qu'ils les faisoient couler à fond, où se iettoient les vns les autres dans l'eau, si bien qu'il en perit vne infinité de cette sorte. Les Tartares avant ainsi chassé ou tué leurs ennemis, & n'ayant point de barques pour passer le fleuue, entrerent dans la ville, sans faire aucune violence aux habitans. Ainsi fut conseruée cette ville, dont ie décriray ailleurs, & plus au long, les richesses, la grandeur & les beautez; fans rien auancer sur le rapport des autres, puisque i'en parleray comme témoin oculaire, y ayant demeuré trois ans tous entiers, & en estant sorty pour venir en Europe.

Cette ville a vn grand canal, creusé par l'industrie des hommes, & rendu capable de porter des vaisseaux pour auoir la nauigation libre dans les Prouinces qui sont au Septentrion. Ce canal n'estant separé de la riuiere, que par vne grande leuée. Les Tartarestirerent vitement par-dessus la chaussée les vaisseaux qui y estoient, & trauersant le sleuue, sans que personne leur sist ressistance, entrerent dans Xaockin, la plus belle de toutes les villes de la Chine, les habitans n'ayant point sait de difficulté de les receuoir. Il est vray que c'est la plus agreable, & la plus propre de tout le Royaume, quoy que plusieurs autres l'emportent pour la grandeur. Car on voit dans l'enceinte des murail-

les, & tout au tour de grands canaux remplis d'eau douce, sur lesquels on peur aller en batteau. Il y a des places publiques larges & spacieuses, qui sont pauées de pierre de taille d'une blancheur admirable, & les quais des canaux qui passent au milieu. sont reuestus de mesme sorte. Grand nombre de ponts, d'Arcs de Triomphe magnifiques, & mesme les maisons, ce qui ne se voit point dans les autres villes de la Chine, sont basties pareillement de cette pierre. Cette ville s'estoit renduë de son plein gré, & les autres places de la Prouince qui tirent vers le Midy, se fussent asseurément soumises à leur puissance, s'ils n'eussent point fait publier vn Edit, par lequel ils ordonnoient aux vaincus de se raser à la Tartare. Apres la publication de cette Ordonnance, le peuple prend les armes pour la desfense de ses cheueux, chasse les ennemis hors de la ville, les poursuit iusqu'à la riviere de Cienthang, & les oblige àla repasser, apres en auoir tué grand nombre. Il n'y a point de doute, que, s'ils eussent voulu trauerser le fleuue auec les fuyards, ils eussent repris la Capitale de la Prouince, & recouuré les autres places que tenoient les Tartares: mais ils estoient contens d'auoir conserué leurs cheueux, & se fortifierent sur le riuage qui regarde le Midy, pour disputer le passage au Conquerant, s'il se presentoit sur la riuiere. Ainsi le cours des victoires du Tartare fut arresté pour cette année. Les Chinois voulant auoir vn Chef, choisirent parmy ceux de la Famille Royale de Thamin, vn Prince nommé Lu, afin de le declarer Empereur; mais luy refusant ce titre, prit le nom de Liberateur de l'Empire. Les Tartares firent venir de nouvelles troupes de Pequin, pour passer la riuiere de Cienthang; mais ce fut en vain : car les Chinois les en empescherent auec beaucoup de generolité. Ainsi les affaires de la Chine commencerent à prendre vn meilleur train, & les armées qu'elle auoit sur pied, luy pouuoient faire esperer de plus grands auantages; si la ialousie, & l'ambition de regner, n'eussent entierement ruiné ses esperaces. Les Soldats & les Capitaines de la Prouince de Fekien, qui s'estoient retirez en fuyant de Chekiang, avoient amené avec eux vn Prince du Sang, nommé Thangu. Celuy-cy avant esté declaré Empereur, dans la Prouince de Fokien, qui est frontiere GGg 2

de celle de Chekian; fit dire à son riual, qu'il deuoit luy ceder l'Empire, parce qu'il auoit moins de villes en son obeissance, & qu'il estoit apres luy, dans l'ordre des Princes qui penuent succeder à la Couronne. L'autre au contraire, luy representoit, que le droit estoit de son costé; puis qu'il auoit esté declaré le premier, & que la fortune auoit confirmé son election par le bon succez qu'elle auoit donné aux armes de la Chine, depuis qu'il auoit eu la souveraine puissance. Les Tartares regardoient auec plaisir cette diuision de Chinois, qui fut si opiniastre, que iamais les deux Princes ne voulurent se joindre, ny se ceder l'vn à l'autre pour resister à l'Ennemy commun. Le Roy Lu n'ayant que huit places en son pouvoir, se tenoit sur la desfensive, sans passer au delà du fleuue; ne pouuant pas entretenir vne armée assez puissante pour attaquer l'Ennemy. Les Tartares de leur costé cherchoient toûjours quelque inuention pour trauerser la riviere; car ils n'osoient pas tenter ouvertement le passage auec des batteaux, parce que l'Ennemy les attendoit à l'autre bord auec des nauires qu'il auoit tirés des ports de mer, & qui estoient montés de grand nombre d'artillerie. Mais enfin, leur bon-heur les fit triompher de tous ces obstacles. Car les chaleurs ayans esté excessiues durant l'Esté, il y auoit si peu d'eau dans le lit de la riuiere, principalement vers le Midy, prés de la ville de Tunglieu, où elle passe entre des montagnes, & où le reflus de la mer ne sçauroit l'enfler, que la Caualerie y trouua vn gué. A peine vingt cheuaux eurent - ils passe, sans que personne s'opposast à eux, parce qu'on ne faisoit point de garde en cet endroit, les Chinois s'imaginans que iamais les Tartares ne tenteroient le passage dans vn lieu où la riuiere estoit bordée de montagnes tres-rudes & tresdifficiles; que les paysans ayans donné l'alarme aux soldats Chinois, tous se mirent en fuite. Le Roy mesme ne se iugeant pas en asseurance dans les places qui sont en terre ferme, abandonne Xaokin, & se sauue dans l'Isse de Cheuxan, vis-à-vis de la ville de Nimpo. Il a toûjours vescu depuis ce temps - là en grandrepos dans ses Estats. Car cette Isse, où il n'y auoit auparauant que des Laboureurs, & des Pescheurs, s'est changée en vn florissant Royaume, vne infinité de Chinois se retirans dans la Cour de Liva

Lu, comme dans vn azyle où leurs cheueleures sont en asseurance. Il y a déja soixante & douze villes; plusieurs slottes bien équip. pées, qui ont rendu tous les efforts, que les Tartares ont fait sur cette lse, entierement inutiles, & il n'attend que l'occasion de remplir le grand nom qu'il a preferé au titre d'Empereur. Apres la retraite de ce Prince, le reste de la Prouince de Chequian sur bien - tost emporté par les Tartares, excepté la ville de Kinhoa, qui soustint vn siege de plusieurs mois. Le Gouverneur qui est vn de mes plus grands amis, estoir natif de la ville; c'est pourquoy il la defendit auec plus de constance. L'ennemy vovant que la resistance de cette place pourroit arrester le cours de ses victoires, s'il demeuroit au siege auec toutes ses forces; les diuisa en trois corps d'armée; dont le premier prit le chemin de la ville de Khiucheu, & des montagnes, pour entrer dans la Prouince de Fokien, le second alla par la route de Vencheu, & le long des costes de la mer, pour se rendre dans la mesme Pro. uince, & le troissesme continua le siege. Il sut obligé de se camper vn peu loing de la ville, afin d'estre hors de la portée du Canon, que ce braue Gouverneur faisoit iouer sans cesse sur les affiegeans, dont ils furent tres - incommodez. Enfin, ayans euxmesmes fait venir de la Capitale de grosses pieces de batterie, ils firent bréche à la muraille, & la place fut emportée, où ils mirent tout à seu & à sang Le Gounerneur de peur de tomber entre leurs mains, se sit brusser dans son Palais, auec toute sa famille, ayant mis le feu dans vne chambre à vn caque de poudre.

Il y a des montagnes qui font vne espece de grande chaisne, qui separe la Prouince de Fokien de trois autres Prouinces de la Chine; de celle de Quamgtung, de celle de Kiangsi & de celle de Chekiang. Lors que l'on veut entrer dans cette Prouince par les montagnes, il faut faire trois iours de chemin tres - dissicile. Car d'vn costé vous auez des collines d'vne hauteur incroyable; de l'autre des vallées aussi prosondes que des abysmes; & parmy tout cela des destroits, qui ne sont pas moins horribles que les Thermopyles des Grecs, & les chemins de la cime du mont Taurus. Cent paysans eussent arresté les Tartares, s'ils se sussent

GGg 3

saiss des postes le plus auantageux, ou s'ils eussent rompu les chemins: mais les Chinois auoient tant de peur des ennemis, que la seule ombre de leurs cheuaux les mettoit en suite. Il n'y auoit donc personne aux passages, pour en disputer l'entrée; & neantmoins les Tarrares eurent tant de peine à surmonter les obstacles que la nature auoit opposez à leur dessein, qu'apres auoir laisse leur bagage & leurs chariots, apres auoir perdu plusieurs cheuaux qui comboient du panchant des montagnes dans les precipices, ils ne purent presque pas sortir de ces destours. Il est vray qu'en recompense ils occuperent toute la Prouince, auec autant defacilité, que les habitans en eussent eu à la deffendre, s'ils se fussent retranchez sur les montagnes: car, sans mentir, ils ne mirent pas plus de temps à la conquester, qu'ils en eussent employé à s'y promener pour la reconnoistre. L'Empereur qui auoit pris le nom de Lungus; c'est à dire, Dragon Guerrier, sit voir qu'il n'estoit qu'vne brebis, fuyant auec vne puissante armée, si l'on en considere le nombre. Auec tout cela neantmoins il ne peut échapper la mort. Car les Tartares qui le suivoient à toute bride, joignirent enfin les fuyards; qu'ils tuerent à coup de fleches comme des moutons; & parce qu'on n'a point ouy parler de l'Empereur depuis ce temps - là, on a crû qu'ayant esté abandonné de ses gens, il estoit demeuré mort sur la place.

Cette Prouince fut traitée par le Conquerant auec plus de douceur, que pas vne autre de la Chine, à cause qu'on n'y auoit point fait de resistance; il prit mesme quantité de naturels du Païs pour sortisser son armée, & poursuiuant le cours de sa victoire entra dans la Prouince de Quamtung. I'ay dit vn peu auparauant que les Tartares ayant occupé la ville de Nanquim, ils diniserent leurs troupes, & en enuoyerent vne partie dans la Prouince de Chekiam, & l'autre dans celles de Kiangsi, d'Huquang, & de Quamtung. Le General, à qui on donna la commission de conduire cette derniere entreprise, sut si diligent & si heureux, qu'ayant conquesté les Prouinces d'Huquang & de Kiangsi, au mesme temps que l'autre General occupoit celles de Chekiang & de Fokien, par vn euenement assez rare, il attaquoit Nankiung, qui est la premiere ville que l'on rencontre sur la Frontiere,

cepen

cependant que l'autre sortoit de la Prouince de Foquien, pour entrer dans celle - cy. Nanquiung ayant fait resistance, ce premier General l'emporta de sorce, & mit tout à seu & à sang. Le reste de la Prouince sut bien - tost conquis, les deux armées y ayant trauaillé de concert. Vne de ces armées sut rappellée à Pequim, où elle retourna triomphante & chargée des depouilles de tant de villes; ayant mis dans toutes les places importantes des Garnisons, auec des Commandans, & nommé des Officiers, les vns pour rendre la Iustice, & les autres pour faire la

guerre.

Les plus iudicieux rapportent cette facilité, auec laquelle les Tartares conquesterent la Prouince de Foquien, à vne cause qui me semble plus veritable. Il y auoit alors dans cette Prouince vn fameux Pyrate, nommé Chinchilung, qui estoit vn homme de tres - basse condition, & originaire du Païs. Celuy - cy se mit d'abord au seruice des Portugais à Macao, & puis des Hollandois dans la Formose. Les Estrangers l'appelloient Iquon, & il estoit fort connu parmy les Hollandois & les Espagnols. Depuis il se fit Pyrate, & ayant peu à peu amassé de grandes flottes par son courage & son adresse, il deuint si puissant & si riche, que ses forces & ses biens egaloient, ou mesme surpassoient ceux de l'Empereur de la Chine. Car ayant luy seul les marchandises de toutes les Indes, il entretenoit grand commerce auec les Portugais à Macao, auec les Espagnols dans les Philippines, auec les Hollandois dans la Formose, & dans la nouvelle Hollande, auec les Iaponois dans tous leurs Royaumes, & generalement auec tous les Marchands des Isles qui sont sur ces mers du Leuant. Il ne sortoit rien des Ports de la Chine que sur ses vaisseaux; & c'estoit luy pareillement qui y faisoit entrer toutes les marchandises des Indes & de l'Europe, auec l'argent qu'il auoit gaigné dans le trafic. Carayant obtenu de l'Empereur de la Chine, l'abolition de tous les crimes qu'il auoit faits, ou plûtôt l'ayat extorquée; il deuint si puissant, qu'il auoit vne flotte de trois mille vaisseaux. N'estant pas contet de tout cela, il aspiroit à la Monarchiesmais voyat que tous ses desseins n'autoient point de succez, pendant que la Famille Royale de Thamin subsisteroit, à cause que iamais les

peuples

peuples ny les Grands du Royaume ne l'eussent souffert, il conceut de grandes esperances voyant les progrez des Tartares. Car il faisoit estat que ces Conquerans ne manqueroient pas d'éteindre entierement la race de Thamin, & qu'en suite il auroit vn specieux pretexte de prendre les armes pour sa Patrie, & que tout le monde le receuant, comme l'autheur de la liberté publique; il se feroit Empereur de cette puissante Monarchie. Et il n'v a point de doute, que ce pretexte eût tellement gagné les peuples, qu'ils eussent embrassé son party, comme celuy du Sauueur de toute la Chine. Il entretenoit de secrettes intelligences auec les Tartares, les fauorisant, afin de bâtir sa fortune sur le débris de leurs affaires. Or il faut remarquer, que quand les ennemis entrerent dans la Prouince de Fokien, Lungus l'auoit declaré Lieutenant general de toutes ses armées : tous les Chefs estoient ses freres ou ses parens tres-proches, & la pluspart des soldats` estoient de ses creatures. Il est donc probable que ce fut luy qui pratiqua tellemet toutes choses, qu'on ne s'opposa point à l'entrée des Tartares: & ce fut peut-estre pour cela, qu'ayant mis le pied. dans la Prouince, ils le firent Roy, & luy donnerent le nom de Pignan, qui signifie, Pacificateur du Midy, & luy firent toutes sortes d'honneurs. Mais celuy qui auoit lâchement trahy sa Patrie, fut iustement puny par la trahison de ceux qui auoient profité de son infidelité. Encore que les Tartares se doutassent du dessein qu'auoit cet homme: neantmoins reconnoissans ses forces, ils n'oserent iamais l'attaquer ouvertement. Au contraire, le Prince Tartare qui commandoit les troupes dans la Prouince de Fokien, luy deferoit en toutes choses, le regaloit souvent de presens tres-magnifiques, le traitoit somptueusement, & auec tout cela luy promettoit de la part de l'Empereur le Gouvernement des Prouinces de Fokien, & de Quamtung. Chinchilung tenoit déja cela pour assuré; mais il se trouvera tantost estrangement surpris. Car ce General des troupes Tartares se disposant à retourner à la Cour de Pequim, & tous les Seigneurs Chinois qui estoient en charge, allans luy rendre leurs deuoirs dans son Palais, & luy faisans compagnie durant quelque temps dans le chemin, il voulut vser enuers luy des mesmes ciuilitez. Il y alla fort peu accompagné,

accompagné, sans se désier de rien, ayant laissé sa slotte au port de Focheu, qui est la Capitale; mais lors qu'il voulut prendre congé du Tartare, celuy-cy l'inuita à venir à la Cour, où il l'assuroit que l'Empereur le verroit auec plaisir, & luy donneroit des Charges plus considerables, que celles qu'il possedoit. Iquon sit tout son possible pour s'en excuser; mais enfin le Tartare luy dit, qu'il vouloit absolument qu'il y vînt; & par cette adresse l'on se saiste de ce Corsaire, lequel on n'eût peut-estre iamais pu prendre par sorce. Depuis ce temps-là, il a toûjours esté enfermé dans Pequim, parce que son sils & ses freres, ayans sçeu qu'il estoit arresté, monterent promptement sur leurs vaisseaux, auec lesquels ils escument toutes les mers de la Chine. l'auray plus bas l'occasion de dire quelque chose de ces Pyrates.

Cependant, l'autre armée qui s'étoit renduë dans la Prouince de Quamgtung, en trauersant les Païs qui sont au cœur du Royaume, se jetta sur celle de Quangsi. Ce sut là que les armes de ces Conquerans, dont le seul nom faisoit trembler les Chinois, rencontrerent un obstacle qui arresta le cours de leurs victoires; lors qu'ils pensoient ne trouuer plus que des palmes à cuëillir. Le Vice-Roy de cette Prouince étoit vn veritable Chrestien nommé Thomas Cieu; le Chef de la Milice, qu'on appelloit Luc Cin estoit sorty d'vne famille qui contoit cinq generations, lesquelles n'auoient pas esté moins fidelles à Dieu, qu'à l'Empereur de la Chine. Ceux cy ayans assemblé toutes les troupes qui s'estoient retirées des autres Prouinces, monstrerent que l'on pouvoit surmonter les Ennemis, lors qu'on vnissoit les forces communes pour les combatre. Car les Tartares avans fait quelques conquestes dans la Prouince; ils furent vaincus dans vne grande bataille; chassez au delà des Frontieres, & poursuiuis par les Chinois qui entrerent dans la Prouince de Quamgrung, & recouurerent le's places qui sont vers l'Occident. En suite, ils iugerent qu'il estoit necessaire d'auoir vn Roy qui les gouvernât, pour la grandeur duquel ils combatroient avec plus de courage. C'est pourquoy ils jetterent les yeux sur vn Prince du Sang, petit-fils de Vanlié, & l'ayans couronné dans Queilin, où il estoit alors, & qui est la Capitale de la Prouince,

ils luy donnerent le nom de lunglié; esperans que la considera tion de ce Prince, qui estoit de la Famille Royale de Thamin, attireroit les Chinois à la deffense commune de la Patrie. Apres son couronnement, l'Empereur alla establir sa Cour dans Chatkin, qui est vne des plus belles villes de la Prouince de Quamgtung, & iusques à maintenant, il s'est defendu assez heureusement contre les Tartares. Pan Achillée, le premier de tous les Eunuques de cette Cour, a fait paroître depuis long temps, qu'il estoit, veritable Chrestien, faisant gloire de porter cette qualité, & se comportant auec vne pieté digne de ce grand Nom. Et afin de pouuoir viure plus Chrestiennement, il a voulu auoir auprés de sa Personne des Peres de la Compagnie de lesus, qui ont eu par ce moyen l'occasion de conuertir plusieurs Infideles, & entre les autres personnes, la Mere du Roy, sa femme & son fils, l'heritier de tout l'Empire, à qui on a donné dans le Baptesme le nom de Constantin. Tous les Chrestiens doiuent prier Dieu, qu'il luy fasse la grace d'estre dans la Chine, ce que Constantin fut autrefois dans l'Europe. L'Empereur mesme n'a point d'auersion de la Foy Chrestienne; mais il a toûjours differé son Baptesme iusques à maintenant : & toute-fois il n'a pas laissé de permettre à la Reyne d'enuoyer vn Pere de nostre Compagnie, pour assurer le Pape de l'obeissance de cette Princesse, comme toute l'Europe l'a sçeu. le souhaitte de tout mon cœur, que Dieu donne tant de succez à ses entreprises, que toute la Chine s'en ressente, à la plus grande gloire de Dien.

Les Chinois ne reprirent pas seulement courage dans la Prouince de Quangsi, mais encore dans celle de Fokien. Car les troupes qui l'auoient conquestée, estans retournées à Pequim, vn certain Prestre des Idoles, nommé Vangus, qui auoit autresois commandé dans les armées, sortant des montagnes, sit vne sedition auec des gens ramassez, & ayant surpris & tué les garnisons du Conquerant, se saissit de Kienning, qui est vne tres belle ville, & de plusieurs autres moins considerables. Beaucoup d'autres personnes sortirent à son exemple des montagnes où ils estoient cachez, & se rendirent maisses.

maistres de diuerses places. Les Freres & les Parens d'Iquon, qui écumoient les mers, descendirent à terre en mesme temps, & firent des courses aux enuirons de Suencheu & de Changcheu. Le General de toutes les armées du Tartare, qui estoit pour lors dans la Prouince de Chekian, & qui auoit esté nommé Vice-Roy de deux Prouinces, ayant receu la nouuelle de tous ces remuëmens, partit la mesme nuit qu'on la luy apporta, & prit le chemin de Fokien, auec toutes ses forces. L'apprehension qu'il auoit que les Chinois ne s'emparassent des destroits qui sont dans les montagnes, le fit haster dans sa marche. Et certes, il auoit bien raison de se presser; car si les peuples se sussent postez dans les lieux les plus aduantageux, la Prouince alloit secoüer le ioug des Tartares. Mais Cangus (car c'est ainsi que ce Vice-Roy s'appelloit) ayant trouué que personne ne dessendoit le passage, s'écria de ioye, que la victoire estoit à luy, & que les Rebelles estoient perdus. Il passe donc les montagnes sans opposition, il entre dans la Prouince, & se vient camper deuant Kienning, où Vangus s'estoit retiré. Le siege dura plusieurs mois, sans que la place pût estre emportée par la force. Au contraire, ce General voyant que les affiegez maltraitoient ses soldats dans les attaques, resolut de ne plus aller à l'assaut; mais d'asseoir son Camp vn peu plus loin des murailles, & de l'inuestir de toutes parts: Son dessein reussit: car il empescha par ce moyen que les autres Generaux Chinois ne se ioignissent à Vangus, qui n'osa pas se mettre aux champs pour combatre l'ennemy; parce qu'il eltoit trop foible. Cependant on n'eut pas plûtost appris ces nouuelles à la Cour de Pequim, que l'Empereur sit marcher des troupes, afin d'appaiser les troubles de cette Prouince. Le Vice-Roy qui auoit commencé le siege de cette place, se voyant soustenu de cette nouuelle armée, le pressa dauantage, & ayant fait venir du canon par les chemins des montagnes, où des Porte-faix le conduisoient auec vne inuention ad. mirable, & ayant abbatu toutes les defenses de la ville, les soldats passerent au fil de l'épée tous ceux qui y estoient, sans distinction d'âge ny de sexe. Dans le saccagement de cette HHh 2 place

place le Conquerant sit perir trois cens mille personnes, selon le rapport que nos Peres m'en ont fait; & puis le feu ayant esté mis aux maisons, elles furent toutes consommées, aussi bien que l'Eglise que nostre compagnie y auoit, dont la structure estoit tres-magnifique. Deux lesuites auoient peu auparauant esté retirez de l'embrasement de cette Sodome, par vn euenement merueilleux; car ie puis bien donner ce nom à Kienning, à cause des impuretez execrables, dont se souillent les habitans. Cette ville ayant esté reprise de la sorte, il sut aisé aux Tartares de reduire le reste de la Prouince; la pluspart des Chinois se retirant sur les montagnes, ou sur la mer: si bien que cette armée, qui avoit esté envoyée pour étouffer les mouuemens de cette Province, ayant executé sa commission, reprit le chemin de la Cour. C'est vne maxime tres-remarquable de la Politique militaire des Tartares, de rappeller les armées victorieuses, & d'en renuoyer d'autres composées de soldats de leur nation, laquelle en fournit suffisamment, à cause qu'elle ayme naturellement les armes. Ils ont estably cet ordre pour deux raisons principales, dont la premiere est, que les armées passans continuellement par les Prouinces, la crainte qu'elles donnent aux Chinois, les retient dans le deuoir, & la seconde, que par ce moyen on survient à la necessité des pauvres soldats, qui vont s'enrichir des depoüilles des Prouinces. Car lors qu'on a rappellé les vainqueurs tous chargez de butin, pour les faire reposer, on excite les autres par leur exemple à se comporter genereulement, afin d'auoir les mésmes recompenses.

Sur ces entresaites vn traistre pensa ruiner toutes leurs affaires. Car encorequ'il semble qu'ils ayent apporté toutes les precautions imaginables, pour empescher les reuoltes: toutes-sois ils n'ont iamais pu les euiter. L'Empire de la Chine est d'vne étenduë si vaste que pour regler les troupes qui sont en campagne & en garnison dans les villes, les Conquerans sont obligez de se seruir de quelques Chinois; le nombre des Tartares n'y pouuant pas suffire. Et bien qu'ils ayent cette adresse de ne point employer de Chefs ny de soldats dans vne Prouince dont ils soient natifs; la trahison n'a pas laissé de rendros

inutiles

inutile en ce point, vne conduite si prudente. Dans la Capitale de chaque Prouince ils ont vn Chef de la Milice, auquel tous les autres qui sont dans la mesme Prouince doiuent estre subordonnez. Il a toujours sus pied d'assez grandes forces pour composer vne iuste armée, afin qu'à la premiere nouvelle qu'il reçoit de quelque grand remuëment, il y puisse promptement accourir. Dans toutes les autres places de la Prouince, il y a vn Comandant & vne garnison assez forte pour la dessendre. Ainsi nous voyons qu'il y a comme deux ordres d'Officiers dans l'administration des Prouinces, dont les vns sont pour commander, sans dependre que de l'Empereur, & les autres pour agir sous ces premiers : l'vn de ces ordres, n'est presque remply que de Tartares & dans l'autre la pluspart sont des Chinois. Mais parce que le gouvernement des hommes ne sçauroit iamais estre si parfait, que l'infidelité n'y puisse mettre le desordre & la confusion; les Tartares, auec toute cette Politique, ont esté horriblement embarrassez par les pratiques de la trahison. Le premier qui se declara contre eux, fut le souuerain Chef de la Milice de la Prouince de Kiangsi. Ce General, qu'on appelloit Kin, auoit esté choisi par les Tartares pour vne charge de cette importace, à cause qu'il estoit de la Prouince de Leaotung, aux habitans de laquelle ils se fient beaucoup, par la consideration du voisinage. Or il arriua, par ie ne sçay quel accident, qu'il eut quelque demessé auec le Visiteur de la Prouince; à cause de l'auarice de celuy - cy. Ce different produisit dans leurs esprits vne haine furieuse qu'ils cachoient auec vne dissimulation admirable, à la façon des Chinois. Mais ce feu couuert de cendre ne laissera pas d'éclater & de causer la desolation de toute la Prouince. Car ayans tous deux vn mesme Païs à gouuerner: l'vn en qualité de Lieutenant General des troupes de la Prouince, & l'autre de Chef de la lustice; ils estoient obligez de conferer, & souuent mesme de se trouver ensemble à des festins. Vn iour qu'on les regaloit, & que l'on donnoit la Comedie dans la salle, les Acteurs estans habillez à la Chinoise, à cause que la mode de la Chine est plus belle que celle des Tartares, Kin se tournant vers le Vissteur luy demanda, s'il ne trouuoit pas que l'habit de ces Comediens estoit plus magnifique & plus maie-HHh flueux: stueux que celuy qu'ils portoient. Le Visiteur crût, que ces paroles luy sournissoient vne belle occasion d'accuser son riual auprés de l'Empereur, d'auoir mesprisé l'Edit des Tartares, par lequel ils auoient ordonné aux Chinois de changer leurs habits, & de

prendre celuy des Victorieux.

Ce General auoit gaigné le Secretaire du Visiteur, de façon qu'il estoit aduerty de tous les secrets de son ennemy. Ayant donc appris qu'il avoit escrit contre luy à la Cour, il fait arrester le Courrier, ouure les paquets, & ayant leu la lettre de son riual, marche droit au Palais du Visiteur auec quelques Compagnies de soldats, & le poignarde. Puis quittant le party des Tartares, les Chinois luy faisans de grands applaudissemens, ils se declara pour l'Empereur Iunglié auec toute la Prouince. Il n'y eut que la ville de Cancheu qui demeura dans l'obeissance des Tartares, parce que le Gouverneur qui leur estoit extremement fidelle, retint les habitans dans le deuoir. Nous verrons comment cette ville & son Gouverneur seront cause que les Tartares recouureront cette Prouince & celle de Kanton. Car en mesme temps que cela se passoit dans la Prouince de Kiangsi, Lihuz qui auoit dans celle de Quamgtung le commandement absolu sur toutes les troupes, fit prendre à toutes les villes, qui estoient dans son Gouvernement, le party de Junglié; & il se trouva encore que dans la Prouince d'Huquan plusieurs places qui sont vers le Midy, se soûmirent à ce Prince. La resolution de Lihuz estoit de ioindre ses forces auec celles de Kin, & chasser le Tartare de l'Empire; & ce dessein pouvoit avoir vn succez favorable, si le Gouverneur de Cancheu n'y eût formé par ses artifices vn puissant obstacle. La situation de sa place luy donnoit vn merueilleux auantage, pour trauerser leurs entreprises, car c'est la clef de quatre Provinces; mais son adresse y servit plus que tout le reste. Car d'abord qu'il eust entendu, que Lihuz auoit aussi entrepris la defense de l'unglié, il luy écriuit en ces termes: lusques icy ie n'ay pas voulu suiure l'exemple du Gouuerneur de ma Prouince; parce que ie n'ay pas cru qu'il fust assez puissant pour attaquer les Tartares: mais puis que vous-vous declarez au si contre eux, ie desespere de leur fortune. Ils ont en teste une personne qui a

fes

la victoire à ses gages. Ie suis donc à vous, & pour vous monsrer que ie parle tout de bon, ie mettray lors qu'il vous plaira, maplace entre vos mains.

Aussi-tost qu'il eut enuoyé cette settre ; il depescha vn Courrier, pour aduertir les Generaux Tartares qui estoient dans la Prouince de Fokien, & les prier d'enuoyer promptement vn puissant secours, qu'il fit entrer dans la ville à petit bruit. Lihuz se presente aux portes qui estoient ouuertes, & ne voyant ny sentinelles, ny corps-de-garde, s'auance sans crainte; mais les Tartares fondans sur luy tout d'vn coup, le repoussent auec grande perte. Les soldats estans frapez par vn accident si impreueu, ne furent pas plus heureux que leur General, que l'on croit auoir esté tué dans la messée; parce que depuis on n'en a point entendu parler. Ce coup ruïna presque toutes les esperances que lunglié auoit conceu de pouvoir chasser le Tartare; pendant que le Gouverneur de Kiangsi remportoit d'illustres victoires sur cet ennemy commun de la Chine. Car le General. Tartare qui estoit à Nanquim, & qui auoit ordre de l'Empereur de prendre garde à tout. ce qui se passeroit dans les Prouinces du Midy, ayant fait marcher de puissantes armées contre ce Gouverneur, elles y furent fort mal-traittées. Et ie ne fais point de doute, que si le Vainqueur eust pû poursuiure la pointe de sa victoire, il ne fust entré das Nanguim. Mais apres auoir battu ses ennemis, il fut contraint de reculer, parce qu'il ne vouloit point laisser de places derriere son armée; & qu'il falloit estre maistre de Cancheu, pour receuoir les munitions de guerre & de bouche, lesquelles Iunglié ne luy pouuoit enuover que par la riuiere qui y passe. Ayant donc appris le mal-heur qui estoit arriué à Lihuz, il assembla toutes ses forces, & mit le siege deuant cette place. Mais l'entreprise ne fut pas heureuse ; car pendant qu'il estoit campé deuant cette ville, on enuoya de Pequim vne nouvelle armée, qui auoit ordre de trauailler à la reduction de la Prouince de Kiangsi; de saçon que ce General sut contraint de leuer le siege, & d'aller disputer aux Tartares l'entrée de son Gouvernement, sur la Frontiere qui regarde le Sepcentrion. D'abord, il: leur resista auec assez de succez,

ses troupes estans aguerries & accoustumées à la façon de combattre des Tartares; mais apres plusieurs rencontres, voyant que la multitude des ennemis croissoit de plus en plus, il fut obligé de se retirer à Nanchang, qui estoit la Capitale de sa Prouince. Les Tartares n'osoient pas donner l'assaut pour l'emporter de force; mais faisans vne grande circonuallation assez éloignée des murailles, ils resolurent de l'obliger à se rendre par composition. Pour faire ces lignes accompagnées d'vn fossé, ils mirent en besogne vne infinité de paisans Chinois, & afin que la ville sust bouchée de toutes parts, ils disposerent des flottes sur les rivieres, pour arrester tous les viures qu'on essayeroit d'y ietter. Outre que la ville de Nanchang est grande & tres - peuplée, il y auoit vne grosse garnison pour la desfense de la place : si bien que quelques mois apres que le siege sut commencé, les viures se trouuerent consumez, quoy que le Gouuerneur eût fait entrer toutes les provisions qu'il avoit pu rencontrer. Plusieurs estoient déja morts de faim, que l'on ne parloit point encore de se rendre; Le Gouuerneur attendant toûjours le secours de Iungliè. Mais quand il se vit dans la derniere extremité; ce qui arriua bien - tost apres, par ce que les troupes de Iunglié qui estoient sorties de la Prouince de Kanton, à dessein de le secourir, n'auoient iamais pu reduire la ville de Cancheu qui ferme le passage, il assembla ses soldats & leur dit: Qu'il n'y auoit plus de secours à esperer, que de leur épée, & que, pour sauuer leur vie, il falloit s'ouurir par la force vn chemin au milieu des ennemis. Qu'il marcheroit à la teste pour leur monstrer comme ils se deuoient comporter. A yant donc mis ordre promptement à toutes choses, il vient fondre sur l'ennemy auec vne estrange impetuosité; il se fait iour au trauers des bataillons les plus épais, & apres auoir forcé la resistance des plus opiniastres, passe au delà des retranchemens & se retire en combattant, apres auoir tué grand nombre de Tartares. Le bruit commun du pais est que ce General s'est retiré dans les montagnes auec vn corps d'armée qui est assez considerable, & qu'il attend que la fortune luy presente quelque fauorable occasion de courir sus au Tartare. Apres la retraite de Kin, les assiegeans entrerent dans la place, qui fut abandonnée au pillage des soldars, 8

& tous les habitans passerent par le fil de l'épée. Car c'est la maxime des Tartares de traiter fort humainement ceux qui se rendent sans attendre qu'on les attaque, d'vser de quelque rigueur enuers ceux, qui n'ayans pas encore esté soûmis à leur puissance, resistent à leurs armes; mais ils ne pardonnent iamais aux Rebelles, lors qu'ils se laissent forcer. Trois Religieux de nostre Compagnie, deux Peres & vn frere, se trouuerent enuelopez dans ce carnage, ayans esté tuez dans une bourgade par quelques soldats débandez; & nostre Eglise qui estoit belle & ancienne, fut brussée dans la mesme ville. Le Conquerant apres la reduction de la Capitale, trouua toutes les autres places de la Prouince disposées à le recevoir, si bien qu'y ayant mis de nouvelles garnisons il retourna à la Cour. Cependant on preparoit dans Pequim trois armées, pour attaquer l'Empereur Iunglié, & le dépoüiller des Prouinces qui luy obeissoient. On deliberoit aussi au Conseil des moyens qu'il faudroit tenir, afin de mieux conseruer les conquelles de ces pais, lors qu'on les auroit rangez au pouvoir de l'Empereur. Amauang & les Ministres d'Estat voyans qu'il y auoit eu tant de reuoltes & de remuemens dans les Prouinces du Midy, jugerent que pour remedier à ce mal, il estoit besoin d'eriger dans cette partie de la Chine trois Principautez que l'on donneroit à autant de Seigneurs Tartares, qui en feroient hommage à l'Empereur, & luy payeroient tribut. Chacun auoit sa Prouince, & son corps d'armée composé partie de Chinois, partie de Tartares mais cette grace ne leur fut accordée qu'à condition qu'ils vniroient leurs forces pour reduire la Prouince de Kanton, & ruiner le party de lunglié. Mais nous parlerons plus bas de ce que firent ces trois Princes; il faut maintenant que nous dissons quelque chose des troubles qui s'éleuerent dans les Prouinces qui regardent le Septentrion.

Les Seigneurs Chinois, qui estoient dans cette partie du Royaume, sirent paroître qu'ils n'auoient pas vne amour moins violente pour la liberté, que ceux dont nous venons de rapporter les entreprises. Dans la Prouince de Xensi il y en auoit trois principaux, que les Tartares n'auoient pu prendre; quoy qu'ils les eussent vaineus. Ceux-cy deliberans ensemble de ce qu'ils

feroient pour chasser l'ennemy commun, se cachoient dans les montagnes, & ramassoient sans faire bruit, le plus grand nombre de soldats qu'ils pouvoient. Le plus considerable de ces trois Seigneurs, estoit vn nommé Hoüs, lequel voyant que ses troupes estoient presque assez puissantes, pour trauailler à l'execution de leur dessein, inuita les autres à se venir ioindre à luy: L'yn des deux le six, mais l'autre se contenta de luy enuoyer deux mille hommes de secours. Il n'y auoit que vingt-cinq mille hommes dans cette armée; mais si tous les soldats eussent esté bien aguerris, elle n'eût pas laissé d'executer de grandes choses. Auparauant que de se mettre en campagne, ce General enuoya vn Cartel de défi aux Tartares, où il les menaçoit, de leur faire souffrir toute sorte de mauuais traitemens pour auoir opprime les Chinois, aufquels il promettoit la liberté, vne seureté toute entiere pour leurs biens & leurs personnes, & tous les autres auantages qu'ils pourroient souhaitter. Plusieurs villes se rendirent à luy, sans attendre qu'il les attaquast, les Chinois ouurans eux-mesmes les portes: il n'y eut que la Capitale qui resista, dont la garnison composée de deux mille Chinois, du nombre de ceux qui estoient à la solde de l'Empereur Xunchi, & de trois mille Tartares, se trouuoit assez. forte pour soûtenir le siege.

Le Chef de cette Milice qui estoit dans Sigan, n'eut pas plûtost appris que les Rebelles se mettoient en campagne; qu'il ietta promptement dans sa place toutes les munitions de guerre & de bouche necessaires pour la dessendre, & toutes les troupes qu'il pût ramasser, en attendant le secours des Tartares. De plus, ayant seeu que les Chinois liuroient d'eux-mesmes les villes aux Rebelles: asin d'empécher que ceux de Sigan ne le sissent, à l'exemple des autres; il resolut de faire mourir tous ceux qui estoient dans cette Capitale. Ce sut en vain que plusieurs personnes tâcherent par leurs prieres de le détourner d'vne si étrange resolution, il n'y eut que le seul Vice-Roy de toute la Prouince, qui luy pût persuader de surfeoir l'execution d'vn dessein si barbare, luy promettant que les habitans seroient sideles. Cependant, il ordonna que tous se seroient raser à la Tartare; sinote

quil

qu'il les traiteroit comme criminels de leze-Majesté. Il auoit sait ce reglement, asin de pouuoir reconnoître les Chinois qui viendroient d'ailleurs pour entrer dans la ville. Car encore que l'Empereur Xunchi eût sait publier, à son éuenement à la Couronne, l'Edit par lequel il commandoit aux vaincus, de couper leurs cheueux à la mode des Conquerans: toutesois les peuples de la Chine ont vne si estrange passion pour leur cheueleurc, qu'ils n'en coupoient qu'vne partie auprés destemples. Outre cela, le Gouuerneur auoit donné ordre à ses soldats de tuer sans remission tous ceux qu'on verroit assemblez dans l'enceinte des murailles, s'ils estoient plus de deux. Il dessendit encore que pas vn ne montât sur le rempart; que durant la nuit personne n'allât par les ruës, n'allumât chez soy du seu, ou de la chandelle, n'eût des armes dans son logis; & condamna à la mort ceux qui contreuiendroient à ces ordres, & toutes les personnes de leur famille.

En suite, il enuoya quelques Caualiers pour reconnoître l'ennemy; mais il y en eut vne partie de tuez, & l'autre se sauua à la course dans la ville. Cependant le Tartare voulant saire parade de ses forces, & monstrer à l'ennemy qu'il ne craignoit rien, afin de le destourner du siege; laissa les portes de la ville ouuertes, & le Pont-leuis baissé comme en temps de paix. Mais Hous ne laissant pas d'inuestir la place de tous costez, se posta hors de la portée du Canon. Sigan n'a pas moins de trois lieuës de tour; c'est pourquoy les Assiegeans voulans faire paroître leurs troupes plus fortes qu'elles n'estoient, firent prendre party dans leur armée, à plus de deux cens cinquante mille paisans, qui ne seruoient que pour la montre. Le Tartare qui voyoit du haut des remparts le camp de l'Ennemy, croyant que cette multitude épouuentable n'estoit composée que de soldats, eut encore la pensée d'exterminer tous les habitans de la ville; mais il n'executa pas vn dessein si barbare, lors qu'il vid que les soldats Chinois qui estoiens à la solde de l'Empereur, combattoient vaillament les troupes d'Hous. Car les regardant de dessus la muraille, lors qu'ils estoient aux prises auec les assiegeans, il s'écrioit de ioye, Hoo Man Zu; c'est à dire en leur langue, voila de braues Barbares: C'est ainsi que les Tartares appellent les Chinois par Hi

mocquerie, suiuant la coustume des Conquerans, qui insultent toujours les vaineus auec des termes pleins de mespris : Et pour rendre la raillerie encore plus outrageuse, il se seruoit de ces paroles, Mauzuxa Manzu, qui veulent dire, les Barbares massacrent les Barbares. Toutefois lors qu'il les voyoit reuenir triomphans, il les louoit hautement de leur courage, & leur distribuoit l'argent, qu'il auoit fait mettre sur les remparts à la veuë de tout le monde, pour en recompenser la vertu des soldats qui se seroient portez vaillamment dans le combat. Enfin, Hous voyant que contre son attente, les habitans ne remiioient point dans la ville, reconnut qu'il ne pouuoit rien faire, & les Caualiers qu'il auoit choisis pour aller à la descouuerte, l'ayans aduerty que le secours approchoit, il sit retraite en diligence. Mais le Gouvern ur de la place assiegée ayant mis sa Caualerie aux trousses de l'Ennemy, l'Arricre-garde des assiegeans sut raillée en pieces & tout le bagage amené, qui fut partagé de telle sorte, que ceux qui auoient esté blessez dans la mélée, eurent vne partie du butin plus considerable que les autres. Depuis cela, on n'a point appris ce qui estoit arriué à ce General, dont les remuëmens n'eurent point d'autre effet dans les Prouinces du Septentrion, finon que le Tartare acheua de les ruiner, les traittant comme il auoit fait les Prouinces du Midy, où les Gouverneurs en se declarant contre les Conquerans auoient attiré leurs armes.

Mais comme dans la vie de l'homme vn mal-heur est pour l'ordinaire le commencement d'vn autre, les Tartares n'eurent pas si tost repoussé ce danger, qu'ils se virent enueloppez dans vn autre beaucoup plus grand, pour auoir traité les peuples vaincus auec insolence. Car l'année 1649, l'Empereur Xunchi voulant s'allier du Roy de Tanyu, dont les Estats sont dans la Tartarie Occidentale, enuoya le Prince Pauang, l'vn de ses Oncles, pour luy demander sa fille, asin d'obliger ce Roy, dont il apprehendoit les forces, à viure auec luy en bonne intelligence. Cet Ambassadeur passa par la ville de Taitung, qui est vne placetresforte sur la Frontiere de la Prouince de Xansi, du costé du Septentrion. On appelle cette ville la clef de tout le païs, à cause qu'elle commande à beaucoup d'autres sotts, & qu'il y a toûjours.

vne puissante garnison entretenuë, pour desfendre le passage des montagnes. Car sans cela les Tartares pourroient saire des courses dans la Prouince, n'y ayant au delà de la fameuse muraille que de grandes campagnes, où rien n'empesche de decouurir de tous costez, tant que la veuë se peut estendre. On dit que les femmes de cette ville sont les plus belles personnes de toute la Chine. Quelques Tartares qui estoient à la suite de Pauang enleuerent quelques Dames de cette ville, & entre les autres, vne ieune fille de condition, le iour mesme qu'elle auoit esté épousée. Les Chinois qui n'auoient iamais rien veu ny entendu de semblable, allerent en foule au Palais de Kiang, ainsi s'appelloit le Gouuerneur & le Chef de la Milice, que les Tartares auoient mis dans cette place pour y commander, & luy firent leurs plaintes de l'insolence des Tartares. Ce General indigné de cette action, enuove austi-tost vn homme au Prince Pauang, pour l'auerrir du desordre de ses gens, & le prier de reprimer l'insolence de ses soldats, & de saire rendre la Damoiselle qu'on auoit enleuee. Le Prince ne fit pas semblant d'entendre ces plaintes; c'est pourquoy Kiang voulut luy - mesme y aller; mais on luy re. fusa l'audience qu'il demandoie, & apres auoir receu cet outrage, on le chassa du Palais. On ne peut pas exprimer le ressentiment qu'il eut d'ynaffront si insupportable; mais on peut iuger de sa grandeur en quelque sorte, par la vengeance qu'il en prit. Estant resolu d'expier le crime de ces Barbares dans leur propre sang, il assemble sa garnison, & puis les attaquant, en fait vne sanglante boucherie: Le Prince estant sorty de la ville pardessus la muraille à grand peine put-il se sauuer à la saueur d'vn excellent cheual qu'on luy tenoit prest sur le fossé. Kian vit bien qu'apres cette action il ne falloit point attendre de quartier des Tartares; c'est pourquoy il se declara, faisant escrire sur ses drapeaux, qu'il estoit sujet de l'Empereur de la Chine; mais il ne marqua point en particulier le nom de l'Empereur, à cause peur-estre de la grande distance des lieux qui l'empeschoit d'apprendre des nouvelles de lunglié. Il invite donc tous les Chinois à le venir ioindre, afin de'deliurer la Patrie de l'oppression des Tartares. Grand nombre de Soldats & d'Officiers prennent party IIIi 3 dans.

dans ses troupes; & les peuples de la Tartarie qui regarde l'Occident, contre lesquels il auoit iusqu'alors vescu en ennemy, s'estans laissez gaigner par ses offres, luy promettent un puissant secours. Cette nouvelle mit en grand peine les Ministres d'Estat, qui n'ignoroient pas que les Tartares, qui sont au Couchant, estoient ialoux de leur grandeur, & vouloient les dépoüiller de l'Empire; ce qui ne leur estoit pas difficile, par ce que leurs forces sont beaucoup plus grandes que celles des Tartares qui sont à l'Orient. Ils apprehendoient encore les suites de cette guerre, à cause qu'ils ne pourroient auoir de cheuaux pour monter leur Caualiers, qui estoient obligez d'en achepter chez leurs voisins, la Tartarie qui est à l'Orient, n'en fournissant pas auec la mesme abondance que l'autre. C'est pour quoy ne voulans pas donner le loisir à Kian de ioindre ensemble de plus grandes forces, on fit aussi-tost partir de Pequim, vne iuste armée pour s'opposer à ses desseins. Ce General qui n'auoit pas moins de prudence que de valeur, & qui, ayant esté si longs temps au service des Tartares, connoissoit leur foible, d'abord sit semblant de suir, pour les saire sortir de leurs rangs; & se retirant en bel ordre, disposa grand nombre de chariots couverts de telle façon, que l'on eût dit qu'ils estoient chargez d'vn butin tres - riche, & les fit marcher en queuë. Les Tarrares s'imaginans que leur ennemy fuyoit à l'ordinaire, rompent aussi à leur ordinaire tous leurs rangs, & viennent fondre sur l'arriere garde: mais l'artillerie qui estoit braquée sur ces chariots, la bouche tournée du costé des Tartares, commençant à jouer, & les troupes qui tournerent visage les prenans dans cette confusion, en firent grand carnage, & mirent le reste en suite. Quelque temps apres, il monstra qu'il pouuoit aussi-bien remporter des victoires par les efforts de son courage, que par les stratagemes que son adresse luy fournissoit. Car les Tartares ayans remis sur pied une nouuelle armée, il la désit dans vne bataille rangée, & par cet auantage mit toute la Cour de Pequim dans vne estrange consternation. Car le Victorieux receuant les Chinois qui accouroient de tous les endroits du Royaume pour prendre party dans ses troupes, auoit quatre cent mille hommes de pied; & cent quarante mille cheuaux. Amauang

Amauang, qui voyoit que la puissance de son neveu estoit sur le panchant de sa ruine, ne voulant pas se fier aux autres d'yne affaire si importante, marcha luy - mesme en personne contre le Victorieux, afin de tenter la fortune pour la derniere fois. Il commanda donc aux hui& drapeaux de se tenir prests, pour partir, c'est à dire, à toutes les forces que les Tartares auoient alors dans Pequim. Car il faut remarquer que tous les soldats, soit Chinois, soit Tarrares, qui sont à la solde de l'Empereur, ou à Pequim, ou dans les Prouinces, font tous rangez fous huict Enseignes. Le premier Drapeau qui est celuy de l'Empereur, est blanc : le second est de couleurrouge; le troissesme est noir, & le quatriesme jaune: & ce sont les Oncles de l'Empereur, qui commandent aux troupes qui sont sous ces trois Drapeaux. La couleur des quatre dernieres Enseignes se fait du messange des quatre premieres : de sorte qu'il est facile à chaque soldat de sçauoir sous quel Drapeau il se doit ranger, & en quel quartier il se doit rendre, estant toujours dans la ville prest à monter à cheual, afin de se mettre en campagne. Au reste, lors qu'il est besoin de faire marcher vne armée, ou quelqu'vn de ces huict corps, dont nous auons descrit les Estendars, tout est preparé en vne demyheure. Car ils sonnent à cheual auec vn Cor, de la figure de ceux que les Peintres donnent aux Tritons, & selon le lieu & la facon dont ils iouent, on reconnoit qui sont les Soldats & les Chefs qui doiuent partir, & le nombre de ceux qu'on appelle. Si bien que vous les voyez tous assemblez en fort peu de temps, suiure le Drapeau qui est atraché au dos d'vn Caualier, qui marche en teste, sans que personne scache où l'on va, ny pourquoy, excepté le General, & celuy qui porte la Cornette; car on ne dit aux soldats, ce qu'il faut faire, que lors qu'il est question de combattre. Cette coustume que les Tartares obseruent : de tenir les desseins de guerre fort eachez, a toûjours grandement estonné les Chinois, & a tenu l'esprit des Generaux en suspens. Car ils remarquoient que lors que leurs ennemis faisoient mine d'aller d'vn costé, ils se rendoient tout d'vn coup en vn autre. Il y a encore vne chose admirable dans la Milice des Tartares, c'est qu'ils ne traînent point apres leur armée cét embarras d'attirail & de bagage, qui incommode plus qu'il ne sert, & qu'ils ne se mettent point en peine des viures, se contentans de la premiere viande qu'ils trouuent; sans se soucier beaucoup, si c'est de la chair cuitte ou demy-cruë, & celle de leurs cheuaux & de leurs chameaux leur estant bonne, lors qu'ils n'en ont point d'autre. Quand ils ont le loisir, ils ne laissent pas d'aller quelquesois à la chasse, se disposans en rond autour d'vne grande montagne, ou d'vne plaine, & puis s'approchans du centre peu à peu, ils poussent les bestes au milieu, & les enueloppent de tous costez : si bien qu'ils ont à choisir. Ils nourrissent pour la mesme raison des chiens de chasse & des oiseaux, qu'ils sçauent dresser en persection. Ils couchent à platte terre; excepté qu'ils la couurent de la housse de leurs cheuaux, & dressent leurs tentes, & les abbattent auec tant de vistesse, que le temps qu'ils y employent, ne retarde point la marche des troupes. La beauté de leurs Pauillons qui sont tresmagnifiques, est cause qu'ils ne se logent point dans les maisons; & lors qu'ils sont obligez de lefaire, ils en abbattent toutes les murailles, ne laissans que le toi & les colonnes qui le soûtiennent. C'est ainsi qu'ils s'endurcissent aux trauaux, & à la fatigue.

A mauang prit donc les meilleures troupes qui estoient sous ces Enseignes, & tira des trois armées, qu'on auoit destinées pour enuoyer vers le Midy, les gens d'élite, commandant au trois Princes qui conduisoient ces armées, de prendre dans les garnisons qui se trouuent sur leur marche, les Compagnies qui leur seroient necessaires pour remplir les places des soldats qu'il leur ostoit. Apres tous ces preparatifs, Amauang ne voulut iamais risquer l'Empire de son Neveu dans vn combat. Kian auoit beau luy presenter la bataille, il n'accepta iamais cét offre, auant que d'auoir reçeu la réponse du Roy des Tartares qui sont à l'Occident. Car il auoit enuoyé à ce Prince vn Ambassadeur, auec de magnisques presens, asin qu'il luy demandât sa fille en mariage pour l'Empereur de la Chine, & qu'il le priât de ne point assitter Kian dans la guerre qu'il auoit commencée. L'or, l'argent, les semmes, & les precieuses étosses de soye, desquelles Amauang

sit regaler ce Monarque, gaignerent tellement son esprit, qu'il accorda tout ce que l'on demandoit : si bien que Kian se voyant abandonné de ceux dont il esperoit d'estre fortement appuyé, afin de se mettre en plus grande seureté, s'alla enfermer dans sa Forteresse de Taïtun. Amauang le suit, inuestit la place, & ayant assemblé tous les paisans de la campagne, fait commencer vne tranchée, que les trauailleurs acheuerent en trois jours; quoy qu'elle fût de dix lieuës de tour, & accompagnée de forts construits d'espace en espace, pour rendre cette elosture plus difficile à forcer. Kian reconnut pour lors la faute qu'il auoit fait de s'enfermer, se voyant dans la necessité de mourir de faim ; puis que sa place estoit fermée de toutes parts. Donc fremissant de rage, de se voir reduit à vne extremité si funeste, comme il estoit grand Capitaine, il assemble ses gens, & seur ayant dit, que puis qu'il falloit perir, il valloit mieux mourir glorieusement l'épée à la main, en combattant, que non pas de mourir de langueur, apres auoir souffert les rigueurs d'vne faim cruelle, il sortit auec toutes ses troupes pour aller forcer les retranchemens de l'Ennemy. La messée fut rude, & la victoire demeura en balance, iusqu'à ce que Kian, qui se portoit tres-vaillamment dans le combat, ayant esté percé d'un jauelot, tomba mort sur la place, & auec luy toute l'esperance de la Chine. Les Soldats ayans perdu leur General, mirent bas les armes. Quelques-vns se sauuerent à la fuite, les autres se rendirent au Vainqueur, qui les receut auec beaucoup d'humanité, estant rauy de ce qu'il auoit retiré l'Empire d'vn danger si visible, & subiugué vn ennemy si redoutable. Apres cela, les villes de Pukeu & de Taïtun furent exposées au pillage; en suire le feu ayant esté mis à la premiere, l'Eglise de nos Peres y fut brussée. Quelques années auparauant lors que Licongz rauageoit cette Prouince, vn Iesuite sut tué dans cette mesme place. Les Tartares ayans reduit bien aisément les autres villes sous leur puissance, retournerent à Pequim, chargez de dépouilles & triomphans. l'estois pour lors dans cette Cour, & ie vis entrer dans la ville les Chefs les plus considerables, & ceux qui amenoient le butin le plus riche. Amauang est allé depuis dans la Tartarie Occidentale, où il a conclule mariage de son Neveu; & KKK

d'où il a fait conduire grand nombre de cheuaux, dont les Tar-

tares de Tanyu luy ont fait present.

Cependant les trois Seigneurs, à qui l'Empereur auoit donnéla qualité de Roy, estoient en chemin pour aller ou conquester ou pacifier leurs Estats. Ils s'estoient embarquez sur le fleuve Guej, & trauersoient la Prouince de Xantun. Comme ils passoient dans la contrée où l'Empereur auoit fait mourir tous les Chinois à cause de leur rebellion, & où il auoit enuoyé vne Colonie de Tartares pour la peupler, ceux de cette Colonie qui aimoient mieux manier vne épée ou vn jauelot, que les instrumens du labourage, prierent ces Princes de leur permettre de les accompagner: De ces trois Seigneurs, il n'v eur que Kengu qui leur accorda ce qu'ils demandoient, les autres n'osans pas les receuoir dans leurs troupes, sans en auoir donné auis à la Cour: L'Empereur ayant sceu ce que Kengu auoit fait, luy enuoya vn ordre de faire retourner ces peuples dans leur Pais: mais luy prenant tantost vn pretexte, tantost vn autre, n'executa point ce commandement. Cette des obeissance obligea l'Empereur à dépecher vn Courrier au Vice-Roy de toutes les Prouinces du Midy, lequel demeure à la Cour de Nanquim pour luy commander de prendre Kengu mort ou vif. Ce Vice-Roy gardant le secret, disposa adroitement toutes choses pour executer les ordres qu'on luy auoit apportez. Il fit grand accuëil à ces trois Seigneurs, lors qu'ils entrerent dans Nanquim. Ce ne fut que Festins & Comedies à la Cour, afin de les réjoiir, & tous les jours on faisoit de nouvelles parties de diuertissement. Le jour qu'ils devoient s'embarquer sur le fleuue Kian, afin de continuer leur voyage, le Gouuerneur pour leur dire le dernier adieu, les voulut traiter dans vn vaisseau, qui égaloit la pompe & la magnificence des plus beaux Palais: tant il estoit vaste, & paré des plus riches dorures du monde. Cependant qu'on est à table, les troupes de ces Seigneurs, montent sur les batteaux, & s'auancent toûjours dans le chemin Alors le Vice-Roy se tournant vers le criminel, luy monstre sa commission: Kengu sait semblant de vouloir obeir, & dir qu'il est prest de suiure, pourueu qu'il luy permette d'entrer, pour

pour vn moment, dans le vaisseau qui l'attendoit, afin d'y disposer de quelque chose. Le Vice-Roy s'y estant accordé, Kengu entre dans son vaisseau & s'estrangle, se donnant luy-mesme la mort qu'il ne pouuoit éuiter. Le Gouuerneur, selon les ordres qu'il auoit de l'Empereur, donna au fils de ce malheureux Prince le mesme pouuoir qu'auoit eu son Pere: & ainsi ces trois Seigneurs ayar s trauersé les Prouinces de Nanquim, & de Kiansi, se rendirent dans celle de Kanton, pour y faire la guerre à lunglié. D'abord, les peuples estans épouuatez par le bruit de trois armées, plusieurs places se rendiret de leur plein grésmais la Capitale sit resistance.

Quan-cheu est vne ville tres-grande, & tres-riche, entourée d'eau de toutes parts, excepté du costé du Septentrion, où il y a vne porte qui ioint la terre ferme; si bien qu'on ne sçauroit en approcher que sur des vaisseaux, si on ne passe par cét endroit. Le fils du fameux Pyrate, se vengeant des Tartares qui auoient pris son pere en trahison, se tenoit à l'ancre prés de la ville, auec vne puissante armée naualesla garnison estoit nombreuse, & composée en partie de soldats, qui estoient sortis de Macao, pour seruir lunglié, à cause qu'ils estoient mieux payez de cét Empereur: De sorte qu'il ne faut pas s'estonner si la place resista vn an, les assiegez estans maîtres de la mer; & mal-menans les Tartares qui y firent de grandes pertes; iusques-là, qu'ils furent repoussez dans trois assauts qu'ils donnerent à la ville. Mais enfin le 24 de Nouembre de l'an 1650.les Tartares dresserent une surieuse batterie de gros canons, & ayans sait bréche à la muraille, se rendirent maîtres de la Place, assistez d'vn Officier Chinois qui trahit la ville; ce qu'on a crû de luy, à cause que les Victorieux l'ont laissé dans l'exercice de sa charge. Le lendemain, ils commencerent à la mettre au pillage, lequel ils continuerent iusqu'au 5. de Decembre, auec vn masfacre horrible, dans lequel on ne fit aucune distinction d'âge ny de sexe. Car on n'entendoit retentir dans les ruës que cette voix impiroyable: Main basse, main basse sur ces rebelles; & l'on ne donna la vie qu'aux plus habiles ouuriers, afin d'entretenir les arts, & à ceux qui paroissoient les plus robustes & les plus capables de seruir aux victorieux pour porter les dépouilles Enfin, KKk plus

plus de cent mille personnes ayans esté massacrées durant le saccagement, le sixiesme de Decembre le General des troupes sit publier vn Edit, par lequel il commandoit, que l'on cessast de piller. Ce sut alors que toutes les Villes des enuirons luy ayans enuoyé des Deputez pour implorer sa misericorde, il leur accorda le pardon qu'elles demandoient: estant gaigné par les presens dont elles auoient accompagné leurs prieres. En suite, il marcha droit à Chaoking, où lunglié tenoit sa Cour, lequel s'ensuit, & abandonna son Palais aux Tartares, parce qu'il n'estoit pas assez fort pour resister. Ie ne doute point que ce Prince ne soit entré dans la Prouince de Quansi: mais ie n'ay pû sçauoir assurément l'endroit où il s'est arresté; parce qu'au mesme temps que ces choses se passoient, ie sortis de la Prouince de Fokien, dans vn vaisseau Chinois qui alloit aux Philippines, d'où ie deuois me mettre en chemin pour venir en Europe, selon l'ordre de mes

Superieurs.

l'oubliois de dire que le P. Aluarez Semedo, qui auoit la conduite des Fideles de cette Capitale, fut pris dans nostre Eglise, que les Chrestiens ont bastie auec vne magnificence Royale. Quelques soldats l'ayans enchaisné, le menacerent plusieurs fois de le tuer, s'il ne leur donnoit de l'argent: mais enfin, apres auoit beaucoup souffert de ces Barbares, le General l'ayant heureusement reconnu, luy donna la vie & la liberté, & mesme luy sit present d'vn Breuiaire Romain, d'vne Bible, d'vne somme confiderable d'argent, qu'il luy donna par aumosne, & d'vne maison pour bastir vne Eglise. Ce qui ne doit pas estonner les lecteurs, parce que ce Prince avoir connu les Iesuites dans les autres Prouinces de la Chine, & qu'il estoit assez instruit des maximes de la faincte Foy, dont il auoit entendu parler, lors qu'il feruoit dans les armées Chinoises, sous le Vice Roy Ignace, apres la mort duquel il prit party dans les troupes ennemies. Il y a grand nombre d'autres Seigneurs Tartares, qui ont beaucoup d'amour & de respect pour les Predicateurs de l'Euangile, & mesmes qui ont embrassé la Fov Chrestienne. Si nous pouuons entrer dans la Tartarie, comme nous en auons le dessein, nous esperons qu'auec la grace de Dieu, on y fera encore plus de fruit; & peut-estre que le Ciel

Ciel n'a donné aux Tartares l'entrée dans la Chine, qu'afin que nous puissions aller publier l'Euangile aux habitans des Regions de la Tartarie, qui auoient esté iusqu'à maintenant inconnuës à toute l'Europe. En mesme temps on alloit porter la guerre dans le Royaume de Corée. Les peuples de ce Païs s'estoiét engagez depuis quelques années à payer vn tribut à l'Empereur, à condition mode qu'ils ne seroient point obligez de se raser, ny de s'habiller à lades Tartares: mais ceux cy les ayans voulu contraindre à suiure en cela leurs coûtumes, tout le Royaume s'est reuolté: mais

ie ne sçay ce qui est arriué dans cette guerre.

Au reste Amauang mourut au commancement de l'année 1651. apres auoir remporté tant de victoires, qui ont esté aussi auantageuses à la domination des Tartares; que sa mort leur sera funeste. Car c'estoit vn homme admirable, dont le Gouuernement estoit si iuste, que les Tartares & les Chinois l'aimoient également: & l'on ne peut nier que sa perte n'ait extremement affoibly la puissance de ces Conquerans. En effet, aussi-tost qu'il eut rendu le dernier soûpir, il y eut brouillerie à la Cour, l'autre Roy Tartare, qui estoit le frere de celuy-cy, voulant auoir la Regence, contre l'inclination des Chinois & des Tartares, qui disoient que Xunchiestoit capable de gouverner luy mesme son Royaume. Au contraire, cet Oncle de l'Empereur, pour iustifier ses pretentios, remostroit que son Neveu qui n'auoit encore que seize ans, seroit accablé du poids de l'Empire, si on luy en mettoit les affaires sur les bras. Mais toutes les personnes considerables, qui estoient alors à la Cour, s'opposans aux desirs ambitieux de ce Prince, allerent au Palais pour s'y dépouiller des marques de leurs Charges & de leurs emplois : & protesterent qu'ils ne les reprendroient que de la seule main du ieune Empereur, Cette resolution obligea le Prince, qui aspiroit à la Regence, de renoncer à ses presentions; craignant d'aigrir les esprits, & de mettre toutes les affaires en confusion; s'ils s'opiniastroit dauantage. Cependant, il est temps de m'acquitter de la promesse que i ay fait de raconter les euenemens du second voleur, afin d'apprendre par mesme moyen de quelle sorte les Tartares ont occupé les Prouinces de la Chine, qui sont au Couchant apres KKk

que nous auons veu comment ils ont conquesté les Païs, qui sont à l'Orient, & ceux qui sont comme ensermez au milieu de

cet Empire.

Mais quelque engagement que l'aye contracté en donnant ma parole, ie ne puis presque m'empescher de passer sous silence l'inhumanité brutale du monstre que ie va depeindre ; tant à cause que ses actions sont si execrables, qu'on ne les croira pas facilement, que parce qu'elles me font horreur: toutefois, puisque ie l'ay promis, ie sururay les memoires écrits de la main de deux Iesuites, qui ont esté les spectateurs des épouuentables cruautez, que ce Tyran a exercées dans la Prouince de Suchuen, où ils estoient alors occupez à instruire les Fidelles. Ie feray donc vn abregé de la narration de ces Peres, laquelle n'est autre chose qu'yn tissu des plus horribles actions que les hommes se puissent imaginer. Kanghienkun, c'est ainsi que s'appelle ce voleur, est entré dans plusieurs Prouinces qu'il a desolées par vne infinité de meurtres, de rauages & d'incendies le croy que son dessein estoit d'exterminer tout le monde, afin de n'auoir point d'ennemis à craindre, ny de sujets à tenir dans le deuoir; car il n'épargnoit que ses soldats; encore ne laissoit-il pas d'en massacrer quelques-vns, Mais c'est particulierement la Prouince de Suchuen, qui est vne des plus grandes & des plus peuplées de tout le Royaume, qui fut le Theatre de ses sanglantes Tragedies. Car ayant fait des courses dans les Prouinces d'Huquan, de Honan, de Nanquim, & de Kiansi, il entra enfin dans celle de Suchuen, assiegea Chingtu, qui est la capitale, & la prit par force. Afin d'assouuir sa rage, il sit mourir sept des plus considerables personnes de la ville, & vn Prince du Sang qui y faisoit son sejour ordinaire. Ils s'essayoit pour ainsi dire, en faisant ce massacre, & se disposoit à executer de plus grandes choses, dont la representation fera voir à l'Europe, que la Barbarie iointe à l'infidelité, produit des effets épouventables. Il faisoit massacrer sur le champ les personnes qui luy auoient fait la moindre iniure : quoy que l'iniure ne fut tres-souuent qu'imaginaire: & sa fureur estoit si enragée, que pour la faute d'vn scul, il faisoit exterminer toute vne famille, enueloppant les innocens dans le supplice des criminels. Vn iour

il enuoya vn courrier dans la Prouince voisine, qui est celle de Xensi. Celuy-cy, se voyant hors de la puissance du Tyran, ne voulut point retourner: mais ce Barbare, afin de se venger, ruina tout le Païs qui estoit aux enuirons de la place où ce courrier sai-soit sa demeure. Vn certain bourreau qu'il aymoit passionnément, à cause qu'il estoit inhumain & oruel comme luy, estant mort d'vne maladie, il sit appeller le Medecin qui l'auoit traité, & le sit mourir, auec cent autres personnes de la mesme prosession.

Il faisoit le complaisant auec ses soldats, s'abbaissant à iouer auec eux, & manger à leur table; il leur donnoit mesme quelquefois des presens de sa main, pour les recompenser des belles actions qu'ils auoient faites; & cela le rendoit aimable à ses troupes; mais pourtant il ne laissoit pas d'en faire tuer souvent en sa presence, pour les moindres fautes. Il deschargeoit principalement sa rage sur ceux qui estoient de Suchuen, ayant conceu vne haine horrible contre les peuples de cette Prouince, à cause qu'il pensoit qu'ils portoient auec impatience le ioug de sa domination. Enfin, les actions, qu'il faisoit en public, se terminoient presque toûjours par quelque suneste catastrophe. Qu'vn soldat ne fust pas bien vestu, ou n'eust pas la demarche siere & guerriere, il le faisoit massacrer sans attendre plus long temps. Vn iour il y en eût vn, qui tesmoigna à ses camarades, que le vestement de soye que ce Tyran luy auoit donné, ne luy plaisoit pas; cela luy fut rapporté par des espions, dont il auoit grand nombre, comme vn homme qui se défioit de tout, aussi-tost il fit tailler en pieces tout le Regiment où ce soldat estoit enroollé, quoy que ce fut vn corps de deux mille hommes. Dans la Capitale où il auoit pris le nom de Roy, & estably sa Cour; il y auoit plus de six cens Officiers de longue robe: il en fit mourir si grand nombre, pour des raisons de nulle consequence, qu'il n'en restoit pas vingt au bout de trois ans. Il sit escorcher tout vif le souuerain Magistrat, qui iugeoit des affaires de la Milice, à cause qu'il auoit permis à vn Mandarin Chinois de sortir de la ville pour aller en sa maison qui estoit à la Campagne.

Il auoit dans sa Cour cinq mille Eunuques à son seruice. Vn de ces mal - heureux, qui appartenoient apparauant aux Princes de la Famille Royale, lesquels ce Tyran auoit fait mourir, l'ayans appellé par son nom de Changhiencung, au lieu de l'appeller Roy,

il les fit tous égorger.

Auparauant qu'il commençast à desoler la Prouince de Suchuen, les Sacrificareurs des faux-Dieux y susciterent une rude persecution à nos Peres qui instruisoient les peuples; mais cette tempeste s'estant à la fin changée en vne douce bonace, les Predicateurs de l'Evangile exercerent leurs fonctions paissiblement, Le principal auteur de cette persecution, qui estoit vn des plus confiderables des Prestres des Idoles, ayant parle contre ce Tyran, fut pris, amené deuant luy, & massacré en sa presence. Les Peres qui parloient alors à ce monstre, ayans appris de Iesus-Christ qu'il faut rendre le bien pour le mal, eussent tasché de sauuer la vie à leur Persecuteur; mais ils connoissoient le naturel de cet homme impitoyable, qui au lieu d'estre touché des prieres, qu'on luy faisoit pour ceux qui l'auoient offencé, s'irritoit dauantage, & faisoit mourir l'intercesseur auec le coûpable. Ce n'est pas que ce monstre n'eust quelque bonté pour les lesuites, à cause qu'ils estoient estrangers; & n'en fist estat, à cause de leur science qu'il avoit connue dans la conversation; mais cela n'empeschoit pas que les Peres ne creussent aller à la mort, toutes les fois qu'il les appelloit à son Palais. Et en effet, il auoit resolu dans trois rencontres de les faire mourir; mais Dieu les conserua toûjours, pour la publication de la saince Foy, comme nous le verrons apres dans vn exemple assezillustre. Il entretenoit souuent les Peres de la grandeur de nostre Religion, & parloit de son excellence en termes si propres & en apparence auec des sentimens d'vne veneration si prosonde, qu'on eust assuré, à ne iuger que par ses discours, qu'il estoit vn Chrestien tres bien instruit des mysteres de la Foy. Et certes, il auoit de belles connoissances, qu'il tiroit des liures imprimez, où les maximes de la Religion Chrestienne sont expliquées en langue Chinoise: mais ces lumieres ne seruoient qu'à le rendre plus criminel, puis qu'il connoissoit la volonté de son Seigneur, & qu'il la mesprisoit. Vn iour il se vantoit en la presence des Peres, comme d'vne belle action, d'auoir fait mourir vingt mille Prestres d'Idoles, & leur disois.

disoit, que ces infortunez leur auoient voulu oster la vie, mais que Tien-Sun, c'est ainsi qu'on appelle en Chinois le Roy du Ciel, l'auoit enuoyé pour les exterminer. Il les assuroit aussi qu'apres qu'il se seroit rendu maistre de tout l'Empire, il seroit bastir vn temple superbe, destiné au culte du vray Dieu. Il est certain que les bastimens, qu'il a fait construire, sont parfaitement acheuez, & qu'il avoit de grandes idées: mais il a souillé ordinairement ces beaux ouurages du sang des ouuriers qu'il faisoit massacrer sans pitié, lors qu'il remarquoit le moindre defaut dans leur trauail. Entre la Prouince de Suchuen & celle de Xensi, il y a vne place qu'on nomme Hanchung, qui est la clef des deux Prouinces, à cause de sa situation auantageuse, & des fortifications que l'industrie des hommes auoit aioustées à l'assiete naturelle de cette ville qui est de la Prouince de Xensi. Voyant donc que, par la prise de cette place, il s'ouuriroit le chemin à la conqueste de toutes les autres, il y enuoya l'an 1645. vne armée de cent quatre-vingts mille hommes, qui estoient tous soldats de la Prouince de Suchuen: mais les assiegez sirent si bien leur deuoir, que le siege semblant trop long à cette armée, quarante mille hommes se separerent des autres, & se rendirent dans la ville; si bien que le reste sut obligé de retourner sans auoir rien executé. Le Tyran fremissant de rage de voir que les efforts de cette puissante armée auoient esté entierement inutiles, separa de ses troupes tous ceux qui estoient de retour, & les sit tailler en pieces, comme des Rebelles. Cette boucherie dura quatre iours entiers: pendant laquelle il en fit escorcher plusieurs de telle sorte, qu'il ne laissoit que la teste iointe à la peau du corps, laquelle il faisoit remplir de paille, & puis enuoyoit ces restes sanglans à diuerses villes de ce Gouvernement, dans lesquelles les Soldats auoient pris naissance, afin qu'vn spectacle si horrible remplist de terreur tous les esprits. Depuis ce tomps - là, il conceut vne haine si opiniastre contre ces peuples, que sa rage ne pût iamais estre assouvie par ancune vengeance. Cette sureur enragée du Tyran contraignoit plusieurs personnes de prendre les armes, pour se desfendre de ses outrages; mais comme ils n'estoient pas aguerris, & n'auoient point de Chefs pour les commander, ils estoient LLI ailément

aisément dissipez par les forces de ce voleur. Les plus sages abandonnerent les villes, & se retirerent dans les montagnes, où ils ont esté à couuert des malheurs qui ont enueloppé tous ceux qui

n'auoient pas cherché leur azile dans la solitude.

Apres cela, il fit auertir tous ceux qui estudioient, afin d'estre receus aux degrez, qu'ils se vinssent presenter à l'examen ordinaire, promettant de donner des charges d'importance à ceux qui seroient iugez les plus capables. La passion que les Chinois ont pour ces offices, les aueugla tellement, que ne reconnoissans pas l'artifice de ce Tyran, ils s'assemblerent au nombre d'enuiron dix-huit mille dans le College de la ville, où ce voleur les fit tous massacrer, disant qu'ils troubloient l'Estat par leurs sophismes, & donnoient aux peuples des pensées de reuolte. Lors qu'il auoit destiné à la mort quelques Gouverneurs, avant que de les faire executer, il prostituoit leurs femmes, & puis les faisoit mourir auec leurs maris, si bien que ces Dames pour euiter ce deshonneur, se tuoient elles - mesmes. Ces cruautez me sont horreur, & toutefois plus i'auance, plus i'en trouue de monstrueuses: & mesme de peur d'offenser la pudeur, ie suis obligé de passer sous silence beaucoup de ses meschantez. C'estoit peu à ce barbare, de faire massacrer sans pitié les enfans pendus à la mammelle, & ceux qui n'ont pas encore la connoissance du mal, quoy qu'ils soient yn peu plus auancez en âge: les filles que la foiblesse de leur sexe semble garentir de l'épée du victorieux; & les femmes enceintes, qui par la confideration du fruit qu'elles portent, deuroient estre inuiolables aux plus cruels. Il falloit, pour contenter son naturel de Tygre, quelque spectacle encore plus horrible. Estant donc obligé de se mettre en campagne, parce que les Tartares paroissoient dans la Prouince de Xensi; il crût que pour assurer sa puissance il falloit exterminer tous ceux qui restoient dans la Prouince de Suchuen, excepté les peuples qui tirent du costé de Banopheli, lesquels il espargna pour vn temps, asin que son armée qui denoit passer par cette contrée, y pût subsister : mais leur more n'estoit pas moins assurée: car son dessein estoit de les traiter comme les autres, apres le passage de ses troupes. Il sit donc prendre.

prendre d'abord dans la Capitale, six cens mille personnes de tout âge & de tout sexe, & les sit mettre aux fers par son armée. dont il auoit fait entrer vne partie dans la ville. En suite, il monta à cheual, & passa au trauers de cette multitude prodigieuse de miscrables, qui tascherent de le sléchir pat des cris les plus lamentables du monde, se iettans à genoux & le prians par sa qualité de Roy & de Seigneur, de pardonner à ses pauures suiets. Vn spectacle si triste commençant à l'attendiir, il s'arresta vn peu; mais aussi - tost apres sa cruauté l'emportant pardessus les sentimens d'humanité, dont la nature laisse toûjours quelque trace dans l'ame des plus barbares, il prononça tout haut l'arrest de leur mort, disant à ses bourreaux, qu'il vouloit absolument qu'on égorgeast tous ces Rebelles. En effect, le mesme iour, ayans esté conduits hors de la ville, on les massacra tous en la presence de ce Tyranimpitoyable. Nos Peres voulans sauuer leurs domestiques, quoy qu'ils sçeussent le danger auquel ils s'exposoient, luy allerent demander grace pour leurs seruiteurs, laquelle il leur accorda, au grand estonnement de tout le monde. Au mesme temps donc que l'on faisoit sortir ces pauures victimes par deux differentes portes de la ville, vn lesuite se tint à la premiere, & l'autre s'arresta à la seconde, afin de retirer des mains des executeurs, ceux dont ils auoient obtenu la vie. Mais la prouidence de Dieu les auoit amenez là, principalement pour le salut d'vne infinité d'enfans, que les bourreaux ne refusoient pasaux Peres, lors qu'ils les demandoient pour les baptiser: si bien que la cruauté de ce Tyran seruit au bon-heur de ces petits Anges, comme la rage d'Herode servir autrefois à la gloire & à la felicité des Innocens. Et nous pouvons remarquer en cette rencontre combien Dieu est admirable dans la predestination de ses Saints.

Le carnage fut si horrible, que le sang que respandirent les bourreaux, ensta la riviere de Kian qui passe au pied des murailles de la ville; & en suite l'on ietta les corps morts dans le courant du sleuue, afin qu'estans portez par l'impetuosité de l'eau iusqu'aux autres villes, elles reconnussent le traittement qu'elles deuoient attendre. La crainte que les peuples conceurent en voyant slotter

ces corps sur la riuiere, sut suiuie des mal-heurs qu'ils auoient apprehendés. Car ce Voleur, ayant partagé ses troupes en diuers, corps, les enuoya dans toutes les villes pour y faire la mesme execution: en telle sorte qu'il sit presque vne solitude d'vne des Pro-

uinces les plus peuplées de la Chine.

Dans toutes les villes de ce Royaume, il y a vn champ destiné aux exercices de la milice, ce sur dans celuy qui est auprés de Chingtu, qu'ayant assemblé toute son armée, il la harangua de cette sorte. Soldats, i espere qu'ayant donné la chasse aux Tartares, ie conquesteray par vostre courage l'Empire de tout l'Univers; mais i estime que pour l'execution de ce grand dessein il faut que nos troupes soient moins pesantes. le vous ay donné l'exemple de ce qu'il faut faire, ayant coulé à fond mes soixante nauires charge? d'argent, que ie retireray du fleuue Kian, lors que ie me seray rendu maistre de l'Empire, afin de vous distribuer ces tresors, que ie n'ay amasse que pour recompenser vos services. Il y a encore une chose dans nos troupes, qui nous donnera beaucoup d'embarras, ce sont les femmes qui suivent le camp. Monstrez en cette rencontre, que vous n'auez pas moins de prudence que de courage, considerans que lors que nous aurons conquesté la Chine, les plus belles personnes du monde seront en vostre puissance. Quoy que ie puisse en qualité de vostre General pretendre quelque auantage sur les autres, ie veux commencer le premier. Ayant dit cela, il fit venir trois cens ieunes filles parfaitement belles, que cét infame auoit choisi pour assourir sa brutalité, & n'en reservant que vingt, pour seruir aux trois Revnes, il commanda que les autres deux cent quatre vingts sussent égorgées en sa presence. Les soldats ayans, suiuy le commandement & l'exemple du General, massacrerent impitoyablement une infinité de femmes & de filles.

Enfin, lors que ce monstre vid qu'il n'y auoit presque plus personne sur qui il pust descharger sa rage, il se mit à faire abattre les arbres, de peur qu'on n'en cuëillist les fruits, & à renuerser les maisons & les villes, afin de contenter la surieuse passion qu'il auoit de faire du mal. Il auoit mis en assurance ses thresors, ensonçant dans le grand fleuue les vaisseaux qui en estoient chargez, & faisant mourir les matelots, lesquels il auoit employé à cela, cela, de peur qu'ils ne decouurissent son secret. Il semble qu'vne passion si ardante pour les richesses l'obligeoit à conseruer le superbe & magnissique Palais qu'il auoit basty luy-mesme dans la Capitale: toutesois il y mit le seu; & la slamme estant portée aux autres maisons de la ville, produisit vn suneste embrasement. Ensin, ayant purissé ses troupes; car c'est ainsi qu'il parloit, on se met en campagne, & dans la marche, l'armée tue tous ceux qui se rencontrent sur le chemin. Ceux d'entre les soldats qui s'a-uançoient vn peu trop deuant les autres, ou ceux qui ne pouvoient suiure à cause de la lassitude & de la maladie, receuoient le mesmetraitement par les ordres de ce monstre impitoyable, qui, pour excuser la cruauté qu'il exerçoit sur les malades, disoit que c'estoit vne action de pieté, de ne les laisser point languir dans vn Pays ruyné. le passe toutes les autres inhumanitez de ce mon-

stre, pour venir à la Catastrophe.

A peine auoit-il mis le pied dans la Prouince de Xensi, qu'vndes Oncles de l'Empereur marcha droit à luy, auec vn corps de cinq mille hommes, faisant suiure le reste des troupes qu'il commandoit. La coustume des Tartares estant de détacher du gros de leur Armée que ques Caualiers, pour aller apprendre des nouuelles; ce General en auoit enuoyé cinq, lesquels furent rencontrez par ceux ausquels Changhieneun auoir donné ordre de battre la campagne. Aussi-tost ils rebroussent chemin, & viennent auertir le Voleur, que les Coureurs de l'ennemy auoient pary: mais luy se prit à les railler, demandant si les Tartares auoient des aisses pour voler. Il auoit pour lors fait venir deuant luy quantité de personnes destinées à la mort, & entre les autres, deux lesuites, ausquels il vouloir oster la vie, parce qu'ils luy auoient demandépermission de retourner dans la Prouince de Suchuen, dont ils auoient entrepris d'instruire les peuples; mais la mort inopinée de ce Barbare déliura ces Peres du danger où ils estoient. Car les principaux Chefs de l'armée entrans dans sa Tente, lay viennent dire que c'estoit tout de bon que-l'ennemy paroissoit: & comme il estoit genereux, il sort sans casque & sans cuirasse, & ne prenant qu'vne lance, s'auance hors du camp, auec vne petite troupe de Caualiers, pour aller reconnoistre l'ennemy. Les

LLI 3 cin

cinq coureurs Tartares estans venu sondre sur suy: auec vne in croyable promptitude, le premier jauelot qui sut lancé, perça le cœur de ce Tyran, & par vn coup esgalement sauorable aux Chinois & aux Tartares, osta la vie à celuy qui sembloit ne la vousoir laisser à personne. Le General estant renuersé par terre, l'armée des Tartares suruenant, mit sans difficulté les ennemis en déroute, dont les vns se sautres surent à la suite: plusieurs se rendirent aux victorieux, & les autres surent taillez en pieces. En suite, les Tartares entrerent dans la Prouince de Suchuen, où ils surent receus par le peuple qui y restoit, non pas comme des ennemis, mais plustost comme des liberateurs. Ainsi cette Prouince qui est frontiere du Royaume de Tibet, & qui tire plus vers l'Occident, qu'aucun autre Pays de la Chine, sut reduitte sous la puissance des Tartares.

Leur General qui estoit, comme nous auons déja dit, vn des Oncles du Roy, ayant estably des Gouuerneurs dans les places, pour commander les Garnisons, & donné ordre à toutes les affaires de la Prouince, se preparoit à retourner à la Cour, lors que les deux Peres de nostre Compagnie, que le voleur auoit voulu faire mourir, ayans esté mis en liberté, demanderent aux victorieux permission de demeurer dans la Prouince de Suchuen: mais ils furent resusez, cét Oncle de l'Empereur voulant qu'ils vinssent à la Cour de son Neveu, où je les laissay l'an mil

six cens cinquante.

Au reste ce General, apres auoir remporté vne victoire de cette importance, ayant esté tres - mal receu de son Frere Amauang, trouua la mort, où il n'auoit suiet d'attendre que des triomphes. Car les grandes fatigues d'un voyage de plusieurs mois, ayans diminué ses troupes, on l'accusa du peu de soin qu'il auoit eu de son armée; ce qu'il ne pût souffrir sans faire éclatter sa colere, si bien que par dépit il ietta son bonnet par terre, qui est parmy les Tartares la marque d'une furieuse indignation. En suitte, il sut resolu qu'on l'ensermeroit dans Caociang, qui est la prison où les Empereurs Chinois faisoient mettre les Princes du Sang, lors qu'ils estoient tombez dans quelque faute. Ce Prince qui estoit vrayement genereux, & qui ne meritoit

pas d'experimenter la rigueur d'vn sort si funeste, ne voulant pas estre le premier des Tartares à souffrir cette ignominie, s'estrangla dans son Palais. Quelques vns ont dit qu'Amauang touché de jalousse, auoit poussé à bout son frere; mais il est plus probable qu'Amauang n'vsa de cette rigueur enuers luy, qu'à cause qu'il apprehendoit qu'ayant le naturel trop ardent, il ne troublast l'Empire.

Mais il est temps de sinir cette narration, dans laquelle i'ay rapporté ce que les Tartares ont fait iusqu'au commencement de l'an 1651. Car alors ie sortis de la Chine par ordre de mes Superieurs, asin de m'embarquer pour passer en Europe. Ie puis bien dire qu'il y a vne chose admirable dans cette Histoire, qui est que les Tartares ont conquesté en sept ans douze Prouinces de la Chine, le Pays de Leaotung, & le Royaume de Corée, qui ont vne estenduë si prodigieuse, qu'il semble qu'vne armée auroit-peine à les parcourir en si peu de temps. Pour ce qui regarde les euenemens, qui sont arriuez depuis que ie me suis embarqué, ie les feray sçauoir quand ie seray de retour à la Chine, ou lors que nos Peres, qui y sont encore, m'auront appris la fin ou la continuation de cette guerre.

La premiere edition de cette Histoire estant acheuée, ie m'en allay à Amsterdam, pour y imprimer l'Atlas de la Chine. C'est là que i'ay receu les nouvelles, dont i'augmente la seconde impression de ce Liure, Asin de tenir la parole que i'avois donnée dans la premiere, de faire part au public de ce i'apprendrois, touchant les euenemens qui auroient suivy ma sortie de cét Empire. Voicy donc les choses les plus considerables, que i'ay tirées des Lettres, que nos Peres m'ont écrites de diuers endroits de la

Chine.

Apres la mort d'Amauang, le ieune Nunchi dont il auoit esté tuteur, ayant pris le maniement des affaires aussi - tost qu'il eut esté Couronné, les desseins cachez & les secrettes pratiques qu'auoit formées cet Oncle de l'Empereur durant sa Regence, surent découuertes. Le Prince voulant establir son authorité, par vne iuste & seuere punition des crimes de son Oncle, sit abattre le Tombeau qu'on luy auoit dressé, dont la structure estoit tresbelle: Et apres qu'on en eut tiré son corps, commanda qu'on luy coupasse.

coupast la teste, & que l'on luy sist tous les outrages, que l'on fait ordinairement aux personnes les plus criminelles. La colere de l'Empereur n'éclata pas seulement contre son Oncle, mais de nsit encore sentir les estects aux Seigneurs, qui auoient eu le plus de part à sa considence. Entre ceux qui furent recherchez le Colao Fung, qui possède la premiere charge de l'Empire, est le plus considerable: mais son innocence ayant esté reconnuë, sa difgrace n'a seruy qu'à luy faire reprendre auec plus d'honneur le rang qu'il tenoit auant cét orage. Peut estre que Dieu, en protegeant l'innocence de ce Colao, a voulu recompenser l'inclination qu'il a pour ceux qui preschent l'Euangile; quoy qu'il n'ait pas encore embrassé la Religion Chrestienne.

Ce fut en ce mesmetemps que les nopces de l'Empereur Nunchi, & de la fille du Roy de la Tartarie Occidentale surent celebrées, auec vne pompe & vne magnificence égale à la condition des personnes qui se marioient. Les Tartares qui auoient conduit la Princesse, suivans le genie de leur nation, sirent paroistre vne infinité de soldats, d'armes, & de cheuaux qu'ils auoient amenez de leur pays en si grand nombre, que l'on ne pouvoit pas le compter. Pour moy i'ay veu arriuer en vne seule sois quatre-vingts mille cheuaux, que les Tartares de l'Occident venoient presen-

ter à ceux qui sont maistres de la Chine.

Cette puissance leur a facilité la conqueste des Prouinces, où Iunlié faisoit encore quelque resistance. Car ils se sont rendus maistres absolus de toute la Prouince de Kanton & de celle de Kansi: de sorte que le mal-heureux Roy de la Chine, lequel ils en ont chassé, n'ayant plus aucune retraitte dans ce grand Royaume, s'est arresté sur les frontieres de Tunquin. Le P. Kunha m'écrit de la Prouince de Fokien, que ce Roy ne se croyant pas en asseurance sur terre, est monté sur mer de peur de tomber entre les mains de ses ennemis.

Durant la conqueste de la Prouince de Kansi, le Colao Thomas Ciu sut pris par les Fartares, qui tascherent par toute sorte de moyens de luy saire prendre party dans leurs troupes: Mais ce Seigneur, qui estoit vrayement Chrestien; ayma mieux perdre la vie que la sidelité. Il eut donc la teste tranchée par l'ordre des victorieux.

vi ctorieux; qui n'ont pas laissé de l'honorer apres sa mort, en

luy faisant dresser vn superbe Mausolée.

Dans la Province de Suchuen, qui a esté si cruellement desolée par les rauages de Kanghiencun, & depuis reduitte sous l'obeyssance des Tartares, il y a maintenant de grands troubles. causez par ceux qui ont de la peineà souffrir la domination estrangere. Mais les remuëmens de Fokien ont esté encore bien plus conderables; Quefing fils du fameux Pirate Kinquilun ayant mis à terre vne puissante armée, laquelle a obligé les Tartares de se tenir à couuert dans les meilleures places de la Prouincessans oser se mettre en campagne, afin d'arrester les courses de leur ennemy. Le General Tartare qui a esté enuoyé de Pequim contre ces troupes, s'est seruy d'artifice, pour les defaire auecque plus de facilité. Il commanda donc à vne partie de ses gens, qui s'auancerent vers l'ennemy, de se mettre en fuitte apres auoir commencé le combat, afin de l'attirer dans le piege. Il auoit dressé son embuscade derriere vne montagne qui faisoit vne vallée capable de tenir grand nombre de caualerie. Les Chinois poursuiuans le Tartare qui fuvoit, ne manquerent pas de donner dans le piege, & le desir de vaincre les ayant emportés vn peu trop loin du fleuue Chang, où étoit toute leur flotte preste à les secourir au besoin, ils se virent tout à coup inuestis de la Caualerie ennemie, qui leur ayant coupé le chemin par où ils pouvoient retourner à leurs vaisseau les destr & les tailla tous en piece. Le carnage fut grand & il y demeura ou morts ou prisonniers quatre vingt mille hommes. Il n'est pas croyable combien cette perte toucha sensiblement Quesing, qui sur obligé de voir de son bord toute cette fanglante defaite des siens, sans leur pouvoir porter aucun secours. On dit pourtant, qu'il ne perdit pas tout à fait cœur; mais que s'étant plaint tout haut de la fortune infidelle & marastre, qui l'auoit toûjours traitté trop cruellement, il protesta de n'en demeurer pas là ; de tenter encore vne fois le combat: apres quoy s'il venoit à estre vaincu; il se feroit raser à la mode des Tartares.

Voilà ce qu'on a sceu de plus remarquable de cette guerre des Tartares contre la Chine pour ce qui est de la Religion, les dermieres lettres de ce pays apprennent, que l'exercice en étoit ex-

MMm

trémement

458 Guerres des Tartares, contre la Chine.

trémement libre, que les Peres étoient mieux venus que iamais aupres du Tartare, qui n'auoit pas seulement conserué les anciennes Eglises des Chrestiens & donné pouvoir d'en bastir des nouvelles; mais qui avoit mesme contribué liberalement à les faire bastir. Tant il est vray que la douce & sage providence de Dieu tire souvent le bien des plus grand maux.

FIN.

EXTRAICT DV PRIVILEGE.

AR Lettres patentes du Roy, données à Paris le dernier Mars, mil six cens soixante-six. Et Signé, BEGVIN, il est permis à Sebastien Mabre-Cramoisy Imprimeur de Sa Majesté, d'imprimer durant dix années, de telle maniere qu'il

voudra, l'Histoire uninerselle de la Chine, par le P. ALVAREZ SEMEDO, auec augmentation. Et defenses sont faites à toutes personnes d'imprimer cette Histoire, sous les peines portées par lesdites Lettres.

Régistré sur le Liure de la Communauté des Imprimeurs er Libraires de Paris, le 6. Avril mil six cens soixante-six.

Signé, S. PIGET, Syndic.

Et ledit Mabre-Cramoisy Marchand Libraire de Paris, a cedé le Priuilege cy-dessus, à Hierosme Prost Marchand Libraire de Lyon, suiuant l'accord fait entr'eux.

Achewé d'imprimer pour la premiere fois le 20. May 1667.

 Papillina 18 2

05-7954 Jun 17/2595

Ex Bibliotheca Defideri Rebillier

